

*Acta eruditorum Lipsiensia,
anno 1682 à 1776*

Hi 95C5

UNIVERSITEITSGEBIETHET GENT



d.

ACTA ERUDITORUM

ANNO M DC LXXXII

publicata,

ac

SERENISSIMO FRATRUM PARI,

DN. JOHANNI

GEORGIO IV,

Electoꝛatus Saxonici Hæredi;

&

DN. FRIDERICO

AUGUSTO,

Ducibus Saxoniae &c. &c. &c.

PRINCIPIBUS JUVENTUTIS

dicata.

*Cum S. Caesarea Majestatis & Potentissimi Ele-
ctoris Saxoniae Privilegiis.*

LIPSIAE,

Prostant apud J. GROSSIUM & J. F. GLEDITSCHIUM.

Typis CHRISTOPHORI GUNTHERI.

Anno M DC LXXXII.



*POTENTISTIMI AC SERENISSIMI
PRINCIPIS AC DOMINI*

**DN. JOHANNIS
GEORGII III,**

Ducis Saxoniae, Juliae, Cliviae & Montium, S. R. Imperii Archi Marschalli & Electoris, Landgravii Thuringiae, Marchionis Misniae, Superioris item ac inferioris Lusatiae, Burggravii Magdeburgici, Comitum Principalis Hennebergici, Comitum Marcae, Ravensbergi & Barbiae, Dynastae in Ravensstein &c.

DOMINI NOSTRI CLEMENTISSIMI

Pignoribus sacratissimis,

*SERENISSIMIS PRINCIPIBUS
AC DOMINIS*

**DN. JOHANNI
GEORGIO IV,**


Electoꝛatus Saxonici Hæredi,

&

**DN. FRIDERICO
AUGUSTO,**

*Ducibus Saxoniae, Juliae, Cliviae &
Montium, Landgraviis Thuringiae, Marchionibus
Misniae, Superioris item ac inferioris Lusatiæ, Comitibus
Principalibus Hennebergicis, Comitibus Marcæ,
Ravensbergii & Barbiæ, Dynastis in
Ravenstein &c.*

DOMINIS NOSTRIS CLEMENTISSIMIS.

ua per mensium hæcenus intervalla,
eoque non nisi particulatim oblata, gra-
tiosissime excepistis, DOMINI CLE-
MENTISSIMI, Eruditorum Acta, ea
uno nunc, post absolutum primum annum, volumine
comprehensa, Serenissimo Vestro conspectui animo ob-
sequentissimo sistimus. Sanctissimis enim Vestris,
Literata Juventutis PRINCIPES, Nominibus sacra
hæc esse Acta volumus, quod concinnandis iis non a-
lio instituto, quam Vobis ut serviremus pro virili, ma-
num admovimus. Etenim sic reputabamus animo,
cum literarum studiis incumbendum strenue, nec alia
re ulla magis, quam disciplina hanc atatem vestram
excolendam esse statuatis, non ingratum esse nos aut
inutile quid prestituros Vobis, si quæ toto hodie orbe
ornandis literis perficiendisque pulcherrimarum re-
rum scientiis geruntur, in tabella velut Celsissimis o-
culis vestris sisteremus, & quam late quod Eruditione
vocamus pateat, quamque varium sit vel unius alte-
riusve anni, qui tot præclara diversissimorum monu-
menta ingeniorum atque studiorum nobis peperit,
specimine ostenderemus. Itaque licebit Vobis jam,
FRATRES SERENISSIMI, velut Literati Orbis
Academiam ingredi, omniumque Facultatum viros,
Theologos, Jctos, Medicos, Physicos, Mathematicos,
Criticos, Historicos, Politicos, nec otiosos eos, sed di-
versis quidem, honestissimæ tamen omnes studiis oc-

cupatos contueri, simulque attendere animo, quam ex tanta literarum optimarum copia, genio vestro arrideant maxime, quibusque excolendis deinceps impendatis operam. Nam licet in omni illo humanioris doctrina genere nihil sit, cujus pudere Principem debeat, aut quod illo fastigio atque culmine, in quod Celsitudo generis Vos collocavit, parum videri dignum queat: Vobis insuper, **PRINCIPES SERENISSIMI**, ingenium obtigerit Divinum plane, quodq, complecti ambitum illum omnem politioris doctrina valeat: persuasum tamen habemus, non requiri a Vobis, ut totum hoc literarum aquor, quod vastum sat is vel hac Acta produnt, peraretis, sed seligenda ex tanto rerum esse cumulo, qua aut usum Vobis in gubernanda aliquando Republica certum solidumque prabeant, aut in qua naturali quadam propensione feramini, & nunc pastura suavissime ingenii vim, & olim inter gravissimas imperandi curas, oblectationi Vobis atque recreationi futura. Istum modo, **SERENISSIMI PRINCIPES**, servate Musis animum, quo complexi earundem Sacra ab ineunte aetate estis, & quam incredibili illo vestro in literas amore, jamdudum omnibus ingenuarum artium studia profesfis spem ostendistis, illustri admodum nec laudando in omnem posteritatem satis exemplo tuemini. Nam tantum abest, ut non constare amplius honorem suum literis queramur, aut non consistiturum

fiturum aliquando metuamus, ut jam seculum in
his saltem regionibus cogitatione precipiamus Eru-
ditum, quo profligata, qua subinde movere lacertos
suos ac spiritum recipere videtur, barbarie caput
extollent bonæ artes, ac literarum studia ad invi-
diam usque efflorescent. Enimvero quid non ma-
gnificum polliceamur Musis, qua tantis sumptibus,
tamque provida cura **POTENTISSIMI PAREN-**
TIS VESTRI, non minus quam in imis telluris re-
cessibus aurum, gemma & pretiosa quaque beni-
gno influxu Solis, animantur, eriguntur, nutriun-
tur: quas principes in Aula, seu toga seu sago, Viri
toto complectuntur animo: quas, quod erat prati-
cium, Vos, **SERENISSIMI FRATRES**, honestissi-
ma emulatione, ac studio prorsus inusitato, heroica-
que indole vestra dignissimo, sub moderamine Ge-
nerosissimi ac incomparabilis Knochii vestri colit-
is. Utique, si recte facere cives suos Princeps op-
timus faciendo docet, ut de Augusto Vellejus lo-
quitur: sique est (quod Lipsio facile largimur) im-
possibile, ut Sui dissimilem formet Princeps Rempu-
blicam, dubitandum non est, quin illustre hoc exem-
plum vestrum Generosa Juventutis florem univer-
sum ad excolenda diligentius literarum studia, e-
gregie excitaturum sit; modo secum ille reputet, ad
gratiam tantorum Principum adspirare posse nemi-
nem, aut locum aliquando in Aula Eorundem, in
Senatu,

*Senatu, in Exercitu habiturum, nisi qui virtutem a-
mulatus vestram, literarum ante studiis ingenium
probe expolierit: quamque alienum a decoro sit fu-
turum, si exquisita eruditionis Principes circumstent
ministri literarum omnium expertes, & ad miscenda
erudita colloquia, quibus hoc jam tempore nihil Vir-
tuti Vestrae accidit jucundius, & quorum vicissitu-
dine graviores olim curas solabimini, apti cum ine-
ptissimis. Nec est, cur quisquam metuat, ne ab ar-
morum studio avocentur Equestris ordinis ingenia
studiis operata strenue, animique blandissimarum
literarum consuetudine mollescant aut imbelles red-
dantur: ex quo non apud externos tantum, Gallos
cum primis, supremos cordatissimosque belli duces ar-
te non minus quam Marte excellere, sed a POTEN-
TISSIMO quoque GENITORE VESTRO, DOMI-
NO NOSTRO CLEMENTISSIMO, exercitus flo-
rentissimi curam Viris solide doctis ac literatorum
amantibus commissam vidimus. Deus vos servet,
Principes Serenissimi, & studiis ita vestris actioni-
busque cunctis moderetur, ut Amor ac Delicia gene-
ris humani aeternum audire mereamini. Dab. Li-
psia Calendis Decembr. Anno M DC LXXXII,*

VESTRARUM SERENITATUM

Subjectissimi

Actorum Collectores.

Lectori Benevolo Salutem!

Quemadmodum Seculo nostro eam jure optimo gratulamur felicitatem, quod Artes omnes Scientiæque, & literarum quarumcunque Studia, summum ad fastigium enituntur, illudque indies propius attingunt: ita magno omnium, quotquot literis operantur commodo, ipsa Rei Literariæ Historia, diversarum Gentium studio, non ita pridem tradi sic coepit, ut multo faciliori nunc, quam olim, negotio, quid in quovis fere Europæ angulo Eruditorum ingenia moliantur atque præstent, cognosci cuique possit. Septendecim nempe jam anni sunt, ex quo Angli atque Galli, Gentes ut armorum olim, ita literarum nunc exercitatione æmulæ, Historiam Literariam, Illi quidem *Transactiõnum Philosophicarum*, Hi *Diarii Eruditorum* titulo, aggressi sunt componere: illudque institutum, præclarum sane atque fructuosum, curante apud illos *Hooekio*, apud Hos *Abbate Roquin*, Clarissimisque diligentissimisque Viris, in hunc usque diem strenue prosequuntur. Eo tamen discrimine, quod Angli experimenta in primis & observata Physico-Mathematica publici juris faciunt; e libris vero vix alios, quam qui ad rem spectant Physicam, Medicam, aut Mathematicam, recensent: Galli e diverso per omnium Artium & Scientiarum spatia feruntur, Universalem magis diffusamque Rei Literariæ Historiam adornantes. Gallorum exemplum secuti inde ab anno 1668 sunt & Itali, studio atque constantia non minori. Nam tametsi in urbe Veneta; huic rei manum qui admovent, telam coeptam, incertum quæ causa, abruperunt dudum; Romæ tamen Ephemerides Eruditorum (*Giornali de Letterati*) celeberrimi *Abbatis Nazari* studio continuantur indefesso. Ast in Germania simile quid tentatum hæcenus fuisse, non meminimus, Nam illustris *Societas Naturæ Curiosæ*

rioforum institutum, ut laudandum omnino est, Gentique
 nostræ haud exiguum decus etiam apud externos conciliat;
 ita ut plurimum intra Naturalis Scientiæ atque Medicæ Ar-
 tis pomœria se continet. Itaq; cum in lucem nondum pro-
 dierit, qui universalius aliquod Systema, Gallorum atque
 Italorum ad morem, polliceretur; licuit, opinor, nobis,
 citra cujusquam invidiam, vacuum veluti locum occupare.
 Qua etiam libertate freti decrevimus, Supremo favente
 Numine, in concinnandis edendisque Literatorum Actis,
 Exterorum industriam utcunq; in posterum sic imitari, ut
 certa Actorum pars singulis in anno mensium Calendis lu-
 cem publicam adspiciat. Quemadmodum vero laudata-
 rum Nationum unaquæque lingua vernacula, suas secuta
 rationes, in hoc scribendi genere utitur: ita nos, ut Latinum
 nunc sermonem nostro præferamus, prægnatibus utique
 causis adducimur. De quibus tamen, ut & tota reliqua insti-
 tuti nostri ratione, consulto plura nolumus nunc præfari.
 Nam ex ipsis Actis cognosci eam malumus: ac interea A-
 pellem imitati, subijcimus nos lubenti animo Lectoris
 cordati candidique judicio, modum ac rationem scilicet
 continuandi, aut pro re nata emendandi operis, vel inde
 collecturi; nonnullis fortasse etiam regesturi illud, *Ne fu-*
tor uler a crepidam. Nisi forte monendum adhuc verbo est,
 nullius hominis scripta carbone nos esse notaturos: ast nec
 vitio verti Nobis debere, seu styli inæqualitatem, quæ vel
 ex ipsa materiæ, ac ingeniorum Actis hisce manum admo-
 ventium, varietate nata est, seu minus accuratum in dispo-
 nendis argumentis ordinem, in tali scilicet scriptione, qua-
 lis hæc nostra est, minime requirendum. Vale, Lector Be-
 nevole, ac quem hoc ipso die, Divini Numinis gratia, an-
 spicamur annum, cum plurimis sequentibus, ex voto ani-
 miq; sententia transige, conatibusque nostris fave. Dab.
 Lipsiæ ipsis Calendis Januariis Anni Salutis Reparata
 MDCLXXXII,

(1)

ACTA ERUDITORUM

publicata Lipsiæ,

Calendis Januarii, Anno MDCLXXXII.

MUSÆUM REGALIS SOCIETATIS.

*Or, a Catalogue & Description, of the Natural
and Artifici al Rarities, belonging to the Royal Society &c. by
Nehemias Grew Med. D. &c. vohereunto is subjoyned
the comparative Anatomy of Stomachs and Guts :
by the same Author &c.*

London 1681.

**Catalogus & Descriptio rariorum rerum Na-
turalium & Artificialium, quæ pertinent ad Societa-
tem Regalem: per *Nehemiam Grew*, Med. D. cui subjun-
gitur *Anatome Comparata Ventriculorum & In-
testinorum*; per eundem Autorem &c.**

Londini 1681. fol.

UTi felici hætenus progressu per plures annos studia sua, pro
Naturalis scientiæ ac Medicinæ, hinc & aliarum artium majore
complemento, continuavit Illustris Societas Regia Anglica-
na, ita interea temporis insignem supellectilem plurium re-
rum, tam naturalium quam artificialium collegit, & in Musæum suum
ceu Gazophylacium recondidit, primo hujus fundatore existente *Da-
miele Collivall*, Armigero. Ut vero recondita curiosa pluribus innotescerent,
exactam eorum descriptionem instituit *Nehemias Grew*,
Med. D. & dictæ Societatis olim, post defunctum Oldenburgium, Se-
cretarius. Præmisit vero Naturalia, quibus subjunxit Artificialia, ob-
servando in istis quidem trium naturæ regnorum ordinem. In de-
scriptione ipsa ita se gessit, ut incognita, vel alias non delineata, exacte
de-

A

describat, recensita jam ab aliis, suis ubique scriptoribus debita allegatione tribuat, vitiose ab aliis tradita studiose corrigat & emendet: subjungendo simul subjectorum magis curiosorum figuras convenienter aeri incisas. Nec historicae saltem enarrationi inhæsit, sed subinde succinctas etiam ac elegantes speculationes, ut & curiosas observationes inseruit, Lectori non minus jucundas quam utiles. Ex ingenti hoc Cornu Copiæ, saltem pauca quædam excerpere placuit.

Ex ANIMALI REGNO se offert *Mumia Egyptiaca* integra p. 2. in qua non tantum molliores partes conditura balsamica undique penetravit, sed etiam ipsa ossa ita infecit, ut penitus nigra reddita, adusta quasi videantur. Unde probabiliter colligit autor, quod Egyptii balsamanda corpora coxerint in Caldario, in certa quadam balsami liquidi specie, donec aqueæ partes corporis exhalaverint, oleosa vero & gummosa balsami substantia penitus se infinuaverit. Qua occasione simul parilem condiendi corpora rationem, per coctionem aut macerationem eorum in oleo v.g. juglandis nucis, pro usu speciatim anatomico proponit. *Integrum* porro *systema Arteriarum, Venarum & Nervorum*, artuum pariter ac viscerum, ex corpore humano, Patavii, sub anatome, extractum, & in Tabula exacte explicatum, p. 4. *Ignavus seu Pigritia*, p. 11. *Tamandua* major, p. 14. Cranium *Hippopotami* seu potius *Bupotami*, in Scriptura Sacra dicti Behemoth, ab aliorum erroneis descriptionibus vindicatum p. 14. *Echinus Brasiliensis* seu *Tatu* aut *Armadillo* p. 7, it. *Tatu* porcinus & *Tatu* Mustellinus, nullibi descripti, p. 18. & 19. *Siurus volans*, p. 20. idem apparenter animal, quod sub nomine felis volantis designat Scalliger. *Cutis integra Rhinocerotis junioris* p. 29. *Crocodilus*, in sacris dictus Leviathan, p. 41. ejusque *skeleton*, p. 42. exacte descriptum, ubi simul motus maxillæ superioris, tam hujus, quam aliorum quorumvis animalium, ceu fictitius redarguitur, p. 45. *Caput iungum*, seu *Rhinocerotis avis*, h. e. Corvi cornuti, p. 58. it. *Corvi Coronati*, p. 59. *Caput Toucan* seu *Pica Brasiliensis* p. 60. *Avicula Guanumbi*, p. 61. *Caput Cicoviae Indicae*, nullibi descriptæ, p. 64. *Pengu* seu *Anser Magellanicus* Clusii, p. 72. *Costa Tritonis*, p. 81. *Caput Xibia infernalis*, p. 87, nondum descriptæ. *Monoceros marinus minor*, nuspiam alias, sed hic accurate descriptus, p. 104. *Remora piscis*, ejusque descriptio clarior, cum consideratione traditionis, de potentia ejus sustendi motum narium

navium, p. 106. *Hirundo marina* Salviani p. 116. *Stella marina*, levior, arborefcens, coronalis, hætenus non defcripta p. 122. 123. Quibus accedunt *Conchyliorum 600 differentia*, eodem in Muſæo affervata, p. 124. quæ inter, *Cochlea dactylata*, nondum defcripta p. 135. it. *Cochlea turbine antico*, p. 136. it. *Spondylus* echinatus & corallinus, nondum defcripti. p. 145. quorum omnium differentias, in Tabulas ordinate difpofitas, pro varietatis faciliiori apprehenſione, ſedulus autor ſubjunxit. p. 150. Sequuntur hæc, alia inter, *Muſca ſeu potius Locuſta ſpecies*, *Cucujus Peruvianus*, capite noctu lucente, penitus differens ab eo, quem defcribit *Mouſetus*, adeoque ab alio haud delineatus. p. 158. it. ex ſcarabeorum genere, *Carabus Indiæ Orientalis* maximus, it. craſſus, it. longus, a nemine adhuc expoſiti. p. 165. 166.

Animale regnum excipit VEGETABILE: in quo inprimis ſe offert *Ramus arboris fatida* p. 180. ita dictæ, quod fortiffimum excrementorum humanorum foctorem ſpiret, etiamſi aliquot annos jam affervata ſit; aſt dum comburitur, nullum odorem ſpargit. Hinc fructus, quos India utraq; fert, plures; in ſpecie *fructus Palma Coccifera*, dicitur Coccoſ *Muſi*, exacte defcriptus, p. 197. cum explicatione multiplicis uſus arboris cocciferæ, ejusque partium. *Nuci dactylus* nullibi defcriptus, p. 204. *Nux Caca*, p. 204. cum ratione parandi ex granis ejus, ſeu potius nucleis; Chacavlatam: quodque ex amygdal. dulc. ſaccharo ac ſpeciebus aromaticis potus æque gratus, ac optima chacavvlata parari queat. *The Butter-Nut* ex nova Anglia, nuſpiam defcripta, p. 205. *Avellana purgatrix Mexicana*, exacte explicata, p. 206. una cum obſervatione virtutis ejus laxativæ, ſimpliciter in tenui membrana, interius, intra quaſi. nucleum, complicata reſidentis. p. 207. *Nux Metella*, & genuina *Nux Vomica*, communiter ex nominum tranſpoſitione confuſæ. p. 210. *Conus Cedri Magna* ex Libano. p. 212. *Maizum*, ſeu *frumentum Indicum*, p. 222. ubi autor ſimul varios præparandi iſtud modos, pro uſu tam alimentoſo quam medicamentoſo recenſet. *Papyrus ſeu potius Cyperus Nitotica*, p. 226. cujus medulla (cum aliorum vegetabilium vel cortex vel folia uſui ſcriptorio inſervierint) in paſtam contuſa, hinc in tenuia folia expanſa, & hæc denuo apte compoſita, papyrus ſcriptorium olim ſubminiſtravit. *Radix Niſſin*, Chinenſium quaſi panacea: p. 227. cujus planta penitus hætenus fuit incognita; pictura tamen ejus par

riter in Museo hoc asservatur, p. 376, & ab autore delineatur, quod caulem exhibeat, triticeæ graminis crassitie, pedis unius altitudinis, cum foliis similibus istis leuocii lutei seu cheiri: flores dum adhuc complicati, rubescant, aperti vero conspiciantur albi, trini semper juncti, ex 6 foliolis compositi, formati fere instar moly flor. orbiculato Bauhini, non tamen adeo magni. *Rad. Ari Egyptiaci*, p. 228. circa quam observat Autor, radicem ejus annuatim regenerari novam, pro plantæ perennitate, ex ipso ejus caule, id quod pariter in aliis plurimis plantis obtineat, minus licet a Botanographis observatum: modum regenerationis vide c. l. Sequuntur *frutices marini* plures, tam lignei, quam corneo lignei, p. 244. & sq. cum consideratione, quomodo nutriantur, ab ambiente fluido, per radices non ramosas, sed membranæ instar, super solidum quoddam corpus expansas, ob id molliusculas, & quasi spongiosas, præsertim recenter collectæ si fuerint.

Ad Regnum Minerale qua spectant, nec non Artificialia, Februarii: *appendicem vero Martii Calenda proxima, volente Deo, sistent.*

SACRUM ANTIOCHENUM CONCILIUM
*pro Arianorum Conciliabulo passim
 habitum, nunc vero primum ex omni Antiquitate autori-*
tati suæ restitutum,

opera ac studio

D. EMANUELIS a SCHELSTRATEN
 S. S. Th. D. Eccl. Antverpiensis Canonici
 & Cantoris.

*Opus, in quo nomina Episcoporum cum Actis Synodicis ex editis
 & Mss. Codicibus eruuntur, tota Synodi anno 341 in Orien-*
tis Metropoli habita historia contra recentiorum opinio-
nem illustratur, quin etiam occasione 25 Canonum ibidem
constitutorum exponuntur prisca Episcoporum jura cum
Metropolitanum Orbis notitia, antiqui Christianorum ritus
cum Orientalis Ecclesie disciplina præcipua demum fidei Ca-
tholica mysteria, & inter illa Confessio auricularis a Chri-
sto ad

sto ad hac usque tempora per Orientis universi, Egypti, Africa, Italia & Angliæ regiones posteritati tradita. Ad-
ditur pro coronide de schismatico Eusebianorum conven-
ticulo Antiochie post veram ibi Synodum celebrato Differ-
tatio bistorica. Antverpiæ A. 1681. in 4to.

Intentio Autoris generalis fuit, imitari in Antiquitate Ecclesiastica
perscrutanda Baronium, Antonium Augustinum, Perronium, Bellar-
minum aliosque, præfationis p. 1. & 2. quo studio ediderat jam A. 1678.
Antiquitatem illustratam circa Concilia Generalia & Provincialia,
Decreta & Gesta Pontificum, & præcipua totius Historiæ Ecclesiasticæ
capita; Anno vero 1679, Ecclesiam Africanam sub Primatæ Cartha-
ginensi.

Specialis; Antiocheni, de quo scribit, Concilii confirmationem
impetrare a Pontifice; in quo fatetur, se sequi Ferdinandum Mendo-
zam, qui industria sua ad confirmandum Illiberitanum Concilium
contulerit multum; sub initium prima Epistola ad Innocentium XI.
quam hunc in finem exaravit totique tractationi præmisit. Confer alie-
ram ad eundem sub finem Operis. p. 699.

Specialissima; depromere hinc præter historica, nonnulla etiam
dogmatica, quæ partim faciant ad ritus Missæ probandos, præfat. num.
6. tametsi ibid. a Patribus Antiochenis non exponi, in quibuscumque confi-
ssat hoc sacrosanctum mysterium, non diffiteatur; partim, quæ confes-
sionem Sacramentalem concernant, num. 7.

Tractatio ipsa absolvitur dissertationibus quinque. Quarum Pri-
ma agit de causâ Athanasii & occasione ac autoritate Antiocheni Con-
cilii. Secunda de Episcopis, in hoc Concilio præsentibus. Tertia de iis,
quæ ad fidem spectant & in hoc Concilio decreta sunt. Quarta de Ca-
nonibus hujus Concilii 23 agit. Quinta continet Appendicem de Actis
post Synodum Antiochenam, deque Eusebianorum Conventiculo.

Nervus totius hujus tractationis per elegantem ἀνακρίσις
λαίωσιν continetur in epistola altera ad Pontificem p. 699. & 700. Verbo:
Inter Antecedentia Epistolam a solis Eusebianis ante Synodum de fide
conscriptam, & formulam ab eisdem aliquot mensibus post Eucenia con-
fectam, cum occasione hæresis Ariana edita sunt, ob prætermissam vocem,
consubstantialis suspectam habet: & inter consequentia, statuta & de-

creta a quadraginta Arii complicitibus post Synodum edita, imprimis Athanasii damnationem, posthumo Eusebianorum Conventiculo adscribendam plane detestatur; Canones v. XXV a nonaginta Patribus in ipso Concilio formatos probat & commendat.

*EUSTATHII JOHANNIDIS ZALOWSKI RUTHENI
Brevis Delineatio*

*ECCLESIAE ORIENTALIS GRÆCÆ,
nunquam antehac, nunc vero cum notis
evulgata*

*VVOLFFGANGO GUNDLINGIO,
Eccles. ad D. Laurentii apud Noribergenses Ministro.
Norimbergæ, in 8. 1681.*

Opusculum hoc Autor, homo religioni Græcæ addictus, Virq Clarissimo, *Johanni Vogelio* Rectori Scholæ Sebaldinæ, anno 1621 ante abitum suum mensē Octobri reliquerat, occasione scribendi accepta a *Georgio Mauritio* Professore Altdorffino, cujus hospitio *Eustratius* Altdorffii degens usus fuerat. Hoc inter foceri sui, modo laudati Vogelii scripta reperiens *Wolffgangus Gundlingius* publica luce dignum esse vel eo nomine censuit, quod pauca admodum de statu Ecclesiæ modernæ Græcæ ad nos pervenire: suspecta vero multa, præsertim quæ a Latinis communicantur. Idem quæ brevissime in hac delineatione continentur, notis eruditis illustravit, hac methodo servata, ut (1) in quibus *Eustratius* cum aliis, qui de Religione hodiernæ Græcicæ Ecclesiæ scripserunt, conveniat, in quibus discrepet: (2) ubi Græci cum Latinis pugnent, ubi idem sentiant & loquantur: & (3) ubi eorum, quorum in hac delineatione firmentio, vestigia in Ecclesia antiqua reperiantur, diligenti studio annotaret.

Inter alia observatio digna *Gundlingius* ap. 69. ad p. 83. scæ recitat *formulas Symboli*, quod perhibetur esse *Athanasii*. Prima est, quam *Gilbertus Genebrardus* adeptus est ex MS. Lazari Baiffii a Diony-

Dionýsio Episcopo Zienensi & Firmicnsi Anno 153 oblato. *Secunda* est, quam olim evulgavit Basileæ Nicolaus Bryling, deinde in Gallia Henr. Stephanus Anno 1565. Quæ duæ formulæ septem in locis invicem dissident. *Tertia* est Philippi Labbei & Gabrielis Cossartij XL vicibus varians. *Quarta* est Ecclesiæ Constantinopolitanæ juxta Genebrardum, de qua mirum discrepante a præcedentibus, etiam quoad integras voces & constructiones, non immerito quis dubitare posset, annon sit supposititia, aut minimum corrupta, cum viderit §. 15. addi verba *ὁ δὲ τὸ ὕψὺ ἐκπέδον (ἐκπέδόμενον)*: siquidem constet, Græcos hæc verba in Symbolo Athanasiano non legere. *Quinta* hujus Symboli editio est, prout habetur Tom. II. Opp. S. Athanasii edit. Commel. p. 38. ubi notandum, in Versione quidem Latina hujus exemplaris legi: Spiritus S. a Patre & Filio non factus, nec creatus, nec genitus, sed procedens: In Græco vero verba *ὁ δὲ τὸ ὕψὺ* non apparere. *Sexta* est, quam Labbeus ex Usserio, Usserius ex Patricii Junii apographo Anno 1647 publici juris fecit. Ex diversis his Symboli Athanasiani formulis, quæ sit ipsius Athanasii, difficile erit divinare. Omnes has unius esse Autoris, tot insignes mutationes non concedunt. *Vices* *ὁ δὲ τὸ ὕψὺ ἐκπέδον* Symbolo huius a Latinis intertextas esse, inde probabile fit, tum quod sic etiam fecerint Symbolo Nicæno, ut prolixè ostendit Autor a p. 54, ad p. 68, tum quod usque ad Seculum XIV nemo contra Græcos Symbolum Athanasianum produxerit, cum tamen controversia de Spiritu S. processione jam quingentos annos durasset.

LE PRUDENT VOYAGEUR

par le Chevalier Louis du May, a Geneve. 12.

Peregrinator prudens, autore Ludovico

Majo, Equite. 1. 81.

Quid observandum sitisti, qui potiores orbis partes peragrarè proposuit habet, insigni exemplo ac veluti specimine in hoc libro ostendit Autor, dum apud omnes gentes quid obtineat, exactè refert. Asiæ enim, Africæ & Americæ, sed cumprius Europæ statum exponit, illustresque familias & earum ortum, genea-

genealogias, ac fata : Rerumpublicarum conditiones, provinciarum & regionum situs, fertilitatem, robur, magistratus, quidve cuius earum conducatur aut noceat, omnem denique civilem scientiam recenset.

Univerſum opus in tres diſtinxit partes, quarum *prima* veluti generalis, partium univerſi orbis ſitum & conditionem exponit, inque ſinibus deſignandis occupata eſt, initio ab America, Aſia, & Africa ſaeto : quas tamen tres orbis partes levi brachio attingit, & tribus Diſcurſibus earum hiſtoriam abſolvit : inde ad Europæ, quam potiſſimum exhibere ſibi propoſuit, provincias, regna & principatus, Reſque publicas progreſſus, Græciæ primum ac Thraciæ, Turcarumque gentis, inde Moſcoviæ, Poloniæ, Sueciæ, Daniæ, Britanniæ, & cumprimis Galliæ, Hiſpaniæ, Luſitaniæ, Italiæ : in eaque Regni Neapolitani, Status Mediolanenſis, Papæ, Venetorum, Ducis Sabaudiæ, Magni Ducis Heſtruriæ, Ducis Mantuæ, Modenæ, Parmæ & Urbini : Rerumpublicarum, Genuæ, Luccæ, minorumque Italiæ Principum : tandem Hungariæ præſentem ſtatum exponit.

Altera Germaniæ potiſſimum ſtatum & regiminis formam exhibet, Imperiique circulos & originem ac progreſſum illuſtrium in ea familiarum, Imperatoris, Electorum ac Principum ; liberorumque Statuum rationem tradit. Duſto igitur ab Imperatore initio ejusque excelsa gente, qua ratione illi innexæ & diſulſæ iterum ſint illuſtres aliquot Domus, enarrat. Inde Burgundici circuli, iſtique illigatarum Belgii provinciarum, ab Imperio hodie avulſarum, Principis Arauſionenſis, aliarumque illuſtrium Belgii familiarum : circuli item Rhenani, domusque Lotharingicæ & Haſſiæ hodiernum ſtatum exponit. Inde Electoralem dignitatem, & quæ iſthac gaudent, illuſtres Familias recenset : & poſteaquam tres Eccleſiaſticos Electoratus, Moguncinum, Coloniënſem & Trevirenſem leviter attigifſet, ſecularibus eorumque Domibus preſſius inhæret, Palatinæ cumprimis genealogiam exhibens. Ad Franconicum dein circulum progreſſus, quæ ad iſtum pertinent illuſtres Domus & liberaſ Imperii civitates enumerat : eadem ratione Bavarici, Suevici (in quo prolixior eſt, dum Sereniſſimorum Wurtembergiæ Principum genealogiam recenset & eorum provinciam deſcribit) Weſtphalici, ſuperioris & inferioris Saxoniæ Circulorum hiſtoriam pertextens, & hanc partem tractatione de

Vica-

Vicariatu Imperii , & regiarum Imperii Romani inde usque a Carolo Magno urbium ratione claudens.

Tertia pars tota circa Hispāniam occupata est, cujus tractationem historicam & politicam exequitur, ac cumprimis veras rationes indagat, quibus regnum istud superiori seculo eam in magnitudinem ac potentiam evectum sit, ut omnibus aliis populis formidinem incusserit, eosque ad infringendas has vires concitarit: hodie contra hæ adeo attritæ sint, ut pleræque gentes contrariis studiis nitantur, ne alienæ potentie profus succumbat. In cujus rei dum inquirat causas, varia, quæ ad statum istius regni pertinent, profert in medium, Regesque, qui olim id tenuerunt, & quibus hodie illud paret, potentiam item atque alia, quæ huc spectant, exponit: majorique cura isthoc regnum, quam reliquos Orbis terrarum Status describit.

TRAITE' DU DROIT DE CHASSE

a Paris, 12.

Tractatus de jure venandi. Parisiis 1631.

AUtor hujus libelli *F. de Launay* Professor Juris Gallicani, ut specimen artis ederet, quam facere novo exemplo a Rege jussus est, hanc juris Gallicani partem, quæ circa feras occupatur, explicandam sibi sumsit. Ergo quid olim legibus Salicis, & ab ipsis Merovingorum temporibus usque hac de re sancitum sit, quodque jam tum capitale crimen admiserit, qui hoc majestatis jus involarit, docet: ejus æquitatem ostendit: qua ratione Rex istud subditis communicarit, & utrum vi jurisdictionis competat, tradit; ad singularia vero juris hujus capita neutiquam descendit, ut ex eo, quid hodie apud Gallos obtineat, cognoscere possimus.

PHOCÆNÆ,

*Or the Anatomy of a Porpess, dissected at
Gresham College.*

i. e.

Anatome Phocænx, dissectæ in Collegio Greshamensi.

Londini in 4. 1680.

B

Anet-

A Ntequam autor libri *Edwardus Tyson* hujus Aquatilis, quod alias *Turfishem*, germ. *Meerschwein* / vocant, descriptionem anatomicam aggreditur; Anatomen in genere, hinc comparativam, commendat, simulque qua methodo naturalis animalium historia erui & formari debeat, docet. Inde Dissectionem Phocæ, methodo commendata conformem exhibet, animalis, quod facietenus & forma externa pisci per pleraque simile est, (nisi pinnas anteriores excipias, quæ integumentis externis detractis, brachia humana satis accurate representant) quoad partium vero internarum structuram quadrupes potius dicendum foret, imo, secus ac reliqui pisces, sanguine fervente gaudet. Mox enim sub cute per universum corpus, simili modo, ac in porco (unde Germanica nomenclatura ipsi contigit) expansam observavit pinguedinem, Panniculum Carnosum crassiorem, Musculos valde sanguineos, ac Omentum notabile, utur hujus contrarium *Bartolinus cent. 2. hist. 25. & J. D. Major, anno III. Miscell. Acad. Nat. Cur. observ. 20. p. 25. & apud Blasium in anat. animal. part. 3. c. 16. p. 286. sqq.* asseruerint. Huic 10 aut 12 circiter Glandulas intertextas Lienis officio fungi, contra eundem *Majorem* docet. Ventriculum triplicem, Intestina Cæco & Colo destituta, Mesenterium cum Pancrea e Asellii, hincque ad Receptaculum lumbare derivata Lactea Vasa testatur. Epar sine Folliculo Fellis, ut in homine, integrum, minime juxta *Ray in Transact. Philos. Angl. No. 76.* in lobos divisum, ac Renes ex plurimis Glandulis, communi cuidam tunicæ inclusis, coagmentatos ait. Glandulis vero renalibus, Vesica urinaria, Vasis umbilicalibus, Organis genitalibus, & quidem dissectum subiectum foemineis, Diaphragmate reliquisque Thoracis membris quadrupedes quam exactissime pariter imitari docet: nisi quod in eodem pectore corpus, glanduloso simile Vasisque sanguiferis intertextum, lateribus Spinæ adhærescat, quale quid in nullo alio animalium genere deprehendatur, quod totum etiam Medullæ Spinalis tractum operiat; cujus tamen partis usum sibi satis obscurum fatetur. Ratione dentium, quorum 96 numerat, *Jonssonum* erroris accusat, dum in *Hist. natural. pisc.* illos obtusos & molaribus similes asserit, qui tamen acuti magis sint: ac quoad Ossis Hyoidis conformationem itidem *Majorem* stringit. Cum aliis piscibus cetaceis commune in hoc vidit spiraculum aut fistulam, loco narium ipsi in inspiratione inservientem, simul tamen

viam

viam quòque concedentem pro aqua, quæ uberius cum præda assumpta est, nec deglutienda tamen, denuo expellenda. Porro quamvis *Rondeletius* omnibus piscium generibus Palpebras denegarit, illis tamen Phocæna non caret, in quarum superiore Ductus Lachrymales Stenonis cum glandula ejus innominata observavit noster Anatomicus, ut & in oculis præter Musculos sex humanos, septimum seu suspensorium brutis proprium. Cerebrum hujus, aliorum piscium atque quadrupedum cerebrum mole longe superare, destitui tamen Nervis Olfactoriis & Processibus Mammillaribus, (licet *Rondeletius* olfactum Delphinis concedat) perhibet. Contra, licet *Ruy* in hoc nates & testes non deprehenderit, vidit tamen Noster, & Testes quidem Natibus majores. Pariter, ut ut *Aristoteles* & *Plinius* Aures, ipsaque autopsia auricularum apparatus ipsi denegat, Meatus tamen Auditorii singularem structuram internam prolixè describit. Tandem Osteologiam annectit, in qua Spinæ Vertebrae Major 54 tantum, *Tyson* 60, ac 13 cujuslibet lateris Costas numerat, & Ossium Pinnarum anteriorum cum brachio & manu humana analogiam evincit. Cuncta vero membra in tabulis duabus delineata addit.

GERH. BLASII AMSTELODAMEN-
sis Anatomie Animalium, figuris variis illu-
strata, in 4to. Amstelod. 1681.

Quam *Tyson* in Phocæna Anatomie animalium diversorum commendabat Anatomen comparativam, quamque non unius hominis, sed plurium ingeniorum atque manuum opus esse, ipsi lubentissime concedimus, hujus Specimen illustre, ex propriis partim, partim aliorum, & quidem Veterum æque ac Neotericorum observatis, cum figuris pluribus, edidit *Blasius*, cujus famam alias diversa scripta Medica atque Anatomica notissimam reddiderunt.

Dividit hoc opus in partes 5. quarum *prima* varias illorum brutorum, quæ terrestria audiunt, species exhibet, una cum sciagraphia nutritionis animalium ex *Theodori Aldes* (alias *Matth. Sladi*) tractatulo, superioribus annis edito. *Alter*a pars plurium Volatilium dissectiones suggerit, cum ovi & pulli, hujusque generationis historia, ex *Aquapendente*, *Harveo*, &c. congesta. *Tertia* vero Aquatiliū; *Quarta* Insectorum; ac *Quinta* Serpentis anatomen continet.

VITÆ SELECTORUM ALIQUOT VI- rorum, qui doctrina, dignitate aut pietate inclaruere.

Londini in 4to 1681.

Guilielmus Bateſius, utili ſane inſtituto, vitas præſtantium aliquot virorum, a diverſis autoribus, partim orationibus, partim narratione brevi & epistoſis deſcriptas collegit; atque illas uno volumine Londini nuper evulgavit. Quas ſi dignitatem virorum reſpicimus, in tres claſſes commodè diſſecere poſſumus.

Ad primam pertinent Principes ac viri nobiles. Quo ſpectant *Heinrici Wallie Principis* Laudatio funebris, per Franc. Neatherſole Academ. Cantabr. Oratorem. p. 401. *Ulderici Dania Regis filii* laudatio funebris per Opitium p. 432. *Frederici Heinrici Arauſionenſium Principis* laudatio funebris per Fridericum Spanhemium p. 493. *Johannis Pici Mirandula & Concordie Principis* vita per Johannem Franciſcum filium Principem Mirandulæ p. 90. In obitum *Thoma Bodleji* Equitis, celeberrimæ apud Oxonienses bibliothecæ fundatoris, Oratio funebris, a Johanne Haleſio habita p. 46. Commentarius de rebus pace belloque geſtis Domini *Fabiani* Senioris Burggravii a *Dona* per Gerhardum Voſſium p. 446.

Ad Secundam claſſem referimus viros Eccleſiaſtica dignitate conſpicuos. Huc ſpectant *Heinrici Chichele* Archiep. Cantuarienſis vita, per Arthurum Duck p. 1. *Gul. Waynſleti*, Episcopi Wintonienſis & Angliæ Cancellarii, per Gul. Buddenum p. 49. *Petri Bembi* Cardinalis vita, per Joannem Caſam pag. 140. Vita *Gaſp. Contareni* Cardinalis, per eundem Caſam pag. 154. Vita *Hieronymi Savanarola*, per Joh. Picum Mirandulæ Principem p. 107. De obitu *Martini Bucerii* Epistolæ duæ Johannis Checi, & Nicolai Carri p. 250. Vita *Bernardi Gilpini* per Georgium Carletonum Episcopum Cistrenſem p. 282. & vita *Jacobi Uſſerii* Arma-
chani Archi-Episcopi cum catalogo operum ab eo editorum, p. 74.

Ad tertiam claſſem ſpectant viri ob rem literariam maxime celebres. Quo pertinent vita *Deſiderii Eraſmi* per Rhenanum deſcripta, cum indice lucubrationum ab ipſo editarum, pag. 187. *Gvil. Budæi* per Lud. Rhegium p. 215. *Chriſtoph Longolii* p. 240. *Vincenſii Pinelli*, per Gualdum p. 314. *Scaſvola Sammaritani* per Gabrielem Michaelium

Rupi-

Rupinalletum p. 379. *Jul. Casarii Scaligeri* vita & scripta, p. 404. Dan. Heinſii Epistola de morte *Josephi Scaligeri* ad IS. Caſaubonum p. 417. *H. Grotii* vita & scripta, p. 420. *Petri Pithei* vita p. 435. Pancgyricus *Jano Grutero* scriptus a Balthasare Venatore cum catalogo Scriptorum, p. 526. *Julii Casarii Lagalla* Medici & Philosophi vita per Leonem Allatium p. 575. *Guiljelmi Cambdeni* per Degorum Wheare pag. 589. vita *Antonii Walai* p. 600. *Petri Puteani* per Nicol. Rigalium p. 660. *Dionysii Petavii* vita per Heinr. Valesium p. 678. *Jacobi Sirmondi* per Heinr. Valesium vita, cum indiculo scriptorum editorum, p. 87. *Petri Molnai* vita pag. 697. *Henrici Valesii* per Hadrianum Valesium pag. 729.

Inter has vitas præ cæteris lectu dignæ videntur, Hieronymi Savanarolæ, Joh. Pici Mirandulæ, P. Bembi, Desiderii Erasmi, Jul. Cæs. Scaligeri, & H. Grotii, qui nostro ævo inter eruditos principatum tenuit.

AMMIANI MARCELLINI rerum gestarum, qui de XXXI supersunt, libri XVIII.

Ope MSS. codicum emendati ab *HENRICO VALESIO*,
& auctoribus adnotationibus illustrati.

Nec non *Excerpta vetera de gestis Constantini & Regum
Italia*. Editio posterior, In fol. Parisiis 1681.

DE *Ammiano Marcellino*, notissimo Romanarum rerum ab exortu *Nervæ* ad *Valentiæ Augusti* mortem Scriptore, ac post primam editionem, quæ Romæ, ubi & opus ipsum compositum olim a Marcellino fuerat, *A. Sabini* Poetæ laureati opera A. 1474 prodiit, plus tredecies typis descripto, non attinet dicere. Tantum quæ novæ hujus, nisi dissimæque editionis fuerit occasio, quidque in ea diligentissimus curator *Hadrianus Valesius* præstiterit, monendum erit paucis.

Ediderat anno 1636 Parisiis Marcellinum *Henricus Valesius*, vir de literis egregie meritis, ex manuscriptorum codicum fide doctis. que conjecturis, quantum fieri potuit, emendatissimum, notisque illustratum perquam eruditiss. Ex quo tempore & familiaris magis reddi

hic Auctor eruditus cœpit, a cujus lectione antea quamplurimos tot in eo lacunæ ac menda absterruerant: & editio præcipue illa *Valesiana*, distractis brevi tempore exemplaribus, summo apud doctos omnes in pretio fuit. Quo factum, ut iterari editionem, & ex *Henrici Valesii*, qui primæ editioni quadraginta annis superfuit, eoque temporis intervallo *Marcellino* suo curatius emendando aut illustrando non potuerat non subinde admoveere manum, schedis perpoliri, unum omnium votum esset ac desiderium. Itaque frater *Henrici Hadrianus Valesius*, Historiographus Regius, tum ut novis in rem literariam meritis partum jamdudum augeret decus, tum quod dandum id fratris memoriæ putaret, at inprimis Illustrissimi Colberti hortatu, novæ tandem editionis curam suscepit, ac in ea sic versatus est, ut expectationi publicæ non responderit tantum, sed supergressus etiam docti orbis vota videri possit. Nam ex Colbertino inprimis codice textum *Marcellini* sæpiusculæ & emendavit ipse, & fratris veteribus posthumisque observationibus suas non minus eruditæ inspersit passim, & *Friderici* denique *Lindenbrogii* notas ex schedis ejus uberiores exhibuit.

Præmittitur Operi universo *Hadriani Valesii* præfatio, qua rationem primum instituti sui reddit, totiusque operis œconomiam exhibet: tum de *Ammiani* vita scribendique genere, & libris, qui periire partim, partim supersunt, erudite disserit: inde locorum quorundam *Ammiani* ex codice Colbertino emendationes, in notis ipsis ob Typographorum festinationem omissas inserit: denique *Lindenbrogii* errores nonnullos, quos in istius observationibus notaverat, perstringit. Sequitur vetus præfatio *Henrici Valesii*, eamque vita *Ammiani* *Marcellini* a *Claudio Chiffletio* composita. Ipsi textui notæ utriusque *Valesii* ita subjiciuntur, ut quæ nude expressæ sunt, veteres *Henrici Valesii*; quæ duobus asteriscis inclusæ, *Henrici Valesii* novæ ac posthumæ; quæ denique duobus uncinis inclusæ sunt, *Hadriani Valesii* esse primo conspectu intelligantur. *Ammiano* subjunguntur *Excerpta vetera Auctoris ignoti de Constantio Chlora* aliisque nonnullis Imperatoribus, nec non ex *libris Chronicorum de Odoacre & Theodorico Regibus Italia* nonnulla; cum *Hadriani Valesii* Dissertatione de Hebdomo, & indice rerum accurato. Sub calcem operis *Frid. Lindenbrogii* notæ ad *Marcellinum* auctiores speciatim exhibentur. *Marcelli Donati* Dilucidationes in *Marcellinum*, quas tomo VI *Thesauri Critici Janu Gruterii* inseruit, indigne

dignæ *Hadriano Valesio* visæ sunt, quas editioni suæ, quam omnibus numeris voluit absolutam, jungeret. Nec tulisset forte pretium operæ. Ast de ipsius *Gruteri* in *Marcellinum* Observationibus, quas *Corpori Scriptorum Historia Augusta Anno 1611* editorum inseruit, an non ex dignitate novæ huic editioni jungi potuissent, cogitandum aliis relinquitur. Etsi visas eas *Hadriano Valesio* non fuisse, haud obscure ex ea Præfationis parte conicias, qua *Ammianum* ope veteris codicis emendatum, sed nudum a notis & observationibus publicatum a *Grutero* commemorat,

*DE VERA ANTIQUORUM HERBA
Britannica, ejusdemque efficacia contra
Stomacacem seu Scelotyrbem.*

Autore

ABRAHAMO MUNTINGIO,
Groning. Frisio, D. & Botan. Prof. Publ. Groning.
Amstelod. 4to 1681.

Industrius hic & curiosus Botanicus, cujus jam nomen, de Plantarum Cultura edito scripto, Belgico Idiomate, anno 1672, *Tit. waare Oeffening der Planten*, inclauit, præsentî hoc Tractatu *Britannicam* herbam, ceu veteribus cognitissimam, neotericis vero penitus ignotam, ex oblivionis tenebris, in lucem denuo protrahere satagit; cui *Aloedarium*, siue specierum Aloes historiam botanicam in fine adjungit. *Britannica* ergo planta Frisiis olim, & vicinis regionibus, endemico scorbuti malo graviter afflictis, optima medicina extitit, adeoque & Romanis, quorum exercitus sub primis Imperatoribus, in istis regionibus ex aquarum insalubritate dicto morbo graviter laborare cœpit, demonstrata, & explorato ejus auxilio, decantatissima tunc temporis, & postea pariter ab omnibus (ut ante ab ipso mundi exortu) scorbuto afflictis ultra 8 annorum centurias frequentissime usurpata fuit. Quum vero anno Christi 757, 80, & sequentibus, Gothi & Normanni in Frisiam irruissent, libertate gentis oppressa, extinctisque quibusvis disciplinis, oblivioni quoque planta hæc tradita fuit. Autor itaque 1. Veterum *Britannicam* veram denuo demonstrat. 2. Alias pro *Britannica* habitas plantas expun-

expungit. 3 Britannicæ veræ faciem, vires & usus edocet. Primum quod attinet, postquam ex *Dioscoride* lib. 4. cap. 2. *Plinio* lib. 25. cap. 3. *Galeno* lib. 6. simpl. cap. 98. & cæteris Græcis, quin & Arabibus ostendisset, ab omnibus Lapatho, quod latinis Rumex audit, & quidem sylvestri, foliis nigricantibus & longioribus, similem Britannicam statui, universam Lapathi sive Rumicis genealogiam tradit, & 27 ejusdem differentias, adjunctis in fine singularum descriptionibus & iconibus æri incisis, recenset, & has inter *Lapathum sylvestre longifolium, nigrum, palustre sive Hydrolapathum nigrum*, cujus figuram tabula nostra prima exhibet, veram Veterum Britannicam esse determinat. Huic male substitutas plantas alias, in specie Bistortam, Heptaphyllon, Tormentillam, Primulam veris, Betonicam, Cochleariam, Beccabungam aquaticam, Veronicam, Bugulam, Plantaginem aquaticam, & alias plures rejicit. Pressius postmodum Britannicam explicare aggreditur, & postquam occasione loci, in quo frequentius propullulat, plura de terris venetis, morinis, cespitibus & torfis exposuisset, ipsius Britannicæ descriptionem, p. 111. & prolixiorem explicationem pag. 113. & seq. subjungit. Etymion rationem inprimis explicat, ostendens nomen esse absolute Frisicum, compositum ex *Brit*, quod consolidare, firmare, *Tan*, quod dentem, *U* *ica* sive *bica*, quod ejectionem significat. Ab effectu ergo a Frisii vocatam fuisse britannicam, herbam nimirum, solidarum partium, præsertim dentium, contabescentiam, aut ejectionem consolidantem, seu symptomata scorbuti familiarissima. Pro quorum confirmatione plura sequuntur experimenta, quantum in cura scorbuti ejusque symptomatum, hujus herbæ beneficio autor præstiterit. Progreditur hinc ad qualitates plantæ, & ratione (sic dictarum) primarum, eam frigidam & siccam esse; ratione secundarum, adstringere, conglutinare; ratione tertiarum, nervorum malis, hinc venenis mederi, adeoque alexipharmacum esse: ratione virtutis specificæ, scorbuto efficacissime occurrere asserit. Usurpandi denique & cum aliis miscendi rationem, & multiplicem internum ac externum usum declarat. Interne speciatim decoctum ejus, tam compositum, quam principaliter simplex, ceu præ aliis efficax & probatum propinat, quod posterius, non scorbuticis saltem malis, sed præterea hæmorrhoidibus, hydropi, anginæ, dysentericæ, diarrhææ, pleu-

TAB. I.

ad Hist. pag. 16.

M. Jan.

Britannica

Antiquorum vera.



pleuritidi mederi, exemplis ostendit : monendo simul , decoctum rad. britannicæ c. duplic. tormentillæ in sêro lactis , cruentum mictum pectorum curare. Addit potiones quasdam britannicæ universales vulnerarias, item contra casum ac vitia dentium scorbutica, dentifricium non inelegans. Sequuntur Electuaria, item triplicia extracta, & denique spiritus abstractii, ex planta ac seminibus concinnati. Agmen claudunt Emplastra & Unguenta , ex Britannica cum aliis pro vario usu externo composita. Ex quibus omnibus tandem concludit, Britannicam eam Frisiorum non solum, sed etiam Belgarum, jure meritissimo vocari posse Panaceam.

In Aloedario, *Aloes mucronato folio Americanæ majoris*, aliarumque ejus specierum Historiam recenser, & iconibus illustrat, occasione modo dictæ aloes, in Viridario Autoris, inusitato vereque stupendo more florescentis, nec a quopiam, præter *Tobiam Aldinum* in Horto Farnesiano, descriptæ; protrusit autem intra triennium 18 caules, floribus o-nustos, modo plane inaudito, quibus omnibus deperditis ipsa adhuc virescat, annum agens 42. Subjungit culturam, & ejus usum tam medicum, quam diazeticum ac mechanicum, apud Americanos multiplicem. Dum porro persequitur cæteras aloes species, etiam aloem veram vulgarem, ac in speciem majorem, *Astaticam* scil. quibusdam sempervivum marinum dictam, & cujus succus universæ Europæ adeo usitatus existit, describit, idque eo exactius, quod in Viridario suo eandem aluerit, (in quo tres flores protrusit,) & quod exacta ejus historia a nemine hæctenus feliciter satis tradita. Florum præsertim rationem habet, qui colore luteo & gilvo intermixto conspicui sint, odore nullo. Denique concertum succum parandi modum annectit, quem speciatim ex *Garcia ab Horto* recenser.

RELATION NOUVELLE D' UN

Voyage de Constantinople. i. e.

Itinerarium novum Constantinopolitanum, in
12. juxta exemplar Parisiense A. 1681.

AUËtor libelli hujus *Grelotus* tamen si fatetur, nec primum se Orientem peragrasse, nec primum Constantinopoleos descriptionem fuisse aggressum: reliquorum tamen omnium, quos idem labor

C

exer-

exercuit, industriam in delineando quam exactissime locorum situ, & ichnographica ædificiorum publicorum designatione, visus sibi esse superasse. Utique decore æri incisas esse quas exhibet tabulas, inspicienti manifestum est: respondere vero eas examusim operibus ipsis, exprimenda quæ suscepit, celebrium aliquot virorum, *Marchantii, Blondelli, Bernerii, Covelli, Galandi*, qui & ipsi per orientem peregrinationes olim fecere, testimoniis præfationi subiectis confirmat. Nec dissitendum, *S. Sophia* inprimis templum, Christianorum olim sacris celebrissimum, nunc Mahumedana impietate fœdaturum, cujus alioquin aditu Christianos omnes prohiberi constat, & lustratum fuisse a *Greloto* ipso diligenti anxioque studio, & operose descriptum. Et si non minorem in designando hoc ipso templo industriam, habita tamen Antiquitatum præcipua ratione, illustris Scriptor *Carolus de Fresne*, tum in *Commentariis ad Paulum Silentiarium* cum *Cinnamo* A. 1670 editis, tum in *Constantinopoli Christiana* A. 1680 cum egregio de *Familia Byzantinâ* opere publicata, adhibuit.

Auspicitur vero *Grelotus* Itinerarium suum ab *Hellesponto*, paucaque de *Promontorio Sigao*, ruinis *Troja*, & celebratis tantopere apud veteres, et si exilibus admodum fluviis, *Xanto* & *Simoente* præfatus, latius disserit de duobus *novis castellis* (*Natoli-ingbi-issar* Turcæ vocant, quod in Asia situm est; quod in adverso Europæ littore *Roumeli-ingbi-issar*) quæ *Mahumedes IV* modernus Turcarum Imperator, ut aditus *Hellesponti*, in quo non semel classem Turcicam oppresserant Veneti, communiret, extrui curavit; monetque non insuperabilia tamen ea esse, aut formidanda magnopere Christianis, ex ea parte Turcicum forte Imperium oppugnaturis.

Exin *Castella* duo *vetera* describit (*Dardanelles* nostri appellant, Turcæ *Boghazse-issari*;) quorum item alterum in Asiatico; alterum in Europæo littore, eo loco, ubi quam maxime *Hellepontus* constringitur, situm est, quæque adeo pro claustris *Propontidis* habentur, credunturque vulgo ex ruinis *Sessi* & *Abydi* veterum surrexisse: atque sic sensim in *Propontidem* delatus, recenset haud perfunctorie, tum urbes in utroque maris illius littore sitas, tum insulas de *Marmara*, quæ *Propontidi* ipsi nomen *Mariæ de Marmara* apud recentiores pepererunt; nec non quas nostri *Principum*, Turcæ *Papas-adasi* vocant.

Tum ad urbem *Constantinopolitanam* progreditur, ubi de situ ejus, origine,

gine, ac nominibus, de arce item, quam *septem turrium* dicunt, de *turri Belisarii*, *columna Arcadii*, ac palatii, quod *Serraglio* Itala dictione appellant, *porta* (nam interiora ejus, velut sibi non perlustrata, ex *Taverneri* Relatione peti ipse cupit) quædam commemorasset, *Templum S. Sophiæ* curatissime describit, vel hoc labore solo, quo conciliare præcipuum libello suo pretium ac decus voluit, applausum Lectoris promeritus. Quæ occasione & de *Græcorum* ceremoniis Ecclesiasticis, tam quæ olim, cum S. Sophiæ templum adhuc in manibus habuerunt, receptæ fuerunt, quam quæ hodiernum obtinent: & de *Turcarum* religione ejusque præcipuis capitibus, & externo cultu discribit. Inde & *Turcica Templaria*, quorum primum ab *Achmese*, alterum a *Solimanno*, tertium ab Imperatoris moderni matre conditum est, describit; sinemque libello relatione de summo *Turcarum* tribunali, aliisque eorum institutis imponit.

JOHANNIS ADAMI SCHERZERI

Ingenui Prasulatus Misnensis ac R. Capituli

S. Petri Budiss. resp. Propositi ac Senioris,

Theologi apud Lipsienses Primarii

ANTIBELLARMINUS

sive

In IV Tomos Controversiarum Roberti Bellarmini DISPUTATIONES ACADEMICÆ.

Lipsiæ, sumptibus Jo. Fuhrmanni ac Viduæ Matth. Rietteri, in 4to, 1681.

Cum Cardinalis *Bellarminus* sit celeberrimæ famæ Scriptor, & maximæ inter Romano-Catholicos autoritatis, cujus Opus Controversiarum IV Tomis comprehensum hi adeo venerantur, ut nullum adversus hæreses præsentius antidotum isto scripto inveniri, nihilque præter apinas tricasque contra hoc ab ullo dici vel scribi posse pronuncient: causas sane gravissimas habuit Autor, cur *Dissertationes Academicæ* adversus illos scripturus, hujus Cardinalis, præ cæteris Polemicis, Scripta, ceu Religionis Romano-Catholicæ murum

& antemurale sibi oppugnanda deligeret. Accedebat nec inelegans *Bellarmini*, nec incommoda methodus, qua tantum non omnibus suæ partis Scriptoribus in hoc genere palmam præripuit, sane dubiam reddidit. Huic vero Cardinali, ex quo tanquam Equo Trojano plerique Controversiarum Scriptores hæcenus prodierunt, fundamenti loco subinde Noster adjungere non intermisit *Concilium Tridentinum*, cujus vocem Ecclesiæ Catholicæ vocem omnes salutare, & ut Magistram, in omnibus, Romano-Catholicos sequi, experientia quotidiana confirmat. Idem, ubi ad Thesin ipsorum vel constituendam, vel explicandam opus erat, alia nobiliorum Autorum nomina ac testimonia in subsidium advocavit. Ex universis autem, per singulas Dissertationes, quarum sunt numero sedecim, *Præcipua* quæ Scripturæ autoritatem præ se ferre, aut aliquid præ reliquis in recessu habere videbantur *animadvertit*, accurato studio selegit, inque gratiam Studiosorum Theologiæ (qui in præsentem Libellum alibi occurrentes aliorum objectiones, pro quotidianis studiorum incrementis facili negotio annotare poterunt) post statum Controversiæ per Thesin & Antithesin, ac utriusque Ecclésiæ, rite formatum, sine ambage aut circuitione tediousa, brevi ac rotunda non minus atque erudita excipiendi probandique ratione solvere instituit. In fine Libri adjecti sunt octo varia utilitate se commendantes indices.

*OBSERVATIONES QUEDAM ANATOMICÆ
Structuram Vascularum Biliariorum, & Motum
Bilis spectantes.*

Folliculi fellei cervicem propagines notabiles; præter illam, cujus *Glossonius*, *Collegium Amstelodamense*, & *Blasius* mentionem faciunt, ad substantiam epatis spargere, seu potius inde recipere, imo harum quasdam cum ductu epatico communicare, persuadent mihi sequentia.

1. In Epate bubulo flatum, per ductum cysticum, ad turgescen-
tiam usque vesiculæ, immissum & epatis cavam partem diversis tra-
ctibus transeuntem, per porum epaticum redire, aliquoties observavi.
Bis vel ter equidem eundem nominati experimenti successum expe-
ctavi frustra, in talibus sc. subjectis, quorum epar calculis atque tarta-
rea

rea materia refertum : in alijs tamen postmodum felicior , & idem cum pristino eventus expectationi meae respondebat ; quibus nempe epatis constitutio naturalis magis contigerat.

2. Ex vitulini epatis cysti fellea omnem emulsi bilem , ligavi hujus ductum , ubi poro epatico inosculatur , ut per illius orificium nihil liquoris vesiculam subintrare posset , certus essem : hinc epatico , ope siphonis , aquam tepidam immisi , cujus tandem aliqua portio ad folliculum flaccidum divertebatur , hunc notabiliter distendebat , ac per vulnus ipsi inflatum effluebat.

3. Aperto hominis , canis , & bovis ductu cystico , illa in parte , qua is epati continuus est , plura deprehendi foramina (ab Amstelodamensis & Blasio in bove saltem notata) tanquam totidem vasorum biliariorum oscula ; ita quidem , ut hujus generis aliquando in cane tria , in humano cadavere quinque , in epate bovino plura , v. g. duodecim , interdum pauciora , v. g. octo , ut in figura annexa , & nuperrime quinque tantum comparuerint. Tractus eorum , modo longiores , modo breviores , oblique satis meatus cystici tunicas ut plurimum penetrant , in cane & homine stylum equidem admittentes , hincque vasorum peculiarium emanationem aut insertionem promittentes : quorum tamen ulteriorem progressum , propter exilitatem molestissimam , nec de tegere haecenus , nec investigare licuit. Ast in subjecto quodam bubulo , quod commodioris magnitudinis causa eligebam , praeter reliquos folliculi canalis meatus , ad epatis interiora decurrentes , duo patentiorum orificiorum vasa , ex lateribus illius oppositis prodeuntia , epatisque substantiae saltem leviter immersa , ad sinum ductus epatici sic tendebant , ut flatui & stylo , a cervice folliculi usque ad porum epaticum , aditum liberrimum concederent. In epate alio , pariter bovino , unus saltem horum ductuum se manifestabat , cujus orificio ceram liquefactam injiciebam : quae per sinum pori epatici rediens insertionem ductus , cystico atque epatico communis ac intermedii , aperte ostendebat. Imo leviter tantum excarnato epate , totum illius tractum & ramificationem , cum propaginae notabili epaticum ad ductum tendente , conspiciendam exhibebat , prout fig. etiam declarat. An communicatio haec canalium biliariorum ordinaria ac universalis sit , dubium equidem ideo videri posset , quod , prout superius conquirebar , illam interdum plane non , semel duntaxat duplicem , frequenter

quentius simplicemprehenderim : quia nihilominus semper, eadaveribus modo epas induratum exhibentibus exceptis, aliquid ejus observavi, a conformatione illam naturali dependere, probabiliter satis infero ; quamvis eam alias majorem, alias minorem, modo simplicem, modo multiplicem esse, & epatis substantiam nunc profundius, nunc superficialiter tantum, jam pluribus, jam paucioribus propaginibus subirebens concedam.

In ductu Glissoniano ad folliculi cervicem annotavi, structuram hujus atque insertionem non semper eandem esse. Cum aliquando ipsius orificio binos similes ductus adjacentes, stylumque ab intra recipientes, viderim ; rarius in fundi extremitate, ut plurimum in cystici canalis principio illius insertionemprehenderim ; imo aliquoties ne vestigium ejus observare potuerim. Quod posterius quidem etsi hactenus oculorum meorum caligini existimavi tribuendum ; nuperimum tamen subiectum bubukum me docuit, lusum potius naturæ etiam in hujus canalis ramificatione atque insertionem interdum contingere posse. Quamvis enim omnibus in hoc evolvendo usus fuerim enchiridis necessariis, minime tamen vel hujus osculum in solennioribus ipsi locis, vel ejus radices ex epate progerminantes, conspiceremihilicuit : donec tandem in ipsius ductus cystici latere hiatus manifestissimus apparuit, per quem impulsâ cera, adhibita levi excarnatione, canalem, digitum fere sua longitudine, crassitie vero calamum scriptorium mediocris magnitudinis æquantem, diversisque ramulis instructum exhibebat ; quem ipsum non sine omni ratione Glissoniano ductui succenturiari auguror.

Quid hæc pro officina, & motu bilis, satis alias ambiguus, determinandis facere possint, aliis, pluribus forsitan experimentis instructis, judicandum nunc relinquo : ab epate tamen omnem forsitan bilem, folliculo fellis non tantum per canales superius recensitos, sed epaticum quoque porum, infundi, observatio sequens testatur. Scilicet canis vivi, præsentibus pluribus spectatoribus, dilaceravi vesiculam usque ad cervicem, tentaturus, an aliquid bilis per hanc versus fundum laceratum deflueret. Respondebat expectationi evenus, i. e. non tantum bilis, quasi turgescencia quadam, ex angustiore ductu cystico per latioremcervicem copiosissime eructabatur, sed idem cysticus, post injectum ipsi

Fig: 1

TAB. II.
ad A. 1602. pag. 27.
M. Jan.




Fig: 2

ipsi vinculum, notabiliter sic intumescere, ut nihil, aut parum saltem bilis per dictam cervicem amplius promanaret.

Explicatio Fig. 1. & 2. Tab. II.

AA. Epatis substantia.

BBB. Epatis excarnati portio.

CC. Ductus Epaticus.

D. Ductus cholodochus seu intestinalis apertus.

EE. Ductus cysticus apertus cum Vesicula fellis aperta.

* Orificium ductus cystici & epatici intermedi.

G. Ejusdem ductus cum poro epatico communicatio.

HH. Ductus intermedius cum ramis, per epatis substantiam dispersis.

K. Hujus ramus cum epatico communicans.

a. Ductus Glissoniani insertio.

I. Ductus Glissonii canalis æmulus.

b. Hujus orificium.

TAB. II.

DUPLATIO TRIANGULI

ISO GONI,

*et reliquarum figurarum rectilinearum,
novaratione ostensa.*

Proposuerat mense Septembri Anno 1679 P. Sigismundus Hartmann, e Soc. Jesu olim Mathefecos Professor, Pragæ Problema, de *Duplatione Trianguli Isogoni, citra adjumentum proportionum* solvendum: invitatis ad hanc rem peculiari scheda Geometris. Horum solutiones, si forte aliquæ ante Solstitium æstivum anni 1680 ad se deventuræ essent, suæ, quam publico tum dare destinaverat, non sine debito præconio juncturus erat. Cæterum invitatio dicta non ante multas hebdomadas demum, manu amici descripta, Lipsiam perlata est: incertis utique, utrum solutio a Dn. Patre Hartmanno promissa, quod temporis interea lapsi interstitium arguebat, lucem adspexisset. Unde, cum *Illustri* cuidam *Viro*, profundissimæ in Mathematicis scientiæ, sua indagine Problema non indignum, nec Marte suo elaborata solutio, si forte propositum Dn. Hartmanni interjectæ moræ hæctenus tar-

tardassent, ingrata eidem futura, ex humanissima provocatione, videretur: quis eventus aut fatum solutionis Hartmannianæ fuisset, percontandum nobis rati sumus. Inter utrumque autem ambiguis, literæ Pragenses, & fato functum *P. Hartmannum*, & dicto Problemati, monumentisque ejus aliis, publico bono concinnandis, occupari *R. P. Koppilium* paucis abhinc diebus nunciavere. Non dubiis ergo, re adhuc in integro, pari animo futurum successorem, ac *P. Hartmannus* erga conatus circa hoc Problema susceptos, affectum se professus est, *Illustris Vir* ingeniosa sua, sub manu tamen nata mathematica, ut publico impertiremus, non gravate indulgit. In iis vero 1. *Duplatio Trianguli Isogoni* N. I & III; 2. *Æqualitas inter Triangulum Isogonum, super hypotenu-
sa, & duo similia super crura recti anguli in Scaleno constituta*, N. II & IV; 3. 47^{mi} Eucl. *metodo ab Euclide, Clavio, Gregorio a S. Vincentio diversa, eaque*, quod Peletarius olim fieri posse negaverat, *sine proportionibus*, N. V; 4. *Universali denique ratio figurarum rectilinearum quascunque duplandi* ex fig. tertia, N. V proponitur. Annexuit *Illustris Autor* duo insignia theorematum, *de potentia laterum*, sive linearum, *Pyramidis rectangule, ad verticem coeuntium junctim potentia Diametri Sphæræ circumscriptæ æqualibus*, & *inventione duarum mediarum proportionalium beneficio Sphæræ*: quæ quin suscitatura sint ad demonstrationem sui solertia Mathematicorum ingenia, nihil dubitamus.

TAB. III.

N. I.






DUPLATIO TRIANGULI ISOGONI.

Super Trianguli rectanguli (Fig. I) ABC Isosceles, crure uno AC constructum Triangulum Isogonum (s. æquilatrum) ACQ sit duplandum.

Constitutis super AB & BC Triangulis Isogonis ABO, BCP: dico Triangulum ABO, Triangulis BCP, & ACQ æquari, & hujus posterioris duplum esse.

Ductis enim lineis AP, BQ, CO, & perpendicularibus, OI, PH, QG; item AH, BG, CI: & tandem constituta KL æquali ipsi KC, factoque triangulo KLN, simili & æquali ipsi EKC; & KLM, ipsi CKD: Anguli BAO & QAC Triangulorum Isogonorum sunt æquales, ut & communi BAC addito, anguli CAO & BAQ; lateribus autem AC,

TAB. III. ad Tit. 12 p. 24.
M. Jan.



AC, AQ, item AO, AB, circa æquales angulos æqualibus, Triangula CAO, BAQ similia sunt & æqualia.

Eadem ratione Triangula OBC, ABP, tum inter se, tum, ob æqualitatem laterum AC, BC, Triangulis CAO & BAQ sunt æqualia.

Demto jam Triangulis BAQ, CAO, in K mutuo sectis, communi Trapezio AEKF; reliqua Triangula QAE & FKB junctim æqualia sunt Triangulis AFO & EKC: & demto rursus utrinque EKC, i.e. KLN, reliquum Trapezium BNLF, additum Triangulo QAE, æquale erit Triangulo AFO.

Pari ratione ostenditur, Trapezium AMLF, junctum Triangulo BDP, æquale esse Triangulo BFO.

Unde Triangula QAE & BDP, juncta Trapeziis BNLF & AMLF, æqualia erunt toti Triangulo ABO.

Porro: cum perpendiculares, PH, QG; item lineæ BG, AH, subjeetas bases bifariam secent; erunt Triangula, BCG, ACH, singula totius ABC. dimidia, adeoque inter se æqualia.

Sunt autem anguli PHC, HCG, CGQ recti, & inde lineæ PH & CA, item CB & QG parallelæ: & Triangula ACP, ACH; item BCQ, BCG super eadem basi & in iisdem parallelis, inter se æqualia; eademque ACP, BCQ (quæ & ipsa propter angulorum ACP & BCQ, laterumque circa illos æqualitatem æqualia sunt & similia, quod certa de causa obiter notamus) consequenter æqualia toti Triangulo ABC.

Demtis ergo utrinque Triangulis ACD, BCE, i.e. Triangulo ACD, BDK, & Trapezio MKLN (loco ECKD, Trianguli BCP) æqualia remanebunt Triangula QEC, CDP, duobus Trapeziis AMLF & BNLF.

Cum ergo supra ostensum sit, Triangula QAE, BDE, una cum Trapeziis BNLF, AMLF æquari Triangulo ABO; assumtis loco Trapeziorum Triangulis QEC, CDP, erunt Triangula ACQ, BCP æqualia Triangulo ABO, & hoc duplum ipsius ACQ, q. e. d.

N. II.

Ostendendum sit (Fig. II.) constitutis super Trianguli rectanguli Scaleni ABC Lateribus, Triangulis Isogonis ABO, BCP, CAQ, primum horum æquari duobus postremis.

Demonstratio ab antecedenti nihil differt, nisi quod puncta F & I, ut in Schemate priori, non concurrant.

D

N. III

**DUPLATIO TRIANGULI ISOGONI
VIA UNIVERSALI.**

Constitutis [Fig. III.] ut supra, super latera Trianguli rectanguli Isoscelis ABC, Triangulis æquilateris, ostendendum sit, Triangulum ABO, æquale esse duobus ACQ & BCP.

Per puncta O, P, Q, lateribus AB, AC, CB, ducantur parallelæ, OG, pD, QF; & his aliæ parallelæ, CK, GE, SG.

Eritque Triangulum $\left\{ \begin{array}{l} CBD \\ CAF \end{array} \right\}$ æquale Triangulo $\left\{ \begin{array}{l} CBP \\ CAQ \end{array} \right\}$

Quia sub iisdem basibus & in iisdem Parallelis sunt.

Assumta vero ex AB linea BH, æquali ipsi FA; erit ob æqualitatem basium intra easdem parallelas, Triangulum HBC æquale Triangulo FAC : & consequenter Triangulum HCD, æquale duobus Triangulis BCP & ACQ. Porro: ob situm inter easdem parallelas, easdemque bases

Triangulum	A B O B G A C B G & consequenter C B E	æquale est Triangulo	A B G B G C C B E A B O
------------	--	----------------------	--------------------------------------

Jam ut ostendatur, lineas BD & EH esse æquales: in Parallelogrammo rectangulo Sp GR, lineæ Sp, GR; item BK, LH sunt æquales: sumatur GL sive RH, æqualis BS sive Kp, eruntque, demtis utrinque æqualibus pH & BG, residua HR & BS æqualia.

Et quia Triangula BSD & HRE sub æqualibus basibus HR, BS æquales [ob parallelismum linearum, quibus continentur) habent angulos; erunt etiam æquales hypotenuse HE, BD.

Et consequenter: Triangula BCD, EHC, æqualium basium BD & EH, & sub iisdem parallelis ED, KC, erunt æqualia.

Addo jam ipsi EHC, communi Triangulo HBC, æquali ipsi FAC, sive EHC; erit Triangulum BCE, i. e. ABO, æquale Triangulo HCD, i. e. duobus Triangulis BCP, ACQ, q. e. d.

N. IV.

N. IV.

Eadem Methodo (Fig. IV) ostenditur, super Trianguli rectanguli ACB Scaleni hypotenusa AB, constitutum Triangulum æquilaterum ABO, æquale esse Triangulis æquilateris, CBP, ACQ, super crura CB, AC constructis, simul sumtis.

Si enim per puncta O, P, Q, singulis lateribus Trianguli ABC parallelæ, GO, QE, PD; & his aliæ parallelæ Cq, BG, GF, ducantur: reliqua demonstratio pene conveniet cum superiori.

Notandum autem: Si loco Triangulorum similia Parallelogramma, aut etiam Triangula irregularia similia sumantur, demonstrationem parum variari; universalitatem vero demonstrationis ad oculum apparere.

N. V.

Eadem methodo (Fig. V) ostenditur: In Triangulo rectangulo quocunque ABC, quadratum hypotenuse ABVT, æquale esse duobus quadratis BCpP, ACQq, reliquorum laterum quomodocunque se habentium.

Ductis enim, ut antea, parallelis, CS, PO, OR: ob situm inter easdem parallelas, easdemque bases

Parallelogrammum $\left\{ \begin{array}{l} \text{BCSD} \\ \text{ACGE} \\ \text{CGHB} \end{array} \right\}$ æquale est Parallelogr. $\left\{ \begin{array}{l} \text{BCpP} \\ \text{ACQq} \\ \text{CGEA} \end{array} \right\}$

Et consequenter, Parallelogrammum HGSD æquale est duobus quadratis, BCpP, & ACQq.

Porro sub iisdem Basibus & intra easdem parallelas, æquale est Quadratum ABVT Parallelogrammo ABOo; huic eadem ratione BOCI, & huic BCFR. Quia autem supra num. 3. ostensum est, lineas BP, HV (ibi BS, HR) æquales esse: hinc sequitur, & BD, æqualem HF; & sub his basibus, iisdemque parallelis DF, SR, parallelogrammum BDSC æquale esse parallelogr. HGRF.

Addito ergo communi BHGC, erunt BCFR, i. e. ABVT, & HGSD i. e. BCpP & ACQq simul, æqualia. q. e. d.

Quod vero demonstrationem hanc universalem nominare aufferimus, ex Figura IV ita facillime apparet, si loco Triangulorum Parallelogramma similia sumantur: demonstratio enim pene eadem erit. In Figuris regularibus Triangula e centrīs assumi, aut eadem ad Paralle-

rallelogrammā reduci poterunt : eadem ut in irregularibus manente demonstratione.

Cæterum quamvis mutata horum Diagrammatum constructione, idem modis aliis compluribus demonstrari potuisset : in præsens tamen ad continuandam propositionem Pythagoream sequens enunciatum hic referre suffecerit : IN OMNI PYRAMIDE RECTANGULA, TRIA QUADRATA LATERUM, ANGULOS RECTOS IN VERTICE COMPREHENDENTIUM, ÆQUALIA SUNT QUADRATO DIAMETRI SPHÆRÆ CIRCUMSCRIPTÆ. Nesciis nobis, utrum a quoquam enunciatum hoc sit demonstratum, semestris spacium (exemplo *P. Hartmanni*, ad laborem hunc nos invitantis) definitum sit : intra quod demonstrationem ejus aut ab aliis expectabimus, aut ipsi dare tenebimur. An autem (ut analogice apparet) uti IN CIRCULO, UNICA MEDIA PROPORTIONALIS; sic etiam IN SPHÆRA DUE inveniri possint, curiositati uniuscujusque penendum relinquimus.

ECLIPSIS LUNÆ

Anno 1681. die 29. Augusti. mane

GEDANI

^a
JOH. HEVELIO

observata.

Tempus juxt. Horol. amb.			Altitudi- nes.	Tempus corre- ctum.		
Hor.	/.	//.		o.	/.	//.
1. 1. 3.			Altitudo Palilicii. Eadem altitudo. Rursus capta.	24. 14.	1. 4. 48	
2. 4. 30.				32. 58.	2. 6. 32.	
2. 9. 0.				3. 30.	2. 10. 32.	
2. 45. 0.			Vestigium penumbræ. Penumbra paulo densior. Adhuc densior.		2. 46. 30.	
2. 53. 0.					2. 54. 0.	
2. 59. c.					3. 0. 0.	
3. 1. 0.			Densissima. Initium Eclipseos. Præuna Phasis.		3. 2. 0.	
3. 2. 0.					3. 3. 0.	
3. 6. 0.					3. 6. 30.	

Tempus

Tempus jux- Horol. amb. Hor. /.		Altitudi- nes. O. /.	Tempus cor- rectum. Hor. /.
3. 12. o.	Secunda Phasis.		3. 12. 30.
3. 14. o.	Tertia Phasis.		3. 14. 30.
3. 20. o.	Quarta Phasis.		3. 21. o.
3. 22. 30.	Mons Sinai totus tectus.		3. 23. o.
3. 29. o.	Sexta Phasis.		3. 30. o.
3. 43. o.	Altitudo Pollucis.	30. o	3. 43. o.
5. 2. o.	Centrum Solis oritur.		

ANIMADVERTENDA.

Initio, Hor. sc. 1. matutina, cum speculam ascenderem, vix spes aliqua, ob nubes totum fere cœlum obtegentes, dabatur vel quicquam solidi observandi; at vero circa Hor. 2. nubibus paulatim dehiscen-
tibus, Eclipses hujus, tam Initium penumbrae, quam ipsum verum Ini-
tium optime notare, ac etiam lex Phases crescentis ad Hor. usque 3. 22.
min. faciei Lunarise, in Schemate delineare mihi obtigit; at postmodum
densissimæ nubes intervenerunt, ut nihil quicquam amplius de reliquis
Phasibus, maxima obscuracione, multo minus de decrepcentibus obser-
vari potuerit: atque exinde minime constat, quanta hæc Eclipsis exti-
terit, aut quousque duraverit. Color ejus erat cineritius, sive fuligi-
neus. Tempore observationis Mons Porphyrites, & M. Aesna fere in
eodem perpendicularo existebant.

Phasis I. quæ in Schemate delineata fuit, per Montem Eoum trans-
ibat.

II. Ad Paludes Arabia incedebat.

III. Inferiorem ripam Paludis Marzotidis, & extremitatem
Sinus Sirbonis tangebatur.

IV. Per Insulam Letoam incedebat, ad ipsum M. Sinai usq;
sed dictus Mons totus adhuc erat conspicuus.

V. Sinum Syrticum transire videbatur, sic ut totum M. Si-
nai umbra jam regeret.

VI. Supra Sinum Syrticum, ultra Inf. Cretam, & per Mare
Mortuum incedebat.

His Phasibus delineatis densissimæ nubes intervenerunt, ut nihil quicquam amplius, utut animitus exoptassem, deprehendere poterim. *Nova* vero *Stella* in collo *Ceti* hac nocte, Luna etsi plena & splendente, major erat ea in ore *Ceti*, sed nondum æquabat lucidam *Mandibulæ*; altera vero in collo *Cygni*, nudis oculis ob ejus tenuitatem parvitatemque haud quidem conspecta, sed Telescopio tamen deprehensa est.

Excerpta est hac observatio, quam Celeberrimus Auctor in rescripta (de quo & ipsi & universo Orbi literato enixe gratulamur) post immanem fortunarum laborumque ex lugubri incendio jacturam, Specula sua Astronomica inter primas instituit, ex literis Eiusdem, d. 20. Dec. s. nov. 1681: cui etiam longe benevolentissimam Operum suorum, hoc anno, per Dei gratiam edendorum, communicationem nos debere, cum prolixâ gratissima mentis significatione non possumus non profiteri. Tanti autem eadem nobis est, ut ex voto & re Eruditorum omnino existimemus, si, nobis indicibus, velut anticipato, quid e peno Celeberrimi Hevelii ipsius brevi expectandum sit, cognoscant. Inter ea vero sunt

I. Annus climætericus, sive Rerum Uranicarum aut observationum Annus quadragesimus nonus; exhibens diversas occultationes, tam Planetarum, quam Fixarum, post editam *Machinam Cælestem*; nec non plurimas altitudines meridianas Solis, ac distantias Planetarum, Fixarumque Anno 1679, quousque divina benignitas concessit, impetratas, cum Amicorum nonnullorum Epistolis ad rem istam spectantibus. Gedani in Folio.

Continebit Liber, referente Cel. Autore, observationes maxime notabiles rarissimaque, post editam Machinam cælestem, ad fœderalem usq; incendii diem, quo tota ipsius Urania conflagravit, nim. 26. Sept. ex acbere impetratas: eas cum primis, quas præcl. Dn. Edmundo Hallejo, Illustris Societatis Regiæ Anglicanæ, in fidem Instrumentorum suorum nudis pinnacidiis constructorum, observationumque totis quinquaginta annis habitarum, ac parte II. Machinæ Cælestis comprehensarum, habuit. Qua singulari divini Numinis Benignitate flammis crepta, curiosis siderum scrutatoribus vel eo nomine acceptæ erunt, quod suffragio suo caterarum, ex quibus Catalogum Stellarum Fixarum, Globosque accuratissimos mox habebunt, stabiliunt. Accedet

iii con-

iii continuatio historiz novarum Stellarum, *inprimis mira illius in collo Ceti.*

II. Literæ & judicia Illustrum ac Celebratissimorum Virorum de rebus Astronomicis, ad JOH. HEVELIUM; studio atque opera I. E. O. Gedani.

III. Uranographia, Sidera Univerſa ex Catalogo *Cel. Autoris*, tam circa Polum Arcticum, quam Antarcticum, in plano, ſecundum omnium Stellarum veram magnitudinem complexa. Referet ea, præter Stellas alias recensas, 800 circiter novas; Asteriſmos priſtiniſ recentè adjectos, Camelopardalim, Canes Venaticos, Lacertam, Leonem Minorem, Lyncem ſeu Tigridem, Monocerotem, Uraniz ſextantem a Vulcano repetitum, Triangulum minus, & Vulpeculam cum Anſere.

IV. Globi cœleſtes diverſiſſimæ magnitudinis, ad annum 1700

completum: ex obſervatis, diligentiâ tot annorum incredibili, ſtellarum omnium hætenus cognitarum locis correcti, & altera fere parte Stellarum, atque hætenus prodierunt, auctiores. Cujus documentum eſto Tabella ad latus poſita, numerum Stellarum Tychoniarum & Hevelianarum unius & alterius ſideris referens: Sparſis illis, quæ ab aliis huic illive Aſteriſmo adſcriptæ, a Noſtro vero novis ſuis tributæ ſunt, non connumeratis.

Sidera Cœleſtia.	Num. Stell. Tychoſis.	in Glob. Hevelii.
Andromeda.	23.	48.
Antinous.	7.	26.
Aquila.	11.	24.
Bootes.	26.	54.
Canis Minor.	3.	14.
Cepheus.	11.	52.
Cetus.	22.	47.
Cygnus.	26.	48.
Hercules.	28.	49.
Leo.	36.	60.
Pegasus.	10.	34.
Perſeus.	28.	46.
Serpentarius.	18.	37.
Ursa Major.	36.	74.

V. Catalogus Stellarum Fixarum omnium, ex obſervationibus multorum annorum inde-

ſſo labore Gedani habitis, conſtructus, ac plurimis ſtellis hætenus nondum a quoquam obſervatis, locupletatus; exhibens tam Longitudines, & Latitudines, quam Aſcenſiones Rectas & Declinationes, ad

Annum

Annum Christi completum 1660. Cui annexa sunt quorundam Illustrissimorum Virorum loca, ad eundem Annum deducta, earum videlicet Fixarum, quas ipsi olim observarunt, secundum longitudinem & latitudinem: utpote *Tychonis Brahei, Principis Hassæ, Riccioli, Ulug Beighi, & Ptolemai*. Quo protinus ad oculum cuique pateat, an & quousque observationes omnium convenient? an vero & in quantum discrepent?

Huic Catalogo Universalī, annexus erit alter ad annum 1700 completum, secundum longitudinem & latitudinem, cum Tabula Ascensionum & Declinationum, & quidem 526 Fixarum, earundemque differententiis, inter annum videlicet 1660. & 1760.

Hæc præter Cel. Vir in quindecim Volumina, Vulcano per Dei gratiam subducta, Literas omnes Illustrum ac Clarissimorum Virorum ad se scriptas, cum responsionibus, ab anno 1630 ad præsentem 1682 digessit: in quibus præter ea, quæ ad Astronomiam, Geometriam, Opticam, Chronologiam, Mechanicam & Physicam spectant, nihil rerum privatarum aut aliorum in Orbe gestorum; atque inde tanto major Orbi Erudito thesaurus sperandus foret, si, quod elegantissima Typographia Heveliana, ubi flammæ indignas evasisset, præstitura fuisset, aliorum opera sumtuque, in vicem laudabilem succedente, sperari possit. Plurimum certe referret, aliis etiam constare, ut verbis laudatæ Epistolæ rem enunciemus: quid inter nos (Dnum Hevelium, Aliosque) gestum, scriptum, disceptatum, & quibus rationibus quilibet res suas corroboraverit, tum quorum opinio de diversissimis rebus mathematicis prævaluerit.

Potuissemus, insignis colophonis loco, antegressis adjungere Catalogum MSSorum ἀνυδότην Celebrissimi Kepleri, in scriptis D. Hevelii hætenus reconditorum, eadem Humanissima Manu Nobis indultum, nisi jam laborem hunc Clariss. Editor Transactionum Philosophicarum Anglicarum Anno 1674. Vol. octavo, pag. 20. occupasset.

Ne vero, pari cum cætera erudita suppellectile Heveliana fæto, Eadem diviis flammis in rapinam cecidisse, frustra quisquam foree doleat, suffecerit hic divinam clementiam debite depradicasse, per quam ea tam Vulcani, quam Autolyi depradatrices manus, singulari providentia evasere: ut adeo Celebrissimo Possessori & hunc thesaurum, obstrictantibus Eorum, qui publico ea curare possunt, manibus, grata aliquando debere possit posteritas.

ACTA ERUDITORUM

publicata Lipsiæ

Calendis Februarii, Anno M DC LXXXII.

MUSEUM REGALIS SOCIETATIS.

Londini A. 1681.

Prostat Lipsiæ apud J. Grossium & C.F.F. Hæredes.

Recensuimus Calendis Januarii pag. 1. sqq. *Naturalia quædam ex animali & vegetabili Regno, Musco hoc recondita. Super sunt quæ ad Minerale Regnum spectant, nec non Artificialia: quæ nunc promissimemores subijcimus.*

MINERALE ergo quod attinet Regnum, se offerunt primo petrefacta, quæ inter pag. 255. *Ichthyites* in modum typi: hoc est lapis, cujus plano figura piscis non est impressa, sed cavitas lapidis interior in figuram ac typum piscis exacte est formata, adeoque quasi matricem aut formam exhibet, cui alia corpora, pro induenda piscis figura imprimenda sint. Sequuntur plures entrochitarum, item Coralliorum species ac varietates; speciatim *Corallium rubrum*, cujus radix supra truncum corallii albi expansa p. 275. *Rupes Adamantum*, ex qua in forma crystallorum sexangulari excrescunt. p. 281. *Lapis viridis, Smaragdi species*, quæ intensius calefacta, in tenebris ad tempus notabile, scilicet per $\frac{1}{2}$. horæ partem luceat: ita quidem, ut color ejus viridis, (secundum ea, quæ observavit autor) admoto igne incalcescentis, in intensissime caruleum mutetur, quem pariter retineat, quamdiu splendet, redeunte postmodum nativa viriditate. p. 287. *qui lapis, si non idem est cum Phosphoro Smaragdino Elsholtzii, in observat. de 4. Phosphoris, n. iii. sane haud multum ab eo discrepare videtur. De Turcoide etiam refert Autor, speciem eum videri æruginis, suo modo petrefactæ: id quod præter colorem & saporem ejusdem calcinati confirmet:*

E

unde

ande minus mirum videri possit, lapidem hunc tandem, præsertim aeri diutius expositum, coloris elegantiam perdere, quæ possit restitui per Oleum vitrioli, quod absumat fatiscentem & deflorescentem ejus superficiem. p. 294. quod posterius tamen experientia scrutinio ulteriori committendum, cum alias haud facile sit, colorem Turcoidis perditum restituere. Prout vero Autor hoc loco Turcoidis alterationem considerat, ita sub lapidum & similium fossilium recensitione ubivis fere observat, quomodo acidorum respectu se gerant, an cum iisdem, & cum quibus effervescent. Quæ inserviunt illustrando similis argumenti Autoris scripto, *of the Lutation, arising from the mixture of bodies*: hoc est, de lucta e mixtura corporum oriunda, quod ipsum jam Gallico Idiomate Parisiis Ao. 79. prodiiit, sub Tit: Experiences sur le combat, qui arrive du melange de diverses liqueurs, avec toutes sortes des corps. Recenset porro *Crystallum Talcum seu Crystallum Islandicum* Bartholini, p. 309. Refractiones singulares hujus lapidis, structuræ tribuit inæquali, ideo, quod is non frustum unicum saltem, aut absolute continuum, sed compositus sit ex distinctis laminis seu bracteis, diversimode contiguis, adeo ut in quibusdam locis distinctæ istæ laminæ, saltem unam Refractionem, in aliis duas, vel plures efficiant. p. 310. Prostat hinc *Magnes* ponderis 60 librarum, haud quidem ingens adeo pondus elevans, acum tamen novem pedes distantem movens. Partes quædam ipsius diffractæ, in proprium locum denuo repositæ, multum ejus robori addiderunt. p. 317. Mutabile sc. magnetis robur est, adeo ut successu temporis multum de sua vi tractoria, & quæ inde pendet, appensorum ferramentorum suspensoria amittat. Pro avertendo tamen hoc defectu, quin & pro eodem, jam factio forte, corrigendo, facit actionis ejus continuas, simili fere ratione, atq; in moralibus exercitium virtutum generosiores eas reddit, & animales motiones per crebriorem usum fortiores evadere solent; id quod curiosa ab Autore recensita confirmat observatio magnetis cujusdam armati. Sedecuplum is proprii sui ponderis initio attollebat, sed per aliquot annos sepositus, quartam roboris partem amiserat; cujus restituendi causa, tantum eidem rursus, quantum sustinere poterat, ponderis ferrei fuit appensum, & ita aliquandiu relictus: hinc ab aliquot septimanis denuo plus ponderis appensi ferre posse observatus fuit: quod ubi pedetentim, addito novi semper ponderis augmento,

augmento, repeteretur per biennium, lapis iste non solum pristinum robur recuperavit, sed vigoris etiam sui incrementum cepit tantum, ut vigecuplum proprii ponderis attolleret. p. 318. *Ingens minerarum luna varietas*, p. 323. *cum vix ullum metallum, tanta minera seu matricis varietate ludat, ac Luna: sicut Cupri minera, pra aliis elegantissimorum colorum mixtura conspicua esse solet.* Item prater lunam capillaceam, etiam *Cupri capillaris*: p. 326. it. *capillacum & granulatam Cuprum simul, nativum, in uno frusto.* c. l. *Minera aliquot Jovis: qua occasione mentionem Autor injicit mixturae, contra morsum canis rabidi, ex mithridatio & stanno, plurimi a Venatoribus quibusdam aestimata.* p. 329. *Plumbum crystallinum, hoc est in apices hexagonos finiens, ex minera.* p. 329. *Ferri minera, ex qua metallum, plurium longarum & rotundarum stiriarum formam, majorumque acicularum crassitiem induens exsurgit.* p. 330. *Duo ossa pedis humani in ferrum mutata: item frustum stiriae lapideae (Germ, Troppstein /) ferrificatum.* p. 332. *Frustulum naturalis salis Ammoniaci, per subterraneos calores, in lithantra cum fodina prope Civitatem Angliae Nevv Castle, sublimati,* pag. 339. *Idem Sal in forma Corni sacharini ex sua matrice, prout ex terra dicti loci fuit eruta, arte sublimatum; uti & spiritus vol. ex eodem Sale cum calce viva addita destillatus.* p. 353. *Sal quoddam singulare (seu anomalon) ex montanis Teneriffae desumptum, ad alcalisatorum Naturam accedens.* p. 339. *Frustum succini $\frac{1}{2}$ pedis longitudine, fossile, seu fodiendo repertum sub propugnaculis Rensburgensibus in Holsatia, pedes 18 sub terra, loco 25 milliaria (intellige Anglicana) a Baltico pariter & Germanico Oceano distante.* p. 343. *Frustum succini flavi, cum cicada inclusa:* p. 334. *Ut & alia, cum culice, muscis & similibus insectis reconditis.* c. l. *Sulphur nativum crystallizatum Peruvianum semi perspicuum.* p. 345. *Terra, quae pluviae ad instar copiosa ex aere decedit in Archipelago, sub incendio Vesuvii a. 1631. eaque duplex, grysea una, altera bolariis, similis jalapae pulverisata:* p. 346. *hinc & alia terra pluvialis, ex Teneriffa, pallidi argillacei coloris & insipida. Haec cum Oleo vitrioli mox effervesceat, illae minime.*

Naturalibus succedunt ARTIFICIALIA. I. *Chymica: ut Oleum Nicotianae seu tabaci per descensum: hujus una, vel duae guttae linguae felis impositae, immediate horridas convulsiones excitant, &*

1. minuti horæ spatio eam enecarunt: de eodem oleo aliquoties autor Parenti suo, Tabaci fumo assueto, aliquantulum contra odontalgiam exhibuit, dentibus applicandum, felici plane cum successu: ipse vero autor tabaci fumo minime assuerus, eodem modo aliquando idem oleum cum usurpasset, tamen nihil sputi salivarii degluti-
verat, nihilominus summe debilis redditus fuit, cum superveniente vomitu p. 352. Oleum per Alembicum destillatum, *ex rad. arboris Cinamomi*, contusa & in aqua macerata, simillimum camphoræ, p. 352. *Oleum macis* recens expressum, liquidum, colorem referens Tincturæ croci, & odoratissimum: id quod confirmat assertum Linschotti, colorem originale macis esse scarlatinum. *Salia fixa* plurium simplicium Vegetabilium, de quibus autor asserit, quod rite tractata, eadem ex diversis subiectis, multum inter se differant, tam acrimonia, quam modis aliis, etiamsi æqualiter sint calcinata: adeo ut usus eorum promiscuus, in Medicina minus tutus sit: cum, exempli gratia, Sal Tartari scrup. ꝑ. tam potens sit, ac scrup. i. Sal absinthii. p. 353. *Phosphorus Hermeticus solidus*, qui luci vel Solis vel ignis expositus, in tenebris aliquandiu lucere solet. Autor hujus primus recte dicitur *Baldwinus*, nunc defunctus, qui tamen nec modum, nec ingredientia ullibi manifestavit. Eundem *Dr. Fr. Slare*, Anglus, An. 1679 felici successu & præparavit, & Societati Regiæ exhibuit. Cretam scilicet calcinatam solvit in f. q. spiritus nitri, solutionem filtratam evaporat ad Salis consistentiam: hoc in testa sub tegula fornicata calcinat, non absque ebullitionis impetu successive, observando ubique debitas enchirises, (prolixius ab autore recensitas) resistente tandem, omnia ubi refrigerint, in testa capite mortuo flavescentis coloris, qui quousque conspicitur, eousque etiam vis luminosa se extendit: custodienda massa hæc sedulo ab aere, alias septimana intra spatium vim suam amittit. Observationes haud vulgares circa hunc Phosphorum factæ, & ab autore recensitæ, sequentes sunt. Expositus auroræ splendori, paulo ante Solem exortum, exhibet lucidum quasi roseum nitorem: appropinquante vero Sole ad meridianum, ad intensiorem ferri candefacti splendorem assurgit: paulo post Solis occasum, ad pallidum colorem instar matris perlarum declinat. Luci candelæ, vel fasciculi lignorum expositus, pallidi coloris lumen, simile illi, quod sub Solis descensum asciscit, contrahere solet: expositus
vero

vero ad notabile tempus Lunæ clarissimæ radiis, nec tantillum hinc lucere observatur. In Vacuò Boyliano aservatus, etiam per 4 aut 5 menses, proprietatem istam Luminis rapacem minus solet perdere. Causam Phænomeni hujus in genere redditurus supra laudatus *Dr. Slare*, 1. id, quod in mistura ista lumen suggerit, arbitratur esse partes igneas puras Spiritus Nitri, in creta concentratas: 2. modum quod attinet, fieri hoc ipsum non per imbibitionem lucis, sed saltem per impressionem ab illa factam, unde oriatur motus in mistura, luminis productivus: &c. Noster vero Autor suspendit propejudicium: in primis enim quid lux sit, pressius declarari cupit: hinc arbitratur, quod in præsentî casu Sal cretaceus, nitrosus, & aereæ particulae insimul inserviant ad componendum subjectum aptum recipiendo genuino corpori lucido &c. &c. p. 357. Sed præter hunc Phosphorum solidum, Autor præterea mentionem facit duplicis *Phosphori liquidi*, quorum prioris quidem supponatur autor *Dn. Dan. Kraft*, (revera tamen est *Kunkelius*, *Electori Sax. olim a Laboribus Chymicis, qui se cretum hoc se Kraftio communicasse affirmavit*) posterioris vero inventor est *Dn. Boyle*, qui noctilucam aeriam appellavit.

Sequuntur 2. *Instrumenta ad Philosophiam naturalem* pertinentia: In quibus eminet in primis a *Weather Clock*, seu automaton, mutationes tempestatum & temperaturæ aeris ostendens: constat principaliter ex horologio cum pendulo, Barometro, thermometro, mensura pluviali, Ventilugio & hygroscoPIO. p. 358. Instrumentum pro mensuranda quantitate pluvii, quæ certo temporis spatio, super certam soli partem, v. g. jugerum defluat, descriptum p. 358. Autor ejus est *D. Wren*, nunc Soc. Reg. Præses Illustrissimus. *Furnus Lampadis*, inserviens tam exclusioni ovorum, pro observando generationis processu, quam digestionî liquorum &c. p. 358. *Speculum istorium capnum*, h. e. compositum ex duobus vitris concavis, uti eo cum volueris, aqua communi replendis: p. 359. Instrumenta Oroscopica tria, pro juvando auditu, ex ebone unum, alterum ex cupro, in forma infundibuli, nisi quod rostrum sit nonnihil inflexum, pro meliori ad aurem applicatione & soni receptione: unum ex stanno figuræ conicæ, cum inclusa cochlea, p. 359.

Hinc 3. *Artificialia Mathematica & Mechanica*, v. g. *Telescopium* reflectens. p. 360. *Instrumentum* demonstrans, in quantum

navis adverſo vento vela facere queat. p. 364. *Canoo* ſeu navicula Grœnlandorum p. 364. *Venenum Macaſſarenſium*, quo arma inficiunt. Cujus cum variî ſint modi, in eo, quod hic proſtat, apparent crura aliæque partes ſpeciei cujuſdam ex cantharidibus, quæ videntur miſta cum certo Sale corroſivo. p. 368.

Denique 4. *Pure Mechanica. Statera Chinenſis*, exacte deſcripta: p. 369. *Par folium ligneorum*. p. 369. *Sembradore Hiſpanicus*: hoc eſt machina, mediante qua ſimul & aratur & ſeritur & occatur. *Varia Indorum Utensilia* p. 372. item *Chirotheca & Ocreæ* Iſlandorum. pag. 375.

Tandem *moneta*, & alia ad *Antiquitatem* pertinentia, Opus finiunt p. 380.

Præter opinionem crevit ſub manibus recensuſ Muſei. Sed ea ratione conſultum voluimus Anglicana lingua minus gnariſ, qui nibilominus utri hoc libro ſuo cum fructu poterunt, ſi figuras quibus expreſſa cuncta ad amuſſim ſunt, conferre cum Excerptis huius noſtris ſuſtinerint, Appendicem vero quæ anatomen comparatam ventriculorum & inteſtinorum continet, Calendii Martiiſum exhibitur.

HERMANNI NICOLAI GRIM, Chirurgiæ & Medicinæ Præctici, & Societatis Indi- ciæ Oriental. Medici, Compendium Medico- Chymicum.

Batavia Javanorum. Anno 1679. in 8.

PRæſens hoc ſcriptum eſt ſuccincta quædam Praxis medica, ex longæ experientiæ ſinu, ut in præſatione loquitur Autor, protracta. Primo quidem uniſcujuſque affectus ſpecialis remedia & formulas, ſibi tam in Europa, quam India uſitatoria, in genere, ille ipſe recenset: hinc Obſervationum nomine ſpeciales curationes, hitoriam morbi pauciſſimis enarrando, & remedia adminiſtrata adjiciendo, ſubjungit: denique in fine Operis, curioſam variorum medicamentorum nonnullorum præparationem, annectit. Ipſas quod attinet curationes, & remedia adhibita, præter Vomitoria antimonialia & purgantiavegetabilia, alterantia adhibita maximam partem de natura Salium

Salium vol. Oleosorum existunt, sive præparatione jam ita elaborata, sive per mitionem in ipsis præscriptionibus talia reddita. In specie *l. i. c. i. obs. i. p. 13.* Hemictania gravis ex acri salsa materia, exterioribus membranis infixa, applicato cum linteis spiritu Corn. Cerv. brevi fuit fugata. *Obs. 15. p. 61.* Virgo Epilepsia habituali a 3 ætatis anno, ad 15 usque confictata; interpositis laxativis debitis, sequenti mîstura; crebrius eam capiendò, fuit curata:

Rec. Spir. sangu. humani dr. i.

Tinctur. castor.

Ess. succini ana dr. f.

Sal. succini volatil. scr. i;

Aqu. secundinæ unc. ij.

Syr. Pæoniæ unc. f. M.

Observ. 99. referuntur modi, quibus restituti fuerint ii, qui sub navalî ad Indiam Orientalem itinere scorbutò correpti, membrorum in rigore & aliis gravioribus symtomatibus laborarunt. *L. 3. Obs. 26. & 27.* contra lêterum, spiritus Salis ammoniaci acidus potui ordinario instillatus, mire extollitur. *Obs. 36. p. 255.* notatur Diabets, cum macie, ex abusa potus Thee, curatus, cum diæta, ut plurimum ex lacte, sequenti mîstura, interponendò quandoque sem. frigid. emulsiones:

Rec. Liqueor. Sal. hæmatitis dr. f.

Tinct. rosarum,

Santal. rubr. ana dr. i:

Syr. corall. unc. f.

Aqu. rosarum,

Nymphææ ana unc. ij. M

Capiatur cochleatim.

Quod denique præparationes medicamentorum attinet; observandum est, quod Autor præsentis scripti, jam anno 1677 Belgico idiomate Bataviæ Indorum ediderit *Laboratorium Ceylonicum* ex inquilinis Ceyloniæ Insulæ simplicibus concinnatum, ut patet ex *Compend. hujus l. iii. obs. 25. p. 108.* (in specie ex Act. Hafniens. Vol. V. observ. 51. pag. 123.) quod a *Barthol. Pielat Med. D.* latinitate donatum, publicæ luci, suppressò licet penitus Autoris nomine, expositum fuit. Plura ergo remediòrum, præsentî scripto annexorum, jam in illo *Laboratorio Ceylonensi* fuerunt descripta, præter quæ tamen Spiritum

Tartari

Tartari sassafratum, fuliginis succinarum, Sal. ammon. succinatum, Sal. ammon. theriacalis, Sal. vol. oleosum ex rad. aromaticis destillando eliciendum, Sal. cran. human. aromaticum, Tincturam coralliorum, cum proprio eorum spiritu, Tincturam Sal. Liquorem Hæmatitis, Spiritum Sal. ammon. acidum, mediante quo Tincturam Martis parat, Elixir panis, Elixir Helmontii, Extractum Opii Tarrasifatum aromaticum, Hæmaticem Philosophicum, aliaque nonnulla præparare docet.

LA CHIAVE DEL GABINETTO

del Cavaliere Giuseppe Francesco Borri,

Milaneſe.

hòc est.

Clavis ad conclave ſecretius Joſephi Franciſci
Burrhi, Mediolanenſis Equitis,

Coloniæ, 1681. in 12.

Cum jam olim undique Burrhi fama innotuerit, veridica ſubinde eadem, non raro quoque mendaciſſima, viſum fuit, & præſentis, nomine ejus inſigniti, ſcripti mentionem injicere. Bipartitum eſt hoc ipſum, cujus priori parte, Editor Anonymus, Burrho tamen minus favens, ut vel ex præfatione innotefcit, ſub ſpecie Dialogi, aliquot Epistoſas exhibet, quas Burrhum ſcripſiſſe aſſerit: quibus ſuccinctam Viæ Burrhi hitoriam, magis tamen Eccleſiaſtica, quam civilem ſubjungit. In parte vero poſteriori recensentur Inſtructiones Politicæ, quas Burrhus Regi Daniæ ſubminiſtraverit. Epistoſas quod attinet, earundem ſunt X: In quarum prioribus duabus refertur Diſcurſus habitus cum quodam nobili Dano, qui certas quasdam creaturas, præter hæcenus cognitæ, adeoque chimericæ, utriuſque ſexus in quovis elemento ſibi finxerit, quæ ſint dociles, ſcientiarum amantes, ſapientibus officioſæ, aſt inimicæ ſtolidorum: quales in aqua ſint *Ondini ſeu Nympſæ*, in Terra *Gnomi*, in igne *Salamandra*, in Aere vero *Sylvi*: quæ matrimonio junctæ cum hominibus, ſiant immortales, &c. In 3. conſiderat generationem metallorum, tam naturalem, quam artificialem. In 4. docet ſecretum extra-

hendi

hendi semen auri, quod sit lapis verus Philosophorum; in 5. vero, modum coagulandi Mercurium per Saturnum liquefactum: sicuti in 6. modum convertendi Mercurium in Solem & Lunam. In 7. describitur aqua destillata cosmetica, ex quibusdam vegetabilibus, pro corrigendis faciei vitiis. In 8. referuntur varia sic dicta secreta: v. g. conficere globulos vitreos, qui in igne cum insigni strepitu, instar bombardæ displodantur: item statuam, quæ extinctam candelam, quasi inspirando, reaccendat: mobile perpetuum alchymisticum: progerminationem variarum plantarum intra horæ spatium, ex earum seminibus promovere: & deniq; præparare atramentum crypticum, ejus scriptura evanescat, quæ alio superinducto atramento denuo compareat. In 9. docetur methodus separandi metalla ex suis mineris, per fusionem cum pulvere composito ex p. ii. Tartari p. ii. borrac. & p. nitri carbon. pulveris. p. i. In decimo denique, refertur discursus Medici cujusdam Germani, de differentia corporis & animæ, & structura corporis animalium mechanica: cujus vi, citra animam, & citra ullam cognitionem, quasvis suas functiones edant bruta: & hæc omnia simpliciter ex principiis Cartesianis: & hæc de Epistolis.

Altera hujus scripti pars continet plura Axiomata Politica, haud tamen adeo secreta, ad quorum normam Princeps imperium suum administrare debeat, illustrata discursibus & exemplis variis.

De quibus tamen omnibus, in Clave hac contentis, fides quidem sit penes *Editorem*, judicium vero penes *Lectorem*.

DE VERA PROPORTIONE CIRCULI AD *Quadratum circumscriptum in Numeris rationalibus*

GOTHOFREDO GVILIELMO LEIBNITIO

expressa.

Proportiones curvilinearum ad Rectilinea investigare Geometræ semper sunt conati, & tamen nunc quoque, etiam post Algebram adhibitam, nondum ea res satis in potestate est, secundum methodos

F


qui-

quidem hætenus publicatas; neque enim hæc problemata ad æquationes Algebraicas revocari possunt: & usum tamen pulcherrimum habent, inprimis in Mechanica ad puræ Geometriæ terminos reducenda, quod norunt, qui talia profundius inspicere, pauci quidem, sed maxime eximii Mathematicorum. Primus Archimedes, quantum constat, invenit, quæ sit ratio inter conum, sphaeram, & cylindrum ejusdem altitudinis & basis, nempe qualis est numerorum 1, 2, 3, ita ut cylindrus sit triplus coni, & sesquialter sphaeræ; unde sphaeram & cylindrum etiam sepulcro suo insculpi jussit: Idem invenit quadraturam Parabolæ. Nostro sæculo repertus est modus metiendi figuras curvilineas innumerabiles, inprimis quando ordinatæ BC, in Schemate 1, sunt in ratione utcumque multiplicata aut submultiplicata, directæ aut reciproca, abscissarum AB vel DC; erit enim figura ABCA ad rectangulum circumscriptum ABCD, ut unitas ad numerum rationis multiplicationem exprimentem, unitate auctum. Exempli gratia, quia in *Parabola* abscissis AB sive DC, existentibus ut numeris naturalibus, 1, 2, 3, &c. ordinatæ BC, sunt ut eorum quadrata 1, 4, 9, &c. seu *in duplicata* ratione numerorum, tunc numerus rationis multiplicationem exprimens *erit* 2: ergo erit figura ABCA ad rectangulum circumscriptum ABCD, ut 1 ad 2 $\frac{1}{2}$ + 1; seu ut 1 ad 3: sive, figura erit tertia pars rectanguli. Si AB vel CD maneant numeri naturales, & BC fiant cubi, 1, 8, 27, &c. (nempe in *Paraboloide cubica*) foret ratio ordinarum *triplicata* rationis abscissarum: Ergo figura ad rectangulum, ut 1 ad 3 $\frac{1}{3}$ + 1 sive 4; seu pars quarta. Sin DC sint quadrata, BC cubi, sive ratio ipsorum BC, rationis ipsarum DC *triplicata subduplicata*, erit figura (*paraboloides cubico-subquadratica*) ABCA ad rectangulum ABCD, ut 1 ad $\frac{3}{2}$ $\frac{1}{2}$ + 1; seu duas quintas rectanguli constituer. In *reciprocis*, numero rationis multiplicationem exprimenti præfigitur signum —, sive minus.

TAB. IV.

Sed circulus nondum hætenus cogi potuit sub hujusmodi leges, quævis ab omni retro memoria a Geometris exercitus. Nondum enim inveniri potuit Numerus exprimens rationem Circuli A, ad quadratum circumscriptum BC *Figur. 2*, quod est quadratum diametri DE. Nec inveniri potuit ratio circumferentiæ ad diametrum, quæ est quadrupla rationis Circuli ad Quadratum. Archimedes quidem Polygona Circulo inscribens & circumscribens, quoniam major est inscriptis,

TAB. IV. *ad fl. 1682 p. 42.*




Numero DEUS
I
impare gaudet

III.



BHG F E D C A IV.
 $\frac{1}{24}$ $\frac{1}{12}$ $\frac{1}{6}$ $\frac{1}{4}$ $\frac{1}{3}$ $\frac{1}{2}$



scriptis & minor circumscriptis, modū ostendit, exhibendi limites intra quos circulos cadat, sive exhibendi appropinquationes: esse scilicet rationem circumferentiæ ad diametrum, majorem quam 3 ad 1, seu quam 21 ad 7, & minorem quam 22 ad 7. Hanc Methodū alii sunt persecuti, Ptolemæus, Vieta, Metius, sed maxime Ludolphus Colonienfis, qui ostendit esse circumferentiam ut 3. 14159 265 358979 323846 &c.

ad diametrum, ad 1. 00000 0000000000000000

Verum hujusmodi Appropinquationes, etsi in Geometria practica utiles, nihil tamen exhibent, quod menti satisfaciatur, avidæ veritatis, nisi progressio talium numerorum in infinitum continuandorum repariatur. Multi quidem perfectum Tetragonismum professi sunt, ut Cardinalis Cusanus, Orontius Finæus, Josephus Scaliger, Thomas Gephyrander, Thomas Hobbes, sed omnes falso; calculis enim Archimedis vel hodie Ludolphi, refellebantur.

Sed quoniam video, multos non satis percepisse, quid desideretur: sciendum est, Tetragonismum sive conversionem circuli in æquale quadratum, aliamve rectilineam figuram (quæ pendet a ratione circuli ad quadratum diametri, vel circumferentiæ ad diametrum) posse intelligi quadruplicem; nempe vel per calculum, vel per constructionem linearem; utrumque; vel accurate, vel propemodum. *Quadraturam* per calculum accuratum voco *Analyticam*; eam vero quæ per Constructionem accuratam fit, voco *Geometricam*: per calculum prope verum, habetur *appropinquo*; per constructionem prope veram, *Mechanismus*. Appropinquationem longissime produxit Ludolphus; Mechanismos egregios Vieta, Hugenus, alique dedere.

Constructio Geometrica accurata haberi potest, qua non tantum Circulum integrum, sed & quemlibet sectorem sive arcum metiri liceat, motu exacto atque ordinato, sed qui curvistranscendentibus competat; quæ per errorem alioqui Mechanicæ censentur, cum tamen æque sint Geometricæ, ac vulgares: licet Algebraicæ non sint, nec ad æquationes Algebraicas, seu certi gradus, reduci queant; suas enim proprias, etsi non Algebraicas, tamen analyticas habent. Sed ista hic pro dignitate exponi non possunt. *Quadratura Analytica*, seu quæ per calculum accuratum fit, iterum in tres potest dispesci; in Analyticam transcendentem, Algebraicam, & Arithmeticam. *Analytica transcendens*, inter alia habetur per æquationes gradus indefiniti, hæc enus

a nemine consideratas, ut si sit $X^2 + X$ æqual. 30, & quadratur X , reperiatur esse 3, quia $3^2 + 3$ est 27 + 3 sive 30: quales æquationes pro circulo dabimus suo loco. *Algebraica* expressio fit per numeros, licet irrationales, vulgares, seu per radices æquationum communium: quæ quidem pro quadratura generali circuli sectorisque impossibilis est. Superest *Quadratum Arithmetica*, quæ saltem per series fit, exhibendo valorem circuli exactum progressionē terminorum, in primis rationalium, qualem hoc loco proponam.

Inveni igitur: vid. fig. 3.

Quadrato Diametri existente

circuli aream fore: $\frac{1}{2} + \frac{1}{4} + \frac{1}{8} + \frac{1}{16} + \frac{1}{32} + \frac{1}{64} + \frac{1}{128} + \frac{1}{256} + \frac{1}{512} + \frac{1}{1024} + \frac{1}{2048} + \frac{1}{4096} + \frac{1}{8192} + \frac{1}{16384} + \frac{1}{32768} + \frac{1}{65536} + \frac{1}{131072} + \frac{1}{262144} + \frac{1}{524288} + \frac{1}{1048576} + \frac{1}{2097152} + \frac{1}{4194304} + \frac{1}{8388608} + \frac{1}{16777216} + \frac{1}{33554432} + \frac{1}{67108864} + \frac{1}{134217728} + \frac{1}{268435456} + \frac{1}{536870912} + \frac{1}{1073741824} + \frac{1}{2147483648} + \frac{1}{4294967296} + \frac{1}{8589934592} + \frac{1}{17179869184} + \frac{1}{34359738368} + \frac{1}{68719476736} + \frac{1}{137438953472} + \frac{1}{274877906944} + \frac{1}{549755813888} + \frac{1}{1099511627776} + \frac{1}{2199023255552} + \frac{1}{4398046511104} + \frac{1}{8796093022208} + \frac{1}{17592186044416} + \frac{1}{35184372088832} + \frac{1}{70368744177664} + \frac{1}{140737488355328} + \frac{1}{281474976710656} + \frac{1}{562949953421312} + \frac{1}{1125899906842624} + \frac{1}{2251799813685248} + \frac{1}{4503599627370496} + \frac{1}{9007199254740992} + \frac{1}{18014398509481984} + \frac{1}{36028797018963968} + \frac{1}{72057594037927936} + \frac{1}{144115188075855872} + \frac{1}{288230376151711744} + \frac{1}{576460752303423488} + \frac{1}{1152921504606846976} + \frac{1}{2305843009213693952} + \frac{1}{4611686018427387904} + \frac{1}{9223372036854775808} + \frac{1}{18446744073709551616} + \frac{1}{36893488147419103232} + \frac{1}{73786976294838206464} + \frac{1}{147573952589676412928} + \frac{1}{295147905179352825856} + \frac{1}{590295810358705651712} + \frac{1}{1180591620717411303424} + \frac{1}{2361183241434822606848} + \frac{1}{4722366482869645213696} + \frac{1}{9444732965739290427392} + \frac{1}{18889465931478580854784} + \frac{1}{37778931862957161709568} + \frac{1}{75557863725914323419136} + \frac{1}{151115727451828646838272} + \frac{1}{302231454903657293676544} + \frac{1}{604462909807314587353088} + \frac{1}{1208925819614629174706176} + \frac{1}{2417851639229258349412352} + \frac{1}{4835703278458516698824704} + \frac{1}{9671406556917033397649408} + \frac{1}{19342813113834066795298816} + \frac{1}{38685626227668133590597632} + \frac{1}{77371252455336267181195264} + \frac{1}{154742504910672534362390528} + \frac{1}{309485009821345068724781056} + \frac{1}{618970019642690137449562112} + \frac{1}{1237940039285380274899124224} + \frac{1}{2475880078570760549798248448} + \frac{1}{4951760157141521099596496896} + \frac{1}{9903520314283042199192993792} + \frac{1}{19807040628566084398385987584} + \frac{1}{39614081257132168796771975168} + \frac{1}{79228162514264337593543950336} + \frac{1}{158456325028528675187087900672} + \frac{1}{316912650057057350374175801344} + \frac{1}{633825300114114700748351602688} + \frac{1}{1267650600228229401496703205376} + \frac{1}{2535301200456458802993406410752} + \frac{1}{5070602400912917605986812821504} + \frac{1}{10141204801825835211973625643008} + \frac{1}{20282409603651670423947251286016} + \frac{1}{40564819207303340847894502572032} + \frac{1}{81129638414606681695789005144064} + \frac{1}{162259276829213363391578010288128} + \frac{1}{324518553658426726783156020576256} + \frac{1}{649037107316853453566312041152512} + \frac{1}{1298074214633706907132624082305024} + \frac{1}{2596148429267413814265248164610048} + \frac{1}{5192296858534827628530496329220096} + \frac{1}{10384593717069655257060992658440192} + \frac{1}{20769187434139310514121985316880384} + \frac{1}{41538374868278621028243970633760768} + \frac{1}{83076749736557242056487941267521536} + \frac{1}{166153499473114484112975882535043072} + \frac{1}{332306998946228968225951765070086144} + \frac{1}{664613997892457936451903530140172288} + \frac{1}{1329227995784915872903807060280344576} + \frac{1}{2658455991569831745807614120560689152} + \frac{1}{5316911983139663491615228241121378304} + \frac{1}{10633823966279326983230456482242756608} + \frac{1}{21267647932558653966460912964485513216} + \frac{1}{42535295865117307932921825928971026432} + \frac{1}{85070591730234615865843651857942052864} + \frac{1}{170141183460469231731687303715884105728} + \frac{1}{340282366920938463463374607431768211456} + \frac{1}{680564733841876926926749214863536422912} + \frac{1}{1361129467683753853853498429727072845824} + \frac{1}{2722258935367507707706996859454145691648} + \frac{1}{5444517870735015415413993718908291383296} + \frac{1}{10889035741470030830827987437816582766592} + \frac{1}{21778071482940061661655974875633165533184} + \frac{1}{43556142965880123323311949751266331066368} + \frac{1}{87112285931760246646623899502532662132736} + \frac{1}{174224571863520493293247799005065324265472} + \frac{1}{348449143727040986586495598010130648530944} + \frac{1}{696898287454081973172991196020261297061888} + \frac{1}{1393796574908163946345982392040522594123776} + \frac{1}{2787593149816327892691964784081045188247552} + \frac{1}{5575186299632655785383929568162090376495104} + \frac{1}{11150372599265311570767859136324180752990208} + \frac{1}{22300745198530623141535718272648361505980416} + \frac{1}{44601490397061246283071436545296723011960832} + \frac{1}{89202980794122492566142873090593446023921664} + \frac{1}{178405961588244985132285746181186892047843328} + \frac{1}{356811923176489970264571492362373784095686656} + \frac{1}{713623846352979940529142984724747568191373312} + \frac{1}{1427247692705959881058285969449495136382746624} + \frac{1}{2854495385411919762116571938898990272765493248} + \frac{1}{5708990770823839524233143877797980545530986496} + \frac{1}{11417981541647679048466287755595961091061972992} + \frac{1}{22835963083295358096932575511191922182123945984} + \frac{1}{45671926166590716193865151022383844364247891968} + \frac{1}{91343852333181432387730302044767688728495783936} + \frac{1}{182687704666362864775460604089535377456991567872} + \frac{1}{365375409332725729550921208179070754913983135744} + \frac{1}{730750818665451459101842416358141509827966271488} + \frac{1}{1461501637330902918203684832716283019655932542976} + \frac{1}{2923003274661805836407369665432566039311865085952} + \frac{1}{5846006549323611672814739330865132078623730171904} + \frac{1}{11692013098647223345629478661730264157247460343808} + \frac{1}{23384026197294446691258957323460528314494920687616} + \frac{1}{46768052394588893382517914646921056628989841375232} + \frac{1}{93536104789177786765035829293842113257979682750464} + \frac{1}{187072209578355573530071658587684226515959365500928} + \frac{1}{374144419156711147060143317175368453031918731001856} + \frac{1}{748288838313422294120286634350736906063837462003712} + \frac{1}{1496577676626844588240573268701473812127674924007424} + \frac{1}{2993155353253689176481146537402947624255349848014848} + \frac{1}{5986310706507378352962293074805895248510699696029696} + \frac{1}{11972621413014756705924586149611790497021399392059392} + \frac{1}{23945242826029513411849172299223580994042798784118784} + \frac{1}{47890485652059026823698344598447161988085597568237568} + \frac{1}{95780971304118053647396689196894323976171195136475136} + \frac{1}{191561942608236107294793378393788647952342390272950272} + \frac{1}{383123885216472214589586756787577295904684780545900544} + \frac{1}{766247770432944429179173513575154591809369561091801088} + \frac{1}{1532495540865888858358347027150309183618739122183602176} + \frac{1}{3064991081731777716716694054300618367237478244367204352} + \frac{1}{6129982163463555433433388108601236734474956488734408704} + \frac{1}{12259964326927110866866776217202473468949912977468817408} + \frac{1}{24519928653854221733733552434404946937899825954937634816} + \frac{1}{49039857307708443467467104868809893875799651909875269632} + \frac{1}{98079714615416886934934209737619787751599303819750539264} + \frac{1}{196159429230833773869868419475239575503198607639501078528} + \frac{1}{392318858461667547739736838950479151006397215279002157056} + \frac{1}{784637716923335095479473677900958302012794430558004314112} + \frac{1}{1569275433846670190958947355801916604025588861116008628224} + \frac{1}{3138550867693340381917894711603833208051177722232017256448} + \frac{1}{6277101735386680763835789423207666416102355444464034512896} + \frac{1}{12554203470773361527671578846415332832204710888928069025792} + \frac{1}{25108406941546723055343157692830665664409421777856138051584} + \frac{1}{50216813883093446110686315385661331328818843555712276103168} + \frac{1}{100433627766186892221372630771322662657637687111424552206336} + \frac{1}{200867255532373784442745261542645325315275374222849104412672} + \frac{1}{401734511064747568885490523085290650630550748445698208825344} + \frac{1}{803469022129495137770981046170581301261101496891396417650688} + \frac{1}{1606938044258990275541962092341162602522202993782792835301376} + \frac{1}{3213876088517980551083924184682325205044405987565585670602752} + \frac{1}{6427752177035961102167848369364650410088811975131171341205504} + \frac{1}{12855504354071922204335696738729300820177623950262342682411008} + \frac{1}{25711008708143844408671393477458601640355247900524685364822016} + \frac{1}{51422017416287688817342786954917203280710495801049370729644032} + \frac{1}{102844034832575377634685573909834406561420991602098741459288064} + \frac{1}{205688069665150755269371147819668813122841983204197482918576128} + \frac{1}{411376139330301510538742295639337626245683966408394965837152256} + \frac{1}{822752278660603021077484591278675252491367932816789931674304512} + \frac{1}{1645504557321206042154969182557350504982735865633579863348609024} + \frac{1}{3291009114642412084309938365114701009965471731267159726697218048} + \frac{1}{6582018229284824168619876730229402019930943462534319453394436096} + \frac{1}{13164036458569648337239753460458804039861886925068638906788872192} + \frac{1}{26328072917139296674479506920917608079723773850137277813577744384} + \frac{1}{52656145834278593348959013841835216159447547700274555627155488768} + \frac{1}{105312291668557186697918027683670432318895095400549111254310977536} + \frac{1}{210624583337114373395836055367340864637790190801098222508621955072} + \frac{1}{421249166674228746791672110734681729275580381602196445017243910144} + \frac{1}{842498333348457493583344221469363458551160763204392890034487820288} + \frac{1}{1684996666696914987166688442938726917102321526408785780068975640576} + \frac{1}{3369993333393829974333376885877453834204643052817571560137951281152} + \frac{1}{6739986666787659948666753771754907668409286105635143120275902562304} + \frac{1}{13479973333575319897333507543509815336818572211270286240551805124608} + \frac{1}{26959946667150639794667015087019630673637144422540572481103610249216} + \frac{1}{53919893334301279589334030174039261347274288845081144962207220498432} + \frac{1}{107839786668602559178668060348078522694548577690162289924414440996864} + \frac{1}{215679573337205118357336120696157045389097155380324579848828881993728} + \frac{1}{431359146674410236714672241392314090778194310760649159697657763987456} + \frac{1}{862718293348820473429344482784628181556388621521298319395315527974912} + \frac{1}{1725436586697640946858688965569256363112777243042596638790631055949824} + \frac{1}{3450873173395281893717377931138512726225554486085193277581262111899648} + \frac{1}{6901746346790563787434755862277025452451108972170386555162524223799296} + \frac{1}{13803492693581127574869511724554050904902217944340773110325048447598592} + \frac{1}{27606985387162255149739023449108101809804435888681546220650096895197184} + \frac{1}{55213970774324510299478046898216203619608871777363092441300193790394368} + \frac{1}{110427941548649020598956093796432407239217743554726184882600387580788736} + \frac{1}{220855883097298041197912187592864814478435487109452369765200775161577472} + \frac{1}{441711766194596082395824375185729628956870974218904739530401550323154944} + \frac{1}{883423532389192164791648750371459257913741948437809479060803100646309888} + \frac{1}{1766847064778384329583297500742918515827483896875618958121606201292619776} + \frac{1}{3533694129556768659166595001485837031654967793751237916243212402585239552} + \frac{1}{7067388259113537318333190002971674063309935587502475832486424805170479104} + \frac{1}{14134776518227074636666380005943348126619871175004951664972849610340958208} + \frac{1}{28269553036454149273332760011886696253239742350009903329945699220681916416} + \frac{1}{56539106072908298546665520023773392506479484700019806659891398441363832832} + \frac{1}{113078212145816597093331040047546785012958969400039613319782796882727665664} + \frac{1}{226156424291633194186662080095093570025917938800079226639565593765455331328} + \frac{1}{452312848583266388373324160190187140051835877600158453279131187530910662656} + \frac{1}{904625697166532776746648320380374280103671755200316906558262375061821325312} + \frac{1}{1809251394333065553493296640760748560207343510400633813116524750123642650624} + \frac{1}{3618502788666131106986593281521497120414687020801267626233049500247285301248} + \frac{1}{7237005577332262213973186563042994240829374041602535252466099000494570602496} + \frac{1}{14474011154664524427946373126085988481658748083205070504932198000989141204992} + \frac{1}{28948022309329048855892746252171976963317496166410141009864396001978282409984} + \frac{1}{57896044618658097711785492504343953926634992332820282019728792003956564819968} + \frac{1}{115792089237316195423570985008687907853269984665640564039457584007913129639936} + \frac{1}{231584178474632390847141970017375815706539969331281128078915168015826259279872} + \frac{1}{4631683569492647816942839400347516314130799386625622561$

nita: sciendum est, multas series numero terminorum infinitas, esse in summa quantitates finitas. Exempli facillimi loco sit series ab unitate decrescens, progressionis geometricæ duplex, $\frac{1}{2} + \frac{1}{4} + \frac{1}{8} + \frac{1}{16} + \frac{1}{32} + \frac{1}{64}$ &c. in infinitum; quæ tamen non facit plus quam 1. Nam in adjecta linea recta AB (Fig. 4.) quæ sit 1, erit AC $\frac{1}{2}$, & residuum (CB) bisecando in D, habebis CD $\frac{1}{4}$; & residuum (DB) bisecando in E, habebis DE, $\frac{1}{8}$; & residuum (EB) bisecando in F, habebis EF, $\frac{1}{16}$; & ita continuando sine fine, nunquam egredieris terminum B. Idem in fractionibus numerorum figuratorum seu triangulo Harmonico fieri, a me alibi ostensum est.

Multa notari possent circa hanc Quadraturam, sed quæ nunc persequi non vacat; hoc tamen præterire non oportet, terminos seriei nostræ, $\frac{1}{2}, \frac{1}{4}, \frac{1}{8}, \frac{1}{16}, \frac{1}{32}$ &c, esse progressionis harmonicæ, sive in continua proportionem harmonicam, ut experienti patebit: Quin & per saltum, $\frac{1}{2}, \frac{1}{4}, \frac{1}{8}, \frac{1}{16}, \frac{1}{32}$ &c, est etiam series progressionis harmonicæ; & $\frac{1}{3}, \frac{1}{9}, \frac{1}{27}, \frac{1}{81}, \frac{1}{243}$ &c, est iidem series harmonicæ proportionalium. Itaq; cum Circulus sit $\frac{1}{2} + \frac{1}{4} + \frac{1}{8} + \frac{1}{16} + \frac{1}{32} + \frac{1}{64}$ &c, $-\frac{1}{2} - \frac{1}{4} - \frac{1}{8} - \frac{1}{16} - \frac{1}{32} - \frac{1}{64}$ &c, posteriorem seriem partialem, a priori subtrahendo; erit magnitudo Circuli, differentia duarum serierum progressionis harmonicæ. Et quoniam quocunque terminorum numero finitorum progressionis harmonicæ summa, compendio aliquo iniri potest, hinc appropinquationes compendiosæ, (si post Ludophinam illis esset opus) duci possent.

Si quis in serie nostra terminos signo-affectos tollere volet, is duos proximos $+\frac{1}{2} - \frac{1}{4}$, item $+\frac{1}{8} - \frac{1}{16}$, item $+\frac{1}{32} - \frac{1}{64}$, & $+\frac{1}{256} - \frac{1}{512}$, & ita potro, in unum addendo, habebit seriem novam pro magnitudine Circuli, nempe $\frac{2}{3}$ (id est $\frac{1}{2} - \frac{1}{4}$) $+\frac{2}{27}$ (id est $\frac{1}{8} - \frac{1}{16}$) $+\frac{2}{243}$ (id est $\frac{1}{32} - \frac{1}{64}$) itaque:

Quadrato inscripto existente. $\frac{1}{4}$

Erit Area Circuli $\frac{1}{2} + \frac{1}{8} + \frac{1}{32} + \frac{1}{128} + \frac{1}{512} + \frac{1}{2048} + \frac{1}{8192}$ &c.

Sunt autem numeri 3. 35. 99. 195. 323 &c, excerpti per saltum ex serie numerorum quadratorum (4. 9. 16. 25. &c.) unitate minorum, unde fit series: 3. 8. 15. 24. 35. 48. 63. 80. 99. 120. 143. 168. 195. 224. 255. 288. 323. 360. 399. &c. ex cuius seriei numeris, quartus quisque post primum noster est. Inveni autem (quod memorabile est) seriei infinitæ $\frac{1}{2} + \frac{1}{4} + \frac{1}{8} + \frac{1}{16} + \frac{1}{32} + \frac{1}{64} + \frac{1}{128} + \frac{1}{256} + \frac{1}{512} + \frac{1}{1024} + \frac{1}{2048} + \frac{1}{4096} + \frac{1}{8192}$ &c. summam esse $\frac{2}{3}$, quin

F 3

& sim.

& simplici saltu excerptendo, nempe $\frac{1}{2} + \frac{1}{4} + \frac{1}{8} + \frac{1}{16} + \frac{1}{32} + \frac{1}{64} + \frac{1}{128} + \frac{1}{256} + \frac{1}{512} + \frac{1}{1024} + \frac{1}{2048} + \frac{1}{4096} + \frac{1}{8192} + \frac{1}{16384} + \frac{1}{32768} + \frac{1}{65536} + \frac{1}{131072} + \frac{1}{262144} + \frac{1}{524288} + \frac{1}{1048576} + \frac{1}{2097152} + \frac{1}{4194304} + \frac{1}{8388608} + \frac{1}{16777216} + \frac{1}{33554432} + \frac{1}{67108864} + \frac{1}{134217728} + \frac{1}{268435456} + \frac{1}{536870912} + \frac{1}{1073741824} + \frac{1}{2147483648} + \frac{1}{4294967296} + \frac{1}{8589934592} + \frac{1}{17179869184} + \frac{1}{34359738368} + \frac{1}{68719476736} + \frac{1}{137438953472} + \frac{1}{274877906944} + \frac{1}{549755813888} + \frac{1}{1099511627776} + \frac{1}{2199023255552} + \frac{1}{4398046511104} + \frac{1}{8796093022208} + \frac{1}{17592186044416} + \frac{1}{35184372088832} + \frac{1}{70368744177664} + \frac{1}{140737488355328} + \frac{1}{281474976710656} + \frac{1}{562949953421312} + \frac{1}{1125899906842624} + \frac{1}{2251799813685248} + \frac{1}{4503599627370496} + \frac{1}{9007199254740992} + \frac{1}{18014398509481984} + \frac{1}{36028797018963968} + \frac{1}{72057594037927936} + \frac{1}{144115188075855872} + \frac{1}{288230376151711744} + \frac{1}{576460752303423488} + \frac{1}{1152921504606846976} + \frac{1}{2305843009213693952} + \frac{1}{4611686018427387904} + \frac{1}{9223372036854775808} + \frac{1}{18446744073709551616} + \frac{1}{36893488147419103232} + \frac{1}{73786976294838206464} + \frac{1}{147573952589676412928} + \frac{1}{295147905179352825856} + \frac{1}{590295810358705651712} + \frac{1}{1180591620717411303424} + \frac{1}{2361183241434822606848} + \frac{1}{4722366482869645213696} + \frac{1}{9444732965739290427392} + \frac{1}{18889465931478580854784} + \frac{1}{37778931862957161709568} + \frac{1}{75557863725914323419136} + \frac{1}{151115727451828646838272} + \frac{1}{302231454903657293676544} + \frac{1}{604462909807314587353088} + \frac{1}{1208925819614629174706176} + \frac{1}{2417851639229258349412352} + \frac{1}{4835703278458516698824704} + \frac{1}{9671406556917033397649408} + \frac{1}{19342813113834066795298816} + \frac{1}{38685626227668133590597632} + \frac{1}{77371252455336267181195264} + \frac{1}{154742504910672534362390528} + \frac{1}{309485009821345068724781056} + \frac{1}{618970019642690137449562112} + \frac{1}{1237940039285380274899124224} + \frac{1}{2475880078570760549798248448} + \frac{1}{4951760157141521099596496896} + \frac{1}{9903520314283042199192993792} + \frac{1}{19807040628566084398385987584} + \frac{1}{39614081257132168796771975168} + \frac{1}{79228162514264337593543950336} + \frac{1}{158456325028528675187087900672} + \frac{1}{316912650057057350374175801344} + \frac{1}{633825300114114700748351602688} + \frac{1}{1267650600228229401496703205376} + \frac{1}{2535301200456458802993406410752} + \frac{1}{5070602400912917605986812821504} + \frac{1}{10141204801825835211973625643008} + \frac{1}{20282409603651670423947251286016} + \frac{1}{40564819207303340847894502572032} + \frac{1}{81129638414606681695789005144064} + \frac{1}{162259276829213363391578010288128} + \frac{1}{324518553658426726783156020576256} + \frac{1}{649037107316853453566312041152512} + \frac{1}{1298074214633706907132624082305024} + \frac{1}{2596148429267413814265248164610048} + \frac{1}{5192296858534827628530496329220096} + \frac{1}{10384593717069655257060992658440192} + \frac{1}{20769187434139310514121985316880384} + \frac{1}{41538374868278621028243970633760768} + \frac{1}{83076749736557242056487941267521536} + \frac{1}{166153499473114484112975882535043072} + \frac{1}{332306998946228968225951765070086144} + \frac{1}{664613997892457936451903530140172288} + \frac{1}{1329227995784915872903807060280344576} + \frac{1}{2658455991569831745807614120560689152} + \frac{1}{5316911983139663491615228241121378304} + \frac{1}{10633823966279326983230456482242756608} + \frac{1}{21267647932558653966460912964485513216} + \frac{1}{42535295865117307932921825928971026432} + \frac{1}{85070591730234615865843651857942052864} + \frac{1}{170141183460469231731687303715884105728} + \frac{1}{340282366920938463463374607431768211456} + \frac{1}{680564733841876926926749214863536422912} + \frac{1}{1361129467683753853853498429727072845824} + \frac{1}{2722258935367507707706996859454145691648} + \frac{1}{5444517870735015415413993718908291383296} + \frac{1}{10889035741470030830827987437816582766592} + \frac{1}{21778071482940061661655974875633165533184} + \frac{1}{43556142965880123323311949751266331066368} + \frac{1}{87112285931760246646623899502532662132736} + \frac{1}{174224571863520493293247799005065324265472} + \frac{1}{348449143727040986586495598010130648530944} + \frac{1}{696898287454081973172991196020261297061888} + \frac{1}{1393796574908163946345982392040522594123776} + \frac{1}{2787593149816327892691964784081045188247552} + \frac{1}{5575186299632655785383929568162090376495104} + \frac{1}{11150372599265311570767859136324180752990208} + \frac{1}{22300745198530623141535718272648361505980416} + \frac{1}{44601490397061246283071436545296723011960832} + \frac{1}{89202980794122492566142873090593446023921664} + \frac{1}{178405961588244985132285746181186892047843328} + \frac{1}{356811923176489970264571492362373784095686656} + \frac{1}{713623846352979940529142984724747568191373312} + \frac{1}{1427247692705959881058285969449495136382746624} + \frac{1}{2854495385411919762116571938898990272765493248} + \frac{1}{5708990770823839524233143877797980545530986496} + \frac{1}{11417981541647679048466287755595961091061972992} + \frac{1}{22835963083295358096932575511191922182123945984} + \frac{1}{45671926166590716193865151022383844364247891968} + \frac{1}{91343852333181432387730302044767688728495783936} + \frac{1}{182687704666362864775460604089535377456991567872} + \frac{1}{365375409332725729550921208179070754913983135744} + \frac{1}{730750818665451459101842416358141509827966271488} + \frac{1}{1461501637330902918203684832716283019655932542976} + \frac{1}{2923003274661805836407369665432566039311865085952} + \frac{1}{5846006549323611672814739330865132078623730171904} + \frac{1}{11692013098647223345629478661730264157247460343808} + \frac{1}{23384026197294446691258957323460528314494920687616} + \frac{1}{46768052394588893382517914646921056628989841375232} + \frac{1}{93536104789177786765035829293842113257979682750464} + \frac{1}{187072209578355573530071658587684226515959365500928} + \frac{1}{374144419156711147060143317175368453031918731001856} + \frac{1}{748288838313422294120286634350736906063837462003712} + \frac{1}{1496577676626844588240573268701473812127674924007424} + \frac{1}{2993155353253689176481146537402947624255349848014848} + \frac{1}{5986310706507378352962293074805895248510699696029696} + \frac{1}{11972621413014756705924586149611790497021399392059392} + \frac{1}{23945242826029513411849172299223580994042798784118784} + \frac{1}{47890485652059026823698344598447161988085597568237568} + \frac{1}{95780971304118053647396689196894323976171195136475136} + \frac{1}{191561942608236107294793378393788647952342390272950272} + \frac{1}{383123885216472214589586756787577295904684780545900544} + \frac{1}{766247770432944429179173513575154591809369561091801088} + \frac{1}{1532495540865888858358347027150309183618739122183602176} + \frac{1}{3064991081731777716716694054300618367237478244367204352} + \frac{1}{6129982163463555433433388108601236734474956488734408704} + \frac{1}{12259964326927110866866776217202473468949912977468817408} + \frac{1}{24519928653854221733733552434404946937899825954937634816} + \frac{1}{49039857307708443467467104868809893875799651909875269632} + \frac{1}{98079714615416886934934209737619787751599303819750539264} + \frac{1}{196159429230833773869868419475239575503198607639501078528} + \frac{1}{392318858461667547739736838950479151006397215279002157056} + \frac{1}{784637716923335095479473677900958302012794430558004314112} + \frac{1}{1569275433846670190958947355801916604025588861116008628224} + \frac{1}{3138550867693340381917894711603833208051177722232017256448} + \frac{1}{6277101735386680763835789423207666416102355444464034512896} + \frac{1}{12554203470773361527671578846415332832204710888928069025792} + \frac{1}{25108406941546723055343157692830665664409421777856138051584} + \frac{1}{50216813883093446110686315385661331328818843555712276103168} + \frac{1}{100433627766186892221372630771322662657637687111424552206336} + \frac{1}{200867255532373784442745261542645325315275374222849104412672} + \frac{1}{401734511064747568885490523085290650630550748445698208825344} + \frac{1}{803469022129495137770981046170581301261101496891396417650688} + \frac{1}{1606938044258990275541962092341162602522202993782792835301376} + \frac{1}{3213876088517980551083924184682325205044405987565585670602752} + \frac{1}{6427752177035961102167848369364650410088811975131171341205504} + \frac{1}{12855504354071922204335696738729300820177623950262342682411008} + \frac{1}{25711008708143844408671393477458601640355247900524685364822016} + \frac{1}{51422017416287688817342786954917203280710495801049370729644032} + \frac{1}{102844034832575377634685573909834406561420991602098741459288064} + \frac{1}{205688069665150755269371147819668813122841983204197482918576128} + \frac{1}{411376139330301510538742295639337626245683966408394965837152256} + \frac{1}{822752278660603021077484591278675252491367932816789931674304512} + \frac{1}{1645504557321206042154969182557350504982735865633579863348609024} + \frac{1}{3291009114642412084309938365114701009965471731267159726697218048} + \frac{1}{6582018229284824168619876730229402019930943462534319453394436096} + \frac{1}{13164036458569648337239753460458804039861886925068638906788872192} + \frac{1}{26328072917139296674479506920917608079723773850137277813577744384} + \frac{1}{52656145834278593348959013841835216159447547700274555627155488768} + \frac{1}{105312291668557186697918027683670432318895095400549111254310977536} + \frac{1}{210624583337114373395836055367340864637790190801098222508621955072} + \frac{1}{421249166674228746791672110734681729275580381602196445017243910144} + \frac{1}{842498333348457493583344221469363458551160763204392890034487820288} + \frac{1}{1684996666696914987166688442938726917102321526408785780068975640576} + \frac{1}{3369993333393829974333376885877453834204643052817571560137951281152} + \frac{1}{6739986666787659948666753771754907668409286105635143120275902562304} + \frac{1}{13479973333575319897333507543509815336818572211270286240551805124608} + \frac{1}{26959946667150639794667015087019630673637144422540572481103610249216} + \frac{1}{53919893334301279589334030174039261347274288845081144962207220498432} + \frac{1}{107839786668602559178668060348078522694548577690162289924414440996864} + \frac{1}{215679573337205118357336120696157045389097155380324579848828881993728} + \frac{1}{431359146674410236714672241392314090778194310760649159697657763987456} + \frac{1}{862718293348820473429344482784628181556388621521298319395315527974912} + \frac{1}{1725436586697640946858688965569256363112777243042596638790631055949824} + \frac{1}{3450873173395281893717377931138512726225554486085193277581262111899648} + \frac{1}{6901746346790563787434755862277025452451108972170386555162524223799296} + \frac{1}{13803492693581127574869511724554050904902217944340773110325048447598592} + \frac{1}{27606985387162255149739023449108101809804435888681546220650096895197184} + \frac{1}{55213970774324510299478046898216203619608871777363092441300193790394368} + \frac{1}{110427941548649020598956093796432407239217743554726184882600387580788736} + \frac{1}{220855883097298041197912187592864814478435487109452369765200775161577472} + \frac{1}{441711766194596082395824375185729628956870974218904739530401550323154944} + \frac{1}{883423532389192164791648750371459257913741948437809479060803100646309888} + \frac{1}{1766847064778384329583297500742918515827483896875618958121606201292619776} + \frac{1}{3533694129556768659166595001485837031654967793751237916243212402585239552} + \frac{1}{7067388259113537318333190002971674063309935587502475832486424805170479104} + \frac{1}{14134776518227074636666380005943348126619871175004951664972849610340958208} + \frac{1}{28269553036454149273332760011886696253239742350009903329945699220681916416} + \frac{1}{56539106072908298546665520023773392506479484700019806659891398441363832832} + \frac{1}{113078212145816597093331040047546785012958969400039613319782796882727665664} + \frac{1}{226156424291633194186662080095093570025917938800079226639565593765455331328} + \frac{1}{452312848583266388373324160190187140051835877600158453279131187530910662656} + \frac{1}{904625697166532776746648320380374280103671755200316906558262375061821325312} + \frac{1}{1809251394333065553493296640760748560207343510400633813116524750123642650624} + \frac{1}{3618502788666131106986593281521497120414687020801267626233049500247285301248} + \frac{1}{7237005577332262213973186563042994240829374041602535252466099000494570602496} + \frac{1}{14474011154664524427946373126085988481658748083205070504932198000989141204992} + \frac{1}{28948022309329048855892746252171976963317496166410141009864396001978282409984} + \frac{1}{57896044618658097711785492504343953926634992332820282019728792003956564819968} + \frac{1}{115792089237316195423570985008687907853269984665640564039457584007913129639936} + \frac{1}{231584178474632390847141970017375815706539969331281128078915168015826259279872} + \frac{1}{463168356949264781694283940034751631413079938662562256157830336031652518559744} + \frac{1}{926336713898529563388567880069503262826159877325124512315660672063305037119488} + \frac{1}{1852673427797059126777135760139006525652319754650249024631321344126610074238976} + \frac{1}{3705346855594118253554271520278013051304639509300498049262642688253220148477952} + \frac{1}{74106937111882365071085$

JOHANNIS OLEARII

Sereniff. Sax. Ducis JOH. ADOLPHI Concionatoris Aulici Primarii, Consiliarii Eccles. & Superint. General.

Biblishe Erklärung/

in

Fünff Theilen.

Hoc est

*ANNOTATIONES AD SCRIPTURAM**totius Vet. ac Nov. Testam. Germanica, Tomis**V comprehensa.*

Lipsiæ, sumptibus Joh. Christoph. Tarnovii. in fol. 1681.

OPus hoc sexaginta fere annorum (ut Autor ipse vocat sub finem Tomi ultimi) omnis generis & conditionis hominibus per Germaniam, præcipue Theologis ac Verbi Divini Ministris, utilissimum & valde accommodum, post *Generalem totius Scriptura Clavem & Introductionem*, pandit: *I. Uniuscujusque Libri Biblici* (a) Nomenclaturam (b) Comprehensionem summariam (c) Distinctionem accuratam (d) Interpretum selectiorum recensionem (e) Principalis scopi considerationem (f) Autoritatis Canonice ac prorsus Divinæ certitudinem infallibilem (g) Succinctam & versibus mnemonicis inclusam recensionem. *II. Singulorum Capium* (1) summarium una voce expressum (2) Justam partitionem (3) Exquisitam connexionem unam cum scopi primarii ostensione (4) Dictorum præcipuorum & phrasæologiæ sacræ notabilioris ex fontibus Hebraicis & Græcis deductam explicationem (5) Usus Didactici, Paracletici, atque Pædæutici necessariam demonstrationem (6) per sententias Patrum Ecclesiæ Veteris, ac (7) B. etiam Lutheri, sufficientem illustrationem.

D. VALENTINI ALBERTI, P. P. Lipsiensis,
*INTERESSE PRÆCIPUARUM RELI-
 gionum Christianarum in omnibus Fidei Ar-
 ticulis deductum.*

Lipsiæ & Francofurti apud Davidem Fleischerum, 1681. in 12.

Non

Non momentum modo Sacrorum Dogmatum in hac Religionum collatione exponit Autor, sed causas quoque primas & imas veluti radices prodit, ex quibus dissentientium Partium propriæ hypotheses profeminatæ sunt. Idque sine potissimum gemino: cum ne quis Politicorum forte in animum inducat, operam vel suam in salutiter doctrina perdiscenda: vel Doctorum, in eadem proponenda ac defendenda, occupari frustra; tum ut intentione Docentium ubique perspecta, rectum secernere a pravo, verum a contrario, tanto rectius possint, quotquot Religionis curam a se non spernunt procul, sed veram eamque unicam Salutis viam non ignorare, sua quidquam interesse arbitrantur.

Supposito autem, quod per *Interesse Partium*, in Religione puta dissidentium, nihil designatum aliud hoc in loco velit, quam *πρώτων ἀληθῆς* recte; & *πρώτων ψεύδους*, secus sentientium, limites etiam constituit Autor accuratos inter Religionis cujusque *Articulum Principalissimum*, & *Principium Primum Dogmaticum*: Certus, Articulum de *Justificatione* v.g. *per fidem*, de *Capite Summo Ecclesie* *visibili infallibili Pontifice Romano*, de *Absoluto Predestinationis Decreto*, a suis utique Patronis ac Defensoribus pro Principalissimis haberi, alios ab aliis; Primi vero Principii Dogmatici partes non nisi horum effatorum, *Deus dixit, Papa dixit, Ratio dixit*, aliquod in eorundem scholis occupare ideo, quod articulis singulis a suis, jam expresse, jam tacite substernantur, reveraque *Analysis* omnium ultima in ista tandem fiat.

Quibus fundamentis instituti sui jactis, ad ipsam Articulorum *Γεωμετρικῶν* pedem promoveret, quatuor ubique faciens dicendorum membra. Quorum *primo* distincte perque partes proponit Thesin suam, in Libris Lutheranorum Symbolicis definitam, Dioloque Scripturarum Classico, aut testimonio etiam ecclesiastico probatam. *Secundo* Antithesin aliorum subjicit, e primariis cujusque Partis scriptis ac Scriptoribus petitam: atque ita subjicit, ut simul & Syncrētistarum, ut vocant, indolem, ubi thesin scil. nostram in gratiam adversæ partis inflectunt aut detorquent; & reliquorum Antagonistarum artes, cum æquivocationis mysterio sua dogmata conantur occultare, notet ac observet. *Tertio* ipsum non solius Lutheranæ, sed contrariorum quoque Religionum Interesse, quo nimirum adducta & permota

permota unaquæque hoc illud vestigat, persequitur. *Quartum* denique ex Historia Ecclesiastica erroris cujusque repetit originem. Atque hæc singula, ordine jam dicto, in Articulo de S. Scriptura, de DEO, de CHRISTO, de Integritatis & Corruptionis statu, de Prædestinatione, de Justificatione, de Sacramentis in genere, de Baptismo, de Sacra Cœna, de Ecclesia & Hierarchiis, de Adiaphoris & de Statu post mortem, reliquis nimirum, quibus specialis titulus datus non est, ad alios cognatos Articulos redactis, illisque potissimum Thesis selectis Antithesibusque, in quibus Interesse Partium fuit maxime conspicuum, solerti studio, & ad *cura Dei* Articulorum, integramque Fidei categram plenius intelligendam perquam utili, exequitur.

CASPARIS ZIEGLERI

DE JURIBUS MAJESTATIS TRACTATUS Academicus, in quo pleraque omnia, quæ de Potestate & Juribus Principis disputari solent, strictim exponuntur.

Wittebergæ 1681, in 4.

Magnum libro huic decus ab Auctore, Consiliario Saxonico, Antecessore in inclyta Leucorea primario, viro tot in lucem editis literarum monumentis de orbe erudito præclarissime merito. Opus ipsum ex variis Disputationibus Academicis in unum hoc volumen succrevit, in duos libros ita distributum, ut prior inter Regalia exhibeat ea, quæ *πρώτως τὸ κύριον* afficiunt; posterior vero in iis, quæ Fisci augmento potissimum inserviunt, occupetur. Argumenta singula utilissimi operis ut recenseamus, ipsa eorum prohibet amplitudo ac varietas. Habent hic, quod discant, subditi: habent, quo doceantur, Magistratus: habet ipsa, quod sequatur, Majestas. Instruunt Theologum, quæ *de jure Majestatis circa sacra* integris undecim Disputationibus, a p. 241 ad 367 traduntur. Jcto, etiam quæ in foro in usus suos transferat, abunde subministrant tot Præjudicia, ac Responsa Prudentum, inprimis Nobilissimi Jctorum in Academia Wittebergenfi Ordinis, quæ explicandis juris cujuscunque Questionibus passim inferuntur. Civilis vero Scientiæ cultori ea propi-

G

nantur

nantur principia, quæ sequi tuto possit, quibusque imbutus probe ac munitus a perniciosis aliorum dogmatibus cavere sibi quam optime valeat. Adeo vel hic Ziegleri liber comprobatur, quantum consuli Reipublicæ literariæ per illos possit, qui cum civilis Canonique ac publici Juris solidiore scientia, SS. etiam Theologiæ, civilis item ac moralis Philosophiæ, imo humaniorum quarumcunque literarum cultum per omne vitæ spatium conjungunt.

SEBASTIANI SCHELCKENS,

*7cti ET ANTECESSORIS FRISII, ELEMENTA
Jurisprudentiæ Romanæ: quibus accessit liber ejus
repetita prælectionis de Successione ab intestato, ex præ-
scripto Novella 118 concinnatus.*

Franequeræ, 1681. in 4.

HOc opusculum, pro tyronibus, ceu videtur, conscriptum, eundem ordinem methodumque servat, qua in suis Jurisprudentiæ elementis Justinianus utitur. Auctor enim totum id ad Imperatoris ductum quadraginta & una tabulis mnemonevticis complexus, in eo potissimum occupatur, ut singulas, quæ in iis occurrunt, definitiones atque divisiones, uberiori tum ex antiquitate Romana, tum historia nonnunquam recentiori petita explicatione partim illustret, partim legibus Romani ac novissimi Juris, nec non nobiliorum Interpretum auctoritate confirmet, præmissis cuique titulo paragraphorum numero, quique in Pandectæ, Codice & Novellis eidem respondeant, succincta recensione. Adjectus de successione ab intestato libellus sex capitibus absolvitur. Primum successionis hujus homonymiam, definitionem atque divisionem exhibet. Secundum Descendentium jura cum primi tum ulterioris ordinis explicat. Tertium, quomodo succedant Adscendentes, docet. Quartum Collateralium ordinem enarrat. Quintum, quo jure conjuges utantur, suggerit. Sextum denique, quando succedat Fiscus, proponit; Feudorum, ut & Saxonico jure, sicubi res postulat, non penitus neglecto.

M. Ja-

M. JACOBI THOMASII
PRÆFATIONES SUB AUSPICIA DIS-

*putationum suarum in Academia Lipsiensi recitatae,
argumenti varii.*

Lipsiæ A. 1681. apud Joh. Fuhrmannum. in 8.

O Croginta quinque Disputationes per id spatium temporis, quo docendi munere in Academia Lipsiensi functus est, publicæ disquisitioni Jacobus Thomasius, Moraliū primum, post Dialecticæ, nunc Eloquentiæ Professor Publicus exposuit. Totidem Præfationes suo quasque tempore ante ipsum confabulationis conflictum ab se recitatas publici nuncjuris fecit, quæ argumenti tam varii, ut neminem non reperturum in iis arbitremur quædam usibus suis ingenioque accommoda. Theologo exempli causâ, quæ *de causis Asbeismi*, (præf. 65.) *de superbia, primi in paradiso falsi matre*, (præf. 80.) *de duplici morte, una corporis, altera animæ*, (præf. 38.) *de dogmate Proclianitarum super visione quâdam Ezechieli* (pr. 63.) *de testibus veritatis Bernharde, Anselmo, atq; aliis* (pr. 84. & 85.) differuntur: quæ contra Machiavellum, indignantem quod ethnica religio sit abolita, (pr. 69.) contra eos, qui Poetarum fabulæ ad Historiam sacram detorqueant, (pr. 81.) contra duplicis & contradictoria veritatis assertores, (pr. 42.) contra Gentiles Deum cælo alligantes (pr. 4. & 25.) disceptantur, non poterunt non probari. Inveniet Politicus, quæ cum fructu legat *de Machiavellisti & Monarchomachis*, (pr. 49.) *de pomo eridos in certamine dignitatum civilium*, (pr. 26.) *de Optimatum & Plebejorum in Republica conjunctione*, (pr. 39.) *de Republica Rerumpublicarum*, (pr. 37.) aliisque ejus generis. Ethicus ut passim in argumenta moralia incidet, & quam plurimos Aristotelis in libris Ethicis locos, veluti *I. Nic. 9. de πενήτεσις τῶς ἀρετῆς*, (pr. 13.) & illum *1. Magn. Moral. ult. sapientiam vero, prudentiam ejus procuratori comparantem* (pr. 64.) illustratos animadvertet: ita præcipue de vindicata (pr. 52. & 57.) a pestilentî Thomæ Hobbesii dogmate *de statu hominis naturali*, quem in bello omnium contra omnes constituit, morum Philosophia sibi gratulabitur. Grammatico proverbialia *de modio salis* (pr. 76.) *de barba straminea* (pr. 73.) illudque Anglorum, quo *Ullagatum caput ajunt lupi*.

lupinum habere (pr. 59.) explicata placebunt. Historiarum cupido non injucundum erit *memoriam Mauriti Electoris Saxonie* (pr. 44.) doctorumque quorundam virorum, *Joachimi Camerarii* (præfat. 75.) *Joh. Benedicti Carpzovii* (pr. 24.) *Frid. Leibnützi* (pr. 7.) recollere; de *Brasilianorum* item *lingua, religione ac Republica* (pr. 16.) cognoscere. Nec defutura vel Physico vel Dialectico sunt, quæ cum voluptate legant. Ast fatendum tamen, præcipuam in his Præfationibus paginam facere *Philosophicam Historiam*, quam & antehac in *Schediasmate Historico* Ao. 1665 evulgato, inque Exercitatione *de exustione mundi Stoica*, aliisque ad Stoicæ inprimis Philosophiæ Historiam facientibus *differtationibus* Lipsiæ a. 1676 editis, & in novissimo hoc opere illustandam Auctor suscepit. Huc enim spectant, quæ de *sententia Aristotelis circa originem corporis & animæ humanæ*, (pr. 67.) de *controverſa de tribus in homine animabus*, (pr. 46.) de *erroribus gentilium circa animam hominis*, (pr. 46. & 48.) de *μετεωρολογία* Aristotelicorum, *ἀπὸ θεῶν* Stoicorum, *ἐκ παθεῶν* Epicureorum, (pr. 55.) de *triplici Gallorum Philosophia comparata cum triplici Græcorum* (pr. 79.) de *causis ineptiarum barbari avi Scholastici*, (pr. 82.) de *origine controverſæ Scholasticæ de principio individuationis*, (pr. 43.) de *affectionibus se miscentibus controverſis de gynæcocratiâ*, (pr. 56.) ejusdemque generis aliis alibi traduntur. Quæ cum ita sint, consultum omnino fore putamus rei literariæ, si & *Disputationes* ipsæ, quæ Præfationibus hæc occasionem præbuerunt, junctim edantur; & varii item argumenti orationes justæ, quas paratas idem Auctor prælo habet, in publico quamprimum conspiciantur.

MYTHOGRAPHI LATINI, HYGINUS, Fulgentius, Lactantius Placidus, & Albricus Philoſophus. Th. Munckerus omnes e Mss. & conjecturis emendavit & commentariis instruxit.

Amstelod. 2. Voll. in 8. 1681.

Prost. Lipsiæ apud Joh. Grossium, & C. F. F. Hærr.

Fabularem historiam, quam Mythologiam vocant, explicare instituerunt complures Veterum Græci æque ac Latini; quorum tamen

tamen pleraque monumenta interciderunt, pauca ad nos pervenerunt. E latinis quæ supersunt, olim Basileæ & post apud Commelinos junctim edita Th. Munckerus cum Commentariis, eo ipso, quo diem suum obiit, anno, emisit in publicum, Clarissimi Angli *Thomæ Galeæ* in re haud dubie æmulatus industriam. Is enim ex Græcis Fabularis historiæ Scriptoribus jam Cantabrigiæ a. 1671 Palæphati, Heracliti, ac Anonymi cujusdam Heraclito recentioris de Incredibilibus libellos, cum Pornuti Commentario de natura Deorum, opusculisque similibus aliis: anno 1675 vero Parisiis Bibliothecam Apollodoti, Cononis Narrationes 50, Ptolemæi Hephæstionis novæ ad variam eruditionem Historiæ libros 7, Parthenii Nicaensis Erotica, ac Antonini Liberalis Metamorphoses, cum Præfationibus & notis eruditissimis, in lucem ediderat. Illius ergo exemplo Munckerus noster Latinis Mythologis illustrandis omni studio incubuit, tandemque duobus eos tomis comprehensos edidit: quorum prior *Hygini fabulas & Pœticon Astronomicon*: alter Fabii Planciadis Fulgentii *Mythologias, Continentiam Virgilianam*, & libellum de præscio sermone; Lactantii Placidi *argumenta Metamorphoseon Nasonianarum*, & Albrici Philosophi commentariolum de *Imaginibus Deorum* exhibet. In Notis, quæ cuivis paginæ substratæ sunt, plenissimus Autorum horum, quos explicandos suscepit, habetur Commentarius, ex omnibus omnino, qui historiam fabularem persecuti sunt, contextus monumentis: Textus ex optimis impressis & Mssis Codicibus emendatus & restitutus, dictio ex variis autoribus illustrata, Indices etiam copiosi congesti sunt, & cuivis Autorum de stylo, ætate & vita ipsius editionibusque antea vulgatis Dissertatio præfixa: ut instructum fabularis historiæ thesaurum dedisse magno studio apparatus, doctissimus autor censendus sit.

THE AERIAL NOCTILUCA:

Or some new Phenomena, and a Process, of a factitious self shining substance, by Rob. Boyle, Fellow of the Royal Society, Lond. 1680. 8.

*NOCTILUCA AEREA, SEU NOVA
quædam Phanomena & Processus substantiæ arti-
ficialis per se lucentis. Per Robertum Boyle, Societa-
tis Regiæ Socium. Londini*

1680. in 8.

NOn æque intuentium oculos perstrinxisse videtur Phosphori Noctilucæque splendor, ac curiosorum excitavit ingenia, & exercuit manus; illa quidem, ad expiscanda Naturæ in istis recondita secreta, has vero ad elaborandum eadem accuratius. Phosphori itaque artificialis præmissa superius consideratio exigit omnino, ut & Noctilucæ, eaque præsentis scripti occasione, injiciatur mentio. Præmittit autem Nobilissimus Autor differentiam Phosphorum inter & Noctilucam: dum illo innuitur corpus, quod ab objecto lucido, Sole vel igne illustratum prius, aliquandiu in tenebris lucet, quale est famosus ille Lapis Bononiensis, & Phosphorus Hermeticus Balduini, collationem quorum mutuam superioribus jam annis singulari scripto instituit *Christ. Menzelius*, D. Med: Noctiluca vero tale significat corpus, quod citra præviam extrinsecus factam illuminationem, infusa luce in tenebris fulget. Hujus tres recensentur differentia: 1. est *Noctiluca consistens* (seu gummea) quibusdam *constans* dicta, quæ sub spissiori consistentia continuo lucet. 2. *Noctiluca liquida*, sive quæ fluidi liquoris texturam obtinet. De quibus jam *Kirchmaierus* dissertatione peculiari legit. Hisce sibi a D. Kraft monstratis, tertiam, ceu proprii ingenii, (haud tamen absque repetitis frustrancorum tentaminum tædiis) partum, superaddit Autor differentiam, *Noctilucam scil. Aeream*, quæ quidem ipsa more priorum non soleat splendere, tactu vero aeris immediate lumen spargat, ita quidem, ut non ipsa materia Noctilucæ, sed ejus effluvia cum aere admisso permista, lucis phænomena exhibeant. Hisce præmissis, subjungit plures observationes, in quibus accurate omnia recensentur phænomena, circa aeream hanc noctilucam notabilia, ista speciatim, quæ in relatione ejus ad aerem apparent, utpote tam ad productionem, quam propagationem lucis ejus specialiter necessarii, utut vis ejus elastica ab illa imminuatur: item quod lux, & fumus lucidus, flam-

mae

mæ ad instar, sensibilis calorishaud videatur particeps, nec pulverem pyrium accendere aptus, utut densior & unctuosior luciferæ materiæ portio, disposita magis ad incalescentiam, & combustionem existat: quod materia lucifera, etiam citra aeris admissionem, calor paulo intensior impetu, fulgurationes quasdam edat, &c. Ex quibus & aliis eo inclinatur, ut arbitretur, lucem noctilucæ dependere a peculiari & celerissima agitatione particularum quarundam minutarum materiæ luciferæ, in magnitudine, figura & textura ita specialiter constitutarum, ut impellere valeat contiguum ætherem ad oculum usque nostrum: quodq; aeris externi contactus, multum contribuat ad specialem istam agitationem; in Noctiluca quidem consistente, tanquam adjuvans, in aerea v, tanquam necessarium concurrens. Sequitur denique ipsa Noctiluca hujus aeræ præparatio, quæ consistit in Urinæ humanæ putrefactæ ad consistentiam spissioris syrupi seu mollioris extracti inspissatione; quod magma cum triplo arenæ permistum, successivis ignis aperti destillatur gradibus, usque ad summum ejus rigorem, donec sub finem destillationis prodeat materia, cæteris prioribus ponderosior, & in fluido prius destillato promptè subsidens in Receptaculo, quæ est illa ipsa Noctiluca. Qui Processus, num quoad principaliora cum modo Kunckelii coincidat, cogitandum rerum harum peritis relinquimus.

PETRI LOTICHII SECUNDI ECLOGA,
in qua Serenissima duæ Germanicæ Domus Saxo-
nica & Palatina ab origine prima percensentur; L. Joachimi
Felleri, Poes. P.P. in Acad. Lips. Notis Philologicis
& Historicis illustrata.

Lipsiæ, anno 1681, in 8. apud J. H. Frommannum.

ID potissimum hic agit Notarum Autor, ut ostendat, non parum hoc falli, qui præter delectationem nihil in Poetarum monumentis reperiri arbitrantur. Nam uti Poetas alios, tanquam humanæ Sapientiæ Doctores & Civilis Prudentiæ Magistros, introduxit alibi, cum Rappolto, Antecessore suo, ad Philosophiam eos exigens, id est, Philosophorum dogmata ex Poetarum scriptis collecta erudito orbi sistens: ita optimum Superioris Seculi Poetam, Petrum Lotichium Secundum, in medium nunc producit, velut locupletem antiquiorum temporum & historicæ veritatis testem.

Primam

Primam Scripti partem ipsa facit Ecloga, e tēsis politisque Lo-
tichii Poematis, sepositis tantisper aliis, huc translata. Cujus textui
plena deinde manu flores adpersit, e Philologorum partim, partim
Historicorum hortis atque Viridariis decerptos, sedulus *ἀνολογῆ-
μεν*. Cum enim Carmen hoc Heroicum, in Saxonix Ducis JO-
HANNIS WILHELMI, & Palatinæ Principis DOROTHEÆ SU-
SANNÆ Illustrissimas Nuptias conscriptum, Celsissimos Sponsi
atq; Sponsæ Majores inde ab origine prima repetat; non modo ipsum
argumentum Carminis, partes, atque genus ex historiæ propriæque
artis legibus Autor explicat; sed uberius quoque de Serenissimæ
Utriusque, cum Saxonica, tum Palatinæ Domus origine, Majoribus,
Heroum, quos utraque habuit, rebus domi forisque præclare gestis,
de Germaniæ populis antiquis, metallifodinis hinc inde per Sudetum
juga repertis, Urbium, quin & Academiæ incunabulis, Nominibus,
Insignibus, & incrementis, de arcibus prædatoris & earum de-
structione, aliisque rebus canam antiquitatem spirantibus disserit, Il-
lustri Epithalamio ubique duce, usus atque indice: idque eo facit compendio,
ut Historia Saxonica & Palatina antiquior, velut in nuce exhi-
bita hoc ipso commentario fuisse videatur. In extremo geminus, pro
Philologicarum & Historicarum rerū discrimine, indiculus occurrit.

*LA COSMOGRAPHIE AISEE, CONTENANT LA SPHERE,
l'usage du Globe terrestre, & la Geographie &c. par Gilles de Launay.*

i. c.

*COSMOGRAPHIA FACILIS, SPHÆRICAM, USUM GLOBI
terrestreis, & Geographiam complexa.*

Auctore Gu. Launayo. Parisiis 1681. in 12.

Libellus hic, in gratiam Nobilitatis, Cosmographiam compendio
complexus, post communissima de Corporibus Cœlestibus, juxta
Ptolemæi hypothesein, & Elementaribus, ad placitū Aristotelis, præ-
missa; Sphæræ artificialis circulos, ut & Globi terrestreis usum, per vul-
go hic tradi solita, explicat. In Geographia Terrarum continentium,
Marium &c. partes generatim recensuisse contentus; soli Europæ
specialius describendæ, sed strictim, operam (nisi quod
suz Genti præcipui quid Gallus indulsit)
impendit.

ACTA ERUDITORUM

publicata Lipsia

Calendii Martii, Anno MDC LXXXII.

THE COMPARATIVE ANATOMY

Of Stomachs and guts begun: by Nehemiah

*Grew M.D. Fellow of the Royal Society, and of the
colledge of Physicians.*

i. e.

**Inchoata Anatomie comparativa ventriculorum &
intestinelorum: auctore Neh. Grew M.D. Regalis Socie-
tatis & Collegii Medici Collega.**

Londini in fol. 1681.

Liber hic Museo Societatis Regalis a Clarissimo Auctore Appendi-
cis in modum annexus est, quo intestinelorum & ventriculorum
structuram, pro animalium eorumque alimenti varietate di-
stinctam exponit.

Cap. I. exhibet anatomen Ventriculi & Intestinelorum sex Qua-
drupedum carnivororum, sc. Mustela, Furonis, Putorii, Felis, Canis,
Vulpis, in iisque ad tria imprimis respicit. 1. *Ad structuram & textu-
ram harum partium*, tam quoad substantiam plus minus membra-
nosam vel carneam, qua ratione intestina felis in musculare &
membranaceum dividuntur, quam quoad earundem secundum
tres dimensiones quantitatem: una cum respectivis earum diffe-
rentiis, cum mustela simplicissimam intestinelorum habeat confor-
mationem, canis & vulpes solum obtineant cæcum, omnia careant colo.

H

1. Ad

2. *Ad glandulas* intestinorum horum animalium, non in mustela quidem, at in cæteris, præsertim quatuor ultimis, copiosas; easque vel *sociatim* in racemos junctas, & has fere minores, ex opposito insertio- nis vasorum in intestina sitas; quorum racemorum quilibet *pancreas intestinale* vocari possit, saltem quod non unum communem ductum habeant, cum singulæ glandulæ propria habeant sua orificia mucosi liquoris excretoria: vel *separatim* hinc inde dispersas, easque majores ac ampliores. 3. *Ad folliculos* binos sive sacculos prope anum sitos, quibus omnia hæc animalia gaudent, & quos existimat proprios sal- tem carnivoris quadrupedibus, interius cavos, & liquorem, foetorem animali proprium spirantem continentes; quos analogos arbitrat- ur istis folliculis, in quibus Zibethum in Civetta continetur. Speciatim in mustela expansus est super hos folliculos sphincter, qui eos & a- num una comprimendo, ad simultaneam evacuationem has partes cogit.

Cap. II. Ventriculum & Intestina Talpæ, quæ infectis vesci vi- detur: it. *Erinacei, Sciuri & Gliris*, qui principaliter fructuum voraces, considerat.

Cap. III. Ubi de Ventriculo & Intestinis animalium, quæ simul sunt frugum & graminis voracia, ut *Cuniculi, Equi & Porcelli*, tractat, inter alia in genere, simplex esse cæcum horum animalium, non du- plex, contra Glissonium observat. In specie in Cuniculi intestinis structuram Cæci mirabilem, tam quoad magnitudinem, quam quoad valvulam, in linea curiose spirali, ab uno extremo Cæci ad alterum extensam: Gulæ Equinæ amplitudinem, crassitiem, ruborem &c. pro- prietates Gulæ in omnibus voracioribus animalibus; Intestinorum, præsertim Cæci, & quasi triplicis Coli singularis structuram; tam quo- ad amplitudinem, quam quoad quadruplex ligamentum, dicta inte- stina in debita figura conservans, & in plures cellulas ampliores & an- gustiores contrahens. Post Porcellini ventriculi quasi duplicis, ven- trem magnum instar carnivorum quadrupedum figuratum & mu- scularem, ibique ex opposito pylori situatam rotundam carunculam, magnitudinis avellanæ, ceu obturaculum pylori, partem huic anima- li propriam; appensumque majori illi, simili modo ac cæcum aliis in- testinis, ex sinistro latere alium minorem ventriculum, ob id cæcum vocandum, & mediante ligamento muscolari, tanquam semivalvula a priori

priori separatim describit. Quoad intestina in sex vel septem differentias discriminanda, ex omnibus quadrupedibus, porcelli & equi Cæco peculiare esse notat, quod ejusdem cum Colo sint structuræ: sicut ex omnibus quadrupedibus, his ipsis & cuniculo (forſan etiã aſino ac lepori) proprium ſit, quod geminum habeant Colon.

In *Cap. IV.* de animalibus quadrupedibus graminivoris, *Ove* & *Vitulo* agit, ubi conſiderandam proponit gulæ ovinæ curioſam texturam ex quinque membranis: quarum intima & extima cuticulares ſunt, illa inſuper glanduloſa, candida, & friabilis. Cui proxima eſt nervoſa, in hoc & quibusdam aliis animalibus adeo denſa, ut proprie corpus nervoſum dici queat, compoſitum ex fibris partim ſecundum longitudinem gulæ extenſis, partim per tranſverſum ad binas muſculares membranas excurrentibus: adeoque tendo ſit duarum proximarum muſculoſarum membranarum, quarum fibræ nec ſpirales ſimpliciter ſecundum *Stenonem*, nec decuſſatæ tantum ſecundum *Williſium*, ſed mixta quadam ratione, ex adjecto ab Auctore ſchemate rectius intelligenda, inſtar ſcuticæ, qua equi incitantur, formata ſint. His quatuor ventriculi & inteſtinorum ſex vel octo connectuntur. Cum modo recensitis, quoad numerum, texturam & figuram, Gula & Ventriculus *Vituli* conveniunt: inteſtina vero in ſeptem vel novem partes diviſibilia, multum ab iſtis Ovium differunt; ſpeciatiim horum partes tertia, quarta & quinta, glandularum copia præ iſtis ovium maxime conſpicuæ ſunt.

His præmiſſis, *Cap. 5. 6. & 7.* uſum harum partium, quantum ex anatomica ſtructuræ earum conſideratione explicabilis eſt, ſubjungit, pluribus Gulæ, officium deglutiendi, evomendi, eructandi vindicans: oſcitationem & expuſionem contra *Williſium* ab eadem removens: contra quem pariter genuinum gulæ motum, tam ſub deglutitione deorſum, quam ſub evomitione ſuſum exponit, idque præſertim eleganti, quam ſupra attigimus, gulæ *Ovillæ* mechanica. Simili modo ex ſtructurâ partium ventriculi, præter alios uſus, quintuplicem ejus motum, corrugationem, adſtrictionem, undulationem, convulſionem (pro vomitu) & voluntariam motionem (pro ruminatione) eruit: modum ejus perſpicue ubique explicans. Idem circa inteſtinorum uſum & officium, ſecundum eorum ſtructuram diverſimode exponendum agit. Speciatiim Cæco inteſtino triplex officium aſſignat: 1. exactiorem

alimentorum coctionem. 2. alimentorum & excrementorum receptionem. 3. contenti fluidi ejectione, excernendorum ex inferioribus promotam excretionem. Glandularum vero intestinalium mucosum tribuit hunc usum, ut lubrica intestina reddat, & ceu quoddam fermentum alimentorum colliquationem adjuvet; sicut in Diarrhoeis naturalibus & artificialibus per illas ipsas humoris evacuandi, ex sanguine fiat separatio.

Cap. VIII. Ventriculos & Intestina Avium examinat. Ex quorum quadraginta speciebus dissectis, tantum tredecim recenset Anatomen. 1. *Cassovarii*. (avis nobis incognita) 2. *Ulula*. 3. *Cuculi junioris*. 4. *Galli gallinaei*. 5. *Columba domestica*. 6. *Monedula*. 7. *Sturni*. 8. *Luteola*. 9. *Rubicilla*. 10. *Torquilla sive Verticilla*. 11. *Terraneola*. (*Calandra Carletoni*) 12. *Junco* sive passeris arundinacei. 13. *Hirundinis domestica*.

Circa horum Anatomen in genere observat, quod omnes fere aves bina Coeca habeant, quae obtusos faciant angulos cum recto, contra Willoughby Ornitol. Speciatim omnia gallinaceorum anatumque genera duo coeca admodum longa obtinere, quae in gallo in rectum hient, sive aperta sint. *Torquillam* vero caeco carere. Rectum prope anum in quamplurimis avibus silvestribus amplum, adeoque fere pyriforme esse: *Cassovarium*, *cuculum*, *anatem silvestrem*, *quetquedulam*, & omnes hujus species, ingluvie destitui.

Porro quoad *Galli Gallinaei* Ventriculum, in multis consentit Autor, cum iis, quae J. Peyerus circa ventriculi gallinaei Anatomen aliquot ab annis prodidit: (quam ipsam tamen, anno demum, post lectam hanc ab Autore coram Soc. Reg. Anatomen, sequenti, lucem aspexisse asserit) In hoc tamen diversus, quod binis paribus musculorum, sive quatuor illis, molam ventriculi juxta Peyerum conformantibus, ab Autore vero molaribus appellatis, adhuc duos alios musculos, quorum unum ex parte sinistra, *deductorem*, alterum ex parte dextra, *reductorem* appellat, superaddit. Circa *Columbas* vero notat earum ingluviem, in *domestica*, parte inferiore, sex vel septem glandulosis laciniis, eleganti figura expressis, concinne instructam: In *Columba Turcica* vero curiose praeter ceteris conformatam & triplici quasi ventre constantem seu cavitatem: In *Columba* item *gutturosa* similis fere figurae; gulam vero admiscendae extensibilitatis, modo tantil-

tantillum iussit. Ventriculos harum similes gallinaeo memorat. Circa intestina *Monedula*, observat fibras musculares primarias secundum longitudinem tenuium, & ex parte Recti quoque, curiose esse sinuatas sive laciniatas, qualem structuram supra in intestinis *Talpæ* quoque notaverat, quibus aliæ circulares, istas lacinias æqualiter dividentes, superinstructæ sint. Similem fibrarum intestinalium conformationem in aliis pluribus aviculis, utut non ubique eodem modo, nec eodem loco, v. g. in avicula *Anadavdensi*, *rubicilla*, *corruca*, *motacilla*, *passere solitario*, *passere domestico*, *fringilla*, *sturno*, *luteola*, *hirundine* &c. advertit.

His sequente *Cap. 9.* usum istarum partium, in specie illarum ventriculi *Gallinacæ*, & sinuatarum fibrarum intestinalium, subiungit.

Denique *Cap. 10.* Ventriculum & intestina *Piscium* considerat. Circa quæ duo in primis singularia notat: 1. multos non habere ventriculum, scil. in specialem cavitatem expansum, aut saltem exiguum, ut *Salmo*, *Tinca*, *Barbus*, *Abramus* sive *Cyprinus latus*. 2. Multos plura habere cæca, tria vel quatuor *Percam*, novem vel decem *Rubellionem*, supra triginta *Truttam*, supra quadraginta invicem coacervata, *asellum majorem* & *mollem*, *Salmonem* circiter octoginta, intestino crassiori successive, simili fere modo, ac juba collo equino adhaerentia, quæ ab aliis quibusdam pro tot pancreatis habita fuerunt.

JOH. CHRISTOPHORI WAGENSEILII,

TELA IGNEA SATANÆ.

Altdorfi Noricorum. A. 1681.

Prostat Noribergæ apud Jo. Hoffmannum & Francofurti ad
Moenum apud Jo. David Zunnerum in 4to.

CONTINENTUR hoc Volumine arcani & horribiles Judæorum adversus Christum Deum & Religionem Christianam Libri *avindoti*, quos ex Europæ Africæque latebris erutos in lucem hoc sine protrulit Autor, ut Theologi Christiani ad tanto rectius med. tandum ea, quæ conversionem miserrimæ Gentis Judaicæ juvare possunt, occasionem panderentur. Siquidem ex istis ita productis Libris facit

H 3

super-

superque innotescit, quid in Christianæ religionē Judæi desiderent ac reprehendant, quidve ex Cacodæmonis suggestionē obstare arbitrentur, quo minus illam tanquam veram possint admittere.

Sunt autem Librorum istorum numero quinque. *Primus est Carmen Memoriale Libri Nizzachon a R. Lipmanno*, qui seculo post Christum natum XV vixit, *compositi*. Scripserat is primo Librum prolixum, cui *Nizzachon* h. e. *Victoria* nomen fecerat, eo quod in eodem se omnes Christianorum copias, quas in sui sacrorumque suorum defensionem ex Veteri Testamento legere solent, fudisse & coniecisse in turpem fugam sibi visus fuerat. Idem confecto infelici hoc opere, memoriæ tribulium consulturus, potiora ejus argumenta stricim & breviter *Carmine* complexus est, idque ediscendum proposuit, ut responsiones adversus Christianos tanto magis in promptu haberentur, si ex improvviso cum his agendum esset. Ipsum Librum Judæis ereptum pridem publici juris fecit *Theodoricus Hackspanius*: Carmen autem *Lipmanni*, quod Hackspaniano MS. decrat, *Wagenselsius* ex *Guil. Henr. Vossii*, & uno suorum Codicum primus in lucem emisit.

Alter est Liber Nizzachon Vetus Autoris incogniti ex MS. Bibliothecæ Argentoratensis, a Dn. *Sebastiano Schmidio* communicato, qui uti Hackspaniano multo antiquior (nam Seculo XII hunc Autor factum enixus esse videtur) ita & longenequior ac plane talis, quem omnia secula obstupescunt. Habuit eundem hunc Librum *Sebastianus Munsterus*, & quia is complura ex eo fragmenta Commentariis in Verus Testamentum & Matthæi Hebraicum Evangelium inseruerat, ideo pridem desiderium cepit Eruditos integro scripto potiundi. De cætero, totus refertus est mendaciis, quique ipsa Veteris Testamenti testimonia mire corrupta ac depravata passim exhibet, idque ex industria Autoris, nullo Scribarum vicio; unde & aliqua pronuntiata pro divinis obtundere laborat, quæ nusquam in S. Codice comparent.

Tertius ex eodem Codice Argentoratensi exhibet *πλοκῆν* sive Cinnum quendam ex duabus Disputationibus, ob stylum, homines altercantes, & ipsam rem, plane diversis implexum confusumque, sed a *Wagenselsio* evolutum ac bene distinctum. Prior Disputatio inter *R. Jehiellem* & *Nicolaum* quendam, qui a Judæis ad Christianos secesserat Lutetiæ habitæ: Posterior vero inter *Nachmanidem* & *Antagonistas*

gonistas Fratrem Paulum, Fratremque Raymundum Martini, illum ipsum, cujus Liber *Pugio fidei* inscriptus in omnium manibus versatur, præsente Jacobo Tarracensis Provincia Rege instituta fuit. Utraque disputatio eodem ævo peracta, & hæc quidem anno post Christum natum 1263. Prioris contentions vix alii meminerint: posterior inter Christianos famosa est, deque illa Franc. Bosquet in Epistola, quæ *Pugioni fidei* præfixa est, ad Josephum de Voisin nonnulla perscripsit.

Quartus est *Chisfak Emara* h. e. liber *Munimen fidei* autore R. Isaa-ro Filio Abrahami, cujus in Linguam Hispanicam conversi, Theologus magni nominis Joh. Müllerus in optimo Libro, quem adversus Judæos Germanice conscripsit, passim non meminit tantum, sed & sæpe totum confutavit. Dignum sane hoc munimentum est, in cujus disturbancem Christiani nervos intendant suos, quando non extat aliud Judæorum in hoc infelici argumento scriptum, quod magis eos in erroribus suis confirmet, veritatisque agnitionem impediat. Ipsa Lectio facile cuique prodit, circa medium Superioris seculi demum conceptum esse terrum ac stygium hunc foetum. Sed quo recentior, eo est nequior, ferocior & ad fucum faciendum aptior. *Wagenfeilius* ipsum ex MS. Africano, quo ipsum in Abyla versantem Judæus quidam donaverat, primus edidit.

Quintus & Ultimus est Liber *Toldos Jeschu*, in quo totam vim, nervosque universos ac artus suæ exercuit erga Deum blasphemiar pater omnis doli ac fraudis Diabolus, horrenda & abominanda mendacia de vita & gestis Messiar *Ἰεσὺς ὁ χριστός*, ac Ecclesiæ ejus initiis inter recutitam Gentem disseminans. Istum nefandum Libellum solo Latino idiomate Part. II. c. 8. *pugionis* sui primus inseruit Raymundus Martini circa finem seculi a nato Christo XIII. Inde haut multo post Porchetus Salvaticus Monachus Carthusianus in suam adversus Judæos commentationem transcripsit. Lutherus denique ex Porcheti eundem Germanicum fecit, in cujus Tomo LIX Jenensi compareret. Hebraicum tandem Exemplar, quo hæcenus eruditus orbis caruit, magno labore summoque pretio sibi comparatum hic divulgavit *Wagenfeilius*. Qui præterea ad hos quinque Libros jam recensitos, Interpretationes Latinas exquisitissimas adjecit, & sedulam solidamque Consutationem, tum Carminis R. Lipmanni, tum Libri *Toldos Jeschu* con-

concinnavit. In *Præfatione* autem totius voluminis longe doctissima lectuque dignissimo *rationes*, quæ ipsum ad hos libros evulgandos impulerint, gravissimo stylo exposuit, multa simul inspergens aliqui parum in vulgus nota, de modo, quem *Tribunal Romanum in Librorum censura & proscriptioe observare solet*, de *Talmude Judæorum*, de *Conversionis eorundem negotio feliciter & cum successu a Christianis tractando*, deque hujus generis aliis pluribus.

In fine voluminis accedit *Mantissa de LXX Hebdomadibus Danielis* adversus *Johannem Marsham Equitem Aurati Angli* novam earundem interpretationem, qua is in Libro, qui *Canon Chronicus* inscribitur, ac *Londini* primum anno 1672 editus, & postea *Lipsiæ*, non sine præfatione tamen, ut alia, ita & hoc paradoxum notante, a. 1676 recusus est, orbi Christiano vult persuadere, finem septuaginta illarum Hebdomadum haut sane proprie ad Christum, sed ad Antiochum Epiphanem attingere, atque hunc vere significare omne illud vaticinium. Cujus novæ interpretationis accuratum examen instituens *Noster* in illa *Mantissa*, totius Christianæ Ecclesiæ, quæ est, quæ ullis unquam seculis fuit, causam masculè defendit, & *Classici Spiritus S. vaticinii*, quo pro columna & firmamento Ecclesiæ semper usa est, autoritatem egregie contra omnia machinamenta *Marsham* tueretur.

JOBİ LUDOLPHI

Alias LENTHOLF Dicti, HISTORIA Æthiopica, sive brevis & succincta Descriptio Regni Habessinorum, quod vulgo male Presbyteri Jo- hannis vocatur.

Francof. ad Mœnum. A. 1681. fol.

Magnam sane operam & curam Historiæ Æthiopicae seu Regni Habessinorum condendæ insumpsit Vir Nobilissimus & Linguarum Exoticarum callentissimus Dn. *Jobus Ludolphus S. Cæsareæ Majestatis*, ut & *Seren. Electori Palatino a Consiliis*, & hoc tempore *Ser. Ducis Saxo-Vinariensis* ad *Conventum Francofurtensem Legatus*, Nam quicquid de nominatæ gentis notitia haberi hætenus potuit, id magno ipse studio, nec minori sumptu undique collegit, con-

venien-

venientique post digessit ordine; præ aliis tamen multum passim rum Patrum Societatis Jesu, qui sibi Sedique Romanæ Regnum illud aliquot annis obnoxium habuerunt. Relationibus annuis, compositæque ex iis a P. Balb. Tellezio sermone Lusitano Historiæ Æthiopiciæ; tum Habessinî cujusdam exulis Gregorii, quo Romæ primum, post & in Germaniâ longo tempore familiariter fuit usus, narrationibus tribuens.

Torum opus libris quatuor constat. Quorum primum ab Erymologia ipsius nominis, quo Abyssinî vocantur, seu rectius Habessinî, aspiciatur, illudque ab Arabica voce *Habesh*, mixturam seu coluvionem gentium denotante derivat, Habessenis ipsis hanc ob causam exosum. Inde situm Regni, & cœli illud ambiētis solique genium, provincias, altissimos montes, flumina, metalla, varii & rari generis animalia, ac plantas describit; novas etiam easque accuratiores Tabulas Geographicas pollicitus. Inter flumina Nilus eminet, de cuius fontibus, Antiquitati tamdiu sollicitè quæsitis, ac in Habessinîa tandem Patrum Societatis Jesu solertia detectis, cursu item, & duobus alveis, quorum sinistrum *Nigrin* fluvium esse pro comperto habet, curate agit: ac num diverti ab Habessinî Nilus, ne in Ægyptum fluat, sed in mare Rubrum exoneretur, possit, quod multis creditum Tellezius negaverat, non perfunctorie disquirat. Inter herbas Regionis illius ob vim alexipharmaeam memorabilis ea est, quam *Affazoe* vocant. Nam tanta ejus contra venenum efficacia perhibetur, ut umbra etiam illius stuporem viperis inducat, possitque serpentes & hydros impune tollere & manibus tractare, qui radicem herbæ illius comederit. Ex quo argumentum ducitur, non alio olim, quam hujus aut similis herbæ remedio Psyllos, decantatissimam Africæ gentem, contra serpentum morsus fuisse usos.

Libro secundo Regum Æthiopiciæ Historiam, Regnatricem Domum, formam regiminis, ac cætera, quæ Politicæ inquisitionis sunt, prosequitur. Et antiquitate quidem originis Principes orbis universos Habessinî Reges superant, si, quod jactant, ab ipso Salomone genus ducunt. Reginam enim Sabæ, quam Hierosolymam Salomonem salutatum venisse sacræ literæ testantur, ex Salomone filium Menilehecum, Habessinîæ post Regem, suscepisse, illiusque posteros ad annum usque 960 a Christo nato continua serie regnasse: Tum

vero Familiam *Zagzam* invasisse Regnum, & trecentis ac quadraginta annis tenuisse: ast circa annum Christi 1300 *Salomonaam* Familiam Regno restitutam per *Icon-Amlacum* fuisse, longo sed ambiguo commento tradunt. Quæ uti sunt incerta, sic facile fidem facit Auctor, potentiam illorum Regum olim formidandam exteris fuisse; etsi non dissimulat, eam *Adelensium* primum bellis, post vicinorum *Gallanorum* vi, ac intestinis denique dissensionibus adeo fractam, ut hoc tempore Habessiniam quis in ipsa Habessinia vix invenerit.

Cæterum, tradente Ludolpho, Despotico Reges imperio in subditos utuntur; nec proprii quicquam privati, paucissimos si exceperis, habent, sed fundi omnes atque prædia Regis esse, ac precario a subditis possideri censentur. Reditus tamen Regii pro Regni amplitudine non adeo magni sunt, nec in pecunia numerata, sed in proventibus Regionum naturalibus consistunt. Aulæ splendor minime ad formam Europæorum. Ne palatia quidem Reges superioribus temporibus habuere, tentoriis contenti; primusque Regi domum Europæo more hoc nostro Seculo P. *Petrus Pays*, *Gorgora* in peninsula quadam lacus Tzanici, ubi hybernare Rex consueverat, extruxisse memoratur. Mensæ Regiæ apparatus nullo luxu: non orbibus, non cultis, non cochlearibus appositis, imo ne salino quidem. At in eo tamen supervacaneam majestatis curam mireris, quod Principes non ipsi cibum ori admoveere sustinent, sed per famulos sibi in os ingeri ac inferciri, velut altilis apud nos aves saginantur, curant. Unum superest, quod, etsi singula attingi non patitur instituti ratio, prætereundum tamen non fuit: remedium per quod regnatricis Domus concordia apud Habessinos longo tempore stetit. Scilicet ne quæ turbæ dari ab illis possent, qui sanguinis jure tumidi rapere quam expectare imperium malunt, Reges Habessini olim filios suos, quamprimum res novas moliri per ætatem viderentur posse, in rupem quandam relegare, ac arcta in custodia asservare, a turbulentorum hominum commercio remotos, ac suo tempore & loco e rupe illa ad Regnum prodituros, inter Arcana Status habuere. Quem morem exeunte demum superiore sæculo *Naodus* Rex, velut immitem, sed magno Regni, ut Auctor noster censet, malo abrogavit.

Liber tertius res Ecclesiasticas Habessinorum complectitur. Ad
Christia-

Christianam eos religionem, *Prudentii* opera, *S. Athanasii* Alexandrini Patriarchæ temporibus conversos, Habessinorum pariter, ac Græcorum Latinorumque Scriptorum auctoritate facile probatur; nec immerito ab Auctore *Cærenus* & *Nicophorus Callistus* erroris arguuntur, conversionem Habessinorum sub *Iustiniano* demum Imperatore factam arbitrati. A Catholica Ecclesia secessionem occasione Concilii Chalcedonensis, quod hodieque damnant & convitiantur, fecere, Jacobitarum Patriarcham *Spretis* Melchitis secuti. Itaque Alexandrinæ Ecclesiæ placitis subscripserunt, neque ex illo tempore ad præsens usque seculum a Majorum religione deflexerunt. Eo vero ineunte, cum Societatis Jesu Patres in Habessiniam, ut Romanæ eam Ecclesiæ subjicerent, magno numero venissent, scissi fuere in partes, Alexandrinam aliis, aliis Romanam religionem sectantibus, gravissimisque inde bellis civilibus agitati, donec ad extremum, pulsus Regno Jesuitis, avita apud illos religio prævaluit. Ejus vero ritus si spectemus, derivantur illi partim a Judæis, ut circumcisio, abstinencia a carne suilla, aliaque: partim a moribus antiquæ Ecclesiæ, ut vita ascetica, etsi hoc tempore valde soluta: partim ab Ecclesia Romana, ut oratio pro defunctis, ac sanctorum, præcipue *Beate Mariæ virginis*, invocatio. At in aliis doctrinæ capitibus a Romana Ecclesia multum Habessini dissident. Nam ut alia taceam, nec primatum Episcopo Romano Occumenicum concedunt, neque communionem, ut vocant, sub una probant, negantque cum Græcis omnibus Spiritum Sanctum a Filio procedere. Quæ omnia diligentissimo studio ab Auctore uberius explicantur.

Quartus liber rebus Habessinorum privatis describendis occupatur, eo brevior, quo magis & res literaria, & commercia, atque opificia sunt apud Habessenos tenuia. Neque plura nos iis, quæ excerpere ex doctissimo opere visum fuit, addimus; nisi quod veniam nobis daturum Nobilissimum Dn. Auctorem speramus, si promissi illum admoneamus, publicoque adeo rogemus nomine, ne uberioribus, quos pollicitus est, commentariis carere diutius Literarum Orbem patiatur.

LE GRAND DICTIONNAIRE HISTO-
rique, ou Le Melange curieux de l'Histoire Sa-
crée & profane. Par M. Louys Moreri, Prêtre, Docteur
en Theologie.

a Lyon. M DC LXXXI.

Magnum Dictionarium Historicum, seu Sacræ
& Profanæ Historiæ curiosa Permistio, Auctore Ludovico
Moreri, Presbytero, Theologiæ Doctore. Lugduni
M DC LXXXI. in fol. 2. voll.

Lexica Historica componere aggressi multi sunt: ast palmam omnibus vasto hoc opere diligentissimus Auctor eripuit. Utique accuratum æque ac absolutum Dictionarium Historicum lucem habere non adpexit; quodque mireris, annorum non ita multorum industria illud ab Auctore confectum est. Nam anno ætatis suæ trigesimo septimo satis concessit, brevis vitæ luculento hoc illustrique monumento relicto. Continentur autem eo, usitato Lexicographis ordine.

Vitæ Patriarcharum, Judicum, & Regum Veteris Testamenti; Summorum Ecclesiæ Pontificum; Patrum Sanctorum & Doctorum Orthodoxorum, Episcoporum quatuor Ecclesiarum Patriarchalium, Cardinalium, Prælatorum celebrium, & Hæresiarcharum: Vitæ item, Imperatorum Romanorum, Græcorum, Germanorum, Christianæ, paganæ, Mahomedanæ religionis; Regum, Principum illustrium, & Imperatorum bellicorum; Auctorum Græcorum & Latinorum, veterum æque ac recentiorum; Philosophorum, Inventorum artium, ac aliorum cujuscunque professionis, eruditione, scriptis, aut actione quadam speciosa illustrium: Nec non Libri paulo majoris momenti ab Auctoribus editi: Opiniones singulares Philosophorum; & potissima dogmata Hæresiarcharum. Porro Descriptio Statuum, Imperiorum, Regnorum, Provinciarum, Urbium, Insularum, Montium, ac fluminum, in veteri ac nova Geographia occurrentium; ubi regionum fines, situs, ac qualitates, populorum vero mores, consuetudines, Imperium civile, ac Religio exacte referuntur: Quin & Historia Conciliorum generalium & particularium, Synodorum, Conciliabulorum, &

& aliorum conventuum Ecclesiasticorum, Descriptioni urbium, in quibus celebrata fuere, passim inserta: Item nomen, fundatio, ac propagatio Religioforum & Militarium Ordinum, Fundatorum vita, Genealogiz, & actiones memorabiles plurium Familiarum illustrium: Historia denique Fabulosa Deorum, & Heroum, ex antiquitate gentili.

Cuncta vero observationibus & Dissertationibus eruditis exornantur, tum pro explicandis difficultatibus Chronologicis, tum pro decidendis controversiis Historicis; quodque omnium maxime placeat, diligenti ubivis studio Auctores, iique selectissimi allegantur, quorum fide singula tradita sunt, quosque consulere possunt, qui unum alterumve uberius edoceri desiderant.

BALTHASARIS STOLBERGI,

P. Witteb.

De Solæcismis & Barbarismis Græcæ Novi Fœderis Dictioni falso tributis, ut et de Cilicisismi aliisque a D. Paulo nove usurpatis, Exercitationes VII. quibus varia Scripturæ S. Nov. Testam. loca explicantur & illustrantur.

Wittebergæ A. M. DC. LXXXI. in 4.

Cum de indole styli N. Testamenti, ejusque puritate, varii prostant commentarii, tum illud quoque in vulgus notum est, alios post *Erasmum* viros doctos inventos esse, qui ejusdem dictioni Græcæ Solæcismos & Barbarismos tribuerent. Horum sententia cum nec solidæ eruditionis gravitate subnitatur, nec utilitatis ac ædificationis quidquam habeat, inter alios eam nuper impugnandam sibi sumisit vir Græcæ doctissimus, *Balthasar Stolbergius* Græc. liter. in *Academia Wittebergensi Professor clarissimus*. Qui dum aliquot illustriora N. Testamenti loca, ab hac profana cavillatione liberat, simul in *Dissertatione sexta* Hieronymi sententiâ D. Paulo Cilicisismos tribuentis examinat, qua occasione dicta Apostoli *Coloss. II. 12. Rom. VI. 19. 2. Cor. XI. 9. 1. Cor. IV. 3.* illustrantur.

I 3

TEL.

TELLURIS THEORIA SACRA.
Orbis nostri Originem & mutationes generales,
quas aut jam subiit, aut olim subiturus est, complectens. Libri
duo priores de Diluvio, & Paradiso.
 Londini MDC LXX XI. in 4.

Auctor operis, docente Epistola dedicatoria, est T. Burnetius, Scrip-
 tor Anglicus; qui supra vulgus hominum philosophaturus, &
 quantum in ornando argumento, utut paradoxo, valeat, ostensurus, o-
 mnes, sumto a primævo Chao tenerisque rerum principiis exordio,
 naturæ motus & renovationes ad earundem rerum exitum supremum
 persequi in hac *Theoria* proposuit. *Sacram* appellavit, quod non
 communem telluris Physiologiam, sed majores mundi vicissitudines,
 quarum Scriptura sacra meminit, respiciat: alibi, *Histeriam Naturalem*
nascentis & decascentis mundi.

Tametsi vero duplicis generis mutationes, quas terrarum orbis
 videlicet aut jam subiit, aut olim subiturus est, promittat; in duobus
 tamen hisce libris non nisi de primo mutationum genere, quo *Dilu-*
vium, & Paradisum retulit, egisse deprehenditur: reliquo, hodiernæ
 terræ & compagis mundanæ conflagrationem, ultimamque mundi fa-
 ciem quod spectat, peculiarem adhuc librum destinavit: & de Diluvio
 quidem prius agere, quam de Paradiso, voluit, quod ordo probandi
 facilius in sua sententia procedat a Diluvio ad Paradisum.

Primo ergo libro, ubi universalis Cataclysmi rationes sic expo-
 nere aggreditur, ut quomodo factus ille fuerit, a mente humana pos-
 sit comprehendere, hypotheseos (quam firmæ, nos non disputamus) lo-
 co ponit, *Diluvium Universale non contigisse simplici inundatione, aut sola*
aquarum redundantia, sed accessisse insuper dissolutionem exterioris tellu-
ris, & subsidentiam in abyssum magnam. Quatuor ille sectionibus
 constat: in prima ipsum non modo operis argumentum explicat,
 sed simul etiam, quo armorum genere susceptam tueri causam velit:
 Divinis nempe monumentis & ratione naturali, seu cœlesti & na-
 turali lumine; quanquam tutissimum esse ducat, in materia rerum
 naturalium respicere tantum conclusiones Scripturæ generales, sum-
 mas rerum, & receptissima capita; partes vero, modos, & expli-
 catio-

cationes speciales supplendas esse ex observationibus in ratione, scientiis, & experientia fundatis. Imo rebus naturalibus investigandis qui unice incumbunt, iis in sacrarum literarum interpretatione nihil esse admittendum censet, quod evidenter repugnet rationi & observationibus naturalibus.

Principiis probandi constitutis, Noetici Diluvii historiam ex Sacris repetit, & rationes contra communem explicationem militantes, imo insuperabiles, quas vocat, difficultates adfert, quibus adductum se faceretur, ut Diluvium alio modo statueret contigisse. Sex enim aut octo Oceanis mari partim, partim aridæ superfusus opus esse, suo quodam calculo nixus asserit, ut altitudinem maximorum montium mediterraneorum transcendant aquæ: vel, molem aquæ octoduplam totius aquæ in Oceano contentæ necessariam esse, ad inducendum terris diluvium eo modo, quo vulgo intelligi & explicari solet: Tantam autem aquarum vim nuspiam in rerum hac natura, neque in regionibus mundi superis & mediis, neque in inferis & subterraneis reperiri posse. Imo si poneretur diluvii tempore adfuisse, an exonerari postea stupenda aquarum mole terra poterit, dubitat. Eorum denique exceptiones, qui, ut objectis difficultatibus argumentum hoc expediant, vel ad novam aquarum creationem, & annihilationem confugiunt, vel certos diluvio limites ponere, & particulare facere malunt, diluit.

Aliena remota hypothesi ad propriam convertitur, & qua occasione in eam descenderit, quidve generatim alii Autores de dissoluta, fracta, & deperdita terræ forma senserint, *Severianus* nempe in *Hexaemero*, *Postellus* in *Cosmographia*, & ex sacris Scriptoris *Moses* capite *Geneseos septimo*, divus *Petrus* capite *tertio secunde Epistole*, ut & *Petrini* loci autoritate motus *Augustinus de Genesi ad literam*, fufius exponit.

Sectione secunda hujus libri, refutata inter alia hæresi de tellure æterna & ingenita, probat e Scriptura primum, hinc e ratione naturali, & quidem a priori, tellurem primævam, sive quæ primum ex Chao emerfit, 1.) alterius fuisse compagis & formæ ab hodierna: 2.) totam fuisse continentem sine maris hiatu: totam lævem & æqualem, sine montibus: totam denique solidam (usque ad abyssum) sine cavernis: eoque 3.) talem & quæ dissolutioni esset obnoxia, & ex cujus dissolu-

Solutione oriretur necessario universale diluvium. Quo loco plura de Chaos motibus, & transformationibus successivis, de gyro abyssi, de ovo antiquorum, quod apud *Orpheum, Aristophanem, Plutarchum, Macrobiū* & alios celebratur, quasi per digressionem, adducuntur.

Tertia sessio ex hodiernæ telluris forma & facie, & contemplatione cavitatum subterranearum, Oceani, & Montium, tanquam ex Phænomenis quibusdam & effectis, a posteriori ostendit, regionem exteriorem terræ fuisse reipsa disruptam & dissolutam eo modo, quo ex causis antea deduxerat.

Ultima denique sessio, totius primi libri recapitulationem, cum quibusdam argumentorum spicilegiis, proponit, nec tantum ad ea, quæ opponi explicationibus suis possunt, respondet, sed & eorum explicationes, qui eadem Phænomena ruinis partialibus, terræ motibus, eluvionibus, & subterraneis aquarum attritionibus, vel ignium eruptionibus imputant, refellit. Imo quæ hactenus de terræ dissolutione protulit, ad Planetas etiam & Planetarum maculas, sed non nisi per conjecturam, transfert. Et utinam hac in parte nihil adhiberetur, quod immotum hactenus discursum mentis, e contemplatione divinorum operum, non cœli solius, sed & terræ, immensam Artificis atque Creatoris sapientiam, potentiam, atque bonitatem æstimantis, labefaceret & impediat! Utinam telluris elegantiam, & orbis ordinationem atque perfectionem non ex humani alicujus artificis cerebro æstimaret, mensurâ sane periniqua & admodum fallaci!

Secundus liber, qui de Tellure agit Primigenia, & de Paradiso, tribus partibus absolvitur: quarum *prima* præliminaria continet de Phænomenis Paradisi generalibus, & specialibus: *secunda* quæstionem in hoc argumento principalem tractat de Paradisi Loco: *tertia* veterum de Autoris sententiis suffragia collecta sistit. Phænomena Paradisi generalia, id est, quæ reliquos orbis habitabilis cum Paradiso communia, a nostris vero sæculis diversa, habuit, primo recitat, & sunt, summa cœli clementia, & æquabilitas in recenti mundo & in Paradiso: animalium ortus: hominum, quin & cæterorum animalium longævitas: egregia fertilitas soli, morumque & vivendiratio simplex, quoad victum, habitum, cætera: vita denique facilis & beata, quorum tamen durationem inæqualem fuisse notat.

Dein monstrat, Phænomena recensita in tellure nostra, ut hodie

die constituitur, neque reperiri posse, neque explicari juxta formam & situm hodierni cœli ac terræ, seu, quod idem est, stante hac rerum compage. Cui contemplationi dum inhæret, simul de vera causa longævitatæ Antediluvianorum: de causis senectutis in genere & brevitatæ hodiernæ vitæ, nec non de machina & constitutione humani corporis, prolixius disserit, eorumque opinionem, qui annorum nomine in hoc calculo, menses, sive annos lunares menstruos volunt intelligi, confutat. Nam ex eadem semper naturæ facie, eodem tenore, & perpetua cœli clemencia & æqualitate deducendam esse censet originem atque veram rationem longævitatæ antediluvianæ: vitæ nostræ vero brevitatem ab inæquali anni forma & intemperata vi frigoris & caloris corpus alternatim impetentium, provenire. Hinc propriam hypothesein reassumens, ostendere e diverso satagit, ista rerum compage, qualem libro primo jam signavit, admissa, Phænomena memorata omnia repertum ibidem iri, & quæcunque alia de primævo naturæ statu hæctenus vel certa ratione, vel historia innotuerunt. Nec tantum hypothesein suam, præsertim de telluris ad solem situ, non obliquo aut inclinato, sed recto, explicat uberius & ad præfens institutum accommodat; sed ab hypothesei *Cartesii*, de orbe parato & omnibus vitæ commodis instructo otiose in aere per multa secula fluitante, etiam discernit: & quamvis eum habeat pro Philosophorum omnium, qui hæctenus floruerunt, principe, aliquot tamen defectibus theoriæ ejus obnoxiam esse, non dissimulat. Objectioni præterea de immodico in tali Sphæra calore, sic occurrit, ut modos adferat varios, quibus temperari solis ille æstus potuerit; causam postea mutati hujus situs ex mutato Centro gravitatis arcessit.

Phænomenis Paradisi generalibus aquarum contemplationem subjungit, tanquam Phænomenon speciale, nec ortum solum, & motum, sed etiam exitum aquarum & fluviorum in primigenia tellure explicat. Pro quibus illustrandis, mox de figura ejusdem terræ agit, non accurate Sphærica, sed ovali & oblonga, deque fluviiis, qui statim temporibus inundant. Denique cum Scripturarum dictis hæctenus de primi mundi aquis asserta confert, & quæ de constitutione primi mundi ab *Apostolo Petro*: de aquis cœlestibus, de causis Diluvii supernis, apertisque cœli cataractis: de fluviiis Paradisi, nec non de Iride, data Noë post diluvium in signum ejus nunquam redituri, a *Mose* profertur,

runtur, ordine expendit eo fine, ut suæ inde theoriæ Philosophicæ aliquem cum Sacra historia consensum efficiat.

Preliminaria disquisitio excipit *de Loco* aut regione *Paradisî*, ceu argumento hujus libri principali instituta. Postquam enim *Engubini*, & *Neoteri*corum, in Mesopotamia, vel alio Asiæ tractu Paradisum constituentium, opinionem refellit, propriam sententiam aperit, & situm Paradisî in orbe sive hemisphæro non Boreali, sed Australi (neque enim auferre telluri Paradisum voluit, quasi in regionibus aeris, aut in luna quærendus esset) cum ex inspecta primavæ naturæ facie, tum ex nonnullis veterum (quos quatuor classibus distinxit) dogmatis, quæ inde fluxerunt, adstruit: sic tamen, ut non materiam hanc tantum impeditam & vexatissimam, sed & imperfectam ejus cognitionem tandem fateatur.

In postrema libri parte, coronidis loco, Veterum de mundi ortu statuque primavæ placita annectit; non in hoc quidem, ut theoriam suam aliorum testimoniis probet; sed ut ingenia aspera & proposito- rum tenacia, qualia abstractis rationibus difficulter tractari possint, humanioribus argumentis, a consensu gentium, testimoniis veterum, exemplis, & similitudinibus petitis demulceat, animosque in alteram partem nimis propendentes ad æquilibrium reducat. Pro eorum vero numero, quæ tanquam nova & singularia haberi suo in opere possint, postremam partem hanc in quinque articulos distribuit.

Articulo primo suam de Cosmogonia sententiam cum Cosmogoniis aliorum confert; ac, ne quis clavi ad explicandas Cosmogonias Antiquorum necessaria destituatur, notat *primo*, Antiquorum Theogoniam nihil aliud esse, ac Cosmogoniam: & eorum Cosmogoniam nihil aliud, ac Geogoniam: *Secundo*, Antiquos omnes, qui originem terræ describunt, ex Chao rem deducere: *Tertio*, Cosmogonias Antiquorum non strictè & Philosophice explicare aut terræ, aut alterius cujuscunque rei formationem, sed generatim & historice memorare mutationes, quæ advenere Chao: *Quarto*, veteribus Philosophis, qui aut Poetæ fuerint, aut Poetarum simii, res naturales figurate exprimere & saltem adumbrare in more esse positum.

A Cosmogoniis ergo profanorum, *Orphei*, *Hesiodi*, *Aristophanis*, *Plutarchi*, *Anaxagoræ*, *Achillis Tatii*, *Empedoclis*, *Parmenidis*, & *Ægyptiorum* exorsus, quam singulorum asserta suæ hypothesei faveant, ostendit.

ostendit. Hinc ad divina tranſit oracula, quidque de ortu mundi prodant, ex *Genſi Moſis* proponit, ex *Salomonis Proverbiis*, & ex *Jobo*. Supponit vero, ad Antiquorum etiam Patrum teſtimonia provocans, neque mundum Angelicum, neque hujus mundi partes & regiones ſuperiores, in mundo Moſaico comprehendere; quippe quæ eidem præextiterint per ignota ſecula; ſed illas tantum naturæ partes, quæ ex terreſtri Chao educi potuerunt. Quod ut facilius obtineat, opinionem, quæ omnia propter hominem eſſe facta aſſerit, non de toto univerſo exponit, ſed de noſtri ſolius mundi ambitu: Coſmopœciam dein Moſaicam cum primo, tum ſecundo capite *Geneſeos* expreſſam contemplatur, & ab hac ad illam, quæ a *Salomone*, & *Jobo* memoratur, gradum promovet.

Secundo articulo, antiquam doctrinam inter Chriſtianos de ſublimi Paradifi loco contemplationi ſuæ conſortem eſſe probaturus, parum quidem ſibi lucis ex *Homerō* pollicetur, penſiles Alcinoi hortos recenſente: ex *Heſiodo*, Hesperidum hortos ultra Oceanum locante: ex *Platone*, æthereæ cujuſdam terræ mentionem faciente; apud Patreſtamen, ut & ſequioris ævi Doctores Chriſtianos ſententiam de ſublimi loco Paradifi receptiſſimam eſſe, allatis eorundem teſtimoniis evincit.

Tertio articulo, aſſertam novitatem montium, maris, & inſularum non repugnare veterum placitis, duplici ratione, apertis ſcilicet verbis, & conſequentiarum nexu oſtendere conatur. Nam eam in rem loca ex *Hiſtoria Scholaſtica*, *Gloſſa ordinaria in Geneſeos ſeptimum*, ex *Alcuino*, *Rabano Mauro*, & ex *Beda* profert; & ex eo, quod mundum antediluvianum *Æova Eggv*, ſive impluvium dixerint, hunc in modum arguit: Ubi nulla pluvia, ibi nulli montes, ubi nulli montes, ibi nullum mare: ubi nullum mare, ibi nulla inſula: igitur, ubi nulla pluvia, ibi nec montes, mare, aut inſula.

Articulo quarto, quod de figura telluris primæ oblonga & ovata dictum, nec id autoritate veterum deſtitui, ex eorum ſuadet ſententia, qui ſive ſcap hæ, ſive cylindri, ſive nucis pineæ formam ei tribuerunt; præterque *Parmenidem*, teſtes hujus rei citat antiquiſſimos naturæ myſtas ex *Philoſophia Orphica*, *Phœnicia*, *Ægyptia*, *Perſica*, & aliorum. Qua occasione rursus in contemplationem doctri-

næ de Ovo mundano dilabitur, ex ea cum figuram mundi, tum formam internam & modum originis derivans.

Quinto denique *articulo*, testimonia veterum, *Diogenis*, *Anaxagoræ*, *Empedocli*, *Leucippi*, & *Democriti*, de mutato telluris situ exhibet; & quod ante hanc mutationem non alium, quam rectum terræ situm, eoque æquabilem totius anni revolutionem, sine veris, æstatis, autumnæ, & hyemis vicissitudine, agnoverint, edisserit, totamque suæ hypotheseos cum veterum dogmatis contentionem sic concludit, ut Autores Antiquos non tanquam iudices a sese appellatos, sed velut testes honorarios adductos fuisse, protestetur.

Totius tandem libri Conclusio Providentiæ Divinæ Systemata Majora & Minora, intuitu mundi idæ variantis distincta, enumerat; & quid hætenus in duobus hisce libris præstitum, paucis repetit, quidque sit in tertio sperandum nobis pollicetur.

De la Guérison des Fievres par le Quin.

Quina,

i. e.

De Curatione Februm per Corticem Chinæ

Chinæ.

a Paris, 1680.

Corticis Chinæ Chinæ seu Peruviani usus per 30 circiter annos Europæis cognitus fuit, a nonnullis Practicis commendatus, ab aliis suspectus maxime redditus. Anonymus ergo hic Scriptor, cum observavit, tanto annorum decursu, nihil vel in vegetabilis hujus febrifugi præparatione, vel exhibendi modo, a quopiam immutatum fuisse, nisi quod Medicus quidam Londinensis (*Sydenham in tr. de Morbis acutis*) illud non mox ante paroxysmum, ut hætenus factum, sed apyrexias potius tempore, propinandum esse, evicerit: asserere non dubitat, si circumstantiæ necessariæ hætenus accuratius fuissent annotatæ, plus emolumenti ex hoc remedii genere in ægros fuisse redundaturum. Hinc quatuor præprimis in tractatulo hoc exponenda suscepit, sc. diversas Chinæ Chinæ præparationes, ejus vires atque effectus, modum illa utendi in febris cunctis, & tandem, quæ ad-

verfa-

versariorum objectionibus satisfacere possint. *Primum* quod attinet, varie quidem medicamentum illud, sine virium castratione, præparari posse, fatetur; in omnibus tamen compositionibus ab hoc, tanquam basi, potissimam febribus medendi potentiam esse petendam, reliquaque admixta saltem ejus activitatem juvare: adeoque ex his talia feligi, quæ illam non impédiant, ipsum vero corticem in proportionata dosi, de qua inferius, præscribi debere, monet. Quo facto propinari posse ait hoc remedium, vel in forma solida, sc. Boli aut Extracti, vel in liquida, nempe Tincturæ & infusi. In infusis describendis paulo prolixior observatur, parandis vel cum potulentis ordinariis, vel cum decocto hordei aut aqua appropriata, aliquid Centaurii minoris, ligni sassafras, baccarum juniperi, &c, pro extractione accelerando, tartari, salis centaurii minoris, aut salis armoniaci addendo: ita tamen, ut quod cum musto factum, ratione fermentationis supervenientis, reliquis præparationibus cunctis anteponat, proximum vero locum vino medicato concedat. *Alterum*, nempe virtutem dicti medicamenti hujusque ætiologiam dum explicare satagit, præliminariter de natura & causa febrium disserit, quarum illam ebullitionem massæ sanguinis præternaturalem, hanc non bilem, ut multis visum, sed fermentum acre sive acidum pronunciat. Cum autem cortex ille particulis penetrantibus atque amaricantibus, una cum asperitate leviter adstringente, polleat, vim ejus penetrativam atque incidentem fermentum dissolvere ac dissipare, ac humorum coagulationi resistere, stypticitatem vero moderatam eorundem ebullitionem præternaturalem compescere, simulque partes solidas, quibus fermentum illud aliquid noxæ impresserat, roborare docet. Adeoque concludit, omnium tam continuarum, quam intermittentium, febrium fermentum, utpote unius ejusdemque naturæ, paucis saltem circumstantiis exceptis, hoc remedii genus debellare ac destruere, illud sc. alterando ac naturam in ejus excretionem, per vias modo sensibiles, modo insensibiles, juvando, idque eo potentius, quod reliqua ingredientia commendata corticis febrifugi activitatem intendunt. Nec inutile putat, remedio huic aliquid Laudani opii admiscere, præprimis si paroxysmi febriles vehementiores fuerint: cum hoc nimiam humorum ac spirituum turgescentiam compescat, ratione sui amaroris febrile fermentum obtundat, ac per sudorem atque insensibilem

bilem transpirationem dissipet. De cætero hoc peculiare quoque Cortici Peruviano testatur, quod potissima febrium symptomata, v. g. inflationes atque tensiones abdominis dolorificas, viscerum infarctus, anorexiam & cruditates ventriculi, alvi fluxus similesque turbas simul cum febre tollat, & quidem hoc pariter ratione suæ superius recensitarum qualitatum. Tertia hujus tractatus parte modus hoc medicamine utendi proponitur, ubi, postquam a Venæsectione in plethoricis & in quibus ebullitio sanguinis nimia, ac catharsis, primarum viarum evacuandarum gratia, leniore, initium curationis faciendum esse dixerat, & diætam cuilibet subjecto & febris appropriatam commendarat, pro diversa paroxysmorum vehementia, ac ratione symptomatum, temperamenti, sexus similitudineque circumstantiarum medicamenti dosin, assumendi frequentiam, vehiculum &c. mutare jubet. Hinc genuinum & legitimum antifebrilis hujus usum in febribus, tam intermittentibus quam continuis, malignis æque ac symptomaticis, explicat, & quidem, si sub forma vini medicati illud propinetur; licet ad eandem normam cæterarum formularum applicatio disponi valeat. In febribus intermittentibus & harum potius principio, medicamentum hoc non sub initium, sed finem paroxysmi exhibet, nec in hoc ratione destitutus, & quidem paritibus vicibus, usque ad ingruentiam subsequæ accessus: repetendo illud singulis apyrexibus, donec paroxysmi cessent, quod brevi contingere spondet; ita tamen ut ad minimum corticis drachmæ sex vel uncia una cum dimidia interim in infuso consumantur, hujus vero singulis dosibus uncia quatuor circiter hauriantur, imo, pro recidiva præcavenda, ejus usus per octiduum, & quod excurrit, finita febre, continuetur. In febribus continuis, post universalia pariter præmissa, febrili turgescencia potius aliquantum subsidente, & quidem in minore dosi, Chinam Chinæ, si sc. cum vino infusa fuerit, exhibet: Sin vero cum decocto hordei & absque vino, mox in principio quoque & loco potus ordinarii. In febribus lentis & symptomaticis, nisi hæc inveteratæ admodum & a visceris nobilioris singulari vitio dependeant, eandem, ac in continuis, utendi rationem suggerit, quo nimirum fermentatione aliquomodo sedata facilius postmodum febrium ejusmodi causis mederi liceat. Post febres cum decubitu seu affluxu humorum, v. g. pleuriticidem, contra malignas quoque, quarum

rum fermentum acrius & activum tantum magis supponit Autor, singularem etiam hujus specifici efficaciam deprædicat, quatenus non saltem dictum fermentum illud obtundat, sed ad diaphoresin quoque disponat. Post usum denique ejus & febre sublata, purgationes leniores & repetitas commendat, purgantia cum cortice hoc febrifugo combinando. Tandem & quarto objectionibus tribus solennioribus, quas contra usum hujus remedii movent, responder. Quarum prima, quod hoc nullam evacuationem sensibilem præstet, adeoque nec causam morbosicam, nec recidivæ metum, tollat; altera, quod calidius illud sit, & cum calidis, v. g. vino, ut plurimum propinetur, hinc æstum potius febrilem intendat, quam imminuat: tertia, quod ejus usum recidiva crebrius excipiat. De cætero non dubitat Noster, pro aliorum quoque morborum, ab acido fermento emergentium, v. g. affectionis hypochondriacæ, hystericæ, obstructionis lienis, evacuationum solennium suppressionis, medela hoc remedii genus, per experientiam propriam commendare, adeoque ad Experimenta ulteriora, in his similibusque pathematis adornanda, potissimum cum nullum periculum usui hujus corticis subfit, hortatur.

THOMÆ STDENHAM MED. D.

Epistola Responsoria duæ: 1. de Morbis Epidemicis ab anno 1675 ad 80. 2. de Lue Venerea.

Londini in 8. an. 1680.

Occasione observationum, circa morborum acutorum, & præsertim Epidemicorum historiam & curationem, ab autore olim editarum, Robertus Brady, Méd. D. Cantabr. literas ad eundem dedit, in quibus tria postulat. 1. ut, si quæ resistent observationes febrilium annorum nuperrime elapsorum, easdem communicare, 2. usum corticis Indici, circa febrilium curationem exponere, 3. Rheumatismi citra sanguinis copiosas profusiones curam, explicare velit. Quæstis hisin prima Epistola Responsoria satisfacit Autor: & quidem quoad prius istud, observat; anno 1676 morbillos, & hinc exeunte æstate choleram, gravioribus convulsionibus comitaram sævisse, non nisi aucta, & crebrius repetita dosi opiatorum, curabilem. an. 78. epi-

epidemice admodum fuisse grassatas febres intermittentes, speciatim tertianas & quotidianas, easque facillime in continuas degenerantes, & loco intermissionis, saltem remittentes: anno 1679 easdem febres immanissime debaccharas fuisse, donec mense Novembri missis epidemica, convulsivæ puerorum tussi similis, suborta fuerit, per V. S. & Catharsin repetitam, ac Vesicatorii ad nucham applicationem, profligabilis. Quoad quæsitum alterum febribus istis intermittentibus quibusvis, etiam continuis redditis, ceu probatissimum convenire remedium asserit Corticem istum Peruvianum: argumenta, ob quæ quibusdam male audiat, ceu vana rejicit: & ex eo, quod minus oportune ægro ingeratur, nec sufficiente dosi propinetur, quicquid cortici imputatur, accidere asserit. Unde non ante paroxysmos, more vulgari, sed post eosdem, atque adeo diebus vacuis, sedulo, & aucta insigniter dosi exhibendum eundem monet. Quoad 3 denique, Rheumatismum loco V. S. diætæ simplici admodum refrigerante, & mediocriter nutriente, æque feliciter profligari posse, speciatim sero lactis, usu ejus per aliquot dies continuato, & quidem in subjectis junioribus, macilentis, & diætæ minus lauta utentibus, assermat, id quod observatione notabili in pleniorē rei fidem confirmat.

Cum porro autor simile opus de morbis chronicis promississet, hujus promissi memoriam ipsi refreuit *Henric. Paman* D. Med. missa ad eum epistola, & ut in arrhabonem reliquorum Luis venereæ curationem explicaret, ab eo petiit. Satisfacit huic Autor in Epist. II, & præmissis quibusdam de ejus origine & propagatione, ipsam curandi rationem succinctam & perspicuam, facillimamque suggerit. Quoad originem arbitrat, luem hanc esse morbum endemicum regioni cuidam Nigritarum *Güinea* conterminorum, a cujus incolis, ut sibi pro mancipiis inservirent, emptis Hispani infecti, primi morbum in Europam intulerint. Propagationis rationem facit duplicem, per generationem & per contactum mollioris cujusdam patris, qui maxime fiat in coitu. Attamen & nutrices ab infantibus inquinari assermat, & ipsos infantes, præ adultis, ob laxiorem & rariorem corporis habitum facilius infici, adeo ut simplex infantis cum infecto concubitus, illum contagio contaminare valeat. Hinc progressum luis juxta symptomatum seriem persequitur, & tandem curan-

curandi rationem duplicem docet: 1. quando adhuc intra gonorrhœæ virulentæ terminos consistit. 2. quando ulteriori progressu, totum jam corpus occupavit. Gonorrhœæ curam principaliter per cathartica, eaque diutius continuata instituit, quæ inter, pervicaciori in malo, turbidæ mineralæ ad gr. viij extollit. Ipsam vero luem, altius ubi intra corpus penetravit, per salivationem cum hydrargyro aggreditur, ceu unicam extirpandi hujus morbi rationem: ut ut Mercurium, non secus ac decocta lignorum, non vi specifica sive alterativa simpliciter, sed saltem communi evacuativa, hic prodesse aasserat. Provocat eam litu simplici ex axung. porcina cum Mercurio vivo, & debitum ejusdem regimen, si forsan hypercatharsis superveniat, aut salivatio minus procedat, aut hæc excedat, &c. una subjungit.

JOH. GEORG. GREISELII, D.
TRACTATUS MEDICUS, DE CURA
Lactis in Arthritide.

Budissin. 12. Anno M DC LXXXI.

Cum scandalum Medicorum Podagra audire soleat, siquidem tor-
 georundem moliminibus contumaciter nihilominus reluctatur,
 posthabitis generosioribus ac fortioribus Pharmacis, ad mitiora Diæ-
 tetica auxilia accessum facere Medici nonnulli instituerunt. Hæc
 inter Lactea Diæta primatum obrinet, de qua rite in Podagra admi-
 nistranda Autor hujus scripti tractat: lactis naturam primum ex-
 plicando, & ejusdem pro Podagra debellanda usum, tam rationi-
 bus illustrando, quam exemplis confirmando. Specialis conten-
 torum enarratio, ex priori editione desumpta, videatur in Miscell.
 Acad. Nat. Cur. anno 1. obs. 141. p. 312.

EHRENFRIEDI HAGENDORNII
CYNOSBATOLOGIA, ad NORMAM
Academia Naturæ-Curiosorum adornata.

Jenæ 1681. in 8.

Idem hujus tractatus autor est, qui ante triennium circiter de Ter-
 ra Catecha sive Japonica scripsit. Præsentem materiam ita tra-
 ctat, ut post Onomatologiam Cynosbati, ejus Physiologiam seu ve-
 getandi

getandi rationem tradat: & quidem tam in genere, ex hypothesi *Dn. Grew*, ubi de forma, loco natali, communi æque ac proprio sive specialiori, de ejus speciebus & longævitate disserit; quam in specie i.e. In partibus ejus singulis, sc. in radice, trunco, foliis, floribus, baccis, arillis, lanugine, spongiis, harumque vermiculis. Occasione radicis hujusque succi nutritii, qui per hujus orificia frutici communicatur, quomodo dispensatio ejus contingat, disquirat, partimque functionem, partim pororum habitudinem, partim pulsionem, cum solis aerisque motu admittit.

In florum antheris quod observatur, alcohol coloris crocei sulphur vegetabile pronunciat, hujusque occasione alcohol liliorum alborum in urinæ suppressione, & summitatum pini in phthisi magnarum virium perhibet.

Dum de arillis sive acinis agit, hos elychnii flammæ expositos, ratione medullæ oleaginosæ ignem promptissime concipere, & in flammam cœruleam se diffundere, propria observatione testatur.

Lanuginem, quæ arillos ipsamque baccarum pulpam crinosa veste obvelat ac succingit, ubi considerat, qua ratione cuti pruritus, linguæ vero saporem diutius inhaerentem hancque vellicantem inferat, quærit, ac utrumque a fibrillarum ejus textura acuminata seu harum cuspidulis dependere suspicatur. Hinc de natura *Mœxæ*, Lanuginis illius Japponicæ, cujus usum causticum in Podagra curanda alias deprædicant, disserit, simulque huic succedaneum quoddam ex gossipio nitrato producit.

Spongiæ Cynosbati muscum quendam comosum vocat, in cuius meditullio callosa & cavernosa substantia contineatur, verminosæ certæ progeniei receptaculum. Alveolos hujus meditullii ovula putat, in quibus, tanquam matrice, vermiculi illi generentur, quorum formam per microscopium observatam ac figuris expressam describit, ac ovulorum illorum ortum rimatur. Vermiculos hos per tempus hybernium intra alveolos suos latitare, vernoque demum, postquam in musculas seu cantharidulas abierint, eosdem, hætenus quidem præduros, nunc vero per nives & pluvias friabiliore redditos, erodere atque effringere, docet.

Quibus absolutis præparata pharmaceutica cynosbati hujusque partium recenset, & quidem tam usualium, quam singularium

&

& horum conficiendorum modos describit. Hinc ejusdem Cynosbati usum therapeuticum sive medicum, ac tandem æconomicum tradit.

PHILOSOPHIA NATURALIS,

*Auctore VVOLFERDO SENGUERDO,
Philosophia Professore.*

Lugdun. Batavor. anno 1681. in 4.

Auctor Prælectiones suas Physicas in Academia Lugduni Batavoꝝ Arum anno 1680 habitas, pluribusque Experimentis non exili pretio comparatis illustratas, in compendium hoc redegit. Ipse nulli sectæ addictus, inter Cartesianos & Democriteos modernos medius, hypothesēs ad effectus naturales demonstrandos ingeniose accommodavit.

Parte I. de Principiis & Affectionibus generalibus Corporum agens, inter cæteras demonstrationes, duas memorabiles habet. Una ostendit causam archissimæ connexionis hemisphæriorum multa vi & pondere indissolubilis, quam magna cum verisimilitudine ingeniosi viri nuper gravitati aut pressioni aeris adscripserunt, esse impeditum circulum & successionem corporum, qualis in omni motu datur, (p. 45) Altera probat liquores ascendere descendereque, vel etiam hære in tubis retortis, non ex aeris pressione, quam itidem allegant recentes Philosophi, quoniam liquorum per tubum retortum motus procedit, ubi nulla datur aeris pressio, sed ipsam gravitatem liquorum efficere phænomena (p. 63.)

Parte II. de Mundo & Situ Corporum ac de Corporibus cœlestibus in specie, Systēma Tychonicum amplectitur. Cometæ propria & nativa lucere lucē opinatur, ex cœlesti substantia genitos; modos generationis & desitionis varios speculatur (p. 149.)

Parte III. de Corporibus sublunaribus vita carentibus tractans, Aeris gravitatem & vim elasticam repetitis experimentis nuper re-
pertis confirmat, meteororumque generationem explicat. Dein Globum Terraqueum considerat, ejusque partes præcipuas, Aquam, Ignem
& Terram cum corporibus terrestribus, quæ vulgo mineralia vocant,

& singula quidem hæc tum quoad internam constitutionem, tum quoad affectiones suas expendit.

Parte IV. de viventibus, in Plantas & Animalia distinctis, ostendit, ut ad Plantarum productionem requirantur particulæ majores aereæ, quibus deficientibus semina non pullulat; ut plantæ primo erumpant ex semine veluti ovo quodam; ut accrescant & ramulos forment; ut flores, fructus & semina proferant; ut per radicem ramulorum in terram inflexione, eorum a matrice separatione & terræ impositione, suctione, insitione, oculatione aliterque multiplicentur.

Tandem de Animalium disserit semine, Generatione, Respiratione (nec aquatilibus prorsus deneganda) Fame & Siti, Nutritione & Accretione, Motu, Sensibus.

NEPOSSAXONIC9 (der Eadsische Nepos.)

A JO. GEORGIO WILCKIO compositus.

Lipsiæ ap. Joh. Frideric. Gleditsch, A 1682. in 8.

ETSI operæ pretium facturus sit non leve, qui Serenissimæ Domus Saxonicæ res illustres, justo ordine ex diversis scriptorum monumentis collectas, in unum historię corpus redigere instituat; tamen etiam eorum opera non contemnenda est, qui ob alias causas, diversas illius historię partes, insuper habita temporis ratione, in usum juventutis exponere aggressi sunt. Id quod fecit nuperrime JOH. GEORGIUS WILCKIUS, *Illustris Scholæ Misnenfis Rector, vir Clarissimus*. Ipse enim, ut una opera pubem Scholasticam assuefaceret puriori Latinitatis sermoni, & simul Heroum Saxoniorum illustri notitia eandem imbueret, singulari cura & studio *Nepotem Saxonicum*, Germanico idiomate composuit. In quo juxta bonæ imitationis regulas ostendit, ut memorabilia inclutæ gentis Saxonicæ exempla, pura ac tersa Æmilii Probi seu Cornelii Nepotis phrasi describi, atque simul discipulis in Schola, historia Saxonica familiaris reddi queat. Quod genus imitationis ut virile omnino est; ita Autor doctissimus librum hunc non dubitavit illustri quasi antepagmento ornare; orationem puta panegyricam ad Serenissimos Du-

ces

ces Sax. Juventutis Principes augustæ spei præmissam. Qua multa *αξιωματικόν* de Heroibus Saxonis commemorat, atque oratorum more illustrat.

VOYAGE d'ITALIE CURIEUX ET

Nouveau, a Lyon. 12.

Iter Italicum novo & accurato studio adornatum.

Lugduni 1681.

Auctorem hujus libelli Præfatio indicat esse *Huguetanum* Lugdunen-
sem advocatum: qui e peregrinatione Italica redux, regionum,
urbium, portuum, hortorum, monumentorum & aliarum observatu
dignarum rerum historiam, prout quævis se oculis ipsius obtulit, in li-
teras misit, & quædam ab aliis non observata exhibuit. Quibus *Jac.*
Sponius Med. Doctor Lugdunensis, vir celeberrimus, duas adjecit ap-
pendices: quarum altera catalogum palatiorum, ædium sacrarum,
vinearum, bibliothecarum, pinacothecarum, & hujusmodi aliarum,
quæ hodie Romæ visuntur, præstantissimarum rerum, clarorum item
eruditione virorum, qui ibidem hodie vivunt, recensum exponit; al-
tera, universæ Italiæ præstantium virorum, qui doctrina aut artificijs
inclaruerunt, & vel hodiernum vivunt, vel paucos ante annos diem
suum obierunt, conspectum exhibet: quem maximam partem e *Gre-*
gorii Leti Italia regnante petiit.

TRAITE DE L'ORIGINE DES NOMS

& des surnoms, par Messire Gilles Andre de La Roque.

Tractatus de origine nominū & cognominum,

auctore G. A. Roquio. a Paris 12. 1681.

Hæc pars est majoris Operis, quod molitus est autor de *Insignibus*
gentilitijs, quod trecentis capitibus absolvi in Præfatione indicat.
Nimirum quum ad artem explicandorum insignium, quam *Heraldi-*
cam vocant, cum primis pertineat intelligere rationem nominum &
cognominum, eam in libello hoc persequi propositum sibi habuit: si-
quidem diversitatem eorum, proprietates, mutationesque tam apud
Veteres quam hodie apud Gallos, Hispanos, Anglos, Germanos, Polo-
nos, Suecos, Danos, Italos, aliasque gentes, exponit: Ordinum item seu

Societatum illustrium, tam Ecclesiasticarum quam Secularium, ortus & autores recenset; & alia quæ eo spectant ex historia prisca & hodierna illustrat, variasque jucundas, quæ circa nominum vel impositionem, vel expositionem, vel mutationem oriuntur, quæstiones tractat.

SOMNIA QUINQUAGINTA FR.

Macedo, in Itinerario S. Augustini post baptismum Mediolano Romam: excutiebat levi brachio P. Fulgentius Fosseus Augustinianus S. Theol. Prof. ad Reverendissimum ac Sapientissimum Patrem D. Joannem Mabillon Congreg.

S. Mauri, Ord. S. Benedicti, Lugduni Batav. 4.

E miserat in publicum de Incarnationis Mysterio opus Franc. Macedo, edjecta ad calcem prolixiori disputatione contra monachatum S. Augustini, cum Appendice Itinerarii Augustiniani. In quo cum asserat, Augustinum illico, postquam susceperat baptismum, anno ætatis trigésimo tertio, Mediolano Romam profectum, nec Centum cellis commoratum fuisse, & natum A. 355, baptizatum A. 388, mortuum A. 431, aliaque complura de Augustino ejusque matre, baptismo, Episcopatu &c. asserat, Fosseus refellit omnia, & somnia esse ex eburnea Pennoti Historie Tripartite porta quæ prodierint, confirmat. Titulus locum impressionis Lugdunum Batavorum profert, sed typus indicat Parisiis libellum hunc fuisse excusum.

EXCERPTUM EX EPHEMERIDIBUS ERUDITORUM PARISIENSIBUS, NOUVELLE CONSTRUCTION DES

Equations completes de deux Dimensions,

par M. l' Abbé de Catelan.

i. e.






Nova Constructio Equationum completarum duarum Dimensionum, per Dn. Abbatem Catelanum.

Ex Diario XXVII. 1. Dec. 1681.

Proponit hic Autor sequentem novam Constructionem completarum Equationum, duarum dimensionum, quam simpliciorum & generaliorum Cartesiana proficitur.

Omnes

TAB. V *ad A. 1652. pag. 67.*



Omnes *Æquationes* duarum dimensionum ad quatuor species reducuntur, duabus formulis generalibus, yy aut $by=Zz$ $\frac{1}{2}$ az , & yy aut $by=az-zz$, comprehensas, quas idem Autor hoc modo construit: *Fig. I. II. III. IV.*
 Duclis duabus lineis rectis indefinitis, BC & DE, (juxta *Schema Ephemeridum*: in *Figura* autem adjectis sufficiat lineas AB, AH, acceptas esse; BC enim & DE, nec commodum exhibere, nec necessarium visum fuit) in puncto A se interfecantibus, in una harum, ex. gr. DE, ex puncto intersectionis accipit partem AH, æqualem semissi lineæ datæ a, & in altera BC, partem AB, æqualem longitudine ipsi y. Porro si *Æquatio* F. I. sit yy , pro prima forma, circulum centro H, intervallo HB; & pro secunda, alium centro A & intervallo AH, describit, intra cujus circumferentiam paralleliter transfert lineam AB (ad P: quo facto Radix z pro prima forma (Fig. I.) emergit $\frac{AD}{Ad}$; pro secunda, PH, & Ph.)

At quando *Æquatio* est by : abscissa ex extremitate B, de linea F. III. IV. AB, parte BG, æquali datæ lineæ b, quam minimam supponit duarum y & b, differentiam earum GA bisecat in M: post, pro prima forma, F. III. facto rectangulo MAHL, centro L, intervallo LB, circulum describit; F. IV. e contra, pro secunda forma, immediate centro M intervallo MH, alium describit, intra cujus circumferentiam uti prius (in Fig. II) transfert totam AB. *Æquationis* Radix z est perpetuo AD (Ad) in prima forma, & PH (Ph) in secunda, quando linea AB aut y minor est radio AH aut $\frac{a}{2}$, alias enim Problema est impossibile.

Demonstratio hujus fundatur in natura circuli & proprietate chordarum intra circumferentiam se mutuo secantium; unde etiam dependet constructio *Æquationis* by vel $yy=zz$, qui non nisi particularis casus est præcedentis constructionis, & de quo non est facienda regula generalis, quia raro magnitudo $\frac{a}{2}$ $\frac{1}{2}$ by aut yy , rectangulum, aut quadratum perfectum est, nec ad lineam rectam reduci potest, nisi descriptis certis triangulis similibus, quæ constructionem intricatam reddunt.

Huc usq. textus *Diarii Gallici*, cui tamen intra parentheses alii literis, quæ ad explicanda diagrammata deesse videbantur, adjecimus. Schematissimum vero *Ephemeridum Gallicarum* immutare tantisper & in

in quatuor peculiares distribuere necessum nobis fuit, ut constructioni sua constaret integritas. Nam & binarum formularum Aequationes, nisi immutatis textus literis, duobus diagrammatibus exhibere non licuit; nec litera Exemplaris Gallici mentem Autoris ubiq; exprimebant satis: cum & primo Schemati circulus intervallo HB ductus deesset, & in altero (quod & ipsum circulo ex M, intervallo MH, ducendo, desitutum) recta AB major ipsa AH applicationem redderet impossibilem.

Adjungimus autem Figuram Vtam, qua unica omnes Aequationum memoratarum formula comprehendatur; methodo a laudati Domini Catelani non multum absimili. In ea

$\begin{aligned} AH \} &= \frac{a}{1} \\ Ah \} &= \frac{a}{1} \\ AB \} &= y \\ Ab \} &= -y \\ FH \} & \end{aligned}$	$\begin{aligned} AD \} &= bH \\ Ad \} &= bH \\ BT \} &= b \\ GL \} &= b \end{aligned}$	$\begin{aligned} AG \} &= \frac{y + b}{2} \\ LB \} &= \frac{y - b}{2} \\ AL \} &= \frac{y - b}{2} \\ GB \} &= \frac{y - b}{2} \end{aligned}$	$\begin{aligned} FA &= AP \\ GH &= LK \\ LH &= GO \\ AK &= Ak \end{aligned}$
--	--	--	--

Unde si sit Æquatio	$\left\{ \begin{aligned} yy &= zz + az \\ yy &= zz - az \\ yy &= az - zz \\ by &= zz + az \\ by &= zz - az \\ by &= az - zz \end{aligned} \right\}$	Radix z emergit	$\left\{ \begin{aligned} HD. \\ Hd. \\ HP. \\ Ph. \\ KH. \\ Hk. \\ HO. \\ Oh. \end{aligned} \right\}$
------------------------	---	-----------------	---

Huic Fig. Vta Cartesianam subjungimus methodum: cui ne quid circa Aequationes, quarum una pars est by, deesset, media, inter b & y, proportionalis inventionem, quam superfluum duxit Cartesius, adjecimus; ut posita AB=y, & BT=b, BH fiat=AD: Aequationum radicibus, per rectas DM, DF, AF, FK, exhibitis. Hac autem, an Dni Abbatis constructione, simplicior sit, Lectoris esto discernere: nobis, Dominum Catelanum sua, ex cognatione, quam cum solutionibus solidorum per Circulum & Parabolas habet, universalitatis suffragium præ Cartesianam tribuisse, dum ipse de hac re sorte certiora prodatur, conceisse suffecerit.



ACTA ERUDITORUM

publicata Lipsiæ

Calendis Aprilis, Anno MDC LXXXII.

SYNTAGMA INSCRIPTIONUM

Romæ veteris: quas collegit & Commentariis illustravit THOMAS REINESIUS. Opus posthumum.

Lipsiæ, sumtibus Joh. Fritschii hæredum & Joh. Frid. Gleditsch.
A. 1682. fol.

Postquam JANUS GRUTERUS, sub initium seculi hujus, vastum istud & æternum INSCRIPTIONUM Opus, Scaligeri & Velsæri auspiciis, aliorum autem eruditione clarorum Virorum ope & consilio, in certas Classes dispositum evulgasset: multa reperiuntur Romæ & alibi Monumenta, isti inferenda, si ante oculis hominum exposita & observata fuissent, quam iste suum Opus vere incomparabile publicæ exposuisset luci. Hæc igitur novissime reperiuntur, & varie hinc illinc dispersa, summo studio, partim ex editis ab isto tempore Doctorum Virorum: Aringhi, Aventini, Barthii, Bosii, Boldoni, Capacii, Chifletii, Chorieri, Freheri, Grasseri, Gutherii, Lazii, Liceti, Lipsii, Manutii, Meursii, Palermi, Panvinii, Pighii, Pignorii, Resendii, Salmasii, Savaronis, Schotti, Seldeni, Servii, Sirmonti, Sorbierii, Tomasini, Tristani, Valesii, Ursati, Vossii, Velsæri aliorumque literis clarorum hominum Scriptis; partim Amicorum eruditorum: Bartholini, Bullialdi, Gravii, Gronovii, Heinsii, Holstenii, Lambecii, Langermanni, Monavii, Naudæi, Opii, Parei, Piccarti, Puteani, Rhodii, Ruperti, Scriverii, Sponii, Volcammeri, Vorstii epistolis, horum ope & suggestionibus adjutus collegit, & eadem, quam Gruterus tenuerat, ratione digessit THOMAS REINESIUS. Commentationibus etiam necessariis adjunctis, & noviter prolatas Inscriptiones, & complures, quas Gruterus alijs antea exhibuerant;

M

rant;

rant, illustravit, ex obscuris perspicuas, ex mutilis integras, ex depravatis correctas exhibens: adeo ut multa ex hoc Syntagmate lux Gruteriano Operi & pluribus vetustis Monumentis aliis inferri intelligendum sit.

Instituerat quidem primum Autor Inscriptiones quasdam a Grutero publicatas, non minus indoctorum marmorariorum culpa, quam incuriosorum descriptorum negligentia, temporis etiam vitio corruptas & depravatas emendare, quibus libro Commentario illustrandis inter magistratus, quem Altenburgi gerebat, munia, & curas officii medici, quam artem per annos paulo minus quinquaginta publicis stipendiis fecerat, infudabat: sed dum isti intendit Operi natum ipsi consilium, illas, quæ Grutero vitæ non essent & præteritæ, colligere, earumque velut novarum accessione Opus ingens & admirandum locupletare & supplere; has autem noviter repertas illustrando, iis simul quas Gruterus attulerat, lucem inferre. In quo proposito ita profecit, ut earum partim e manibus Amicorum acceptarum, partim e libris diversorum argumentorum & idiomatum excerptarum insignem copiam acquisiverit, e qua Gruteriani in Operis modum disposita *Syntagma* isthoc conscripavit. In quo ordinem secutus est, qui Scaligero & Grutero, dum is vastum suum Opus concinnabat, placuerat: nam *viginti Classibus* omnes, quas vel in libris reperit, vel ab Amicis transmissas accepit, Inscriptiones complexus est. Ac *prima* quidem Diis dedicatarum, templorum aliorumve locorum sacrorum & sacrificiorum; *secunda* Operum & locorum publicorum; *tertia* Cæsarum, Imperatorum, Augustarum & Regum; *quarta* Annalium, Actorum & Historiarum; *quinta* Sacerdotum, Flaminum, Pontificum, Augurum, Ministrorum sacrorum, Ludionum, & his adimium; *Sexta* Magistratuum majorum minorumque & quorumvis honoratorum; *Septima* Decretorum publicorum, Senatusconsultorum, Legum, Foederum, Statutorum, Contractuumque inter privatos; *Octava* Militarium: *Nona* Libertorum & Officiorum Domus Augustæ; *Decima* Ordinum, Collegiorum, Corporum & quarumvis Sodalitatum; *Undecima* Officiorum minorum, studiorum, artium & negotiationum; *Duodecima* Affectus Parentum erga Liberos; *Decima tertia* Affectus Liberosum erga Parentes; *Decima quarta* Affectus Conjugum; *Decima quinta* Affectus Fratrum Sororum-

rumque; *Decima sexta* Gentilium, cognatorum, propinquorum, hæredum, familiarium, amicorum, sodalium, benemeritorum, aliorumque promiscua; *Decima septima* Singulariorum ab incertis; *Decima octava* Affectus Dominorum erga Servos Libertosque, & horum adversus illos; *Decima nona* Affectus Libertorum & servorum inter se & suos; *Vigesima* Christianorum veteris Ecclesiæ Monumenta exhibet: quibus *Appendix* subiecta est, eas Inscriptiones illustratas Commentario sistens, quæ digestis jam Clasibus cum supervenissent, suo loco reponi non potuere.

Abfoluto & elaborato hunc in modum Syntagmate hoc, Autor congescit & eluctravit summo studio & industria incredibili EPONYMOLOGICON, quod sive accessorium Operis hujus, & late diffusum absolutissimum Index (in istius formam, qui in Gruteriano Opere tertii & vigesimi locum implet) habeatur; sive novi & separati Operis appellationem sustineat, perfectam sane expletamque omnibus numeris & partibus *Cognominum Romanorum* notitiam suppeditabit. Quamvis autem præcipuus scopus Operis hujus Romana sint, non ignobilem tamen ejus partem Græcorum etiam aliarumque gentium, sed cum primis Germanorum, faciunt Nomina propria: quippe quibus detritis, inquinatis, disjectis & deflexis genuinam formam, pristinamque dignitatem & celebritatem reddidit, & Germanis Germanos restituit. Quo studio non magis horum gloriæ quam utilitati publicæ prospexit, & in primis Historiæ lucem prætulit. Nam cum Græci Latini que Scripatores multa de Germanis & exteris nationibus aliis, quas communi Barbararum appellatione complectebantur, literis tradiderint; ignoratum tamen fuit hætenus, quinam præclare istas res gesserint, aut si non ignoratum id plane, confuse tamen & turbate animo conceptum est, dum vel discernendi conjuncti, vel discreti fuerunt conjungendi; pluribus seculis distantes ad eandem ætatem, ad diversas relati qui eodem tempore vixerant: unus inepta distinctione multiplicatus, plures contra, velut a coquo jura in unum confusi & permixti. Quod quantas in historia turbas excitet, soli ignorant, qui ingentia solidæ historiæ cognitionis commoda non intelligunt. Hæc vero omnia EPONYMOLOGICO isthoc ad liquidum ab Autore producta sunt: in quo præterea infiniti Autorum loci emendati, Constitutionum in Theodosiano & Justiniano Codicibus in- & subscriptiones

recte constituta, abrupta & dispalata Legum fragmenta corporibus suis juncta: & quicquid veterum elegantiarum inconsulta & supersticiosa librariorum correctio Scriptoris eripuerat, maximam partem redditum est & restitutum. Qui liber sane eximius, multis vigiliis ab Autore elucubratus, publica luce omnino dignus est, eique sistetur, ubi fortunam *Syntagmatici* hujus, quod pramitti par erat, expertus fuerit secundam, qui excudi istud curavit. Nam utrique Operi simul sumtus impendere, librariorum per Germaniam afflictæ res haud patiebantur. Igitur ipsas Inscriptiones earumque Syntagma, quod GRUTERIANI OPERIS SUPPLEMENTUM ET COMMENTARIUS dici potest, pramittere voluit Bibliopola, qui in possessionem Manuscripti utriusque Operis post Autoris obitum (qui placidius Septuagenario d. XVI. Kal. Mart. Anno M.DCLXVII. obtigit) pervenit: constitutum habens, ubi avidos Antiquitatis eruditæ amatores intellexerit, EPONYMOLOGICUM eidem prælo, quod *Syntagma* hoc expresit, submittere & publici juris facere. Ut Monumentorum veterum curiosus indagator, postquam te *Syntagmate* Victoris gentium Populi sacra & ceremonias addidit; publica Imperatorum, Consulium, Aedilium, privatorum quoque hominum Opera perlustravit; Magistratum in Urbe, provinciis, municipiis, coloniis, decoram seriem; accuratam Ordinum, Collegiorum, Sodalitatum, Corporum enarrationem; Militiæ etiam gradus; privatamque pietatem & domesticos affectus cognovit; in EPONYMOLOGICO, velut in atrium aliquod nitidissimum delatus, circumstantes majores suos, vel gentis suæ proceres, quorum Saxa antea perlustraverat, ipsa vetustate venerandos intueatur, nominibus, tempore, scriptis gestisque adeo succincte collocatos, ut nunc demum ab hoc ordine, in quem sollicita Reiæ rei eos coëgit industria, immortalitatem tot Nominibus, quæ e monumentis vetustis produxit, promittere liceat. Frustra sane speraverant mortales, saxorum perennitate prorogatum iri suum ad seram posteritatem nomen, ac memoriam sui marmorum beneficio in longum extendi posse: quibus tamen & ipsis mortem infer ævi longinqua vetustas, quod testantur tot truncæ statuæ, fatiscientes tabularum crustæ, semesa columniarum frustra, cipporum fragmina, & quæ olim vias superbe prætexebant monumentalæ agris disjecta & obruta, aratis effossa sepe, ruderibus involuta, at quæ suo revulsa loco situ musco-

muscoque obrita, obliterata, oblimata, cuneis diffusa, trita totarum orbitis, fundamentis interdum ædificiorum adhibita, suggestiorum stillicidiis, fluminum marginibus, viarum stratis, urbium purgamentis destinata, alieno sepulchro illata, translata toties & jactata: Nulli pedes in frontem, nulli retro, nusquam ambitus & maceria: nihil sacri & religiosi. Cassa igitur nomina, & ignoti in ipsa interdum patria tituli, peregrinaque inscriptio. Felici tamen industria REINÉSII suis plurima Manibus reddita sunt, & ex ipsis Fragmentis memoria eorum, quibus posita primum fuerant, adserta est: ut chartæ hæc saxeam istam perpetuitatem, materiæ vitio jam senescentem, novâ perennitate munire censendæ sint;

Ecce vices rerum; tandem quoque saxa fatiscunt;

Et manet æternum quod levis aura movet.

EPIPHANII OPERA GRÆCO-LATINA

Nâ cum versione & Animadversionibus DIONÆ

PETAVII. Editio novâ, Appendicibus quibusdam auctior.

Coloniæ 1682. in fol. 2. Tomis.

Sumptibus Jerem. Schrey, & Henr. Job. Meyeri.

Cum jam pridem in bibliopolarum tabernis, Gallorum æque, apud quos prodierant, quam aliis, dispartierint nec venalia amplius proflent Epiphanii Græco-Latina, a doctissimo Societatis Jesu Theologo *Dionysio Petavio*, anno hujus seculi secundo & vigesimo adornata & cum interpretatione novâ ac Animadversionibus eruditè editâ *Parisi* Opera; de bonis literis bene se merituos existimarunt bibliopolar, qui *Lipsiæ* recudi ea curaverunt: ita quidem ut nova hæc editio veterem plane referat, & plagulæ hujus novæ impresionis totidem plagulis prioris editionis respondeant; typorum verò Græcorum major adhibitus nitor, quibusdam etiâ accessionibus potiôr habenda sit nova. Præmittitur enim *Vita Petavii*; quam elegantî Oratione prædicavit *Henr. Valesius*, exposuit etiam in Bibliotheca Soc. Jesu a *Ribadeneira* cœpta, a *J. Alegambe* continuata, a se vêtro ad Annum usque LXXVI producta *Nath. Sorvellus*. *Car-men* item præfixum habet, quo mortem ejus prosecutus est *Illustre*

Monasteriensis & Paderbornensis Episcopus Ferdinandus Furstenbergius. Sub unum quoque conspectum omnia Petavii *Opem* juxta annorum seriem, quibus ab ipso scripta & emissa sunt in publicum, digesta sistuntur. Animadversionibus vero binæ subjiciuntur *Appendices*, pro istis vindicandis ab Autore doctissimo adversus *Maturinum Simonium* Anno 1624, & *Claudium Salmasium* Anno 1630 scriptæ, postque editas Animadversiones publici juris factæ. Ac poterat quidem pluribus Accessionibus editio hæc nova augeri, si adjecta fuissent scripta ista, ad explicationem & vindicationem nonnullorum Epiphanii locorum facientia, quæ sub *Antonii Kerkoetii* nomine adversus *Salmasium*, qui *Francisci Franci* nomen sibi sumserat, in vulgus sparserat Petavius, amarulenta non minus quam erudita: sed quando istis nomen suum præscribere noluit Autor, ea Animadversionibus his annexere veritus est, qui editionis Epiphaniæ curam Lipsiæ gessit.

HISTORIA CRITICA VET. TESTA- MENTI,

sive

*Historia Textus Hebraici a Mose ad nostra
usque tempora,*

Autore R. P. RICHARDO SIMONE,

Presbytero Congregat. Oratoriæ.

E Gallico in Latinum versa

NATALI ALBERTO de VERSE

S. Theolog. & Medic. Doct.

Amstelodami, Juxta Exemplar impressum Parisiis

1681. 4to.

Est hoc novum Historiæ Criticæ opus, Gallico idiomate ab Autore suo primum editum Parisiis 1678, in genere curiosum admodum & summæ eruditionis Scriptum, singularia plurima in Textum Hebræum Vet. Testam. & præcipuas Versiones tum a Judæis, tum a Christianis editas complectens: quod Latio donatum, cum aliqua
Præ-

Præmonitione ad Lectorem, publici juris denuo facere nullus dubitavit Interpres doctissimus, innumerarum illius observationum singularissimarum rationem potius habens, quam aliarum quarundam ex illo contra fontium auctoritatem eruendarum consequentiarum, quas nec Autor ipse admittat, & adversus quas nemo non Eruditorum se facile præmunire possit. Nos, quod nostri instituti est, hic agemus, hoc est, *scopum & summam* illius Historiæ Criticæ historice edisseremus, ut quid inde sibi quis polliceri possit, intelligat, iudicium erudito lectori, & accuratum ejus examen aliis, quorum hoc est studium, committentes; ad quod etiam Vir Clarissimus *Ezechiel Spanhemius* in Literis ad Amicum die 10. Decembr. 1678 Gallice scriptis, & Amstelodami anno 1679 a Daniele Elzevirio, quanquam suppresso Autoris nomine, editis jam viam stravisse videtur.

De *SCOPO ET CONSILIO* totius operis tum recte judicabis, si quid Autorem ad scribendum impulerit, *quæis adminiculus in usum advocati, & cui Hypothesei potissimum innixus novam illam Criticam concinnarit*, ex ejus Præfatione & primo Historiæ hujus Capite, nobis præeuntibus, observaveris. Scribit nempe Autor in Præfatione, se dum Critica in Scripturam aliorum opera legeret, & in proprium suum usum vitia eorum annotaret, comperisse, neminem hæcenus penitus Criticam Scripturæ novisse aut investigasse, neminem non juxta sua præjudicia ea de re disseruisse. Judæos verbi gratia non alios Autores, quam suos, consuluisse, ac miratos esse, quæ nequaquam intelligebant: inter Christianos autem plerosque Patres adeo in gratiam veterum Ecclesiæ Versionum præjudicio laborasse, ut plane Textum Hebraicum negligerent: de fuisse quoque illis multa ad perfectam Scripturæ Crisin instituendam: modernos quod spectat, seu Catholicos, seu Protestantés, neminem non præjudicio laborasse, ambos *Buxtorfos* nil ferme aliud in plerisque suis operibus, nisi immodicum erga Rabbinos studium, neglectis aliis Autoribus prodidisse: contra *Morinum* adversus illos, etiam antequam legisset, odio affectum fuisse, dumque meliores Ecclesiæ versiones propugnare studet, undecunque argumenta collegisse, quibus Bibliorum originalia evertat: plus certe judicii in *Ludovici Caprelli* Critica elucere, sed & illum, cum varias tantum lectiones conquirere satageret, nimis eas multiplicasse: Se vero in hac Historia multa proferre, quibus plurimæ Lectionum varie-

varietates explicari possent absque eo, quod illis in locis hallucinatos fuisse Exscriptores dicamus: posuisse quoque *Capellum* & retulisse in numerum Variarum Lectionum manifestissimos Exscriptorum errores, qui quidem juxta probatiores Codices emendari potuissent: postremo non satis autoritatis Masoræ tribuisse: etsi enim Auctores ejus infallibiles minime fuerint, non omnino tamen spernendam aut rejiciendam hoc nomine, quod ejus auctores Judæi sint, quos, cum de lectionis usu agitur, consulendos esse ipsa ratio suadeat: non impedire tamen ista aut similia apud *Capellum* observata vitia, quominus ejus Critica cæteris omnibus anteponatur. Et hujus adeo laudati scriptoris exemplo se motum fatetur Autor, ut Historiam hanc Criticam Biblici textus & præcipuarum Versionum, tum a Judæis, tum Christianis editarum, componeret. Cum vero *Capellus* se multas alias Varias Lectiones ob MSS. Codicum penuriam adnotare non potuisse conqueratur, huic defectui se obviam ivisse scribit Noster, conquisitis, & undiquaque sibi multis egregiis Codicibus, quos diligenter quidem inspexerit, comparatis: illorum Codicum ope Regulas dedisse, quibus errorum & vitiorum, quæ in Textum Exscriptorum, negligentia invecata sunt, originem invenias, ut hoc pacto germana Biblici textus lectio commodius restitueretur: ex illis quoque bonos & legitimos Codices Hebraicos a malis & corruptis discernere ut possis, ejus rei gratia plurimorum examen instituisse, in quibus quid desideret, quid probeat, annotarit. Deinde quia Judæi *Masoreta* multas, ceu scribit, in textum Hebraicum immutationes intulere, horum, quoque Criticam multis prætermisissis Autoribus, qui de illa ex privatis præjudiciis, vel ex aliorum sensu judicarunt, apud Masoretas ipsos legisse, imo cum attentione perlegisse, & æquum se iis ubique judicem, quantum licuit, præstitisse proficitur; mediam sic quasi viam amplectens tum inter illos, qui Masoram contemnunt, aut cum *Isaaco Vossio* prorsus improbant & rejiciunt, quod non pernulas ex illa Regulas ad LXX. Interpretum & veterum aliorum versionis defensionem hauriri posse animadverterunt; tum inter hos, qui eam infallibilem censent, quia, ut ille scribit, non satis accurate versiones, quæ Masoram antecesserunt, expendere. Masoram enim seu Traditionem nunquam adeo modum legendi textum fixisse & sanxisse, quin quod pro temporum & locorum circumstantiis lectio variaverit, ostendi possit.

possit. Ut ergo modum illum, qui ad inveniendam veritatem requiritur, præ cæteris omnibus, qui circa hoc negotium occupati fuerunt, servaret, id quantum fieri potuit, præstare se conatum fuisse dicit, suam hinc Hebræo originali, suam illinc Versionibus veteribus auctoritatem illibatam conservando; nec in gratiam Græcæ Linguae, nec Latinae, nec Hebraicæ, nec alterius præjudicio se affectum sincere testando, tantummodo accurate juxta ordinarias Criticæ Regulas & Textum ipsum, & ejus Versiones expendendo, & variis annotatis Lectionibus ostendendo, quo pacto hodiernorum Codicum menda & vitia castigari possint. De cætero nihil ferme sibi defuisse scribit ad hoc opus omni ex parte absolvendum: nam & penes se diu fuisse innumeros Libros ab Oriente allatos, & jam in Bibliotheca PP. Oratorii Domini JESU extantes: otium præterea abunde adfuisse, imo Amicorum suorum ope plurimos se Eruditos in dubiis hinc inde subortis consuluisse.

Hypothesis in hoc Opere potissimum regnans est de Bibliorum Hebræorum Auctoribus, quos certi generis Scribas fuisse statuit; qui jam inde a Mosis tempore apud Hebræos extiterint, & quam diu illorum Respublica stetit, singula hujus Reipublicæ suæ Acta summa fide collegerint, inque publicis & ad id destinatis monumentis asservarint. Hos cum *Josepho* & plerisque Patribus Prophetas nominat, quia sc. Dei spiritu afflati fuere, & scripturam omnem Prophetiæ nomine donat *Petrus Apostolus*. Eosdem etiam Scribas, ab ipsa Scriptura, vel publicos Exscriptores vult appellari, ut hoc pacto eos discriminet a reliquis aliis Scriptoribus, qui pro affectu & præjudicio suorum temporum Annales scribere solent. Tales Scribas fuisse dicit, *Samuelem, Nathanem, Gadem, Abiam* & aliquot alios, qui suorum temporum Annales scriperant, e quibus non minima Librorum Bibliicorum pars, utpote Judicum, Regum, Chronicorum & Paralipomenon concinnata sit. Juxta hanc suam hypothesin solvi ait multa quæ in Pentateucho existunt, & videntur simul supponere, Mosen ipsorum Autorem non fuisse. Nimirum quicquid in Libris illis Historiam spectat, Scribis adserit de *Mose* in tertia persona loquentibus, & similia non pauca habentibus, quorum Moses Autor esse nequeat: vicissim quicquid ad leges & jura pertinet, ipsi *Mosi* vindicari, & hac ratione totum Pentateuchum *Mosis* esse, jure merito affirmari

posse putat: quoniam illius Scriptores *Mosis* tempore vixerint, & non nisi jussu *Mosis* illum conscripserint. Ex eadem hypothese solidas rationes se reddere posse dicit, cur tot in Scripturis additiones & immutationes, quas aliqui nullo pacto explicaveris, hodie deprehendamus: si nempe observetur, hos Prophetas seu publicos Scribas pro suo officio non tantum suorum Acta temporum collegisse, sed & aliquando Actis a prædecessoribus suis collectis, iisque vel addendo, vel detrahendo, & immutando, prout expedire judicabant Ecclesiæ tum temporis, novam formam induxisse, illibata interim S. literarum autoritate; quandoquidem illarum mutationum Autores Viri Prophetæ ac coelitus afflati essent, ut proinde, quæ ipsi immutarent, parem cum reliquis non possent non habere autoritatem. Multum pariter hac sua hypothese juvari scribit explicationem innumerarum Quæstionum circa Chronologiam & Genealogias. Si semel enim recipias, hosce Libros prolixorum Instrumentorum compendia tantum esse, & populo tradita solum fuisse, quæ illi erudiendo idonea magis judicata sint, per se patere dicit, relatas ibi Genealogias immediatas non esse, nec certam & infallibilem juxta eosdem libros Chronologiam componi posse, quandoquidem res gestæ non semper, quo tempore evenere, referantur, sed & sæpe plura acta simul conjuncta fuerint, dum in Epitomen redigerentur, & Lector simul ad eadem illa Acta, prout in archivis prolixè continebantur, remitteretur. Isto quoque pacto *Spinoza* argumentis ex hisce Scripturæ immutationibus & enantiophaniis ad ejus autoritatem infringendam ductis, quasi nil istæ divini haberent, respondet, ac illorum simul audaciam retundere satagit, qui Sacrorum Librorum Autores in iis tantum, quæ ad fidem pertinent, a Deo inspiratos fuisse contendunt, cætera non magis pro divinis habenda esse, quam cuncta illa, quæ Viri pii ac religiosi scribere solent. Cum enim periculosa hæc valde sententia videatur, & Novo Testamento in Scriptura Veteris nil non Propheticum & Divinum agnoscendi diametraliter sit opposita, talem se scribit hypothesin constituisse, qua viris Divinis & Prophetis adscribantur omnia in Sacris Literis comprehensa, iis saltem mutationibus exceptis, quæ lapsu temporis & Exscriptorum incuria & oscitantia contigere. Nam præter istas immutationes, ab iis qui cum autoritate Bibliorum Breviaria scripserunt factas, plures adhuc alias agnoscit Autor, quas non ipsis

ipsis Sacrorum Librorum Autoribus, sed potius comuni veterum omnium Librorum fato, aut si vis, infortunio imputandas esse dicere, confirmans hanc suam sententiam ex modo, quo olim Libri in parvis membranis scribi solebant, quæ aliæ super alias circa lignum aliquod convolvebantur, nec inter se consuebantur. Sic enim accidisse scribit, ut non satis accurate voluminum illorum ordine servato, rerum ipsarum dispositio & ordo pluribus in locis immutatus fuerit. Et magnas illas, ut ipsi videntur, mutationes, quas Bibliorum codicibus contigisse ostendit, ex quo prima originalia periire, Protestantium, ipsorumque Socinianorum, qui hodiernos illos Codices Hebræos consulunt, sententiam funditus convellere putat, cum tantum absit, ut ad Controversias dirimendas compendiosior & tutior methodus Scriptura existimari debeat, ut econtra in hac sua Historia ostenderit, si quidem juris norma a norma facti separetur i. e. nisi cum Scriptura Traditionem conjungas, nihil fere certi in Religione futurum esse; nec divino Verbo fieri injuriam, cum illi Ecclesiæ Traditio conjungatur: Eundem enim, qui nos ad S. Literas amandat, ad Ecclesiam quoque suam, cui sacrum hoc depositum concedidit, nos amandare,

Hæc de *Scopo & Consilio Auctoris* dicta sunt; sequitur nunc *summa totius operis* in tres Libros divisi, quorum *PRIMUS* unum & triginta Capita complectens sat multa habet de Sacrorum Librorum Autoribus; de Prophetarum apud Hebræos munere ac potestate libris sacris addendi, detrahendi; de origine mutationum aliquot in Textu Biblico, eorundemve actuum in aliis & aliis Scripturæ Libris cum varietatibus aliquot repetitorum casibus; de mutationibus, quæ in Libros sacros irrepere, præsertim post Captivitatem Babylonicam ex Rabinorum & Patrum sententia; de modo quo Bibliorum brevium factum. His ita Cap. I, II, III, & IV, pertractatis, mox cap. V, & VI, probationes & argumenta subjungit Autor additionum & aliarum immutationum, quæ Scripturis & in specie Pentateucho contingere. Variis item exemplis ostendit, Moysen omnium plane quæ in Libris ab ejus nomine dictis extant, autorem esse non posse, additis responsionibus ad Judæorum hic contradicentium objectiones cum novis in eorum opinionem argumentis. Cap. VII. modum exponit, quo libri legis scripti fuerint: Hinc Libros Patriarchis ante *Mosē*

adscriptos recenset, Sabbatarum etiam, sive Veterum Chaldaeorum Historiam tradit. Cap. IIX. de aliis Scripturae Libris disserit, quorum collectionem ad magnam sub *Esdra* Synagogam referunt: Hujus Synagogae examen, & cujusque libri Scripturae in specie suscipit. Cap. IX. Librorum sacrae Scripturae generalem Divisionem tradit, Judaeos & Christianos Auctores inter se hac de re conciliat: quo sensu Judaei *Danielem* Prophetam esse negent, explicat, & hac in parte a Christianis non dissentire docet. Cap. X. XI. XII. XIII. contra *R. Joseph Albo* pro lege Mosis nunquam corrupta pugnantem disputans, ex Pentateucho Samaritano probari posse negat, etiamnum hodie superesse priscum Librorum Mosis apographum: Inde Textum Hebraeo-Samaritanum in particulari sub examen vocat, nec Judaico praefereendum monet, diversisque variarum Lectionum exemplis cum observationibus in eundem additis, de Characteribus Samaritanis eorumque origine, & convenientia cum Phoeniciis literis, ex aliquot Graecorum Patrum testimoniis rite explicatis, de Codicibus Samaritanis, deque litera *Thav* erudite disserit. Cap. XIV. XV. de Lingua Hebraea quaerit, an prima linguarum? & quomodo primum inventae literae? Post variarum hac de re sententiarum conciliationem accuratius, quomodo inventae sint linguae, exponit, facta hic erudita de Origine Linguarum digressione. Cap. XVI. & XVII. quis status Hebraei textus a relictis ex Captivitate Babylonica tempore, quis aetate Jesu Christi, & initio Christianae religionis, quis tempore *Philonis* & *Josephi* fuerit, exponit: ibi de Secta *Sadducaeorum* universas Scripturas admittentium, & Codice Hebraeo a LXX. Interpretibus usurpato; hic de *Josepho* minus accurato Scripturae tractatore, ac subsecutorum Judaeorum majore diligentia ex occasione Religionis Christianae nata Lectorem informans. Cap. XIX. & XX. contra *Morinum* & *Vossium* calumniam stringit, ac Judaeos sacros libros non depravasse ostendit: addita Patrum, maxime *Origenis* & *Hieronymi*, de Textu Hebraico & LXX. virali versione, sententiae explicatione, morem scribendi hisce duobus Scriptoribus solennem pluribus exponit, cum observationibus aliis non passim obviis. Cap. XX. XXI. XXII. XXIII. statum Hebraici textus in primis Christianismi seculis uberius pandit: varias Scripturae lectiones in Thalmude occurrentes, cum diversitate codicum, quibus Synagogae utuntur, & quibus privati,

vati, notat: Regulas ad discernendum probatos Textus Hebraici Manuscriptos Codices a pravis tradit: aliquot Manuscriptorum examen singulare instituit: nec non peculiare observationes in omnes Manuscriptos Bibliici Textus Codices subjicit, ac tandem originem variantium lectionum a varia scribendi codices ratione ortarum prodit. Cap. XXIV. & XXV. de *Masora* quid statuendum sit, variis Judaeorum & Christianorum hac de re opinionibus præmissis, edocet: accuratorem *Masoræ* expositionem instituit: utiles Regulas, quas completitur, eruit: unde & quomodo Veteres Scripturæ Interpretes excusari ac defendi possint, ostendit: partium etiam, quibus constat *Masora*, explicationem cum Criticis in hanc rem observationibus subjicit. Cap. XXVII, XXVIII. & XXIX de punctorum Vocalium & Accentuum hodiernorum auctoritate, origine, de versuum item hodierni textus Hebraici distinctione & aliquot aliis ejusdem Textus distinctionibus quid sentiendum, multis in rem istam communicatis observationibus exponit, & *Caraitas*, peculiarem Gentis Hebrææ Sectam, non minus ac reliquos Judæos, viginti quatuor Scripturæ libros cum Puncto-vocalibus & accentibus admittere docet. Denique primum hunc librum c. XXX & XXXI. Grammaticorum Hebræorum Historia finit, in qua Grammaticæ Hebrææ originem & progressum narrat, & hinc textus ac linguæ Hebrææ incertitudinem demonstrare satagit.

Criticæ hujus LIBER SECUNDUS præcipuarum Scripturæ Versionum a Judæis & Christianis editarum Historiam completitur. Illas omnes examinat, & quid in quaque vituperet, quid probet, studiose aperit Simonius. Post generalem doctrinam de Bibliorum versionibus Cap. I propositam, præ cæteris omnibus Græcam versionem LXX Interpretum & ejus auctoritatem per aliquot Capitula expendit. Nam ubi Cap. II. Historiam *Aristea*, & aliquot alios ea de re scriptos Libros supposititios sub examen revocavit, & solam Moysi legem primum Græce redditam esse docuit, appellationis item rationem, cur LXX viralis dicta fuerit, enucleavit; Cap. IV, non modo varias hujus Versionis Editiones recenset, sed & explicationem Tetraplorum, Hexaplorum, & Octaplorum *Origenis* cum Criticis animadversionibus subjicit, ac versionis ipsius cum textu Hebræo collationem, variarumque illius editionum ad se invicem

tradit de Rabbinoꝝ lectione in sua ipsoꝝ Lingua) deinde priscoꝝ
 rum Patrum, *Augustini* Cap. II, *Origenis*, *Hieronymi* Cap. IX, multoꝝ
 rum alioꝝ Cap. X. denique recentioꝝ ævi Doctoꝝ, qui in
 Scripturam notas aut commentarios scripsere, sive Catholicorum Cap.
 XI, & XII, sive Protestantium Cap. XIII, XIV, XV, sive Socinianoꝝ
 rum Cap. XVI, ut sic uno intuitu, quomodo & quam varietum Ju-
 daica, tum Christiana Ecclesia Scripturam interpretata fuerit, videre
 queas. Et quo is labor majorem adhuc utilitatem adferat, multis re-
 gulis & observationibus ad recte Scripturas interpretandum hinc inde
 propositis, Cap. XVII, utilium aliquot Libroꝝ ad intelligentiam
 Scripturæ facientium Crispi suscipit: quin & judicium suum de aliquot
 aliis Scriptoribus, qui opera Critica in Scripturam composuerunt, sive
 Catholicis, ut *Jo. Morino*, Cap. XIX, sive Protestantibus, ut *Ludovico*
Capello, Cap. XIX, & XX. exponit, ac tandem in fine hujus libri a
 Cap. XXI, ad XXIV, in Polyglottæ Anglicanæ Prolegomena, quæ
Brianus Walton sedecim sermonibus complexus est, censoriam virgu-
 lam exercet.

Ad calcem Operis duplicem Catalogum adposuit, unum præci-
 puarum Scripturæ tam Hebræicæ, quam in varias linguas translatae, sive
 a Judæis, sive a Christianis profectorum Editionum, cum innumeris in
 quamque Editionem & Versionem Criticis animadversionibus: Alte-
 rum Autorum Judæoꝝ & alioꝝ minus obvioꝝ Scriptorum
 qui passim in Historia hac Critica citantur.

ANDRÆ ACOLUTHI, Uratisl.

סי חמרים האחרים

De Aquis Amaris & maledictionem inferentibus,

Num. V. 11. seq. descriptis *Philologema*.

Lipsiæ Typis Justini Brand. 1682. in 4to.

Quamvis hæc materia a Clar. Wagenseilio in Sota jam præoccu-
 pata videretur, alia tamen methodo eandem persequi & post
 melleum spicilegium instituere Autori, novum industriae suæ specimen
 post *Obadiam Armenum* edituro placuit. Sic autem procedit, ut
 primum (Cap. 1.) tremendæ hujus sanctionis cum præcedentibus &
 sequentibus coherentiam ostendat. Deinde (Cap. 2.) Hebræicarum
 vocum,

vocum, quibus dissertationis hujus frontem insignivit, constructionem, originem, significationem & emphasin evolvat, tum rem ipsam aggrediatur & (Cap. 3.) totam rationem, qua uxores Zelotypis maritis de adulterio suspectæ per aquas a Sacerdotibus propinatas probandæ fuerint, secundum omnes causas & circumstantias exponat, & tandem in recensendis allegoriis & abusibus (Cap. 4.) occupetur, id ubique agens, ut Sacros Fontes, quorum ductum sequitur, cum Interpretum rivulis studiose conferat, & quantopere in Orientalium Linguarum studio excolendo & abstrusis Judæorum sacris eruendis versatus fuerit ostendat.

A New Digestor or Engine, for softning Bones, Containing the Description of its Make and Use in Cookery, Voyages at Sea, Confectionary, Making of Drinks, Chymistry, and Dying &c.

By Denys Papin, M.D. Fellow of the Royal Society.
London, 1681. in 4to.

i. e.

Novus Digestor aut Machina pro emolliendis Ossibus, continens hujus delineationem seu parandi modum cum usu in re coquinaria, navigationibus, arte condiendi, potionibus conficiendis, Chymia, & arte tinctoria, per Dionysium Papinum M. D. & Regiæ Societatis Socium.

Londini 1681. in 4to.

Postquam *Nobilissimus Boyle* in Experimentorum Physico-Mechanicorum Continuatione secunda Artic. 19. *Experim. 4, 5, & 6*, singularem ad ossium usque emolliationem coquendi carnes modum, in vase cochlea obturato & MB. cochlea pariter firmato adornandum, suppeditaverat, sine instrumentorum tamen necessariorum horumque usus declaratione; præsens scriptum Autor publici juris fecit, Novumque Digestorem seu Coquum appellavit, quod per compressionem

O

nem

nem aquæ & aeris, intra vasi conclusi, elixationes, digestiones seu macerationes, fermentationes, ac destillationes variarum rerum, & inter has ossium duriorum emollitionem, perficere doceat.

TAB. VI. Instrumenta proin his finibus accommodata in sex figuris exhibit, quarum 1 & 2 illa delineat, quorum usus generalis magis, 3, 4, 5, & 6 vero, quæ destillationibus ac arti tinctoriæ præprimis sunt accommodata. Scilicet, in *Fig. 1*, AA Lebetem designat æneum, in fundo clausum, in summo II apertum: qui instar MB. aquam continet & igni immediate exponitur.

BB Hujus lebetis operculum, ejusdem cum illo figuræ & capacitatis,

CC Lebetis Anfulas,

DD DD. Duo ferramenta, altera sui extremitate anfulas CC, altera Repagulum EE excipientia,

EE Repagulum, foraminibus ferramentorum D.D. trajectum, quod tolli & adaptari potest, ubi pro rei exigentia aut aperienda aut occludenda fuerit Machina.

FF Duas Cochleas, quæ foraminibus Repaguli EE trajectæ capitellum BA & receptaculum AA firmiter combinant.


HH Tubum seu canalem, operculo BB aptatum & obturaculo P. muniendum: Cujus canalis usus est, partim ut aqua, commissis jam machinæ partibus, infundi, partim ut pressuræ aeris interni gradus, per elevationem variam obturaculi P accuratius dignosci possint.

II Commissuram lebetis AA & BB.

LM Baculum ferreum, eminentiæ L Q infixum, qui cum a pondere N, extremitate ejus appenso deprimitur, reprimendo obturaculum P. compressionem aeris interni moderatur.

OO Angustiore canalem, obvolutum cannabæ & tubo HH ita impactum, ut aliqua extremitate sua aquæ inclusæ immersus aliquid humiditatis hinc ad P derivet, quo hoc ipsum charta obvolutum & leviter humidatum, orificium tubi HH exactius claudat

Figura 2. Vas GG exhibet, descripto lebate angustius, ex vitro, stanno similive materia conflatum, coquenda, digerenda, ac destillanda immediate excipiens, operimento & cochlea suâ occludendum, ac Machinæ AA BB immittendum. Lebetem ergo AA BB furno chymico usque ad anfulas CC imponit autor noster, ignem
firma



firmatis probe cochleis carbonum ope subdit, & hunc pro operationis conditione moderatur.

Figura 3. Craticulam seu sepimentum BB delineat, fulcris AAA & manubrio CC instructum, quod vasi BB imponitur pro destillandis concretis excipiendis ac continendis.

Figura 4. Vasa HA & GG figuræ circularis tradit, quorum una extremitas materiam destillandam continens, igni; altera, vapores excipiens, pro faciliore horum condensatione, aquæ frigidæ imponitur.

In *Figura 5* pro commodiore destillatione delineatur Vas GG, extremitate sua II lebetem AA superans, quod materia destillanda replendum, ejusque aperturæ II operculum profundius, pro vaporibus excipiendis & condensandis adaptandum, ita tamen ut lebes atque vas internum ferrumine invicem exacte conjungantur, ne aqua in spatio TTTT contenta effluat, machinæ autem canalis HH loco ponderis cochlea firmetur. Machina hæc ferreis duobus fulcris RRRR eo imponitur sine, ut mediantibus anfulis CC in æquilibrio circiter hærens inverti, pro immittenda & eximenda materia destillanda, sine sui apertura facili negotio queat. Ignis machinæ AA mediante ignicabulo huic accommodato admovetur. Quoniam vero Tinctor quidam vas internum GG scopo suo minus necessarium judicaverat,

Fig. 6 externæ machinæ AA orificium II angustius parandum esse Noster arbitratur, admittentis tamen insimul pannis tingendis proportionatum.

Atque hæc de Instrumentorum apparatu, iisque utendi modo. Emolumenta eorundem quod spectat, docet Idem (1) hac ratione paucis carbonibus, v. g. VI aut VII unciarum, brevi temporis spatio, carnes, cuniculos, columbas, pisces, legumina &c. imo verustiorum animalium, v. g. vacarum, carnes duriores ac ipsa ossa ad molliem decorem atque gratam percoqui posse, ita quidem, ut iusto quamvis coquantur diutius, haud tamen adeo facile adurantur.

(2) Gelatinas breviori manu & in majore copia, ex solidissimis etiam, v. g. bubulis & ovillis ossibus parari posse; siquidem per hæc encheiridion ossa sui ponderis duplura aut triplura, cornua cervi quintuplum gelatinæ exhibeant, illudque in subtilissimam casco quem Parmesan appellant, molliæ & sapore non dissimilem con-

vertant. Sicut autem virtutem singularem nutriendi, & humorum acrimoniam, ex sale conditis & fumo induratis carnibus contractam corrigendi gelatinis cunctis, hac potissimum ratione præparatis, inesse supponit: ita hoc experimenti genus navigantibus præprimis proficuum commendat, & præterea eandem gelatam substantiam vitris, vasis Sinenfibus, & fragmentis eboris, succini &c. conglutinandis vel redintegrandis egregie inservire, expertus testatur.

Nec (3) dulcians similisque artis hominibus machinam hanc inutilem futuram credit, partim ad fructus commodius & sine notabili corrugatione exsiccandos; partim ad eosdem in succo proprio, cum & sine saccharo condiendos & conservandos, diversisque experimentis probabile negotium reddit.

(4) Fructuum succos eadem ratione in potus & vina suavisima, interveniente fermentatione, posse converti: quæ non adeo facile acescant ac corrumpantur, nec tormina & flatus gignant, nec caput petant, summe tamen confortent ac nutrant.

(5) Pariter hac encheirisi Extractions Chymicas facilitari valde atque juvari statuit, præsertim ejusmodi parandæ si tincturæ sunt, quarum confectio alias difficilior observatur, v. g. Tinctura salis tartari & succini: quam utramque brevi temporis spatio efficaciorẽ & futuratiorem, prioremque lixiviosam magis, ac intra mensem vulgaris digestionis ope evadere potuisset, hac effectam via se degustasse perhibet. Destillationibus vero, quæ mediantibus descriptis vasibus adornantur, hoc tribuit commodi, quod partim faciliores sint, quippe per descensum factæ; partim nihil substantiæ destillandæ perdant. Destillationibus tamen hisce potissimum accommodatam & fig. 5 delineatam machinam, pisturæ quoque, per carbonẽs fossiles administrandæ, inservire conjicit.

(6) Tinctoribus inter alios effectus hanc ex leberibus descriptis utilitatem promittit, quod diu satis materia tinctilis ac panni tingendi, in calore etiam intensiore, sine sui tamen destructione in iis conserventur, & particularum volatilium exhalationes impediuntur; unde effici observat, ut ejusmodi quoque succi, v. g. prunorum, quorum alias viscositas facit, quo minus in corpora tingenda penitus insinuare se possint, ad hoc præstandum quam aptissimi reddantur.

Tandem Experimentorum illorum, quæ in durioribus corporibus

TAB. VII. ad A. 1682.

pag 109.

Fig 1.


Phases decrescentis & recuperatione
obscuracionem u; Eclips.

21 febr. vesp.

22 febr. mane

Initium Eclips.

Finitis Eclips.



ribus, v. g. Succino, Ebore &c. emolliendis observavit, varios successus refert; & inter hos, quod Gummi Copal equidem facilius, nullo vero caloris gradu succinum, sine particularum integralium secessu, nec cornu bovinum per se, nec ebur, ullo liquore affuso, emollire potuerit; idem tamen cornu bovinum, & chelonium cum aqua cocta ad flexibilitatem & molliem egregiam perduxerit, quam ipsam non nisi post triduum aut quatrimum deposuerit, quamque adeo variis exinde parandis utensilibus credit inservire. Ne autem impensæ, ad machinam hanc parandam necessariæ, emolumentum inde expectandum videantur superare, supputationem & collationem hujus illarumque sub finem scripti annectit, cum paucis adhuc notis, usum machinæ commodiorem concernentibus.

Eclipsis Lune Totalis cum mora,
Anno 1632, die 21, & 22, Febr. vesp. & mane st. n.

observata

GEDANI

JOH. HEVELIO

TAB.
VII.

Temp. sec. hor. am- bulator.	Ordo Pha- sium	Digitus Ecliptici	Per quas maculas transierint Umbrae sectiones, & quæ insuper notata & observata fuerint.	Tempus ex Altit. cor- rect.
Hor. / //				Hor. / //
8 41 18			Altitudo Palilicii 39° 53'	8 40 46
8 44 9			Eadem altitudo 39 27	S 44 20
8 48 14			Denuo repetita 39 0	8 47 59
10 8 20			Initium penumbrae dilutissimæ	10 9 0
10 12 50			Penumbra densior	10 13 20
10 19 5			Penumbra adhuc crassior	10 19 36
10 23 50			Penumbra densissima	10 24 24
10 24 30			Initium Eclipsos circa 125° limbi, in 95° sc. a puncto superioris lineæ perpendicularis Nonagesimi, ortum versus contigit.	10 25 5

O 3

Tempo-

Temp. sec. hor. am- bulator. Hor. / //	Ordo Pha- sium.	Digiti Ecliptici	Per quas Maculas transiverint Umbra sectiones, & quæ insuper notata & observata fuerint.	Tempus ex Altit. correct. Hor. / //
10 29 45	1	1 $\frac{1}{4}$ dig.	Incedebat per Montem Germanicia- num, ad mare Syriticum & Montem Acabe.	10 30 30
10 32 13	2	2 fere	Per Montem Porphyriten, loca paludosa Inf. Cercinnæ, Sinum Syriticum, per M. Sacrum & M. Casium.	10 32 50
10 36 30	3	2 $\frac{1}{2}$ fere	Ad M. Baronium, Inf. Æthufam, per medium Sin. Sirbonis, & M. Pha- ran.	10 37 10
10 43 25	4	3 $\frac{1}{2}$	Per Sinum Apollinis, M. Ætnam, Inf. Letoam, ad Inf. Didymam.	10 44 10
10 47 25	5	4 $\frac{1}{2}$ dig.	Ad Inf. Majorcam, Vulcaniam, Lemnos Carpathos, & M. Horeb.	10 48 15
10 52 20	6	5 $\frac{1}{2}$	Ad Lacum nigrum Majorem, per M. Ar- gentarium, Sipylum, Malicytum, Tabor, Sinai, & desertum Raphidim.	10 53 10
10 55 45	7	6 $\frac{1}{2}$	Per scopulos hyperboreos, Inf. Besbi- cum, M. Olypium, Didymum, & M. Antilibanum.	10 56 40
11 0 33	8	7 $\frac{3}{4}$ dig.	Ad Inf. Cyaneam, M. Horminium, Mon- tes Uxii, & M. Coibacaranos.	11 1 30
11 4 30	9	8 $\frac{1}{2}$	Per M. Ambonum, ad I. Apolloniam, & Sin. Atheniensem, Per M. Moschum, Uxii & Coibacaranos.	11 5 30
11 9 59	10	9 $\frac{1}{4}$	Per Lacum Hyperboreum superiorem, Pal. Byces, Per M. Herculis, & Sinum extremum Ponti.	11 10 55
11 13 30	11	10 digit.	Per Lac. hyperb. infer. M. Cimmerium & ad S. infer. Maris Caspii.	11 14 27
11 16 30	10	10 $\frac{1}{2}$ fere	Per M. Riphæos, P. Mæotidem, Inf. Alo- peciam, ad Inf. majorem Maris Caspii, per Montem Nerozum.	11 17 17

Temp.

Temp. sec. hor. am- bulator. Hor. / //	Ordo Pha- sium	Digiti Ecliptici	Per quas maculas transiverint Umbrae sectiones, quæ insuper notata & observata fuerint.	Tempus ex Altit. cor- rect. Hor. / //
11 19 10	13	11 $\frac{1}{4}$	Ad Ripam Paludis Meconidis & Mont. Hippoci.	11 20 10
11 22 0	14	11 $\frac{1}{2}$	Per M. Alaunum, & lacum occident. mi- norem.	11 23 0
11 26 30		12 digit	Totalis obscuratio circa 297° limbi, in 94° sc. a puncto super. lineæ perpendic. Nonagesimi, ortum versus deprehensa.	11 27 30
11 35 36			Altitudo Pollucis 52° 13'	11 37 4
11 37 35			Eadem Altitudo 52 0	11 38 42
11 38 50			Rursus repetita 51 41	11 39 35
12 58 20	die 22	Febr. mane	Recuperatio luminis, circa 118° limbi, in 88° sc. a puncto superiori lineæ perpendicularis Nonagesim. occasum versus extitit.	1 0 8
1 0 40	15	$\frac{1}{2}$ digit.	Ad M. Alabastrinum, Pentadactylum Audum & P. Maræotidem.	1 2 31
1 3 35	16	1 $\frac{1}{4}$	Per M. Porphyritem, ad Mare Syrticum & per Montem Eonm.	1 5 32
1 8 10	17	2 fere.	Per M. Baronium, loca Paludosa Inf. Cercin. inter Mare Syrticum & Ægy- ptiacum ad Sinum Sirbonis.	1 10 13
1 11 48	18	2 $\frac{1}{2}$ dig.	Per Sinum Apollinis, Inf. Taracinæ, I. Æthusam, Sinumque Sirbonis.	1 13 54
1 16 20	19	3 $\frac{1}{2}$	Ad Inf. Majorcam, per M. Ætnam, M. Neptunum, Zacynthum, Inf. Letoam, Inf. Didymam & M. Lyon.	1 18 33
1 20 50	20	4 $\frac{1}{2}$ dig.	Ad Inf. Corsicam, per Inf. Vulcaniam, & Carpathos, ad Mare Mortuum, per desertum Sin,	1 23 6

Temp.

Temp. sec. hor. amb. Hor. / //	Ordo Pha- sum.	Digit. Ecliptici	Per quas Maculas transierint Libra sektionen, & quæ insuper notata & observata fuerint.	Tempus ex Altit. correct. Hor. / //
1 24 39	21	5 $\frac{1}{4}$ dig.	Ad M. Argentarium, Mare Pamphilium Inf. Cyprium, per M. Horminium.	1 27 0
1 26 17	22	6 fere	Per M. Apenninum, ad Lac. Trasime- num, ad M. Sipylum, per M. Inf. Libanum.	1 28 40
1 28 37	23	6 $\frac{1}{2}$	Ad M. Carpathos, per Inf. Besbicum, M. Olympum, Didymū & M. Dalangueros.	1 31 0
1 31 12	24	7 $\frac{1}{4}$ dig.	Per M. Peuce, Byzantium, ad M. Hormi- nium, & per M. Antifaurum.	1 33 44
1 35 59	25	8 $\frac{1}{4}$	Per Sin. Circinitem, Inf. Maeram, Inf. Apolloniam, Medium Montem Mo- schum, atque Montes Sogdianos.	1 38 37
1 39 33	26	9 dig.	Per lacum hyperb. inferiorem, Pal. Byces, M. Strobilum, per Sin. extremum Pontiac M. Paropamium.	1 42 15
1 41 45	27	9 $\frac{1}{4}$ dig.	Inter Palud. Byces, & Lac. Coroconda- metis, per M. Herculis, & Montem Caucasum inferiorem. (rosam.)	1 44 30
1 44 19	28	10	Per M. Cimmericum, M. Tancon, & M. Ne-	1 47 9
1 47 20	29	10 $\frac{1}{2}$	Per Paludē Mæotidē, Inf. minorē Maris Caspīi, Montemq; Nerosum superiorē.	1 50 14
1 51 44	30	11 paull. plus.	Per M. Alaunum, M. Sanctum, Montes- que Hippoci.	1 54 42
1 56 12		12 digit.	Finis circa 294° limbi, in 97. sc. gradu a puncto superiori lineæ perpendicula- ris Nonagesimi occasu versus contigit.	1 59 17
1 57 10			Densissima Penumbra.	2 0 17
2 1 45			Satis adhuc crassa.	2 4 27
2 2 30			Paulo dilutior.	2 5 45
2 10 20			Penumbra dilutissima.	2 13 42
2 12 30			Finis Penumbra.	2 15 0
2 15 39			Altitudo Pollucis 29° 12	2 19 7
2 17 35			Eadem Altitudo 28 46	2 22 8

Ani.

Animadvertenda.

In Eclipsi, Anno 1632, die 21 & 22 Febr.

G E D A N I

observata.

Cum Tabulæ Rudolphinæ bene notabilem hac die Eclipsin, & quædam totalem cum mora ostenderent, quales exquisitè observare raro alias contingit: proinde summa alacritate ad illam ex mea rursus, DEI benignitate, erecta Specula, attendi; præprimis cum cælum omnino sudum extiterit, ut quævis exoptatissima, hac in parte, mihi polliceret. Totam igitur diem 21. Febr. impendi, partim ut horologia ad Sciatericum linæ Meridianæ applicatum dirigerem, atque sic omnia parata haberem, quæ ad ejus generis observationes requiruntur.

Ingruente Eclipsi Umbra erat valde diluta, limbusque ejus quasi anfractuosus, & minime terminatus, sic ut difficulter admodum ab initio phasès determinari potuerint, nec accurate distingui, per quas Maculas umbra transierit: successus tamen temporis, crescente Eclipsi distinctius omnia deprehendebantur. Color ab initio videbatur fatis tristis, obscurus & fuliginosus, ac si hæc Eclipsis, eadem ratione, circa maximam obscuracionem, ut illa Anno 1642 Mæqf. April. adeo sese obumbratam sistere vellet, quo vix conspiceretur; sed res plane aliter cecidit, siquidem Luna cum jam omnino esset eclipsata, totus tamen ejus discus satis clare in oculos incurrebat: color namque ejus rum omnino rubidus sive sanguineus, aut rubiginosus erat, qui eoque perseverabat, donec Luna ad medietatem lumen suum recuperasset, atque tum rursus satis obscura & fuliginosa apparuit; adeo ut omnium optime phasès omnes, per quas nimirum Maculas umbra transierit, annotata fuerint. In summa, hujus Eclipsios observatio ex voto nobis successit; non solum enim Initium & Finem, sed etiam ipsum momentum Totalis obscuracionis, & Recuperacionis luminis, cum 30 phasibus (quod raro admodum contingit) diligētissimè mihi deprehendere cælum indulsit. Per quas vero Maculas Umbrae sectiones incesserint, tum quid amplius notatu dignum, sub tempore Eclipsios

P

exti-

extiterit, ex ipsa observatione atque delineationibus ad oculum clare patet, non minus ex subsequenti Tabella, quousque Calculus Rudolphinus ab hac observatione, atque sic ab ipso cœlo difcedat.

	Ex calculo Rudolphino.			Ex observatione.			Differencia.	
	Hor.	/	//	Hor.	/	//	/	//
Initium Eclipsos	10	13	33	10	25	5	11	32 Tardius
Totalis Obscuratio	11	10	11	11	27	30	17	19 Tardius
Maxima Obscuratio	0	5	43	0	13	49	8	6 Tardius
Recuperatio lumin.	1	1	15	1	0	8	1	7 Citius
Finis Eclipsos	1	57	53	1	59	17	1	24 Tardius
Duratio total. obsc.	1	51	4	1	32	28	18	26 brevior
Tota duratio Eclipsos	3	44	20	3	34	12	10	8 brevior

Eadem ECLIPSIS

observata

LIPSIÆ.

Temp. sec. horolog. ambulat. Hor. /	Altitudi- nes. G. /	Tempus correctum H. / //	
8. 55	36. 0	8. 16. 32	Altitudo Reguli. dub.
9. 8½	40. 20	8. 49. 48	Altitudo Palilicii.
9. 13	39. 32	8. 55. 40	Eadem altitudo.
9. 49	15. 30	9. 34. 0	Altitudo Arcturi. Penumbra vestigiū
9. 52		9. 37. 0	Penumbra.
9. 58		9. 43. 0	Penumbra.
10. 6½	18. 22	9. 52. 44	Altitudo Arcturi.
10. 10	18. 56	9. 56. 28	Altitudo denuo capta,
10. 15		10. 1. 0	Initiū fixatum, aut Penumb. dens.

Tem.

Temp. sec. hor. am- bulator. Hor. /	Alti- tudi- nes. G. /	Tempus corre- ctum Hor. / //	
10. 15½		10. 1. 30	Initium verum, in parte Africae, pro- pe montem Audum in mari Eoo.
10. 28	21. 48	10. 14. 56	Altitudo Arcturi.
10. 44	24. 18	10. 31. 0	Eadem altitudo.
10. 54	26. 0	10. 41. 56	Altitudo Arcturi.
10. 57	26. 20	10. 44. 4	Eadem altitudo.
10. 59	26. 30	10. 45. 8	Rursum capta.
11. 3		10. 50. 0	Palus Mæotis obscurari incipiebat.
11. 5		10. 52. 0	Sectio umbræ per medium Palud. Mæot.
11. 11	28. 27	10. 57. 36	Altitudo Arcturi. Immissio in umbrâ.
12. 45½		12. 138. 0	Emergio ex umbra.
12. 47	43. 55	12. 30. 36	Altitudo Arcturi.
12. 51½		12. 44. 0	Palus Maræotis in medio inter um- bram & marginem Lunæ.
12. 57		12. 49. 30	Mons Porphyrites in medio inter um- bram & marginem Lunæ.
13. 2		12. 55. 0	Sinus Sirbonis totus ex umbra
13. 5		12. 58. 0	Mons Æthna diametro sui ipsius ab umbra.
13. 10		13. 4. 0	Umbra per medium Montis Sinai.
13. 11		13. 5. 0	Mons Sinai totus ex umbra.
13. 12½		13. 6. 30	Mons Sinai diametro sui ipsius ab umbra.
13. 15	21. 54	13. 8. 50	Altitudo lucidæ Lyre.
13. 17	22. 10	13. 11. 2	Eadem altitudo.
13. 31		13. 25. 0	Sectio umbræ per medium Paludis Mæotidis.

Temp. hor.	sec. am- bulator.	Alti- tudi- nes.	Tempus correctum.	
Hor. /		G. /	Hor. / //	
13	35		13 29 0	Palus Mæotis tota ex umbra.
13	39 1/2		13 34 0	Finis Eclipsos, prope Insulam majorem in mari Caspio, ubi Hippoci montes sunt.
13	44	25. 47	13 38 16	Altitudo lucidæ Lyrae.
13	47	26. 13	13 41 28	Eadem altitudo.
13	53 1/2	27. 10	13 48 34	Rursus capta.

Fuit ergo

Ex Tab. Riccioli-

	H.	/	//	H.	/	//
Initium Eclipsos	10.	1.	30	9.	29.	53
Immersio in umbr.	10.	57.	30	10	29.	23.
Medium Eclipsos.	11.	47.	45.	11.	25.	4.
Emergio ex Umbra.	12	38.	0.	12.	20.	45.
Finis Eclipsos	13.	34.	0.	13.	20.	15.
Digitus Eclipsati				21.	51.	0.

Cometarum Natura, Motus & Origo,
 Secundum JOH. HEVELII & P. PETITI
 Hypotheses declarata,

JOH. CHRISTOPHORO STURMIO, Math. &
 Phys. Prof.

Altdorfi in 4. 1681.

Argumentum hoc, quod seculo abhinc integre celeberrimorum
 Mathematicorum fatigavit ingenia, occasione nuperi Cometæ
 Anni 1680, ita sibi tractandum fumsit Autor: ut expositis Cometa-
 rum sesquifeculo abhinc accurate observatorum phenomenon, bi-
 nam Hypothesin Cometarum, e planetarum quidem, & præcipue So-
 lis, effluvis in æthere fluidissimo genitorum, motuque rectilineo aut
 para-

parabolico trajectorum, ad HEVELII; Mundo autem coëvorum, & sub certa periodo, circuli aut ellipseos lege, in conspectum redeuntium, PETITI, tanquam præcipuorum harum Patronorum, placita dilucide explicaret; suamque tandem, utra phaenomenis magis respondere, & quid in unaquaque desiderari jure posse, sibi videretur, *ἐπι-
γίγναι* subnecteret.

Itaque post phaenomenon generalium contemplationem, ex instituta Cometas inter & Novas stellas, circa inexpectatum exortum, frequentiam, durabilitatem, coniparatione; condita durationis illorum, præcipue novissimi (quem matutinum primo, post vespertinum, & hic, & in Epicrisi contra Dn. MONTANARIUM prolixius pro eodem habet, historia; aliisque circa apparitionis tempora, plurimum concursum, vicinas Planetarum conjunctiones, adnotatis: specialius I. Caputum seu Nucleorum Cometicorum magnitudinem, figuram, alterationes, incrementi & decrementi, colorumque vices, locum in Universo, & species. II. Caudarum situm ad Solem ejusque variationem, longitudinem ac latitudinem, inflexionem, vibrationem, in ramos aut radios divisionem, colores &c. III. Motum Com. duplicem, communem & proprium, & hunc sub circulo ut plurimum maximo, notata quorundam, nuperrimi cum primis, ab eo deflexione; ejus porro inæqualitatem, non tamen irregularem; varium per signa, in eodem diversisque, incessum; arcus in cælo descripti quantitatem; veri denique & apparentis motus similes, quandoque & contrarias vicissitudines, compendioso delectu habito, nec citra unius aut alterius censuram, e Cometarum historia recenser.

Juxta HEVELII deinde Hypothësin: Cometarum genesin, e probatis partim, partim suppositis Planetarum Atmosphæris, Maculasque Solares inter & Cometas convenientia, ita describit, ut & phaenomena supra memorata salvet singula: & quod palmarium, motum trajectorium, a principio ad usque metam, non inconcinna ratione, e *Cometographia Cel. HEVELII* deducat.

Circa alteram: PETITUM, occasione Cometæ anni 1664, pensato regulari Cometarum motu, inductum statuisse, refert:

Cometas corporibus cœlestibus coëvæ, inter opaca & lucida medios, i. e. semilucidos, aut in circulo; sive toto extrasphæram Planetarum posito; sive, quod probabilius, eandem totam, aut maxima

parte, ambiente; aut (quod retrogradatio Cometæ dicti ipsum, mutata priori sententia decernere docuerit) in ellipti, circa perigeum saltem conspicuos, moveri. Unde, cum necessum sit, eosdem absoluta periodo in conspectum denuo prodire: collato illo superiori, cum Cometa Anni 1618; divisis etiam, juxta intervallum, quod inter utrumque est, annorum 46, anterioribus temporibus; quia complures Cometas in confiniis hujus periodi historia memoret: verosimile esse, unum eundemque diversis istis vicibus comparuisse. Ex quo porro & posteris, de reliquorum periodis, & reditu determinandis, rationem aliquando constituram.

Comam vero & Caudas ex effluviis æthereis generari: quæ ob viam Cometis facta, & ob peculiarem illorum fabricam circum ipsos collecta, dum sibi invicem coherere connitantur, partim comam, partim appendicem caudiformem constituent, lumineque mutuatitio illustratam, utramque Terris ostendant; Soli autem, velut expurgando ætheris, devoranda objiciantur.

In Epicurisi, communis cum utraque Hypothesi argumentis, quæ easdem aut fulciunt, aut premunt:

Cometarum perpetuitatem, cum e manifesta Caudarum a Sole dependentia; tum præcipue e mutationibus singularibus, & incrementis realibus ac evidentissimis corporis Cometici; ut & difficultatibus conciliandi motum, sive circularem sive ellipticum, cum phenomenonis, rejicit: laudata interim non tantum PETITI, sed & ex *Liebeniezio*, institutaque consimili, inter Anni 1577 & 1680 Cometas comparatione, suppleta & magis instructa, revolutionis annorum 46 per complures cometas deprehensa, observatione.

Generationi vero HEVELIANÆ, tam capitis quam caudæ cometicæ; motui item rectilinetico, aut ab hoc non multum diverito, tanquam maximis apparentium motuum anomalis, ad causas optatas scite reducendis, aptissimo, potiores desert: dilutis illis, quibus PETITUS, e natura Macularum Solarium, generationis modum; & motum, rectæ tangentis hypothesi nixum, dissensu observationum, oppugnaverac. Circa assignandas autem causas, quibus, juxta HEVELII Hypothesin, Cometa ex orbe nativo recta linea ejiciatur; prope Solis porro perpendicularum, nullo accedente novo impetu, motum intendat; ad sphaeram deinde natalem retrahatur; toto vero cursu suo

suo planiorem disci faciem Soli objiciat; circa nodos etiam, a Tellure sive mota sive immota, nexos, uti plurima scitu digna discutita omni parte absolutam nobis nondum esse scientiam Cometicam concludit.

FRIDERICI SPANHEMII, F.

*Specimen Stricturarum ad Libellum nuper
Episcopi Condomiensis, cum Praefationis supplemento,
Accedit de praescriptionis Jure adversus Novos
Methodistas,*

Exercitatio Academica.

Lugduni Batav. in 8. Anno 1681.

Collectum hoc est scriptum ex Disputationibus ibidem habitis, *(in praefat. pag. 1. & de praescript. pag. 119.)* adeoque ex toto Polemicum, imo Elencticum;

PRIMARIO contra *Expositionem Doctrinae Catholicae Jacobi Benigni Bossueti*, Episcopi olim Condomiensis, post Delphino Galliae ab informatione, hodie Meldensis Episcopi:

SECUNDARIO contra praescriptionem Novorum Methodistarum inter Romano-Catholicos, e quibus Fratres Walemburgios impugnat cum primis; qua in Appendice, de re nec nova nec ignota, ulterius nihil est annotandum. Expositio vero Bossueti primum edita fuit A. 1671, recentissime iterum A. 1679 (apud Spanhemium in *Specimin. p. 107.*) scripta ad emollienda Catholicorum, quae Reformatis improbantur, dogmata, & quidem non, ut Romano-Catholici & Reformati tolerent se mutuo; sed ut hi illos reduci se patiantur. Aliud enim (a Conciliatoribus, illi institutum, non doctrina suorum repurganda, verum pallianda modo, ac sanctitati illius, etiam qualis in Concilio Tridentino definita est, persuadenda Reformatis; Spanh. in praefat. p. 26. In hunc finem decreta Concilii Tridentini passim inflectit; nonnunquam etiam ab ipsis revera discedit: contra Spanhemii praecipuus labor, detegere has artes atque declinare.

Bossuetus Libellum suum (sic Spanhemius ipse in *Strictur. p. 29.*) duabus fere partibus distinxit; quarum prima *Generalis*, propositionem & hypotheseos; altera *Specialis*, singulorum Capitum declarationem

com-

complexa. Hæc rursus orditur ab iis, quæ ad *Cultum* pertinent; factum hinc transit ad *doctrinæ* capita, de justificatione & annexis; tum ad controversias *Sacramentarias*, in specie de Eucharistia, Transubstantiatione, Missæ sacrificio, Communione sub unica; tandem ad Fidei principium, *Traditiones* seu Verbum non scriptum, hinc & *Ecclesiæ Auctoritatem*. Ad calcem, subijuncta parænesi, leges præscribit cuicumque suum hoc scriptum adorturo. Has binas decernit. Prima est ne quis *doctrinam* ea *comprehensam confutantiæ* suscipiat, aut ad *Theologorum* suorum *Disputationes* expendat, qui *probandam explanandamve Tridentini Concilii doctrinam*, variis inde *argumentando deductis*, susceperunt. Altera, ut in arenam descensurus, probe Romanæ Ecclesiæ *fidem non esse hic sincere expositam*; aut ea ipsa expositione admissa, *relinqui quæstiones integras & validas objectiones* nostratum; aut denique sic explicatam Tridentinorum doctrinam nihilominus *fidei fundamenta convellere*.

Duas etiam partes Refutationis suæ fecit Spanhemius; *Prefationem*, in qua excerpti nonnulla dogmata, quæ refutet; & *Stricturæ*, in quibus *et præterea* persequitur Adversarium, sed in primis Expositionis capitibus tantum, e quibus institutum ejus, methodum ac hypotheses eruit ac refellit; otium nimirum facientibus ipsi nonnullis Reformatis in Gallia, qui Animadversiones ad hoc Scriptum in lingua Gallica, translatas nuper in Belgicam, in lucem publicam jam tum emisserant; *prefat. pag. 1. & 2. & Strictur. pag. 1.* Immo ne Rom. Cathol. quidem hæc Expositio omnino placuit. Hinc Clemens X calculo eam suo probare noluit; nec Innocentius XI id fecit, nisi tertio Pontificatus sui anno labente; permotus crebro Legati Gallicani convicio ac multa persuasione plurimarum ex libello conversionum, miræque propagationis orthodoxæ fidei; Spanb. in *Strictur. p. 112. 113.*

Notatu digna est ingenua Spanhemii confessio

1.) De Syneretistis inter Reformatos, in *Strictur.* Non omnibus promissus Lutheranis jus Communionis a Reformatis oblatum, non iis certe, qui eandem horrent, qui que juxta cum Roma Pontificia hæreses nos postulant & anatheimatis iniis feriunt; pag. 81. sed professus consensum mutuum, in necessariis Capitibus; ubiquitatis illo haud relato in fundamentalium consensum; pag. 81.

2.) De Lutheranorum cultu, in quo nihil idololatria, in quo nihil super-

superstitionis ; quod Carentonensis Synodi assertum ille facit suum
& prolixè probat ex doctrina & praxi nostra in S. Coena; *ibid. pag. 91.*

SELEUCIDARUM IMPERIUM

sive *Historia Regum Syria ad fidem Numismatum
accommodata,*

per I. Foy-Vaillant Bellov. D. Med. & Regis
Antiquarium,

Lutetiæ Parisiorum, 1681. in 4.

Quam integro, eoque profundæ eruditionis libro ante annos aliquot asseruit *Ezechiel Spanbemi*us præstantiam ac usum Numismatum, tantum abest ut hoc tempore quisquam vocet in dubium, ut certatim velut ac æmulatione quadam Historiæ ex Numismatibus illustrandæ Vigi docti incumbant. Et Romanæ quidem Historiæ quanta lux ex Nummorum fide superiore nostroque seculo allata sit, eruditissimorum virorum, *Hub. Goltzii, Caroli D. Arschotani, Gorlei, Occonis, Erizzi, Ursini, Augustini, Strada, Vici, Trifiani, Oudani, Vaillantii, Patini, Oisellii*, plurimumque aliorum commentarii publice extantes, ignorare neminem patiuntur. Ast non omnem tamen nummarie rei usum in Romana tantum historia spectari, sed latius multo patere, uti in aliis Eruditæ Antiquitatis Historiæque partibus explicandis non pauci dudum comprobarunt; quorum catalogum in Bibliotheca nummaria *Phil. Labbeus* contexuit; ita nuper Parisiis Triumviri celeberrimi, *Molinetus, Fresneus, Vaillantius* illustribus exemplis confirmarunt. Nam anno 1679 *Summorum Pontificum Historiam* a Martino V, ante quem nulla Romanorum Pontificum Numismata visa confitetur, ad Innocentium usque XI hodieque superstitem, ex Nummis jussu eorum, aut in illorum honorem cusis illustratam, *Claudius du Molinet* Canonicus Regularis Congregationis Gallicanæ, in lucem dedit. Eodem anno *Carolus du Fresne, Dominus du Cange*, Dissertationem de *Imperatorum Constantinopolitanorum*, seu de inferioris ævi vel imperii, ut vocant, *Numismatibus*, Glossario ad Scriptores mediæ & infimæ latinitatis subjunctam: anno 1680 vero jussu de *Familia Byzantinâ* Commentarium edidit, eoque & Historiam Byzantinam, Principumque qui Constantinopolitanum ante Turcas

impe-

Q

Imperium tenuerunt, quin & Dalmaticarum & Turcicarum quarundam Familiarum Genealogias, ex Numismatibus, & vicissim Numismata ex Annalium fide magno utilissimoque studio illustravit. Superiore denique anno 1681 *Seleucidarum seu Syria Regum* Historiam ad eorum item Numismata accommodatam, Antiquarius Regis Christianissimi *L. F. J. Vaillantius* idem qui anno 1674 Romanorum Imperatorum Numismata ediderat, publicæ luci exposuit; Ptolemæorum etiam *Ægypti Regum* Historiam pari se ratione cum tempore adornaturum pollicitus.

De *Seleucidarum* vero illa *Historia* ut pro instituti ratione memorentur pauca, laudanda utique doctissimi Auctoris industria est, quam in colligendis Regum illorum Numismatibus, maximam partem rarissimis adhibuit, ut eorum ope integram Regum *Syriæ* a *Seleuco*, primo Regni post *Alexandri M.* obitum conditore, ad *Antiochum* uque *XIII.* quo pulso in provincie formam *Syria* Populo Romano *Pompeji M.* auspiciis redacta est, postquam *CCXLIX* annis *Seleucidæ* eam tenuerant, seriem exhibere: tot præterea Reges cognomines, quos Historici ludicris sæpe & ad ignominiam compositis, in nummis vero nuspiam conspicuis, appellationibus notarunt, accurate distinguere: Chronologiam denique in *Syriaca* alioquin *Historia* intricatissimam evolvere posset ac restituere. Quæ in re adjutum se celeberrimorum Virorum, *Guilbelmi Lamontii*, *Achillis Harlei*, *Petri Carcavii*, *Francisci de la Chaize*, liberali opera, in præfatione Auctor honorifica singulorum cum mentione deprædicat. Præmittitur Operi primum *Index Regum Syria*, quorum fuere viginti septem: post *Tabula Genealogica*, *Seleucidarum* Stemma exhibens: denique *Canon Chronologicus*, quo præcipuarum rerum gestarum, juxta annos *Olympiadum*, ante *Christum natum*, *Seleucidarum*, & singulorum *Syriæ Regum* conspectus sistitur. In Opere ipso illi plerumque vix insitit Auctor, ut Regum gesta ex Scriptoribus antiquissimis recenscat, ac dein subjungat eorum Numismata, æri eleganter incisa, ac erudite dilucidata: notatis etiam quibusdam Auctorum recentiorum, *Huberti Goltzii* inprimis, erroribus. Ubi Lectori Christiano volutati haud dubie erit, quæ in *Machabæorum* libris traduntur, ex profanis Scriptoribus, Nummisque antiquissimis suppleta hic ac explicata legere. Nec enim falleretur, si *Vaillantium*, dum *Historiam Seleucidarum*

cidarum componeret, doctissimum nobis in Machabæorum libros Commentarium dedisse dixerimus, collatis diligenti studio Aucto- rum celebriorum, Polybii, Appiani, Justinii, Diodori Siculi, Livii, Athenai, Strabonis, Josephi, Nicolai Damasceni aliorumque monumen- tis. Subjiciuntur denique Operi tres Indices, primus Geographicus, no- minum alter ac rerum, tertius in Numismata, singulari industria compositi.

SAMUELIS RACHELI,
Institutionum Jurisprudentia Libri quatuor,
Jus univrsale & Romanum certa methodo, & utrius-
que Capita ex genuinis principiis exhibentes.

Kilix & Francofurti, 1681. in 4.

Sicuti tum variis in lucem editis Φιλοσοφίαις aliisque publici Juris Exercitationibus, tum extra ordinaria ad nupta pacis Neo- magensis Confilia Legatione, magnum sibi nomen comparavit erudi- tissimus Auctor: ita rem & Philosopho & Juri omnino dignam fecit hoc Institutionum opusculo in publicum emissio, non plane quidem ad filum Justiniani, sed methodo non nihil diversa contexto. Scopum vero ad quem utroque oculo collineat, ipsa in præfatione ad solidio- ris Jurisprudentiæ Studiosos in fronte libri præmissa, prolixius expo- nit. Cum enim quatuor potissimum causas corrupti hactenus, nec eo, quo decuit, nitore exsplendi Juris studii, *Universali* scilicet *Ju- risprudentia cum singulari Romano confusione*, *Corporia Justiniani* *auspiciis*, *castioris Latii neglectum*, nec non *Philosophia Practica & Analytica* contentum enumerasset, notatisque variis inde natis incom- modis ac erroribus, hunc præ cæteris, quod in Practicis nulla detur Demonstratio, nec vera Juris Scientia, sed omnia sint in incerto, & Juri atque Judices ex dubia & cum formidine oppositi luctante semper conscientia lites decidere possint, confutasset, prescius paulo, quid in Institutionibus hisce præstiterit exequitur, se id data opera egisse scri- bens, ut non modo Jurisprudentiam Romanam Universali passim su- perstrueret, eumque ordinem, quem nemo *παραδιδυμῶ* reprehende- re jure possit, eligeret, sed tyronibus quoque quandam Juris no- menclaturam daret, arctamque Practicæ Peripateticorum Philosophiæ,

(cui præ Cartesianæ & Hobbesianæ Morali primas defert) & Jurisprudentiæ inter se necessitudinem, ac insignem, si hæ conjungantur, utilitatem ostenderet, nec non Demonstrationum Practicarum viam atque materiam ob oculos poneret. Hunc in finem se omnium rerum Definitiones, quales quidem natura earum permetteret, Cujacium in nonnullis secutum, concinnasse; his varias a quatuor Causarum generibus petitas divisiones, aliasque universaliores & evidentes apprimè Juris regulas attexuisse; interdum vero axiomatum & hypothesium loco admiscuisse quædam, quæ methodo magis, quam demonstrationi inservirent; singulis demum aphorismis uberiorem *ἐξήγησης* subjecisse, sicque per omnia has institutiones adornasse, ut tam futuris aliquando Antecessoribus, quam Togatis & forum sectantibus usui esse possent. Hujus itaque instituti memor a generalioribus ad specialiora semper progreditur, nec solum theses suas ex Aristotelis & Grotii doctrinis moralibus, ad illustrandam Juris Romani, quam mox subjungit, hypothesein, & faciliorem ejus intellectum, confirmat; sed etiam cognatas passim materias, quæ alias partim in Pandectis & Codice, partim Jure Publico & Feudali tractari solent, convenientibus locis interferit, potissimum vero in tradendo Obligationum jure ita versatur, ut cum multis in hoc doctrinæ genere occupatis de palma contendere videri possit. Quibus omnibus cum Saxonici quoque Juris placita tantum non ubivis accedant, merentur omnino hæ institutiones Rachelianæ cupidæ legum Juventuti præ complusculis aliis libellis Isagogicis commendari.

CHRISTIANI MENZELII, Pb. & Med. D.

Elect. Brand. Archiatri

Index Nominum Plantarum multilinguis, Universalis.

Berolini, 1682. fol.

Cum nullibi magis, ac Vegetabili in Regno, opes suas tanta ubertate ac varietate depromere soleat Natura Parens; rerum haud levis momenti negotium incumbit Botanicis, ut aptis nominibus partim tot Vegetabilium species, & uniuscujusque multiplices differentias designent, partim certas in classes luxuriosam eorum multitudinem concinno ordine redigant. Posterius hoc, Botanicis magis proprium lauda-

laudabili conatu præ cæteris aggressi sunt *Baubini, Casparus & Johannes*, Fratres, Medici Basileenses, haud raro tamen sibi contrariantes, & qui omnibus hic palmam reddit dubiam, *Rob. Morisonius* Prof. Botanicus Oxoniensis. Prius vero istud, nominum scil. impositio, commune quasi omnibus concessum videtur Privilegium; unde non solum in quavis lingua specialis plantas denominandi ratio notatur, sive ab Eruditis sive Plebeis profecta, sed etiam plura & distincta, haud raro penitus diversa nomina, eidem simplici Plantæ in una eademque lingua imposita fuerunt; id quod in Latina præcipue obtinet. Turbat ista nominum multiplex varietas non leviter Rei Herbariæ studiosos, & in lectione Scriptorum, tam Latini, quam cuiusvis alterius idiomatis insigniter subinde eosdem remorat, specialibus istis & propriis, hisque variis plantarum Nominibus non æque semper cognitis, nec ubivis obviis. Incommodis his medicinam afferre nititur Autor præsentis scripto, indicem Herbarum multilinguæ, a filio ejus exercitiū Botanici causa ex optimis Autoribus compilatum, sed ab ipso Parente adornatum ulterius & perfectum, comprehendente. Prostant in eodem nomina Plantarum, tot seculis in hunc usque diem ab omnibus tanquam usitatissima recepta, instar fasciculi in unum collecta, & juxta Alphabeti Latinorum seriem ordinata; Eaque non solum, quæ in Latina, Græca, & Germanica Lingua usitatiora sunt, sed etiam, quæ aliarum gentium, Europæarum imprimis, hinc & Asiaticarum, Africanarum & Americanarum linguis iisdem imposita observantur. Ut ita non solum cuiusvis plantæ in quavis Lingua appellatio uno quasi intuitu pareat, sed etiam Lectori cuilibet in sua lingua evolvendi libros herbarios detur ansa, si quid circa quamlibet herbam ulterius scire desideret: adeo ut index hic minoris Lexici Botanici, nunquam non amplificandi, cum indies in re Botanica suborian- tur nova & addenda, tam verba sive nomina, quam subjecta sive res ipsæ, loco inservire queat. Collecta fuerunt nomina ex quibusvis Scriptoribus, tam superiorum quam hujus seculi, quotquot ad præsens institutum aliquid conferre potuerunt, Botanographis pariter ac Medicis, quam lexicographis, quorum etiam genuina loca ubique citata prostant, ut ex amplo eorundem Catalogo, in & post præfationem conspiciendo, patet. Nec in sola Nomenclatura hæsit autor, sed & species & differentias plantarum suis quasi generibus subjunxit, & specialiores florum differentias, juxta ordinem colo-

rum in Tride cœlesti observabilium, disposuit, simulque virtutes herbarum, parcius licet, ex *Dioscoride* adjecit. Additur his in fine Pugillus plantarum rariorum cum signis æneis, ab Autore in variis Europæ regionibus observatarum, nec ab aliis descriptarum, quarum, ut & intertextarum plantarum nonnullarum Brasiliæ, nondum editarum, ac quædam Breynii rariorum in *Fasciculi Rarior. Plantar. Prodromo* contentarum, indiculus, in calce operis accessit. Ubi Autor simul spem facit, edendi a se aliquando *Theatri rerum Naturalium Brasiliæ*, in *IV. Volum. digesti*, continentis imagines quadrupedum, avium, piscium, & plantarum Brasiliensium, jussu Principis Mauricii Nassoviensis in ipsa Regione Brasilia quondam depictas, indeque in Europam transportatas, sed quæ privatim in Bibliotheca Elect. Brandenburgica hæcenus asservatæ, publicæ luci nondum expositæ fuerunt.

**OBSERVATIO CIRCA PROPORTIONEM
partis purpureæ ac substantiæ seroso-gelatinosæ
Sanguinis, intra vasa animalium fluctuantis.**

Massa Sanguinea tria involvit, serum aqueum, substantiam gelatinosam seu fibrosam, ac Tincturam rubicundam i. e. sanguinem κατ' ἐξοχήν sic dictum. Quoniam vero in sanguine per Venæ sectionem educto & coagulato, gelatinosa dicta portio partim tincturæ purpureæ intertexta est, & spissitudinem huic confert, partim a sero aqueo dissolvitur atque diluitur, duplex tantum, serosa sc. ac purpurea, substantia hæcenus observata & credita fuit, donec sub medium præset is seculi accuratius fluidi hujus animalis examen gelatinam illam nutritiam detegeret quidem, qualis tamen sit has inter sanguinis partes integrantes proportio, ulteriori investigationi destinaret. De sanguificationis proin organo ac modo aliquando sollicitus ambigebam, aut potius augurabar, tantillum forsân Purpuræ sanguineæ esse, quod tantas de sui causâ efficiente atque productionis ratione turbas & contentiones inter Anatomicos magnæ famæ excitasset, tantamque viscærum αἰματοπνευτικῶν, sc. epatis, lienis, cordis &c. compagem ac ambitum postulasset. Porro per microscopium in sanguine observabilium globulorum rubicundorum, sero limpido innatantium, molem
ubi

ubi cum feri mole comparabam, illam huic maxime disparem & longe minorem dignoscebam: quia tamen multum adhuc gelatinosæ substantiæ eosdem globulos purpureos implicare probabile, imo certissimum erat, solo oculo, quantum Tincturæ rutilæ liquori Sanguinis vitali adhuc sbeffer, discernere ac determinare me posse haud præsumebam. Ast aliis encheirisis in subsidium vocatis, in diversis animalibus, diversisque pariter individuis humanis, deprehendi, quod tincturæ hujus partem unam modo decem, modo undecim, modo plures, nunquam pauciores, feri atque gelatinæ partes comitentur: ultimum autem, quod in sanguine hominis optime valentis hujus theoriæ causa adornabam, experimentum erat sequens. Uni nempe aquæ calidæ libræ tantum sanguinis ex aperta vena proflientis influere permittebam, donec aquam pondere unciarum trium & drachmæ unius auctam, hinc tantundem sanguinis ab illa absorptum & dilutum fuisse, observabam. Solutio hæc filtrata, in filtro gelatinæ spissioris unciam dimidiam cum drachma una relinquebat, dum ejus reliquum leni destillatione substantiæ aquæ libræ unam cum uncia una & drachmis sex fundebat, remanentibus in fundo retortæ grumi ex rubro fusci drachmis duabus cum semisse, ita ut substantiæ aquæ drachmæ tres cum dimidia, vel a charta filtri haustæ fuisse, vel inter destillandum in auras exhalasse viderentur. Quia tamen diversus hujus cruoris color, quem microscopio adjutus conspiciebam, aliquid gelatinæ adhuc completi cruorem evincebat, massulam istam, quo gelatinam omnem eluerem, denuo cum aqua tepida macerabam, postmodum filtrabam: & post lenem exsiccationem grumi ejusdem seu tincturæ sanguinæ drachmæ non nisi duæ cum granis tribus, i. e. vix duodecima massæ sanguinæ pars, restitabant, adeoque exile admodum esse, quod sanguini speciem atque nomen dat, declarabant.

BENEDICTI PAULINI PETROCORII

de Vita B. Martini Carminum Libri sex, cum Francisci Jureti Notis, Casp. Barthii Animadversionibus, & Jo. Fred. Gronovii Observationibus, editi a CHR. DAUMIO, qui

& ipse Notas adjecit.

Lipsiæ apud Hæred. Frid. Lanckhii 1681, in 8.

Trium

Trium Paulinorum ad nos venisse poemata, quibus aliquis etiam quartus adnumerari possit, Libro XIX Adversar. cap. 8. Caspar Barthius monuit. Ex istis peculiari Commentario eum illustrandum hic sibi sumserat, qui de *B. Martini Türonensium Episcopi Vita*, quam Sulpicius Severus, Venantius Fortunatus, & Gregorius Türonensis etiam exposuerunt, sex Carminum Heroicorum libros, & bina poemata alia reliquit. Non *Aquitanus* ille Nolæ Episcopus; (quod persuasum vulgo erat, visum etiam Jureto, qui tamen sententiam postea mutavit) verum *Benedictus Petrocorius*, sive ut alii, *Petrecordius*; quod Sirmondus, Labbeus & Barthius notarunt. Promiserat autem postremus hic Paulinorum omnium editionem in Adversariis, sed quam non dedit; Petrocorii saltem Martinianæ Vitæ libros Commentario illustravit, quem ab Autore olim impetratum, ipsius etiam manu una cum Textu & Jureti Notis conscriptum, post ipsius obitum nactus V. CL. Christianus Daumius nunc demum edidit. Quo studio de bonis literis optime meritus est; nam præter *textum* Paulini, seorsum excusum extra Bibliothecæ Patrum vasta Volumina vix reperiendum, doctissimi Jureconsulti *Franc. Jureti* Notas, *Barthii* item antea nondum in publicum missas Animadversiones, & *Gronovii* emendationes, ex ipsius Observatis in Scriptoribus Ecclesiasticis depromptas, in libelli non magni modum coegit, subjectis doctorum istorum Virorum commentationibus, accuratis *Indicibus* & *Notarum Spicilegio*; in quo ubi Eucharisticon Paulini Pellæi, Ansonii Nepotis illustrat, novos prosaicos, quibus tum librarium vicio, tum auctoris culpa istud scatet, distincte & erudite persequitur; simulque aliorum Christianorum poetarum in syllabis & numeris negligentiam, licentiamque ostendit. Opusculo omnium poetarum Christianorum & eorum editionum præfixit *Syllabum*, cui præmittitur *Præfatio*, in qua *Glossarium* & *secundas curas* suas ad Paulinum hunc Petrocorium nos expectare jubet.



N. V.
ACTA
ERUDITORUM

129

publicata Lipsiæ

Calendæ Maji, Anno M DC LXXXII.

JOHANNIS MABILLON,
*Presbyteri ac Monachi Ordinis S. Benedicti
& Congregatione S. Mauri,*

DE RE DIPLOMATICA LIBRI VI.
*In quibus quicquid ad veterum Instrumentorum anti-
quitatem, materiam, scripturam & stilum; quicquid
ad Sigilla, monogrammata, subscriptiones, ac notas Chronologi-
cas; quicquid inde ad Antiquariam, Historicam, Forensensemque
disciplinam pertinet, explicatur &
illustratur, &c.*

Lutetiæ Parisiorum 1681. in fol. chartæ Augustæ.

Quod si præclare de Historiarum studio merentur, quæ varia Numismatum genera in apicum proferunt, velut certissimos Antiquitatis testes; præferre eidem non parum quoque videntur lucis, quorum labor prisca Regum & Principum Diplomata; ex intimis Archivorum recessibus deprompta publico conspectui sistit: atque ita sistit, ut rationem simul vera & genuina hoc in genere quæ sunt, a falsis & suspectis discernendi subministraret.

Nec aliud in præsentî lucubratione propositum sibi habuit Dⁿ. MABILLON. Chartarum enim veterum, quæ per Galliam hinc inde e Monasteriorum Archivis ostenduntur, fidem Scriptores quidam hujus temporis, quorum nomina infra exprimuntur, in tantum elevarant, ut in toto Francorum Regno nullam omnino chartam reperiri dicerent sinceram atque genuinam, ante regnum primi Dagoberti; paucissimas autem sub illo atque post illum usque ad Reges secunde stirpis scriptas haberi, quæ vel autographa dici mererentur, vel ex autographo

R

rogusbo fideliter desumta: Archivum præterea Dionysianum in eam suspicionem adduxerant, ac si nil nisi officina falsorum esset diplomatum, Pontificiorum ac Regiorum: imo, quo nihil gravius videri ejusdem ordinis viro poterat, corruptionis hujus causam præcipue in Monachos conjecerant: *qui cum vidissent a Potestatibus Secularibus undique accidi immunitates ac possessiones suas, non magno crimini sibi duxerint, pro ipsis tuendis fingere, quæ in nullius cessum præjudicium, solum videbantur conduci tuenda aquirati*; quamvis largiantur, *postea ad Clericos quoque mali exempli licentiam pertinuisse*. Istam igitur maculam quo deleret Autor, quove pristino suo Diplomata nitori, & quæ pollere in judiciis debent auctoritati, suæque Cœnobii dignitati restitueret, Francorum Veterum, ut Pontificum nunc æceamus, monumenta Regum, primæ & secundæ stirpis, ut & tertiæ usque ad Ludovicum Sanctum (nam ut in hoc consisteret, nova viro perquisitis rerum facies) splendido hoc in opere, ex variis per universas Galliæ provincias Monasteriorum, Ecclesiarum, Cœnobia Grammatophylaciis & Bibliothecis eruenda, illustranda, ac vindicanda sibi duxit: idque & summo studio, & animi stilique moderatione singulari.

Et quamvis non defuisse fateatur, qui varias sparsim regulas, ubi de singulari Instrumento agebatur, tradiderint, quo nomine *Leonis Altatii commendat Animadversiones ad Fragmenta Antiquitatum Etruscarum*, nec non *Hermanni nostri Couringii Censuram Diplomatis Ludoviciani pro Cœnobio Lindaviensi*; neminem tamen ad hoc usque tempus peculiari tractatione rem aggressum fuisse ante *Danilem Papebrochium S. J.* editis Antverpiæ *Sanctorum Actuum* Clarissimum Virum: qui in *Propylæo ad Aprilis mensem secundum* data opera discutendam eam suscepit anno MDCLXXV; tanto cum successu, ut eum, modo Archivorum tantum, quantum Actorum suorum usum habuisset, omnium felicissime hanc exornare spartam potuisse judicet. Quo ipso talebrofi & asperi hujus itineris glaciem a Papebrochio fractam esse hæc obscure videtur innuere; utut regulis ab eodem constitutis non per omnia postmodum consentiat, imo in plurimis locis easdem corrigat, ipsa diplomatum inspectione aliud edoctus.

Tametsi vero totum Opus in Libros sex distinguitur, præcipue tamen susceptæ rei summam Autor ipse sequitur primis tribus. Nam

in

in primo de variis, agit Diplomatum generibus, quando chartarum alias Ecclesiasticas, Regales alias, alias Pagenſes ſeu privatas facit, ad ſumma earundem capita cum hic, tum alibi reſpicens: tum de Diplomatum *Antiquitate*; ubi adverſus laudatum Papebrochium contendit, 1. Privilegia Monaſteriis ſeu Eccleſiis ſeculo ſeptimo imo & præcedentia Romano Pontifice fuiſſe conceſſa; 2. Conſtare cum ex Beda venerabili, tum ex aliis, Scripturam in transferendis prædiis eodem ævo uſurpatam apud Angloſaxones; 3. apud Gallòs a Chlodoveo Magno, primo Chriſtiano Francorum Rege, ad ejusdem poſteros nullum ſere Francorum Regem exiſtiſſe, a quo in Monaſteriorum gratiam condita Diplomata non fuerint, idque ex Gregorio Turonenſi de primis Regibus conſtare. Æqualem dein Chartarum privatarum ætatem ex veteribus demonſtrat Ripuariorum legibus, ex ſecundo Marculfi libro Pagenſes formulas complectente, tum ex Legis Romane ſeu Codicis Theodoſiani edictis, ex variis illius temporis exemplis, nec non ex donationibus, quas a ſeculo VI Monaſteria obtinuerint, diverſisque Regulæ S. Benedicli capitibus. Ad falſorum hinc originem delatus & variam Inſtrumentorum veterum fortunam, reſutata rurfus Papebrochii ſententia, religionem Monaſchorum undecimi ſeculi vindicat, potiſſimasque Originalium corruptorum cauſas explicat, caducitatem, jaſturam, & dolum malum; quæque his opponi remedia poſſint.

In contemplatione *Materiae* cum In, tum Ex qua Diplomata reperiuntur ſcripta, non deſſe Scripturam obſervat, quæ in ſaxis & lateribus, in arborum ſorumque foliis, libris item arborum, hoc eſt, corticis interioribuſtunicis; in tabellis ligneis, in cereis citreisque pugillaribus, in libris elephantinis ſeu pugilliaribus ex Ebore; in plumbeis lamellis, in ſinteis voluminibus, & Papyro Ægyptiaca; in membranis & vulgari charta noſtra; in corio, piſciumve pellibus, ac ſerpentum inteſtinis exarata olim fuerit & excepta. Imo fuiſſe, qui ſinum ipſius ac focii ſui naufragium in teſtudinis dorſo perſcripſerit. Ex hoc tam materiæ cumulo quinque tantum genera in quæſtionem nunc adducit: chartam nempe membranaceam ſeu coriaceam, corticeam ex ligno, & papyro Ægyptiaca, plumbeam, & noſtram communem. Et Ægyptiacæ quidem chartæ uſum in Europa, maxime in Gallia, & Italia, longe poſt Chriſtum natum, imo ad ſeculum uſque X.

viguisse, ex veterum Scriptorum non obscuris testimoniis evincit; ut Dionysiani Archivi diplomata hoc nomine, quod in cortice exarata sint, pro falsis haberi nequeant. Pro materia vero Ex qua scripta, non modo atramentum, sed & rubricam seu minium; quo passim Imperatores Orientis usi, quin & ex Carolinis Regibus nonnulli; liquorem item aureum, & argenteum geminis Diplomatis fuisse docet.

A materia ad literarum ductum transit, & de *Scripturarum* varietate, de prisca scilicet Scriptura Gallorum, Romana, (cujus tres numerantur species: pura, Semigothica, & minuta seu minutis literis constans) Runica, Longobardica, Francogallica seu Merovingica, Carolina; Germanorum, Anglosaxonum, aliisque, nec non de Tironis compendiosis notis eo potissimum disserit consilio modoque, ut ex recitatis capitibus verorum semper discrimina a falsis colligat & ostendat.

Secundum Librum in Diplomatum stilo, subscriptionibus, sigillis, & notis occupavit Chronologicis. Initio enim *stili* barbariem excusat vel eo nomine, quod ex ruditate seculi & Notariorum imperitia partim, partim ex communi usu seu formulis usitatis, nec non ex Notariorum affectatione, imo ex Orthographia, literarum puta adjectione, detractio, immutatione, & transmutatione, quandoque proveniret. Jam in quibus stili consistat traditurus, uberius de Diplomatum agit inscriptione, de præmissa Invocatione, de Titulis, quos Romani Pontifices in suis, nec non Episcopi, Archiepiscopi, Abbates &c. adhibuerunt. Quo loco observat inter cætera, quod titulum, *Universalis*, seu *Catholica Ecclesia Pontifex* sive *Episcopus*, Johanni Constantinopolitano Episcopo abrogari voluerit Gregorius Magnus, nec ipsemet usurpare cum affectarit, ratus id præjudicare aliorum Episcoporum dignitati, eoque tendere, ut unus censeretur Ecclesiæ Episcopus, cæteri quasi illius vicarii: quodque insequentibus Romani Pontifices hoc quidem nomine usi reperiantur, sed ad designandam suæ modo sedis præminentiam; aut eo certe sensu, quo Leo Magnus in Epistola ad Theodosium Augustum, *Papam Ecclesiæ Catholicae urbis Romæ* se nominat, id est Ecclesiæ Romanæ quæ Catholica est: & quidem longe potiore jure, quam Armeni & quidam Patres Asiatici, qui propter Diocesis suæ amplitudinem *Catholicos* se volebant appellari. Præterea, cum *Papa*, tum *Summi Pontificis* nomina & aliis a Romano Episcopis, & Archiepiscopis tributa fuisse quondam; neminem tamen præter

Roma-

Romanum ea sibi arrogasse: nec deesse literas, in quarum inscriptione Pontifex suum nomen ejus ad quem scripsit nomini postposuerit ipse. Inde ad Francorum Regum de prima stirpe diplomata eorumque stilum reversus notat, titulum *Illustris* præ aliis iisdem placuisse, quod *Illustratus* inter honoratorum gradus tres, *Illustrum*, *Clarissimorum*, *Spectabilem*, potior ac magis præcipuus haberetur: Tum quas Carolingi, Pippinus, Carolus Magnus Rex, idemque Imperator, Ludovicus Pius, & sequentes usque ad Ludovicum S. in literis suis initiales formulas usurparint, explicat: ut & illas, quæ Imperatoribus, Regibus Italiæ, Siciliæ, Angliæ, & Hispaniæ; quæque privatis pro vario Notariorum genio, apud Francos, Germanos & Italos placuerunt. Ut omitamus, quæ porro de vocabulis in Charta singularibus, cognominumque ratione & origine, de Diplomatum imprecationibus & penarum quatuor generibus in charta apponi solitis, hoc loco inseruntur.

Excussis quæ ad stilum pertinere videbantur, *Subscriptionum* & *Sigillationum* formulas persequitur, & quis primus e Francorum Regibus Monogrammatæ usum in regia diplomata invexerit, & quibus monogrammatæ usi fuerint Pontifices, recenset. Hinc de Cancellariorum subscriptionibus in regiis literis usitatis; eorumque, ut & Notariorum, & Archi-Capellanorum officio agit, adjecto Cancellariorum Franciæ Catalogo. Ad *Sigilla* veniens, anulorum primo signatoriorum usum tradit, materiam, & calaturam, quodque Francorum Reges eos aliquando usurpaverint. Postea de Sigillis loquitur in anulorum locum succedentibus: & quidem de Pontificum, Episcoporum, Capitulorum, Abbatum, Abbatissarum, Conventuum, & Monasteriorum; mox de Sigillis Francorum Regum pro discrimine stirpium diversis, de fascia eorundem gemmea, & imaginibus, sceptro, baculo, manuque Iustitiæ, quæ in Regiis conspiciuntur, de lemniscis item sive appendiculis & diversi coloris cera formam sigillorum exprimentes: De Sigillis Magnatum, Nobilium, Militum, & possessorum, nec non integrorum Collegiorum, atque Urbium apud Francos. Tandem *Notarum Chronologicarum* examine, quod ex earum maxime instructa inductione, quas Pontifices, Reges Franci, & Imperatores in Diplomatum suis adhibuerunt, librum hunc concludit.

In *tercio* libro Diplomata autor examinat, quæ pro verorum ex-

emplaribus proposuerat Papebrochius, Dagobertinum nempe pro Sancto Maximino, Carolinum, & aliud Regis Lotharii, monetque ista specimina saltem de eorum esse genere, quæ sunt anomala, nec in exemplum trahi posse. Tum Papebrochii, monitum a Joh. Marehamo datum in Propylæo ad Monasticum Anglicanum: *Cautè intuen-
dæ sunt ejusmodi chartæ, quæ fidem habent eo minorem, quo majorem præ-
ferunt antiquitatem*: approbantis, imo vehementer laudantis sen-
tentiæ de vetustis instrumentis refellit, & Archivum Dionysianum ab
eodem impugnatum vindicat: adhæc, quæ Scriptor quidam nuperus,
quæque Conringius ex Naudæo Monachis objecerat, diluit & amoli-
tur. In parte libri reliqua *Notitiarum & Chartariorum* varia recen-
sentur genera: Illæ in autenticas sive *publicas*, quæ editæ coram Magi-
stratu, & *privatas*, quæ a privato Notario conditæ: hæc in *historica*,
autentica & *privata* distinguuntur; nec originem tantum, eorum,
usum, & delectum, sed valorem quoque & vim probandi expendit: tan-
demque Conringii sententiæ, quod nullus circa veritatem & falsita-
tem usucapioni, nullus proinde præscriptioni possit esse locus, quoniam
veritas aut falsitas enunciationum dominio aut arbitrio humano non sit
obnoxia, commendat.

Libro quarto de Francorum Regum Palatiis agitur, & villis Re-
gis in quibus Diplomata fuere data & concessa. Quæ ipsa CLXIII
numero, totidem sectionibus, juxta Alphabeti ordinem, non tam Autoris,
quam ejusdem Socii, Dn. Michaelis Germani verbis commemorantur:
ita quidem ut verorum: Carisiaci v.g. Mamaccarum, Silvici, Bafivi,
Verni situs inter eruditos etiam controversi illustrentur; fictitia vero & ex
perverso diplomatum lectione nata, quorum exemplum in *Corfintifica*
num. 43. habes, rejiciantur, detecta erroris origine & vera lectione
restituta.

Quinto libro, ut quam inter se præcepta & experimenta hujus
rei congruant intelligatur, distinctis duodecexaginta tabulis veterum
Scripturarum specimina, studio singulari & arte in æs incisa exhiben-
tur, adjectisque notis explicantur: *primo* nempe Specimina veterum
Codicum & inscriptionum cum variis Alphabetis: *Secundo* Specimi-
na Diplomatum Reginum a Dagoberto primo ad S. Ludovicum: *tertio*
Specimina Chartarum Ecclesiasticarum; quibus præter compendiosas
Tironis notas, Regio quodam codice expressas & vetustissimæ char-
tæ

tz Ravennensis specimen cum difficillimæ lectionis interpretatione annectitur; cujus monumenti scripturam Petrus Lambecius inco-
gnitam existimaverat, in Cæsareæ Bibliothecæ tomo 8.

Sexto denique libro Diplomata & instrumenta amplius ducenta in præcedentium librorum probationem adducuntur, & serie tempo-
rum servata, brevibus cum Annotationibus referuntur, pleraque ipsis
ex Archetypis desumpta. Ex his sub finem Autor aliqua deduxit
Corollaria, ad Cœnobii Dionysiani maxime dignitatem facientia;
quibus denique universalis totius index Operis subiungitur. Nec
parum adjumenti videtur concinnando operi attulisse Antonii Wionis
Herovallii, Cardinalis Casanattæ, Achillis Harlæi, Petri Carcavii,
Stephani Baluzii, Antonii Magliabeci, Petri Lambecii, Caroli Fresnii
Cangii, in Doctissimum Autorem benevolentia; quippe quæ veterum
præcipue Scripturarum Speciminibus auctum illud & ornatum, teste
Præfatione, dedit.

ECCLESIAE GRÆCÆ MONUMENTA STUDIO

*atque opera Johannis Baptista Coselerii, quæ MSS. exem-
plaribus depromsit, Latine interpretatum est,*

Notasque adjecit.

Tom. II.

Lutet. Parisior. A. C. 1681. in 4.

A Ntiqua manu exarata monumenta, quæ rei literariæ vel ampli-
andæ vel illustrandæ inservire possunt, e latebris suis, ubi cum situ,
carie, tineis blattisque non sine magno irreparabilis jacturæ periculo
colluctantur, in lucem protrahere, magni sane laboris, nec minoris
emolumentum res est. Fecit id inter alios ætatis nostræ Philologos, qui
hæc Ecclesiastica veteris pariter & degeneris Græciæ monumenta divul-
gare cepit, *Johannes Baptista Coselerius, Sorbonica Societatis
Theologus & Regius Lingua Græca Professor*, de cujus reliquis lucu-
brationibus Orbi Literato jam pridem notis non est hic differendi locus.
Ad præsens Opus quantum attinet, varium illud est & multiplex, quo
*Exegetica, Canonica, Juridica, Liturgica, Ascetica, Ethica, Historica,
Chronologica, Geographica, Dogmatica, Polemica una cum Homiliis,
Quæstionibus, Symbolis, Dissertationibus, Epistolis, Scholiis
Carmi-*

Carminebus, Actis martyrum, Vitiis Sanctorum, Elogiis, Eclogis, Fragmentis, ceterisque cujusque generis scriptis continentur. Cum enim Illustrissimus Colbertus Cotelerio & Regiam & suam Bibliothecam liberaliter aperuisset, hortatus, ut pro insigni sua Linguae Graecae peritia & summo erga bonas literas amore, Manuscripta Graeca recognosceret, & quae aliquod operae pretium factura viderentur, publici juris faceret, is negotio huic & manum suam & ingenium non segniter admovit, Graecos Codices MSS. pervolvit, *avxodotus* annotavit, perlegit, qui prae aliis magis attulerunt descripsit, relegit, cum aliis exemplaribus contulit, a mendis librariorum repurgavit, interpretatione Latina donavit, & notis illustravit. Sunt autem notae illae duplicis generis, aliae marginales, quae varias lectiones, emendationes, locorum collationes, & Autorum allegationes complectuntur; aliae ad calcem singulorum voluminum rejectae, in quibus id potissimum Eruditus Autor agit, ut Criticorum more pro re nata Variozum Autorum loca aut depravata corrigat, aut obscura & difficilia explicet, & minus obvia animadvertat, cum in tanta literarum luce prolixis commentariis, dissertationibus, & Locis Communibus haud opus fuisse existimaverit. Ceterum in plures Tomos se haec Sylloge diffundit, e quibus primus A. C. 1677 lucem publicam aspexit, secundus autem ob varios Autoris morbos frequenter interruptus superiore demum anno prodit, quo sequentia comprehenduntur:

Asteri Amasenorum Episcopi, qui circa seculi quarti finem doctrix, eloquentiae, & pietatis fama floruit, in *Psalm. V. VI. & VII. homiliae*.

Synodi Sexta Generalis habente seculo septimo sub auspiciis Constantiniani Pogonati adversus Monotheletas congregatae & prima Agathonis Episcopi Romani epistola *fragmentum*.

Basilius & Apollinaris epistola mutuae, quas ab Arianis vel Apollinaristis cum in finem, ut magnum illum Ecclesiae Doctorem Basilium Apollinarismi suspectum redderent, confectas Cotelarius in notis p. 553. suspicatur.

Nonnullae aliae *Basilius* nomen gerentes, & dux *Libanii ad Basilium epistola* exigui momenti.

Amphilochii Iconiensis in Lyconia Episcopi epistola quaedam Synodica, quae Spiritus S. Divinitatem contra Pneumatomachos asserit.
Pbotii

Photii CPlitani Patriarchæ epistola in vectiva ad Stauracium, in qua multa de capitonis (qui ad mugilum genera pertinet,) inter alios pisces singulari abtinentia & iustitia præfatus, Præfectum illum Cypri reprehendit, quod homines cum facultatibus suis impudenter deglutiat.

Alia ejusdem *Photii epistola seu potius oratio*, in qua variis humanæ vitæ molestis qualecunque remedium & levamen adhibere conatur.

Dominici Gradenfis Patriarchæ, qui circa medium undecimi sæculi claruit, *epistola ad Petrum Antiochenum*, cum ejusdem *Petri responso*, in quo Archiepiscopo Gradenfi seu Aquilejensi ac Veneto de Patriarchæ titulo controversiam movet, & de Azymis contra Latinos prolixè disserit.

Michaelis Cerularii CPolitani Patriarchæ epistola ad Petrum Antiochenum, in qua eum, ut Latinos multis erroribus, quos ordine recenset, obnoxios aversetur, nec amplius Papam Romanum in sacris diptychis referat, admonet, cum *Responso Petri Antiocheni*, qui ad concordiam cum Latinis proclivior, nonnullos quidem Latinorum errores, quibus etiam Processionem Spiritus S. a Filio Symbolo additam perperam adnumerat, fugiendos omnino & detestandos esse, aliquos tamen sanabiles aut dissimulatione dignos, quosdam etiam Latinis fortasse affectos asserit, & Michaellem Cerularium, ut de rigore suo aliquid remittat, obtestatur.

Alia *Michaelis Cerularii epistola*, in qua Petro Antiocheno, quomodo Legati ab Argyro Italiæ Duce dolose subornati potius, quam revera a Papa Romano missi, pittacium seu libellum excommunicationis in sacra Mensa deposuerint, & quomodo ipse hanc injuriam contrario anathemate ultus fuerit, exponit.

Asenii Tisflamentum, in quo persecutiones suas enumerat, & Michaellem Palæologum, quod juramenti sui immemor imperium invasisset, legitimum Imperii Hæredem oculis privasset, & alia iniqua facinora perpetrasset, excommunicatum Satanæ potestati tradit.

Alexii Comneni Novella, in qua de corrigendis Ordinis Ecclesiastici corruptelis sollicitus, ut ii tantum, qui dicendi peritia & laudabili vita alios antecellunt, ad Pontificatum & alias Dignitates Ecclesiasticas provehantur, jubet.

Vita Euthymii, celeberrimi in Palaestina Monachi, a Cyrillo Presbytero & Monacho Scythopolitano composita, & ut Cotelerio in not. p. 604 videtur, a Simeone Metaphrasae interpolata, in qua præter visiones, miracula, & res monasticas, nonnulla ad Nestorianæ & Eutychnianæ hæreseos historiam spectantia referuntur.

Capita nonnulla ex Johannis Moschi seu Eucrati Prætoris Spirituali, quæ Græce hætenus desiderata fuerant.

Neophyti Presbyteri Monachi & Inclassi, qui seculo 13. vixit, quærelæ de calamitatibus Cypri, ab Angliis capta & Latinis venditæ; nec non duæ Germani CPolitani ad Cyprios epistolæ.

Johannis Zonara responsum de matrimonio duorum Sobrinorum cum una Fœmina.

Theodori Balsamonis epistola de jejuniis, in qua asserit, quod præter Paschæ Festum quatuor alia Festa, nimirum Festum Apostolorum, Transfigurationis, Dormitionis Deiparæ & Natalis Christi cum jejuniis celebrari debeant.

JOH. RODOLFI WETSTENII,

Oratoriæ in Acad. Basil. Prof.

ORATIONES APOLOGETICÆ PRO

Græcæ & genuina Linguae Græcæ pronuntiatione, contra novam atque a Viris doctis passim propugnatam pronuntiationem: & aliæ quædam diversi argumenti.

Amstelædami 1681. in 8.

UNicus ætatis nostræ scopolus ætæ verius naufragium cum, Daniele Heinsio iudice, Græcarum Literarum imperitia & contemptus sit, minime lusisse operam censentur, qui modis omnibus in id incumbunt, ne quid cultus & elegantiae suæ perdat Græcia, deliciarum illa omnium, cum ore suo loquitur, atque venustatum Mater. Nec vulgari id ipsum cura atque studio, præstitisse Autor in Apologia deprehenditur, quam pro genuina hujus linguae pronuntiatione nunc adornavit, & novem orationibus, Programmata ut taceamus præmissa singulis, inclusit.

PRIMUM

Primam siquidem in occasione, origine, & statu hujus de Grætarum literarum sono & valore controversiæ exponendis sic occupavit, ut arguementis simul non proletariis, ex Historia maxime evincat, Pronunciationem Græcam neque a Vulgo tantum esse petitam, neque vel a Græcis vel a Barbaris corruptam. *Secunda*, a Græcis introductam Literarum *πρωτοφωνίας* ostendit esse licitam, imitatione Latinorum cum in vocalium, tum in diphthongorum permutatione expressam, & propter incommoda non mutandam sed tolerandam potius. Quo loco minuendæ etiam *ἀμφιβολίας* rationem subministrat, ex identitate sonorum sorte resultantis. *Tertia* de Vocalium H & Y differit potestate, & postquam originem usumque prioris ex Plinio, Plutarcho, Eusebio, Scaligero, & aliis exposuisset; quin & testimonio, brutorum sonos, atque rationes pro sono *τῆς Η Ἑρβᾶ* vel *Ærbæ*, a Beza, Ceratino, Meckerchio, Gretsero, Cheko, cæterisque dissentientibus allatas resolvisset, posterioris sonum genuinum vindicat. Succedunt Vocalibus Diphthongi, de quarum recta pronunciatione Oratio *quarta* non in genere modo agit, sed in specie quoque docet, Diphthongos EI, OI, YI, AI, AY, & EY male ut EI, OI, UI, AI, AU, & EU enunciari: rationes præterea discurit, quæ horum pro sonorum defensione solent urgeri, quæque moventur ab aliis pro durisculo literæ B & Γ, aliud γ, κ, χ, ξ, præcedentis sono, curatius examinat.

Quinta oratione expediuntur arma & molis machinæ majoris pro Autoris sententia. Pronunciationem enim hæcenus assertam demonstrat viginti Seculorum usu antiquam esse, Græcis universis in oriente cognitam, ab Eruditis e Græcia allatam, suæque suavitate maxime jucundam; alteram e diverso superiori demum sæculo excoGITATAM, novam origine, Græcis auribus sono barbaram, incertam, & a confusione nullatenus immumem. Porro, potestas genuina literæ H *ita* Græcorum pariter atque Latinorum autoritate, ut & utriusque linguæ collatione, adhibitis eam in rem & codicibus & nummis antiquissimis, stabilitur Oratione *Sexta*. Quemadmodum & *Septima*, pro eodem literæ hujus sono argumenta proferuntur solida, ex Hebræorum, yrorum, Chaldæorum, Rabinorum, Arabum, Persarum, Coptorum, Russorum, Germanorum, Gallorum denique, & Italarum linguis; ubi scilicet H in I convertunt; nec non e

gravissimis Græcorum partim, partim Latinorum testimoniis desumpta. *Obvta* vocalem T & diphthongos EI, OI, TI, a Græcis recte instar I & *ut* simplicis efferrî, antiquitatis suffragio confirmat: & *ultima* denique defendit Autor, quod e diphthongis, AI ut Elaxum seu *Æ*; AY, ET, & HT, ut *af, ef, if*: e consonis vero B *vita*, & T ante T, K, Z, X, instar N, rectissime a Græcis exprimantur.

Reliqua libri parte aliquot miscellæ Orationes disparis exhibentur argumenti. Par primum de Fœderibus deque Fœdere Helvetico, in specie, nec non de Fide agit Helvetica: De Exiliî miseria, & huic opponendo solatio, alterum. In extremo trium generum utilissimos reperies indices, Græcum, Latinum, & Autorum.

ULRICI OBRECHTI *Rerum Alsaticarum Prodromus.*

Vol. I.

Argentor. 1681. in 4.

Veteres Alsatiæ incolæ *Triboccos*, postquam Romanum jugum subierunt, *Augustus* Imp. *Germania superiori* seu *prima*, quæ Rhœni fontibus, sicut inferior ejusdem ostiis, propior est, adscripsit. Romanis autem in Alsatiæ regimine, post Alemannos Tulpiacensis prælio a *Clodoveo* superatos, & possessione sua dejectos, Franci successerunt. Ubi eorum notandus error, qui confusis temporum gentiumque discriminibus terras, quæ cis Rhenum (Dn. Obrechtii Argentoratensis ore loquor) Alpibus & Oceano Germanico includuntur, Helveticorum, Sequanorum, Lotharingiorum, Mosellanorum, Ripuariorum, Belgarumque, in antiquum quoddam *Austrasia Regnum* compingunt, & pro vera ac primitiva Coronæ Franciæ hæreditate venditant. Enimvero si de titulo primigeniæ hæreditatis Francia Cistrhenana seu Occidentalis cum Orientali contendat, potiora momenta pro Orientali seu Transrhenana militant. Et hæc ipsa cum Cistrhenanis aliquot provinciis bellijure adjectis vetus Austrasiæ Regnum a Neustrasia distinctum composuit, cujus statum & terminos *Adrianus Valesius* & *David Blondellus* prolixius describunt.

Quamvis vero vetus Franciæ Regnum Germanicum fuerit, no-

va

ratamen in Alsatia Germanici regiminis origo ab eo tempore procedit, quo Gallia & Germania ita a se invicem divulsæ & separatæ sunt, ut duo plane diversa Regna constituerint. Atque hic gradus quidam, per quos post varias Regni Francici divisiones Germanico Imperio Alsatia coaluit, observandi veniunt. Nimirum quod a Parente suo *Carolo M.* acceperat Imperium *Ludovicus Pius* inter Filios distribuens, *Lotbarium* Imperii consortem adsciverat, *Pipinum* Aquitania, *Ludovicum* Bajoariz Regem dederat. Verum hi limites modo ob *Carolum* e secundâ Uxore postea genitum, modo ob bella inter Patrem & Filios gesta, modo ob alias causas cum ipsâ *Ludovici Pii* fortuna subinde fuerunt immutati, donec ille tandem humanis rebus eximeretur. Quo factô *Lotbarius* ut solus rerum potiretur, Fratres Regnis suis deturbare conatus est. Sed dum Regnum suum præter fas augere concupivit, minuit, & prælio Fontanidenſi victus prorsus amisſit, (siquidem jam *Ludovicus* & *Carolus* viatores fœdere Argentorati isto totam paterni Regni hæreditatem excluso *Lotbario* inter se partiti fuerant,) nisi Anno sequenti DCCCXLII inter *Lotbarium*, *Ludovicum*, & *Carolum*, qui hæctenus ingentibus præliis & se muruo & universam Rempubl. misere affllexerant, pax tandem Viroduni inita in eas condiciones convenisset, ut *Carolus* occidentalia Regna a Britannico Oceano usque ad Mosam, *Ludovicus* orientalia, omnem scilicet Germaniam usque ad Rhenum cum nonnullis civitatibus & pagis in occidentali Rheni ripa sitis, *Lotbarius* autem inter Utrumque medius incedens, Provinciam & Italiam & Regnum, quod postea Lotharianum dictum est, inter Scaldim & Rhenum obtineret.

In hac Regni Francici divisione Alsatia *Lotbario* obtigit, qui eam, cum se Regno abdicaret, & id inter Filios divideret, cum universo Regno Lothariano Filio cognomini *Juniori Lotbario* reliquit. At hoc mortuo, cum & Alsatiam & reliquam ejus hæreditatem Patruus ejusdem *Carolus* occupare niteretur, alter Patruus *Ludovicus* eum repulit, & ut dimidiam Regni Lothariani partem sibi traderet, coegit. Itaque A. C. DCCCLXX Lotharingicum Regnum inter duos istos Fratres, *Carolus* *Ca. m.* & *Ludovicum Germanicum*, æquis partibus quas Annales Bertiniani designant, est divisum. Ægre id tulit *Ludovicus II* Imperator, *Lotbarii* Junioris Frater, sed crebræ ejus obtestationes & consilia contra hanc divisionem agitata, cum morte abrupterentur, nihil valuerunt.

Alsatia igitur, quæ cum aliis Lothariani Regni partibus per fœdus cum *Carolo* Gallicano seu *Calvo* pactum sub *Ludovici Germanici* ditionem & imperium venit, ita Germanico Imperio his temporibus accrevit, ut Gallis nihil in eam juris reliquum maneret. Quamvis enim post *Ludovici Germanici* obitum *Carolus Calvus* occasionem totius Lotharianæ hæreditatis occupandæ non omitteret, cum Patre se, non cum Filiis pactum cavillatus, *Ludovicus* tamen Junior Germanici F. portionem Patri suo tributam, & Germaniæ assertam, extorqueri sibi minime passus, imò Patri sui iniquitatem magna Galliæ clade ultus est. Extincto paulo post *Carolo Calvo*, Filius ejusdem *Ludovicus Balbus* cum Consobрино suo *Ludovico* Juniore pacem & pristinam Lothariani Regni divisionem, juxta Paternæ Transactionis formulam, firmavit. A quo tempore post *Ludovicum* Juniorem ejusdem Frater *Carolus Crassus*, & hoc ab Imperio dejecto, *Arnulfus* altero *Ludovici* Fratres *Carolomanno* genitus, & hujus *Arnulphi* denique Filius *Ludovicus IV.* Alsatiam quiete possederunt.

Toto autem cœlo errant, qui, cum in *Ludovico IV* denato ramus Carolinæ Stirpis Germanicus exaruisse, supremum Alsatiz dominium ad *Carolum Simplicem*, qui in Gallia tum superstes erat, *Ludovici Balbi* F. *Caroli Calvi* N. jure hæreditario devolutum, & postea in Familiam Capetinam translatum cum *David* *Blondello* asserunt. *Carolo* enim *Simplici* jus succedendi in Franciam Orientalem per legitimam *Conradi* electionem est præclusum, cum Franci Orientales non minus justam causam habuerint, cur præterito *Carolo Simplicem Conradum* eligerent, quam Franci Occidentales, cur post *Ludovici V.* excessum proximo ejus cognato *Carolo* Lotharingico *Hugonem Capetum* anteerrent, utriusque Regni rationibus & utilitatibus post divisionem adeo divulsis, ut alteri Regno minus aptus censeretur, qui alterius commodis inserviret. Unde Francorum Proceres, quicum jam *Conrado* fidem suam obstrinxissent, mutatis postea animis in *Carolum Simplicem* inclinarunt, a *Conrado* armis coerciti, in Annalium monumentis rebellionis infamia notantur. Quod si vel maxime, si ve successione, si ve Procerum inclinatione *Carolus S.* jus in universum Lotharingicum Imperium sibi acquisivisset, est tamen illud omne solenni & jurata cessione iterum extinctum, cum ipsum *Conradum* Successor *Henricus*, ut Germaniæ ablata plenissimo jure restitueret, adiegit. Nullam

Nullam igitur omnino juris speciem, quam suis vindicandæ Lotharingæ conatibus obtenderet, habuit Caroli Simpl. F. *Ludovicum Transmarinum*, qui alienæ potius conjurationis impetu, quam causæ fiducia, Alsatiam invasit, ab *Ottone I.* Henrici Successore mox repulsus, & in ordinem redactus. Ejusdem *Ludovici Transm. F. Lotharium* bis Lotharingiam infestis armis ingressum annales referunt. Semel enim ob controversiam de Comitatu Montensi arma expedivit, cujus expeditionis is eventus fuit, ut, quod apud *Sigebertum* & in *Chronico Franco-Saxono. MSC.* legitur, pace inter Ottonem & Lotharium sancta Lotharingiam *Lotharius abjuraret*. Neque dissimilis alterius Lotharingicæ expeditionis exitus fuit, quam, cum *Otto II* jam vivis excessisset, *Lotharius* suscepit. Pace enim cum *Ottone III* stabilita *Lotharius* omnia, quæ occupaverat, restituit, & Lotharingici Regni possessio, satente *Blondello*, penes *Ottonem III* illibata mansit.

Quomodo igitur a postremis Gallicæ Linæ Carolinis, *Ludovico Transmarino*, & *Lothario*, & ejusdem Filio *Ludovico V* in Capetinam Familiam transferri potuit, quod ipsi nunquam habuerunt Alsatiz dominium? quam, sive belli jus valeat victoriæ, sive pacis fides attendatur, pacta toties jurata Germanico Imperio vindicarunt. Qui vero e *Capeti* Successoribus *Philippum Pulchrum* novum juris in Alsatiam titulum, per transactionem cum *Alberto Imp.* initam, Coronæ Francicæ acquisivisse putant, oppido falluntur, cum hodie istius transactionis tabulæ neminem amplius morari possint, postquam *Puteanus* omnem fabulæ larvam detraxit, & ex intimis Chartophylaci Regii recessibus errorem ipsum, & erroris originem detexit.

Quamobrem Coronæ Gallicæ melius consulunt, qui omnem Gallici in Alsatia regiminis originem, non e turbulentis incertorum titulorum lacunis, sed e liquida potius Pacis Westphalicæ scaturigine deducunt, quam etiam pro norma habere convenit, juxta quam istius regiminis limites determinentur. Quamvis enim cessioni Imperatoris & Imperii Germanici, inter ipsa pacis negotia, ab Hispanis eidem obnunciantibus haud levis difficultas objecta fuerit, quæ ad Pyrenæos usque Tractatus, *Chiffetto* interim & *Blondello* acriter inter se disceptantibus, perduravit, & ex ipsis Pacis Tabulis, inter Galliam & Imperium Germanicum Domumque Austriacam multæ eademque graves controversiæ fuerint exortæ, quarum decisio privati

calami

calami arbitrium transcendit, & sublimius tribunal flagitat, liquida tamen & expedita est designatio ditionum Alsaticarum, in quas Regno Galliae, sive superioritatis, sive quodcunque aliud jus est concessum, cum Pacis Instrumentum Superioris & Inferioris Alsatiae Landgraviatum, & Praefecturam decem Civitatum Imperialium in Alsatia sitarum nominet. Quae autem enumeratis his partibus non comprehenduntur, nec ab iis dependent Alsatiae ditiones, in eas nihil juris Gallia vindicare sibi potest.

Episcopatum Argentensem quantum attinet, sunt qui eum a *Dagoberto* Francorum Rege fundatum existimant. Sed vulgarem illam traditionem, quamvis *Jodocum Coccium* & alios assertores nacta fuerit, *Godofredus Henschenius* & ejusdem Hyperaspistes *Jacobus Masenius* funditus evertunt, cum trecentis ante *Dagobertum* annis *Amandus* Episcopus Argentoratensis Sardinensi & Colonienſi Synodo interfuerit: cujus Successores usque ad *Heddonem*, qui A. C. DCCXXXIV Episcopus creatus est, *Erckenbaldus* carminice recenset. Quod autem Argentoratensibus Episcopis *Dagobertus* Urbem subjecerit, aequè falsum deprehenditur; unde *Fr. Guillelmannus* fatetur, doceri non posse, quod ante *Henrici II* tempora Argentoratum Episcopis suis subiecta fuerit. Quasi vero *Henrici II* autoritate *Wernerus* ejus temporis Episcopus Urbem hanc subiectam sibi reddiderit, quod ex *Werneriano* Instrumento, quo tota haec conjectura nititur, probari minime potest, cum de Urbe Episcopis subiecta nihil in isto instrumento contineatur, & praeterea fides ejus instrumenti, a prorumpentis undique aequè falsitatis indicibus haud possit liberari.

Ejusdem fidei sunt Instrumenta *Francisci Roserii in Stemmata Lotharingica* producta, e quibus aliqui Alsatiae Ducatum cum Ducatu Lotharingiae conjunctum, vel partem ejus fuisse, evincere conantur. Certe pleraque diplomata operi illi praemissa *Broverus* & *Masenius* manifestè falsitatis arguunt, & Autorem istum plura contra historiae fidem Lotharingi distribuere annotat *Thuanus*, qui Roserium coram Rege in genua procumbentem, & multa a se calumniose dicta contentem, & librum ejus coram ipso laceratum memorat.

Haec & alia ad Antiquitates Alsaticas spectantia, unde Tribocci nomen suum acceperint, quando Alsatiae vocabulum audiri coeperit, num Argentoratus, cum vicus antea fuisset, *Juliano* demum aut *Valenti-*

lentiniano imperante circumdatis moenibus in urbem evaserit, utrum Mediomatrices a Tribocis sedibus suis ejecti & ad interiora migrare compulsi fuerint, quæ Ducatus, quæ Landgraviatum, quæ Imperialis Præfecturæ in Alsatia origo fuerit, & similia *Cl. Obrechtus* magni Boecleri Gener, nec degener in Cathedra Academica Successor, in hoc Alsaticarum Rerum Prodromo e variis Chronicis & Annalibus, privilegiorum, donationum, foundationum, & pactorum instrumentis, & optimis quibusque historiæ præfidiis, editis ac ineditis, antiquis ac novis, diligenter eruit, & quæ vel a fingentium vanitate, vel a credentium ignorantia & superstitione, ortum suum habent, a sincera rerum gestarum commemoratione tam nervose segregat, ut apud omnes, qui primum hoc Volumen delibarent, magnum reliquorum Voluminum appetitum excitaverit, quem ut propediem citra ullum impedimentum satiet optamus.

AN EVV SYSTEME OF THE MATHEMATICKS, Composed by Sir Jonas Moore Knight.

London. 1681.

h. e.

NOVUM SYSTEMA MATHEMATICA, Compositum a Dn. Jona Moore, Equite.

Londini in 4to 1681.

O Cæsis adornandi hujus Systematis Illustri huic Viro subnata est, ex Præfectura Xenodochii Christi Londinensis, quo munere annis ante obitum aliquot solerti cura defunctus est. Instituta enim inibi Regio sumit Schola Mathematica in gratiam puerorum rei nauticæ aliquando admovendorum; id ipse laboris sibi sponte sumpsit, ut conscripto hoc opere, & partes definiret matheseos, Scholæ isti necessarias, & rationem insimul illarum tradendarum. Totum vero opus cum quatuor partibus complecti constituisset: ea, quæ nunc (junctis Euclidis & Algebra) Tomum priorem absolvunt, ad Primam retulit: reliquis tribus, Tabulas Astronomicas, succinctam Geographiam, & ex Elementis Euclidis libros sex priores, undecimum, duodecimumque, ut & Algebram destinavit; quo ordine, non usque quaque certum.

T

Edm

Editis enim Arithmetica, Geometria practica, Trigonometria & Cosmographia, Autor in adornanda Nautice occupatus, post absolutam Algebram, Euclideosque libros Melderianis & Domini Barrov Figuris instructos, satis concessit, affectumque opus fortunæ posthumerum reliquit expositum. Adnitentibus autem Illustribus (quorum Præfatio non sine laude meminit) Viris, succollantibusque præcipue & sumtus facientibus Domino Hanvvay, & Dn. Potenger, defuncti Generis, accedente porro liberali, in Nautica, Sphærica & Geographia perficienda, Domini Perkinsi, Flamstedii, & Halleji opera, Systema duobus Tomis comprehensum, tandem prodiit; serie partium insequenti.

Tom. I. proponitur 1. Arithmetica tam Naturalis & Decimalis, quam per species aut Principia Algebræ. 2. Geometria practica, cum sex Elementis prioribus, undecimo & duodecimo Euclidis, symbolice demonstratis. 3. Trigonometria plana & sphærica. 4. Cosmographia. 5. Nautice, sive Navigandi ratio per Planum, Chartas Mercatoris, & Arcum circuli maximi. 6. Doctrina Sphærica motui Terræ juxta Systema vetus Pythagoricum aut Copernicæum innixa.

Tomo II. 7. Tabulæ Astronomiæ, & Logarithmorum, naturalium & Artificialium, Sinuum, Tangentium & Versorum Sinuum. 8. Nova Geographia, sive descriptio potissimarum Mundi Regionum & Tractuum, cum eorum chartis, Tabulisque Longitudinis & Latitudinis.

Opus tradendæ, docentium æque ac discientium insigni compendio, Mathematicæ apprime accommodum: & quod præter commendanda alia, in doctrina Surdarum quantitatum Tom. I. subnexa, Tabulisque Logarithmicis Differentialibus, pro Logarithmis numerorum vulgariū 10000 & 1000000 intermediorum, & vicissim, inveniendis habeat, de quibus sibi gratulari possit Lector: cujusque Nautice (juxta præfationem) ob succinctam triplicis Navigationis explicationem; triplicem propositionum solutionem: certam & infallibilem cursus navium dimensionem; descriptionem Instrumentorum Nautices, usumque eorum ostensum, hætenus editis palmam indubie præripiat.

D. BUR

D. BURCHERI DE VOLDER,
Medicina & Philosophia Doctoris, hujusque
in illustri Academia Lugduno Batava Professoris Ordini
narii celeberrimi

Disputationes Philosophicæ,
De Rerum Naturalium Principiis, ut &
de Aeris Gravitate.
 Lugdun. Batav. 1681. in 8.

Disputationes istas antehac habitas qui edidit, continuis numeris textum copulando in duos libellos conegessit. Ipse vero doctissimus earundem Auctor in iis, quas de Rerum Naturalium Principiis instituit, has ponit primorum principiorum conditiones; primam, ut clare distincteque percipiantur; secundam, ut non sint alterius causa naturalis sive corporea effectus; tertiam, ut ipsis nulla adscribatur proprietas cogitationis aut mentis; quartam, ut ex ipsis omnia hujus mundi phenomena queant deduci; quintam, ut principia certo demonstrentur esse vera; quam tamen ultimam non necessario requiri autumat, quod effectus naturales a diversis causis pendere queant. Quibus explicatis evincere conatur, conditiones eas genuinas principiorum, neque materiæ & formæ Peripateticorum, neque atomis & inani Democriteorum, neque Sali, Sulphuri & Mercurio Chymicorum, neque quousque ætas Anaxagoræ competere; omnes autem convenire Materiæ & motui, ideoque hæc duo sola esse principia rerum genuina.

In Disputationibus vero de Aeris Gravitate, Aerem, qui tellurem nostram ambit, quemque spiritu ducimus, gravem esse i. e. premere tellurem & corpora in ejus superficie hærentia, probat 1. experimento Torricellii. 2. experimento Ottonis Guericke Consulis Magdeburgensis, qui duo hemisphæria avulsa separataque sibi invicem imposita, interjecta cera conglutinavit, deinde ex loco concavo aerem opè antliæ eduxit, quo ipso animadvertit tanta vi sibi invicem coherere hæc hemisphæria, ut pro varia eorundem latitudine, non nisi notabili live equorum numero sive ponderum appensorum quantitate queant se jungi. Quem admirandum effectum aeris gravitati deberi

ita ostenditur : Cum aer immediate subjacens inferiori hemisphærio a gravitate aeris lateralis superiora versus feratur , nec quidquam in Sphæra sit, quod huic pressioni resistere valeat , oportet hoc hemisphærium ad alterum , quod eadem aeris superioris vi & gravitate deorsum premitur, comprimī tota vi & pressione subjacentis aeris , quæ quod tota dependeat ab ea , qua Aer lateralis deorsum ruit gravitate , sequitur omni hujus gravitatis vi & impetu hæc hemisphæria ad se invicem compelli. 3. Experimento proprio, quo bilance accurata non tantum in genere aerem gravem demonstrat , sed & datæ cujuscunque massæ aeræ certam gravitatem & pondus determinat.

PHILOSOPHIA CURIOSA
 seu *Universa Aristotelis Philosophia juxta*
Communes sententias exposita,

ab

Adalberto Tylkovsky e Soc. Jesu.

Typis Monasterii Olivensis S. O. Cist. Anno 1680. in 8.

PArtes hujus Philosophiæ Curiosæ , Physicæ & Meteorologiam , priusquam omnes junctim prodirent , impressas Cracoviæ Index Librorum Anno secundo Ephemeridum Naturæ Curiosorum adjectus docet. Institutum Auctoris est, Aristotelis doctrinam , quam nonnulli insufficientem & ineptam pronunciant solvendis experimentis , a calumnia ipsi religioni noxia liberare , ostendereque ejus principia naturalibus effectibus satisfacere. Operis universi quatuor sunt partes. I. Logica. II. Physica in sex partes subdivisa. III. Metaphysica. IV. Moralis , quæ omittis cæteris doctrinis , fere omnis in parte Oeconomica absumpta est, de re agraria ad cælum & morem Poloniæ instituenda. Pauca excerptimus ex Physica Curiosa memorabilia ad historiam naturalem pertinentia.

I. Vistula Prussicæ fluvius ante magnos imbres subito deficit, quoniam fontes ejus, qui sunt in montibus Carpathiis , in vapores attolluntur, qui postea resoluti dant pluviam.

II. Spiritus Vini Thermoscopio infusus , incongelabilis , quia ardentissimus, hiemem constanter sustinuit , monstravitque aeris variationem

tionem ac gradus remittentis intendentisque frigoris, sed ubi accessit ætas, minima asperitate aeris in tantum sublatus est, ac hieme summo frigore.

III. In Prussiz Episcopalis Cameratu Allensteinensi, ad villam Buttrini, lacus septennio absoluto evanescit cum piscibus, datque pratum, quod minimum centum quadrigas sceno oneret, post septennium redit cum piscibus.

IV. Sibus Prutenicus & aliæ aquæ certis temporibus florent, quibus inutiles sunt certis usibus; hæc efflorescentia ex fermentatione orta quousque dispersa est inconspicua, colligitur ac apparet, ubi aliud flumen aquæ irrumperere parant.

V. Retulit Jesuita Chanovvsky duos pagos Bohemiæ contiguos, in quorum uno, dum est hiemale frigus, alter hilarescit calore activo: hic messis, ibi viride frumentum; hic ros, ibi pruina. Suspicio est, uni nitrum, alteri copiosos ignes subesse.

VI. Terra sigillata in Polonia ac in ripis Vistulæ prope Varsaviam eruitur, licet viribus debiliior, ut in duplicata dosi exhibenda sit.

VII. Gemmæ omnis generis prope Varsaviam collectæ expoliuntur.

VIII. Sal fossilis, qui largo proventu ex fodinis minoris Poloniæ instar grandium saxorum effoditur, quamdiu sub terra, minus ponderis habet, supra terram est gravior. Causa refertur vel in aeris subterranei densitate, in quo Sal uti lapis infra terram, utpote in densiori medio minus premit; vel quod aeris recentis afflatu rigescat fiatque densior Sal & gravior.

IX. Succini, cujus fodinæ prope Regiomontium in Prussia hauri procul mari Balthici alibique in Polonia sunt celebres, minera similis plane apparuit loco, in quo olim ligna secabantur, ubi sarmenta, cortices arborum, ramusculi cum terra miscentur & ad terram declinant verustate: habuit quid simile corticum terra obrutorum, aliquid radicum atque ramorum, & singulis intra nigram arenam adnatas particulas flavi succini sparsim neque tamen adhaerentes. Frustum exhibitum parte succinum, parte resina fuit, cui tamen se admisceat bitumen, alumen, nitrum & vitriolum atque Sal. Modum colligendi succinum diversum observant. Muscæ, viperæ, foetices, patellæ & alia, quæ succinum exhibet portenta quasi involuta, studibria sunt mera, nam ubi frangis, nihil habes. Vidit Hollandus quidam in

frusto succini grandem numum aureum apud quendam civem Regio-
montanum, cupidineque auri pretio majore succinum emit; quo fra-
cto se deceptum cognovit.

X. Pareliorum causa, motus, locus, significatio & historia per
multa secula ad nostram ætatem continuata diligenter exponitur.

XI. Quæ in montibus aliquando reperta vulgus credit ossa tibiarum,
dentes, crania de Gigantibus reliqua, ea in litore Vistulæ non pro-
cul a civitate Casimiria inventa Jesuita ostendit, ex luto molli seu mar-
ga formari.

XII. In Lituania nullæ nascuntur spinæ. Causam Auctor opi-
natur frigus regionis.

XIII. In oppido Prussiz Holland quidam in suo viridario arbu-
sculam tiliam vertice suo in terram defixit, quæ post multos annos in
arborem amplissimam & ramosissimam provecta est, ramis quidem
deorsum ab trunco vergentibus, postea se rursus reflectentibus, radice
vero, quæ cælum spectabat, plurimis ex ea fusis obsita surculis. Jesui-
ta Peripateticam doctrinam secutus, quæ nutritionem plantarum per
attractionem succi fieri asserit, cum intelligat alimentum in arbore ia-
versa non potuisse vi tractoris sursum provehi, ad cælum & altra con-
fugit, quorum calore contra naturam arboris elevatum sit.

XIV. Heliotropium Solem sequi decantatum est. Auctor in
Italia, ubi plantæ vigent, diligenter attendens non potuit deprehendere,
indeque conjicit ex amphibolia vocis opinionem ortam; quia flos si-
militudine Solem exprimit, dictum Solem sequi, quod perverse de mo-
tus sequela acceptum fuerit.

XV. Gemmas Sambuci sursum detractas per os purgare, deor-
sum tractas per inferiora, confirmat experientia sua. Detrahebatur,
inquit, medius ex Sambuco cortex & hydrope correpto cingulo tenus
supponebatur. Si detrahebatur cortex deorsum, descendebar, si retra-
hebatur cortex sursum, adscendebar hydrops.

XVI. Quod spectaculum lapis Bononiensis multo apparatu, hoc
putre lignum pineum dat sine ulla præparatione, maxime, si bene prius
pluviis persusum Sol ingressus est. Illatam enim lucem cameræ reti-
net per justum spatium, quam tandem dimittit. Qua occasione ad-
jicit, quod compertum habuit de vermiculis noctu lucentibus, qui ori-
untur ex granulis copiosis per Poloniam totam, esse rubra ea modica
cujus.

cujusque herbæ, maxime illius, quam vocant auriculam murium radicibus adhaerentia; in Majo debere legi, in Junio versa in vermes avolare & nocte lucere. Ex quo arbitratur ipse, semina esse vermium qui alia radici affigunt dum ipsi animantur, quæ foru terræ in vere adolescunt; his tingi serica illa pretiosa; horum tabe scarlata, quæ tanto venire fecit vanitas rubescere. Hieme, æstate & autumno deprehendi semen hoc non posse ob exilitatem. Postquam vermis avolvit, solam relinqui vacuum vesiculam tanquam ejus secundinam, intra quam coaruit.

XVII. Ad finem Physicæ Appendicem geminam attexit, unam de podagra, alteram de Plica Polonica, qui morbus est Polonorum fere solorum capillos complicans instar filtri, & paroxismos similes epilepticis, excoriationem aliaque gravia symptomata inducens.

XVIII. Denique Partibus singulis Physicæ suæ adjicit Problemata & Paradoxa, quæ ex sparsim dictis solvenda relinquuntur: v. g. *An quis in eodem loco manendo currere possit? an foramen melius clausis quam apertis oculis videatur? an homo infinitus haberet cerebrum in capite? an debili oculis juvetur perspicillis in vacuo? an de facto culex detur, cujus una ala totam terram possit regere? an possit quis cribro aquam haurire? an detur aqua non madesaciens? an majus monstrum sit culex unus ulna, quam cetus 100 ulnarum? an possit audiri campana, qua nunquam extitit? an unus homo simul equis mille possit insidere? an in gutta aqua posset navigare classis Xerxi? an possit esse tantum frigus, quod verba congelet? an sufficiat truncus unus, ut quis se centum annis calefaciat hieme? an melius sit gigantem esse instar turris, an pygmaum instar psitaci? an converteri possit lapis in Ciceronis Orationem? an Eva sit filia vel soror Adami? an aliquis existens in Polonia possit videre Regem Mogorū? an quis possit gustare aliena mensa fercula ipse alibi existens? &c.*

GEORGII HIERONYMI WELSCHII,
Curationum Propriarum & Consiliorum Medicorum Decades X. Opus Posthumum.

August. Vindelic. 1681, 4.

U

IT editis in publicum scriptis pluribus notissimus est *Welschius*, ita non pauca, quorum in istis spem nobis fecit, restare adhuc videntur edenda, fato licet jam functus suo fuerit Autor. Posthuma nec inter, primo in lucem publicam prodierunt *Decades X Curationum & Consiliorum Medicorum*, opera *Luca Schrockii* junioris, Med. D. & Phys. Augustani, qui memoriam Welschianam, seu Vitæ ejus complam Historiam, cum librorum ejus tum editorum, tum edendorum catalogo jam anno 1678, mox ab Autoris obitu divulgaverat. Continent autem *Decades* prædictæ Casus in Praxi Medica subinde occurrentes, quorum curationis historiam Autor primo recenset, hinc prolixum ejusdem examen, tam theoreticum quam Practicum subjungit, & morbi cursum seu successivas mutationes juxta siderum motus simul perpendit. Examina ista juxta Veterum, Græcorum præsertim & Arabum (quorum linguæ exactissimam habebat notitiam, & scriptorum eorundem interpretes erat accuratissimus) placita instituuntur, Modernorum tamen hypothesibus ubique insertis, cum Vir inexhaustæ lectionis existeret. Præ aliis vero similis argumenti Scriptoribus peculiare hoc obtinet, quod plurimorum morborum motum & exitum ad leges astrorum curiose trutinat, & criticas vel proprietas, vel his affines mutationes observat; ita tamen, ut Criticarum Dierum enumerationes, non solis numeris Pythagoricis & Hippocraticis, quaternariis scil. & septenariis, prout communissime fieri amat, aut humorum conditionibus & proprietatibus Fracastorianis, aut Naturæ modificatis operibus, similibusque aliis adsignet, sed Lunæ motum in iisdem primario respiciendum jubeat, non exclusis penitus cæterorum planetarum benignis malignisve aspectibus; & quidem non Lunæ Phases, singulis mensibus consuecas, sed solummodo Lunæ motum per quadrata Zodiaci signa, eumque inæqualem, nec semper septenario respondentem; unde sæpius octavus Criticus esse soleat, tunc scil. cum Luna quadratum, respectu sui sub morbi principio Locī, attingat. Adco incerta esse omnia asserit, quæ vulgo de quaternariis & septenariis diebus docentur, nisi ad leges sideralis scientiæ exigantur, & Hippocratis Arithmetice Latitudine quadam explicetur, non alia, quam ejusmodi coelestium motuum observationibus definienda. Quæ ipsa adjunctis Schematistis, Lunæ Phases & aspectus, sub morbi motu & mutatione exprimentibus, pro faciliiori apprehensione ulterius illustrat.

OLAF

OLAI BORRICHII

*De Somno & Somniferis, maxime Papavereis
Dissertatio.*

Hafniæ & Francof. 1681. in 4.

SOporifera alioquin papavera haud leviter nihilominus hoc feculo ad sui scrutinium solertiora excitarunt ingenia, quæ inter & Autor occupatus est in facultatibus eorundem citra occultarum qualitatium opem, clarius dilucidandis. In antecessum monet, sibi non displicere sententiam eorum, qui censent, somnum *ex elementiori quadam spirituum animalium in cerebro quiete dependere*, ita ut per somnos in cortice cerebri (ubi generationis eorum cum Willisio ponit exordia) spiritus velut in nebulam cogi videantur, & minus prompte separari, minusque alacriter moveri. Quoad densationis hujus causam in castra transit Stagiritæ, dum ex alimentis, vaporis habitus, *corporeum aliquid*, seu corpuscula oleosi generis, eaque in minutias seu spiritus attenuata, a calore nativo excitata, motu cordis juvante, in cerebrum ascendere, ibique Spirituum animalium, seu corpusculorum Salinorum volatiliū subtilissimorum, vivacissimum motum, adventu suo nonnihil suspendere, & procursum vehementiorem impedire asserit. Id quod per crassamentum ex S. V. rectific. & spirit. Urin. permixtis natum illustrat, hac tamen limitatione, quod blandius ista in corpore animali contingant, ubi satis sit, si in tenuiorem saltem nebulam densentur Spiritus. Progreditur hinc ad papaveris, ejusque producti, Opii, seu somniferorum antesignani, anathemen chymicam, cogniturus, an tale oleum mite, ac spissans, idque copiosum, & facile quod distribui possit, in iisdem hospitetur; præmittendo prius considerationem controversiæ toties agitæ, calidum an frigidum sit papaver & opium, eamque ita dirimendo, ut *respective* consideratum, ad corpus scilicet animale, & operationes, quas ibidem exercet, frigidum omnino illud pronunciet, cum quietem sensibus inducat, non motum, immoderatusque sumtum, gelationem & livorem artuum sudoresque frigidos inducat, & novissime frigidam mortem: si vero *absolute* spectetur, particulas ejus potissimas, in calefacientibus numerandas esse, *ex oleosorum* scilicet genere censeat. Id quod per Pyrotechniam Chymicam comprobare satagit: dum ex

sem. papaver. unc. xvj igne arenæ dicit, aquæ unc. iij, olei perquam fumosi, unc. ix, relicto in vase capite mortuo ad unc. iij, & paulo amplius, reliquum odoris subtilissimi formæ, per vasorum commissuras, triplici licet vesica munitas, evanuit: pariter ex Opii unc. j, aquæ limpide guttas 60, olei fumosi admodum, sive quod fumî albiissimi formæ, partim per collum vasis, undulato lapsu properaret, partim excipulum satis capax oppleret, & per omnia spiracula exitum quæreret, una cum parte ejus crassiori, e rostro retortæ subinde stillante ad unc. B. j, elicuit. Subjungit his experimenta, cum oleis istis destillatis, ut & cum Opio crudo, mediante Spiritu Vini, felibus & columbæ propinatis instituta, (quæ ipsa, ut & modo enarrata Spagyrica anatome ejus videri quoque possunt in Act. Med. Hafn. Vol. V. obs. 124. p. 331.) ex quibus (incidenter notando, non opium tantum, sed & simplicem Vini Spiritum, felis venenum esse) concludit, opii narcosin, a sale & spiritu quidem actuosiore reddi, proficisci vero primario ab oleo, cujus particula, cum minutiores sint, quam aliorum oleorum, facilius ascendant habitu albiissimi vel fumî, vel vaporis, & instar nebulae perreptent corpus, & ubi inciderint in liquores, eosdem nebulae suæ involutos sistant, sive motum eorundem excitiorem impediant. Ultimo loco Opii usum explicat, tam quem per se, spiritus densando, eorumque & humorum impetum sistendo, quam quem per accidens, sudores, urinas, secessus, & vomitus movendo, præstat: hinc fructus ejus, quos in humano corpore sub cura morborum pollicetur, exponit, observando brevibus, quibus in affectibus magis minusve conducatur, & qua methodo adhibendum veniat; circa quam ultimo monet, minus secure Opium jungi Lapidi bezoard, gemmis, Cinnab. antimon. diaphor, &c, aliisque pharmacis mitibus & insipidis, quam manifeste calidis; cum si quam noxam imprimat frigus Opii, eam superveniens calor aromatum corrigat; & quidem aromatum potius, quam spirituum: quod illa actionem Opii pedetentim sequantur, hi ut omni vinculo soluti, vel antecedant vel turbent comitando.

DE PRINCIPIIS RERUM LIBRI

tres, cum Appendice duplici,

Authore GUILHELMO LAMY.

Parisius, 1689. in 12.

Sicut

Sicut ex Titulo Scripti hujus constat, illud ab Autore in tres libros ac duas appendices digeri : Ita in *priore* Peripateticorum principia physica explicat atque refellit, hincque primis statim capitibus eorum materiam primam examinat & annihilat, nullamque loco hujus aliam, præter extensionem solidam atque impenetrabilem, concipi posse, declarat. Pariter illorum formam substantialem sub examen revocat, partim argumenta, pro hac facientia, recensendo ac solvendo, partim ratiocinia, quæ formarum istiusmodi existentiam suspectam reddunt, subnectendo, quæque contra hæc moveri possint, instantias declinando. Porro Corporum distinctionem Peripateticam in incorruptibilia & corruptioni obnoxia, numerum elementorum quaternarium, qualitatum extra corpora horumque modos realium, & quidem tam manifestarum, seu sensibilibum, quam occultarum sive insensibilibum magis, tam rerum inanimatarum, quam animatarum, tam activarum, quam passivarum, existentiam atque formalitatem dubiam reddit : nullamque tandem finis in rebus naturalibus rationem esse habendam ; Vacui vero fugam Aristotelicorum absurdam evincit. *Librum secundum*, in quo Philosophiam Cartesianam examinat, in duas partes subdividit, atque in harum prima ostendit, neminem Cartesii philosophandi viam, quia de rebus omnibus dubitandum, omnesque nostras cognitiones seponendas ac rejiciendas esse docet, ingredi posse; ipsamque, quamvis aditu possibilis foret, ad immaterialitatis tamen atque immortalitatis animæ rationalis & Existentiæ DEI notitiam atque demonstrationem nullatenus conducere, sed utramque hanc rem declarandam partim obscuriorem reddere, partim falsis fundamentis inniti, imo contra proprias leges peccare, quatenus passim tales propositiones pro axiomatis supponit, de quibus tamen dubitare, quasque falsas potius pronunciare decebat. In parte secunda, postquam Cartesii ac Democriti & Epicuri principiorum conformitatem atque disparitatem monstravit Lamy, essentiam materiæ neutiquam ex Cartesii mente in extensione sola consistere, nec materiam juxta eundem in infinitum divisibilem esse, argumentis diversis declarat, præprimis cum illis hypothesebus admittis non determinare liceat, quid sit locus, quid motus, & quomodo fiat, nec fluidorum corporum natura, nec durorum diversitas explicari queat ; tandemque legum illarum naturæ trium,

quas de motu corporum materiae, tanquam diversorum motuum causas secundarias atque particulares, sinxerat Cartesius, falsitatem evincit. *Tertius* liber pariter bimembris est, utpote in quo primo Epicuri principia eo modo, quo a Lucretio tradita sunt, exponit & quæ in his paradoxa reprehendit Autor, v. g. quibus creationem impossibilem & materiam æternam esse, Atomorum indivisibilitatem a vacui exclusionem oriri, motum atomorum superne deorsum, motum declinationis, hincque dependentem hominis libertatem, asserere conabatur, indigitat. Cum vero quoad plurima Doctrinam Epicuream præ cæteris magis verisimilem, ac universo & phaenomenis naturalibus explicandis commodiorem habeat, principia hæc deinceps de æternitate atomorum, harum motus, numero infinito æternisque earum conjunctionibus per rationem meram sibi conceperat, fidei lumine corrigenda esse moneat.

Denique quoad scripti hujus binas appendices, prior Causas effectuum, quos Aristorelici Fugæ Vacui, Recentiores nonnulli Aeris Gravitati attribuunt, postquam aeris vim Elasticam explicuit, huic assignat, v. g. cur Mercurius in altitudine duorum circiter pedum cum quadrante consistat? cur Aqua machinas hydraulicas & siphonem conscendat? cur aer pulmones inspiratione ingrediatur &c. simulque argumentis Paschalii atque Gassendi, quibus aeris gravitatem comprobare satagebant, satisfacit. Posterior naturam & modum Fermentationis, hujus ac Effervescentiæ differentiam, Fermenti essentiam & agendi modum, secundum eadem Epicurea & a se correctâ principia, exponit.

CANONICI JURIS INSTITUTIONUM Libri tres,

Opera Francisci de Roze, Antecessoris Andegavensis,

Parisi. 1681. in 12.

IN concinnandis juris Canonici Institutionibus eandem Auctor methodum, quam Justinianus Imperator olim in Institutionibus Civilis Juris, servavit. Nam ut is Institutiones suas sic partitus est, ut de personis primum, post de rebus, ac postremo de actionibus atque judiciis ageret: ita eandem viam stricte Noster, quantum passa est ar-
gumen-

gumentatio, persequi voluit. Itaque præmissa Juris Canonici, ex Canonibus Conciliorum, Decretis Summorum Pontificum, dictis SS. Patrum, & Principum nonnullis constitutionibus conflati Historia, *primo libro* personarum jura exhibet, ac de Clericis in genere, eorumque ordinatione, electione, consecratione, de Summo Pontifice, Patriarchis, & Cardinalibus, de Episcopis, Presbyteris, Diaconis, Canonicis, Monachis, personisque Ecclesiasticis aliis agit. *Altero* res Ecclesiasticas, tam quæ simpliciter, quam quæ aliquo modo juris divini sunt, persequitur, omnemque adeo de Sacramentis, & Bonis Clericorum temporalibus doctrinam evolvit. *Tertio libro* circa actiones seu judicia occupatur, deque Clericorum foro competenti, de eorundem judiciis, jurisdictione, delictis, poenis, & quæ alia sunt hujus disquisitionis, agit. Ubique vero id imprimis propositum Auctor habuit, ut juris originem ac progressum diligenter expendere, & sensim ad sua deduceret tempora, innueretque adeo, quæ Ecclesiastici juris, antequam Imperatores ipsi Christianam Religionem professi sunt, quæ postea, ratio fuerit, & quæ ex Canonico jure locum hodieque in Ecclesia Gallicana obtineant, quæ non. Nec enim dissimulandum, Auctorem Institutiones hæc suas ad Gallicanæ potissimum Ecclesiæ statum accommodasse, eoque non uno loco aliter sentire ac loqui, quam Romæ fortasse fuerit permillum. Nam e.g. *Politico Magistratus in Clericos jurisdictionem, de Ecclesiasticis bonis, imo rebus ad Ecclesiasticam Disciplinam pertinentibus cognitionem, nec non facultatem bona Ecclesiastica curandi legesque de his condendi, exigendique a clericis tributa vindicat: Summi Pontificis potestatem Concilio generali, ex Ecclesia Gallicana, omniumque Gallie Parliamentorum & Universitarum sententia subijcit: nuptias liberorum deficiente paterno consensu initas, ipso jure nullas atque irritas, repudiata Concilii Tridentini, opinionem hanc anathemate ferientis, auctoritate, pronunciat, Principibusque ferendarum legum, quibus certi generis matrimonia non prohibeantur tantum, sed & irrita fiant, jus asserit: Jurisdictionem forensem Ecclesia non nisi concessione secularium Principum competere, Clericum Ecclesiastico foro valide posse renuntiare, seculares iudices directam in Clericos jurisdictionem obtinere, ejusque generis alia non omnibus forte Romanæ Curia paulo devotioribus probanda, tradit.*

JO. SCHILTERI INSTITUTIONES
*Juris Canonici, ad Ecclesiæ veteris & hodi-
 ernæ statum accommodata.*

Jenæ 1681. in 12.

Quemadmodum *Joh. Paul. Lancelottus* ad Ecclesiæ Romanæ & Hierarchiæ Pontificiæ, *Franciscus de Roye* vero ad Gallicanæ Ecclesiæ, suis quas vocant Libertatibus gaudentis: Ita *Dn. Schilterus*, Jactus ac Consiliarius Saxonicus, ad Ecclesiarum Evangelicarum ac juxta normam primæ & Apostolicæ Ecclesiæ repurgatarum statum Canonici Institutiones Juris accommodavit. Itaque non solum *Jus Canonicum* κατ' ἐξωχὴν ita dictum, quod a generalibus præcipue Conciliis vim accepit, & in Decreto Gratiani collectum est; multo minus *Pontificium*, quod a Curia tantum Romana profectum in Decretalibus magis cernitur: sed *Ecclesiasticum* Sacrumque *Jus* omne, ex Jure Divino, Conciliorum Canonibus, Legibus Imperatorum, Pontificum Decretalibus, ac Statuum Imperii Evangelicorum Ordinationibus Ecclesiasticis, usuque fori, justa ac concinna methodo propositum habuit tradere. Id quod duobus libris, quorum primus jura personarum Ecclesiasticam Societatem constituentium, alter rerum jura persequitur, ea dexteritate præstitit, ut quæ sit inter Protestantes, postquam per Pacem Religiosam Romanæ Curiæ Jurisdictione liberati sunt, Ecclesiastici regiminis ratio, quamque singula in Evangelicis Ecclesiis ordinate ac decenter, contra quam persuadere sibi amant nonnulli, peragantur, nullo negotio intelligatur. Subjungitur libello, S. S. Theologiæ non minus quam Juris Cultoribus utilissimo, Opusculum aliud, Differentias Juris Civilis & Canonici in Compendio exhibens; in Academia Julia primum A. 1635. a *Christoph. Wignero* per modum Dissertationis Academicæ propositum, post ab *Henr. Habnio* aliquoties recusum, nuncque denuo in cupidæ Canonum Juventutis gratiam a Nobilissimo *Schiltero* adjectis brevibus notis editum.

B. AM-

B. AMBROSII ABBATIS GENERA-
lis Camaldulensis Hodæporicon, a Nicolao
Bartholini Bargensi C. R. congregationis Matris DEI pu-
blica luci assertum.

Florentiæ ac Lucæ. in 4.

UT integritas collapsæ in Italia disciplinæ monasticæ quodammo-
 do restitueretur, anno recuperatæ gratiæ MCCCCXXXI Euge-
 ni IV P. R. autoritate, *Ambrosius Camaldulensis*, cum socio suo Silve-
 stro missus est, qui monasteria per Italiam lustraret, corruptosque mo-
 nachorum ac virginum claustralium mores emendaret. Hujus offi-
 cii partes, qua fide, zelo & prudentia impleverit *Ambrosius*, quaque
 solennitate in diversis locis fuerit exceptus, in hoc suo hodæporico
 ipse exponit, nominatis etiam claris viris, quos in itinere salutavit;
 annotatis item libris, quos in Bibliothecis vel conspexit vel evolvit. Ro-
 mæ Origenis in Lucam XXXIX Homilias ab Hieronymo traductas;
 Mantuæ inter multa Græca scriptorum volumina Orationes quas-
 dam Juliani Cæsaris, Homeri vitam ab Herodoto scriptam, item Quin-
 tiliani Musicam & alterius Senis de Musica opus cum aliis scriptis
 perlustravit. In eodem itinere Chrysostomi quædam scripta, ejusque
 vitam ex Græco Latine vertit, ac Pontifici Eugenio dedicavit. De
 cujus affectu erga Concilium Basileense, & fuga propter Romanorum
 insidias suscepta, simul quædam commemorat. Cosmi & Laurentii
 Florentinorum virorum excellentium, quod illo tempore contigit,
 exilium cum describit, eorum virtutes quoque laudat. Editor hu-
 jus Hodæporici Dn. *Nicol. Bartholini*, in adornanda ejusdem editione
 liberalem operam Domini Antonii Magliabechi Sereniss. Magni He-
 truriæ Ducis Bibliothecarii, viri ob humanitatem & studium augendi
 rerum literariam celeberrimi, valde prædicat, & sub finem laudati *Am-
 brosi* Epistolæ cum elogiis illius edendas promittit; de quibus do-
 ctissimus Vossius, qui libro III de Histor. Latin. hujus Ambrosii scripta
 allegat, nihil habet.

ÆGIDII MENAGII POEMAT.

Parisiis apud Petrum le Petit, in 12.

Q5

Qui Poetarum monumentis non ab antiquitate, sed nativa elegantia pretium ponere norunt, venustissima Gallorum elegantissimi eruditissimiq; Abbatis MENAGII, Carminum gloria Veteribus paris, Poemata sæpius in unum collecta corpus prodidisse, & sexies antehac Parisiis & Amstelodami excusa fuisse, gaudent: sed jam nova hac & septima prioribus locupletiore editione ea iterum typis vulgata esse, tanto magis delectabuntur, quo plura Latina & Græca, Gallica & Italica nova Carmina accessisse antea vulgatis cognoscent.

PETRI ALLINGÆ FAX DISSIDII

extincta, seu Exercitationes Pacificæ,

*Ad nonnullas quæstiones Problematicas, quæ
hodie in Belgio potissimum morventur.*

Amstelodami 1682. in 4.

Belgium nimirum, exorto Cartesianismo & Coccejanismo, in duas abiit factiones; quibus sua etiam nomina, inter plures alios, dederunt Leydekkerus & Allinga. Ille contra Cartesianos & Coccejanos in lucem publicam emisit Facem Veritatis; quam cum a se refutatam, tamen nondum editam esse, falsus esset Allinga in præfatione, Erotematibus suis præfixa, ægre id ille tulit, facemque suam inextinctam & vi veritatis nunquam extinguendam esse, gloriatus fuit in Corollario disputationis. 22. Febr. A. 1679. habitæ. Quo in arenam se provocatum esse putans Allinga, Refutationem illam, quam hæctenus in scriniis suis reservaverat, evulgavit, *ut ita*, ceu loquitur ipse in præfatione, *Fax illa dissidii, ad confusionem vana Professoris jactantia, penitus ac omnino extingueretur.* Hinc Titulus Libri; qui proinde non de Pace, sed de Triumpho est accipiendus, quem super Facie veritatis Leydekkeri (*face falsitatis & dissidii* jam ante Allingam a Burmanno in *Narrat. p. 27.* dicta,) canit. Quemadmodum etiam quæstiones has in Titulo quidem problematicas vocat; parum tamen orthodoxe Leydekkerum inter probandum agere, capite statim primo §. 6. censet. Totum itaque scriptum cum sit Elencticum, vestigia etiam Adversarii sui ubique premit, eundemque ordinem observat, & verbis ejus plene allegatis suas subjicit responsiones, postque octo & octoginta capita finem operi in octogesimo nono imponit.

OB. ER.

TAB. VIII. ad A 1682 pag. 161.

fig. 3.



fig. 3.



fig. 4.




fig. 4.

fig. 1.



fig. 2.



OBSERVATIONES QUÆDAM AB-

*basis de Catelan, Oculos Insectorum concernentes,
ex Ephemeridibus Eruditorum Parisi-
ensibus.*

n. XXIV 1680. n. XII. & XVIII. 1681. excerpta.

Inter reliqua, quibus Insecta nos in sui naturæque providentiæ admirationem rapiunt, *Du. Catelan* horum oculos refert, dispari latitudine & numero in illis conformatos. Sc. gaudere, inquit, *primo* eorum multas species, etiam minutissimas, v. g. pediculos, pulices (squammis munitos) & exigua illa animalcula, quæ in canistris, & scatulis, muscarum aut papilionum, quibus vescuntur, cadavera continentibus, reperiuntur, ac tineas, quæ æstate chartas, libros, mensasque transcurrunt, quarum figuram Tabula VIII. n. 1. exhibet, TAB. VIII. animalium majorum, duobus saltem oculis nigris, rotundis, satis duris & magnitudine corpori reliquo proportionatis, in quibus tamen nullas adhuc palpebras deprehenderit. E contra & *secundo* aliorum insectorum capita naturam pluribus, quamvis eo minoribus, oculis stipasse: illorum nempe, quibus numerus tantus necessarius videbatur, i. e. maximæ alarum partis. Et inter hæc quidem alia nonnisi unam saltem oculorum speciem gestare, sc. Scarabæos, exceptis cornutis paucisque aliis, qui integra oculorum serie globulos binos, ad latera capitum prominentes, oppleant, quod itidem in papilionibus proboscide instructis, observare contingat; Dum contra culicum cristatorum capita, loco harum eminentiarum globosarum, circulus protuberans cingat, qui totus oculis oblitus cernatur, quem circuitum nominatus Observator in Fig. 2. lit. L. M. ex viridi rutilantem, totidemque quasi adamantibus ornatum testatur. Ab eminentiore vero ejusdem culicum capitis parte T, cujus color fere gryseus, duas prodire cristas plumatiles, ex fulco rubicundas, in quarum medio proboscis ejusdem coloris N, sceptrum æmulans, conspiciatur; lateribus autem earum alias binas adstare, quarum caules, crystallinam pelluciditatem ostendentes, nodis multis, ab omni sui parte infinitas plumas, aurei coloris, emittentibus, gaudeant.

X

Alia

Alia vero horum insectorum genera v. g. muscas, formicas volatiles, & perlas seu libellas, quas Gallice Demoiselles, Germ. *Jungesfräulein* appellant, pluraque alia, oculos diversæ molis & situs habere, i. e. præter tres majores in antica capitis parte, a *Domino Ilre* annotatos, infinitos minores in lateribus & vertice ejusdem. Nimirum sine microscopio in cunctorum horum capitis lateribus duos exiles deprehendi globulos, in muscis ignei, in reliquis speciebus alterius coloris, quos ratione numeri, situs & splendoris binos animalculorum horum oculos crediderint; ast microscopii applicationem duas has eminentias oculis pluribus stipatas & ornatas manifestasse. Et quidem in Musca vulgari, secundum Fig. 3. quæ caput animalculi denotat, in eminentiis BDE magnitudine duas minores oculos hos æmulari asserit, tres vero majores literis AAA designat Noster. Ambiguus nihilominus, an granula illa exigua lateralia revera totidem oculi essent, bina hunc in finem adornavit experimenta. Nempe primo delineatas muscarum nonnullarum eminentias BDE pice molliore, aliarum capitis apicem, ubi oculi majores AAA, cera sigillatoria, ac aliarum denique omnes has partes simili materia obtexit, cunctas vero phiolæ vitreæ immisit, observavitque semper, quod duæ priores muscæ, quibus saltem partes aut AAA aut BDE erant incrustatæ, evolarint, imo postmodum fenestram petierint, quasi visu satis claro adhuc pollerent: dum reliquæ, quarum cunctæ illæ tres protuberantiæ cera aut pice obvolutæ, leviter saltem in phiolâ se converterent; exemptæ vero, instar cœcarum, palpando progredierentur, & nunquam evolarent. Deinde partes AAA & BDE quam accuratissime & subtilissime a cute separavit, atque harum faciem inferiorem per microscopium inspiciendo sub AAA tria foramina trianguli ILM, apicibus AAA respondentia, sub BDE autem innumera foramina, in schemate CGH expressa, deprehendit: ita quidem, ut tria foramina majora ILM aut AAA obvelata fuerint membrana tenuissima & pellucida, quæ rugosa & in diversis locis sanguine tincta observabatur, probabiliter ob rupta ac discissa vasa ac fibras cerebri, quæ in insectis cum his partibus communicant.

Ast in parva Libella, (notantur enim hujus tres species, magnitudine distinctæ) quæ Fig. 4. delineata nudo oculo paulo gracilior pau-

TAB. IX ad A. 1682. pag. 163.

fig 1.





fig 2.



pauloque longior musca communi apparet, alis rectis ac pedibus brevioribus, atque, instar Lacertarum, dilactis gaudet, cute rugosa & musci colore tincta, caudaque in bifurcatum mucronem abeunte, seu setis albis duabus instructa est, inter duo hujus cornua pellucida seu antennis, tres magnos & virides oculos conspici, idem *Catelan* perhibet, quorum duo EE tertio paulo majores existant: prater laterales autem eminentias, exiguis admodum atque innumeris oculis stipatas H g, in vertice quasi pileolos seu mortariola duo rutilantia, d.c.b. & DGC assurgere, pariter oculis multis exilioribus & cœlum spectantibus ornata.

PETRI M. KAVINÆ GEOMETRÆ FAVENTINI,
Cometa Anni 1681 & 1680, & in eundem Astronomici
conatus, atque Physica meditationes,
 Faventia 1681. fol.

Complectitur hoc Schediasma duas, titulo indice, partes: quibus historia Cometæ, a 24. Dec. st. Greg. 1680. ad 9. Feb. 1681, ab *Auctore* observati, brevibus præmittitur.

In priori, cum per quatuor Problemata, ex data Cometæ altitudine & Azimutho, Solisque loco, ad Cbld. 25 Dec. hor. o. 40 ab occasu Solis habitam, Cometæ declinationem & Ascensionem rectam, longitudinem, latitudinem, tempus occasus, & tunc amplitudinem occiduam Cometæ; Solis porro hoc posteriori tempore profunditatem, & circuli verticalis per Solem ducti amplitudinem occiduam deduxisset: Problem. V & VI novam distantia Cometarum a Terra investigandæ rationem, supposita prius cognita extremi caudæ Cometice altitudine & Azimutho, insuperque projectione ejusdem in partem, præciæ a Sole aversam, proponit.

Cui intelligendæ, sit in Fig. I, A Terra, ad Semidiametrum orbis annui puncti instar habita; DG, Horizontis astronomici & simul orbis annui portio, differentiam azimuthalem Solis, & extremi axis Cometæ T mensurans; C, Cometæ corpus, qui in eadem cum Sole superficie sphaerica moveri interim intelligitur: ductaque sint ex A rectæ, ad B, Solem sub Horizonte per arcum DB mesum, C, Cometæ caput,

X 2

& T,

& T extremum caudæ Cometæ CT: Assumatur AD sive AB, tanquam radius, partium 100000, ut habeatur EB, sinus rectus primus, & AE complementi arcus DB. Et sit altitudo extremi caudæ Cometæ Tubi nihil *Autori* refert, ipsa Axis extremitas punctum hoc sit, an minus, dummodo ejusdem puncti capiat altitudo & Azimuthum) angulus GAT, aut GAH; hujusque Tangens GH.

Facta deinde, beneficio Perspectivæ, IF æquali ipsi EB, producantur ambæ æqualiter ad L punctum linea AT, & N, junganturque rectis NL, BF; hisque porro parallelæ ducantur TV, VR, RS, ST, occurrentes rectis, ex A per L, N, B, F ductis, in punctis T, V, R, S.

Ducta jam EI, eaque & angulo dato EAI per rectam AX bifariam divisâ, habetur in triangulo EAX, rectangulo ad X, ex angulis & latere AE, latus XE, & inde tota EI.

Habetur etiam in Triang. AEN, rectangulo ad E, ex latere AE, anguloque NAE, latus EN; & addito EB, tota BN, & huic æqualis FL: ex quo in parallelogrammo rectang. BNLF, diagonals BL & angulus NBL; ex hoc vero & latere EB, in Triang. EBQ, rectangulo ad E, latus EQ; & ex hoc QX ignorari nequeunt.

Pro habendo autem angulo DAC sive EAQ, sub quo Cometam in puncto C plani Horizontalis, juxta data & supposita, apparere oportuit, in Triangulo QXA, ex latere QX, & AX (quod habetur Quadrato lateris EX, ablato ex Quadrato lateris AE) inventus angulus QAX subtrahatur angulo EAX, & habebitur angulus EAQ, distantia azimuthalis Cometæ in Horizontis puncto C, a verticali Solis in B.

Atque ex hujus sive æqualitate cum differentia Azimuthali, per observationem acquisita, sive differentia ab eadem, judicium *Autori* instituitur de sede Cometæ.

Indicat enim differentia	{ æqualis }	{ Soli æquidistantem.
Azimuthalis, circuli ver-	{ minor }	{ ang. EAQ, }
ticalis per Solem ducti,	{ major }	{ Cometam }
& Cometæ		{ Sole { superiorem.
		{ inferiorem.

Cum ergo *Autori* differentia Azimuthalis ex Probl. III & IV deducta, 52 minutis minor sit angulo dicto:

Jam in Probl. VI ex prius datis, distantiam Cometæ (missis, ob ingen-

ingentem ejusdem distantiam a Terra, circa parallaxin altitudinis, aliaque, scrupulis) ita determinat:

Sit in Schemate II A Terræ globus, pro puncto usurpatus, B Sol in reperta & calculata profunditate, C Cometa, AD Semidiameter orbis Solis in loco novo ab Apogæo, DB arcus profunditatis Solis, sub Horizontis plano vel circulo. Assumatur AD, uti radius, 100000; AF, DB, FB, uti prius; & huic parallela & æqualis demittatur AY, perque eas agatur planum AYBF. Quoniam vero ducta linea a centro Solis ad extremum axem Cometæ visum in M, ab eodem plano divergere debuit per angulum AYH, in præmissis Probl. NBL vel EBQ: fiat planum HYL, inclinatum super plano AYBF, per angulum AYH, quorum planorum inclinatio sive divergentia in horizontali plano ac circulo mensuretur per arcum horizontis DG, cujus angulus sit DAG, respondens angulo præmissæ figuræ EAQ vel DAC; ubi apparere debuit Cometa, si per eandem cum Sole distantiam incederet, ut redigeretur in recta linea BM. Sed quia visus est in acutiori angulo differentie azimuthalis a Sole, hic representetur per angulum IAC: hoc enim modo servabitur angulus inclinationis axis Cometice caudæ, nempe CM, in eodem plano sive inclinatione AYH, pro ut etiam angulus visus seu observatus IAC.

Excitetur jam super plano horizontali ZAP, sub angulo A (cujus mensura est in Fig. I arcus DG) & ad easdem partes, perpendicularibus RF, TS, producat secans AT anguli altitudinis visæ caudæ, usque ad visum apicem in M.

Capiatur dati arcus DG, ubi Cometa apparere debuit in eadem cum Sole distantia, tangens, & transferatur ad C, distantiam competentem angulo IAC: & fiat, ut anguli IAC tangens, ad tangentem dati arcus DG; ita radius AG, ad AC, Cometæ distantiam a Terra, in partibus, quarum semidiameter orbis annui est 100000.

Reliquis deinde Problematibus, Magnitudinem Cometæ veram, Caudæ vergentiam, longitudinem, distantiam extremi apicis a Terra, ex Fig. II; apparentem motum, inclinationem orbitæ & nodos, Perigæum, hypothesein Astronomicam itineris Cometici, per peculiaris Schemata deducit & explicat.

In alterius partis Meditatione Ima, Veterum Pythagoræorum,

a nonnullis hodie interpolatam sententiam, de æternitate, certòque reditu Cometarum, cum ad necessaria hypotheseos geometricæ con-nexa, tum ad Cometarum, hujus præcipue, apparentias ita exami-nat, ut eam geometricis, physicis, opticisque argumentis labefactari, impossibilemque adeo Cl. D. Gallet Avenionensis, in Observa-tionibus hujus Cometæ ad se missis futuros Cometarum reditus, loca & tempora prædicendi rationem promittentis, ausum affir-met.

Illa, transit ad Sectam alteram, Generationisque Come-tarum modum verbis Hippocratis l. i. de dicta, sect. 6. n. 7. effert: *Ge-nerari idem est quod committeri; perire corrumpique, ac minui, idem, quod fecerit.* Quæ ratione admissa, cælorum corruptionem ex hypothesi hac metuentibus succurri posse pronunciat.

Trajectorium Cometis motum, per convexam ad nos qualem-cunque lineam, Med. IIIta describit; impulsu vero, motusque cæ-teras vices, moli Cometæ, turbinationi & facultati Solis, ætheris ra-rioris interventui, Planetarumque radiationibus tribuit; Cometæ præcipue præsentis, ante Solem m. Novembri, dein post eundem conspicui (adeoque pro uno ab *Ipso* recensiti) Phenomena scite ad-modum ex causis allegatis deducit; ut & Med. IVta, immutatam cau-dæ longitudinem, observatamque ejus a centrali Solis directione de-viationem. Vta, duas Stellæ, unam d. 4. Febr. in Triangulo, cum long. gr. 7. 28 8, lat. borea gr. 18. 32, magnitudinis quintæ; alteram d. 22 Jan. in Andromedæ femore australi, quartæ magnitudinis, long. gr. 3. 10 8, lat. bor. gr. 29 fere observatas sibi, novas, ex collatione cum Ca-talogis Fixarum, in hanc diem extantibus, statuit. Ultimo denique significationem malorum, Cometis alias tributam, præcipue huic, abjudicat: subnexisque ad Cl. Maliabechium literis, curvaturæ Cau-dæ Cometice in Austrum, Lovanii perpetuo observatæ, causam non incoacinne reddit.

Cæterum circa ea, que distantius Cometarum definiendis retuli-mus, B. L. notare velimus: calculi capita ab Autore recensita, capropter a nobis omissa, quod Problematum horum usum generalius constitu-tum fuerit ostendere. Cum vero Cl. Autor eadem adduxerit, ut si quis calculandi error irrepperit, facilius ab Astronomis deprehendi posset,

CUM

cum sibi technas obtrudere animus non fuerit: *fraudi credo apud V. Doctissimum nobis non erit, indicasse, quæ calculum Ejus repetentibus diversa fuerint comperta.*

Et in Probl. quidem II do, non ipse angulus NLG, sed ejus complementum ad maximam Solis declinationem, i. e. arcus OF, a quadrante BF videbatur subtrahendus: ex quo arcum BO 36; GI, Latitudinem Comete, 41 minutis majorem; CBG vero, seu longitudinem, uno minuto minorem nasci sumus. In Illio, arcus ED nobis est gr. 11.12; & inde in Probl. IV to, ED gr. 19.22, correctisque reliquis, amplitudo occidua circuli verticalis per centrum Solis ducti, gr. 20.10.

In Vto porro, latius EN, factu, ut Sinus totus, ad AE; ita Tangens anguli NAE, ad latius EN, emerfit 90865; quod Autori (procul dubio loco Tangentis Sinum usurpanti) saltem est 66527. Hinc calculo quatenus oportebat correcto, angulus hujus probl. EAQ nobis non integro minuto minor eo, qui est ex subtracta, Cometa Probl. III, a Solis, Probl. IV reperta amplitudine, Cometam paulo infra Solem, vicinissimum tamen (quippe vix 15, gr. ab ipso distantem) constituit.

Ex quo Dn. Kavina, aliisque etiam, cum Ipso unum Cometam ex matutino vespertinoque facientibus, tanto fidencius jam decernendum fortassis fuerit, de Cometa in vicinia Solis, ab instituto cursu in viam diversam tam violenter abrepto: ut mutatio adeo insignis, inclinationis orbitæ non gratis facta asseratur.

Nobis certe hæc una causa fuit, adnotandum, quæ in calculo Autoris animadvertimus; dissimulaturis cateroquin, quantumcumq; etiam Clmum hunc Virum labi contigisset: cum id laudis nihil, aut egregie Ejus cogitatis detracturum, aut Nobis comparaturum fuisset: facili utique & calculi lapsu, & erroris deprehensione.

Non alienum autem duximus coronidis loco annectere, quæ benevole ex Angliâ submissa sunt,

COMETÆ ANNI 1680 & 1681 LOCA EX
Observationibus Grenovici prope Londinum
habitis deducta,
 per JOHANNEM FLAMSTEDIUM,
 Astronomum Regium.

Tem-

	Tempora		Longit.		Latit.		Caudæ	
	post mer.	HL	Cometæ	S. o. /.	Boreæ	o. /.	Deflex.	o. /.
Dec. 12	4.	46	♄ 6. 33	8. 26	0. 49	Au.		
21	6.	32	♄ 5. 8	21. 45				
24	6.	12	♄ 18. 49	25. 23				
26	5.	14	♄ 28. 24	27. 1				
29	7.	55	♄ 13. 12	28. 10	5. 9.			
30	8.	2	♄ 17. 37	28. 11	5. 57.			
Jan. 5.	5.	51	♄ 8. 49	26. 15	6. 28.			
9	6.	49	♄ 18. 43	24. 13				
10	5.	54	♄ 20. 41	23. 44				
13	6.	56	♄ 25. 59	22. 17				
25	7.	44	♄ 9. 36	17. 57				
30	8.	7	♄ 13. 19½	16. 41				
Feb. 2	6.	20	♄ 15. 14	16. 2				
5	6.	50	♄ 17. 0	15. 27				

Cometæ loca ab ejus a Fixis distantis, Sexrante Telescopio, pedum fere septem radio, captis fuere derivata a meipso, adhibitis etiam ad hoc negotium Fixarum locis, e propriis Observationibus deductis; Tychonica siquidem tria, quatuor & nonnunquam quinque integra scrupula prima a veritate abesse comperi.

**JO. CHRISTOPHORI RUMETSCHII, SCHE-
diasma Historico-Theologicum de Conjecturis
Ultimi Temporis.**

Francofurti ad Mœnum 1681. in 8.

INter alia hic Autor post institutum brevem Discursum de Judæorum vel Conversione vel in terram Canaan reductione, sub examē revocat falsas Hypotheses Scriptoris Anonymi, cui per Gallicum Anagrammatismum, HABITE EN SION, nomen suum occultare placuit, in *Judæorum Excitabulo Marutino*, sive *Judæo Reduce* (nam ita inscripserat Librum) sparsas. Quia vero Anonymus iste nihil aliud præstitit, quam ut *Judæorum*, *Chiliasarum*, *Origenistarum*, *Weigelianorum*, *Photinianorum*, *Mubammedanorum*, *Fratrū Rosæ Crucis* & cassanias novo quodam interpolari mangonio, hinc & Rumetschio satis visum, fontes saltem, unde sua paradoxa hausit Anonymus, indicare, & ad scripta sive Veterum sive Recentium Scriptorum provocare, ubi jamdudum sunt proscripta omnia ista ex Orco revocata Principia, quæ si indicata solum fuerint, pro impiis rejiciantur.

ACTA ERUDITORUM

publicata Lipsiæ

Calendis Junii, Anno M DC LXXXII.

MARCI VELSERI

Reipubl. Augustanæ quondam Duumviri, Opera Historica & Philologica, sacra & profana:

Accurante

CHRISTOPHORO ARNOLDI.

Noribergæ, 1682. in fol.

UTI non uno nomine literatum, orbem obstrictum sibi dudum habet vir clarissimus *Christophorus Arnoldus*: ita in nova hac Operum Marci Velsæri editione denuo meritis de eodem est præclare. Quotusquisque enim Eruditorum est, qui non optime consultum putet, rei literariæ, recusis ac publico velut redonatis egregiis Velsæri monumentis, quæ longo jam tempore nullo pretio potuerunt comparari, ac legi tamen ac pervolvi diligenter ab omnibus omnino merebantur? Non fert instituti ratio, ut in laudationes clarorum virorum excurramus: ast sic tamen nobiscum omnes sentient, quibus Velsæri commentarios inspicere contigit, ut fuit vir in omni vita literarum amantissimus, ac in ornandis iis promovendisque incredibili studio, ita Boicas præcipue Antiquitates neminem eo certius eruisse, aut illustrasse rectius; quem proinde ducem sequi, spretis *Aventini* commentis, qui Bavaricæ post illum Historiæ manum admovent, *Brunnerus*, *Raderus*, *Adlzreuter*, *Rettenpacher*, nulli dubitarunt.

Præmittitur autem novæ huic Operum illius editioni Præfatio Arnoldi, qua instituti sui clarissimis viris, *Joachimo Camerario*, *Nicolao Heinso*, *Constantino Hugenio Zulichemio*, *Fr. Ben. Carpzovio*, *Antonio Magliabechio*, *Frid. Spanhemio*, *Jac. Gronovio*, *Henr. Meibomio*,
T
Henr.

Henr. Guntb. Thulemaro dudum probati, ac ab iisdem liberali opera-
promoti, rationem reddit; doctorum simul virorum de singulis Velfe-
ri libris iudicia encomiaque exhibet; & postremo temere ac inexplor-
rate a nonnullis librum; Italico primum idiomate editum; post in
Latinam quoque linguam translatum, *Squirinio della Liberta Veneta*,
Scrutinium libertatis Venetæ, quo Venetæ Respublicæ libertas oppu-
gnatur, a *Theod. Grassevinckelio* & *Raph. de Turri* contra peculiaribus
Scriptis asserta, Velfero nostro adscribi monet. Præfationem *Vita*,
Genus & mors Marci Velferi anno 1558 nati, anno 1614 vero denati, per
eundem *Christophorum Arnoldum descripta* excipit, qua & lectu digna
alia, præcipue de Ferdinandi Archi Ducis Austriæ cum Philippina Vel-
fera conjugio, ac Venezuela Americæ Orientalis provincia, a Velferis
Caroli V. Imperatoris permissu multis annis possessa, continentur: &
Velferi nostri illustre genus, quod a Belisariis & sexto post orbem re-
demptum seculo derivatur; familiæ illustres cognatæ ac affines; insi-
gnia Gentis; Majorum res pace belloque gestæ, & quibus fulserunt, cum
Ecclesiasticæ, tum Politicæ Dignitates; ipsius Velferi studia, honores,
amici, libri nomini illius inscripti, vel auspiciis etiam ac ope ejus editi,
similiaque fuscè pariter ac doctè enarrantur; Subjectis insimul Elogiis,
quibus Velferi funus ac memoriæ Clarissimi per Europam viri jam
olim profecuti sunt. Adeo Velfero, etsi serius quam par erat, obti-
git tamen felicitas eadem, quæ diu ante amicissimis ejus coætaneis
Peirescio ac *Pinello*, quorum illum Gallia, hunc Italia, perinde ac Velfe-
rum Germania, ingentia inter decora sua numerat, ut virtutum sua-
rum ac in bonas literas meritorum præconem nancisceretur laudatum
virum, nec magis *Velferum Arnoldi*, quam *Gassendi Peirescium*, vel *Pi-
nellum Gvaldi* pudere unquam possit.

Ipsa Velferi opera hoc ordine exhibentur.

- I. *Rerum Boicarum libri quinque*, Historiam a gentis origine ad Ca-
rolum M. complexi, & Augustæ Vindelicorum primum anno
1602 editi.
- II. *Rerum Augustanarum Vindelicarum libri octo*, Venetiis quondam
anno 1594 excusi; quibus a prima Rhætorum ac Vindelicorum
origine ad annum usque 552 a nato Christo, nobilissimæ gentis
Historia & Antiquitates traduntur, ac antiqua Monumenta,
tam quæ Augustæ, quam quæ in agro Augustano, quin & quæ
alibi

alibi extant ad res Augustanas spectantia, æri incisa & notis illustrata exhibentur.

- III. Opuscula nonnulla diversorum Auctorum a Velfero e tenebris in lucem eruta, & magnam partem Commentariis illustrata. Scilicet *Converso & Passio S. S. Martyrum, Asra, Hilaria, Digna, Eunomia, Eutropia, quæ Augusta Vindelicorum passa sunt: Vita S. Udalrici Augustanorum Vindelicorum Episcopi: Vita S. Severini ab Eugippio descripta: Narratio eorum, quæ contigerunt Apollonio Tyrio.*
- IV. *Fragmenta Tabulae Antiquæ Itinerariæ, a metatore quodam, ut videtur, olim delineata, sed magni in Geographia usus, a Celte primum in quadam Bibliotheca reperta, post ad Conradum Peutingerum delata, ex Peutingerorum Bibliotheca a Velfero cum erudita Præfatione edita, & commentariis illustrata.*
- V. *Marci Velferi Epistola Latine & Italica ad viros Illustræ, Josephum Scaligerum, Justum Lipsium, Robertum Titium, & alios, quæ nunc primum prodeunt.*

Denique Velferianis monumentis visum Editori fuit *Sauli Merceri Virgilium Proteum* ab Hentico Meibomio quondam Marco Velfero dicatum, nec non *Publii Optatiani Porphyrii Panegyricum Constantino Augusto dictum*, cum Spicilegio notarum clarissimi Daumii subjungere.

JOH. CASPARI SVICERI,
Canonici & SS. Linguæ Professoris Tigurini, THESAURUS ECCLESIASTICUS ex Patribus Græcis ordine
Alphabetico concinnatus.

Amstelodami Anno 1682 in fol.

Singulari quadam illecebra, & bene de Ecclesia morendi cupidine, ad Linguæ Græcæ studium, in primis vero ad Antiquitatis Ecclesiasticæ Scriptorum, quos Patres vulgo appellamus, lectionem raptus Autor doctissimus, in eo maxime a primis statim Professionis suæ annis sibi semper existimavit elaborandum, ut nulla extarent Ecclesiæ Luminum, vel etiam aliorum Scripta Græca, quæ non sedula volveret manu & ætiosum monumentum inde excerpta in suas conjiceret chartas. In

Y 2

hoc

hoc proposito cum obnixè annorum plus viginti indefesso studio & continuis pergeret laboribus, id est consecutus, ut eum, quem hic exhibemus, collegerit, ac ordine alphabetico concinnarit *Theſaurum Eccleſiaſticum*. Quale ſcriptionis genus a multis hætenus fruſtra expectum fuerat. In hoc enim Theſauro omni auro pretioſiore, non tantum voces ac loquendi modi apud Patres quidem Græcos obuii, ſed a Lexicographis vel prorsus omiſſi vel jejune ſatis tractati, verum etiam varii veterum ritus, atque dogmata Orthodoxorum æque ac Heterodoxorum apparent. Multis in locis Heterodoxorum & Hæreticorum nugæ & impiæ ſententiæ ex ipſis reſutantur Patribus orthodoxis. Loca Scripturæ, quavis oblata occasione, ex Antiquitate illa ſancta exponuntur. Summa, vix quidquam apud Patres Græcos occurrit notum dignum, quod non ex eruditiffimis temporum noſtrorum Scripturibus explicetur. Ut autem Lector memoriæ habeat ſubſidia, neceſſarii, ſi que copioſiſſimi adjiciuntur Indices. *Unus* Autorum, ex quibus hic Theſaurus eſt collectus, addito loco & anno impreſſionis: *Alter* Locorum Scripturæ hic explicatorum: *Tertius* Rerum ac Verborum, in toto Theſauro occurrentium. Cæterum uti hoc ad Cleanthis lucernam elaborato opere immortalẽ ſibi famam Autor antehac ex ſcripto non uno Clariffimus conciliavit, ita ſane multum lucis bonis Literis ſcenerabitur, ſi quod promiſit in præfatione, ac eruditus orbis nunc avide expectat, cum *Lexico Græco minori*, quod ſub prelo ſudat, alterum etiam *Lexicon Græcum Majus*, quod immenſo fere labore collectum, & methodo naturali diſpoſitum, omnes omnino voces exhibebit Græcas, additis ubique exemplis & variis ſignificationibus diſtincte propoſitis, idque in duos in folio tomos diſtributum, publicæ luci propediem donaverit.

CAROLI RENALDINI

*Operum Philoſophicorum Tomus primus, Rationalem
Philoſophiam complectens, in Dialecticam, Rhetoricam, &
Poeticam diſtributam.*

Patavii, 1681 in fol.

Integro equidem operẽ Philoſophiam tripartitam, *Rationalem, Naturalem*, atque *Moralem* tradere; præſertim *Phyſica* ex accuratis naturalium

lum effectuum observationibus deducere, & ubi rei natura illud fert, Geometricè demonstrare instituit Autor, edita antehac Mathematicum Arte Analytica clarissimus: hoc primo tamen Volumine non nisi partem Philosophiæ primam nobis exhibuit, Dissertationibus Dialecticis, Rhetoricis, atque Poeticis ita comprehensam, ut videatur alicujus in Aristotelis Organon, in Rhetoricorum, & de Poetica libros Commentarii vicem præstare posse.

Ac ipsis quidem Dissertationibus *Præfatio* luculenta in universam Philosophiam præmittitur, de nomine, dignitate, partitione, ortu & incremento Philosophiæ, de variis olim Philosophorum sectis, diversisque etiamnum Philosophandi rationibus. Sic enim in contemplatione rerum versari observat nonnullos, ut alicujus autoritate contenti curam omnem in verbis perpendendis & interpretandis ponant, nihil frequentius, quam Pythagoricum illud, *Ipse dixit*, usurpantes: Alios sibi arrogantes nimium, nullo prorsus duce, audere sese contemplationum oceano committere: In ea rursus quosdam esse sententia, ac si, constituta hypothesei qualicunque, naturæ penitiores recessus exploraverint, modo Phænomena decretis hypotheseos ad amissim respondere demonstrent: Alios vero inquisitionem principiorum, rerum, præsertim naturalium, indagini substruere, & ex his vel naturæ lumine perceptis, vel experimentorum usu comprobatis distinctam effectuum notitiam adipisci. Quam postremam viam Autor quoque hoc in Cursu terendam sibi duxit ipse, prioribus damnatis & relictis. *Præfationem* inauguralis *Oratio* de Rationalis Philosophiæ laudibus excipit, & hanc aliqua de Dialectica cæterarum Facultatum janua *Prolusio*.

Dissertationes ipsæ *Dialecticæ*, triginta quidem numero, quarum quælibet diversis sectionibus constat, de rebus Logicis, quandoque & Metaphysicis, agunt, ordine ad libros Stagiritæ in Organo comprehensos respiciente. *Rhetoricarum* dissertationum prima naturam Rhetorices considerat: cæteræ de inventione, de probationibus, locis Rhetoricis, dispositione, elocutione, causarum generibus, affectibus animi, & amplificatione loquuntur. In *Poeticis*, quo & hujus artis natura plenius intelligatur, primo loco Poeticæ, Poetæ, Poeseos item, & Poematis nomina evolvit; tum de metro, & imitatione (Autorum) ejusque vitii, de causis Poeseos effectricibus, & furore Poetico: hinc de fitione Poetica, de fabula, de ejus adeoque & poematis ordine, magnitudine, & aliis

proprietatibus, de moribus, & de dictione differit. Postrema dissertationum in divisione poematum, in poesi Dramatica, Tragœdia, Comœdia, Epopœia; in Carmine Bucolico, Satyricoromano, Elegiaco; in Epigrammate, Epitaphio, & Elegio explicandis occupatur. Cui rerum tandem & verborum, quæ primo tomo continentur, copiosum indicem subjungit.

*SEXTI POMPEII FESTI ET MARCI
Verrii Flacci de verborum significatione Libri XX,*

in usum Serenissimi Delphini Notis & emendationibus illustrati ab

ANDREA DACERIO.

Parisi. 1681 in 4.

Complures Latinos Autores veteres, ad veram solidamque doctrinam Serenissimo Galliarum Principi Delphino instillandam, clarissimi literis in isto regno florentissimo Viri hæcenus jussu illustrissimi Caroli Sanctæ-Maurii Montauzerii Ducis, Franciæ Paris, ediderunt. Is enim ad opus principalium studiorum bona fide promovendum a Rege Christianissimo adscitus, primam suam esse voluit curam, ut in humanioribus literis digna tanto alumno contingeret institutio. In ea autem principem locum tenere Veterum Autorum lectionem intelligens, istam ut tanto faciliorem Principi suo redderet, novam eorum omnium editionem adornari voluit: in qua amoris omnibus discendi molestiis, relictis, etiam inutilibus & superfluis commentationibus, nihil admodum superesset, nisi quod Principem ad lectionem eorum invitaret, eamque perspicuam ac planam redderet. Edidit igitur has omnes ita a doctis Viris, quibus id munus delegaverat, sapientissimus Regis Juventutis Moderator adornari voluit, ut quatuor partibus bene constitutis priores vulgatas editiones longe antecellerent suæ: textum nempe Autoris ad optimos Codices emendato recteque constituto; interpretatione ejus perspicua & continua paraphrasi apposita; annotationibus brevibus & necessariis adjectis; ac indice omnium vocabulorum annexo, qui ad quævis loca reperienda viam commonstret. Ad has adornandas selectos ex omni genere & ordine viros literatos, propositis præmiis amplissimis, regia munificentia invitavit Illustrissimus Dux, operam præclaram conferente PETRO DANIELE HUETIO.

cui

enī in regendis Delphini studiis cum Jac. Benigno Bossueto secundæ sunt partes, & quem Interpretum omnium Commentatorumque verum dicere possis Oraculum; quod consulant, si quibus in mandato hoc opere hæere cōtingeret, quodque solvat dignos vindice nodos. Prodierunt ad hanc normam exacti, diverso successu, elegantissimis typis mundissimæ chartæ impressi plerique veteres Scriptores Latini: sed cum ii, qui de lingua Latina ejusque differentiis ac proprietatibus verborumque significationibus monumenta reliquerant, minus ex-culti essent, eos quoque nitoris istius expertes amplius haud relinquēdos statuit *Andreas Dacerius*, ac proinde Verrii Flacci, Festique Pompeji libri curas suas impendit. Nimirum scripserat M. VERRIUS FLACCUS nobilissimus sub Augusto Imperatore Grammaticus, de verborum significatione libros, quos in epitomen redegit, præteritis intermorruiis & sepultis a Flacco explicatis verbis, SEXTUS POMPEJUS FESTUS, posteriorum temporum autor, quem sub Imperatoribus Christianis vixisse verisimile est. Fatum vero quod experti sunt plerique Scriptores ab aliis in epitomas redacti, Verrium quoque Flaccum exceperit; nempe ut receptis retentisque hujusmodi breviculis, ipsi integri Autorum libri tandem perirent, vix bene superstitionibus epitomis. Sane cum idem Festus ex ejusdem Flacci libris & aliunde con-gesserit alterum volumen *priscorum verborum cum exemplis*; præter- memoriam ejus Libro XIV in voce *profanum* ab ipso relictam, hodie nil superest. Ipsi etiam de verborum significatione libri mutili ad nos venerunt, culpa PAULI DIACONI, qui magnam a posteritate se initurum gratiam existimans, si Sexto Pompejo faceret quod is Verrio fecisset Flacco, inepto studio Sexti Pompeji Festi de verborum signifi-catione libros fœde mutilavit, excerptis prout ipsi videbatur voculis, truncumque cadaver pro integro corpore nobis reliquit. Unius tamen tantæ cladi superstitis libri, sed deturpati, ad præstantes eruditione vi-ros, Pomponium Latum, Manilium Rallum, Angelum Politianum, Aldum Manutium, & Antonium Augustinum delati beneficio, vita- quasi Festo reddita est. Nam postremus hic ab Achille Maffeo, Bernhardini Cardinalis fratre, Festi codicem nactus eo locupletiore, qui ad Aldum Manutium pervenerat, quemque is cum Pauli epitome conjunxerat, gemino opere in unum conflato; accurate notato discrimine, quæ Festi & quæ Pauli essent, lectores monuit, cumque Fragmentis

tis quæ e Bibliotheca Farnesii Cardinalis nactus fuerat, & Commentariis eruditis in publicum emisit. Post eum Josephus Scaliger, & hunc secutus Fulvius Ursinus diligentissimam operam Festo præstiterunt, emendatiorēque eum dederunt: ita tamen, ut multa intacta posterorum industriæ emendanda & restituenda reliquerint. Igitur ANDREAS DACERIVS auspiciis Illustrissimi Montauserii Ducis Scriptorem hunc illustrare aggressus, infinitas ex isto mendas a prioribus editoribus relictas sustulit, miras verborum trajectiones detexit, multa supplevit, nonnulla in prioribus editionibus prætermissa addidit, varias Lectiones annotavit, sed eas saltem, quæ alicujus essent momenti, eruditus denique notis universum Opus illustravit: adeo ut divites antiquitatis Romanæ thesauros & vera totius eloquentiæ fundamenta, Serenissimo Delphino detexisse censendus sit. Nequaquam enim putandum, studium hoc circa verborum veras significationes ingenia saltem humilia occupare, quod altissimam exercere eruditionem & scientiam potest: siquidem, dicente Fabio, non obstant per eas cunctibus, sed in iis hærentibus hæ artes Grammaticorum.

ANTIQUITATES ECCLESIE ORIENTALIS, Clarissimorum virorum, Card. Barberini, L. Allatii, Luc. Holstenii, Joh. Morini, Abr. Ecchellensis, Nic. Peirescii, Petria Valle, Thom. Comberi, Joh. Buxtorffii, J. H. Hottingeri &c. Dissertationibus Epistolicis enucleata. Quibus præfixa est Joh. Morini Congr. orat. Paris. PP. vita.

Londini 1682 in 12.

Quod clarorum virorum epistolæ ac vitæ multum lucis rei literariæ adferant, novo exemplo nuper docuit Autor, qui *Jobannia Morini* vitam & Epistolas, inter P. Ameloti libros, post ejus obitum repperitas, publicavit. Nam ex illis cognosci potest, quo animi consilio vir ille doctissimus, non solum *Pentateuchum Samaritanum*, & *Exercitationes* in illum ediderit; sed & cur, antequam hunc publicaret, *LXX. virilem versionem* codicis S. *Gracæ* cum nova præfatione, & postea alia opuscula evulgaverit. Nempe erat Morino ingenium excitatum & glo-

& gloriæ cupidum: quod ut deserta prius Religione Reformatâ, adprobaret Ecclesiâ Romanâ, ejusque capiti R. Papæ, librum primo de *Patriarcharum & Primatum origine & antiqua censurarum in clerico praxi*, composuit, in quo Pontificis R. regimen monarchicum adstruere laboravit. Sed cum hujus operis minus accurate scripti ipsum mox pœnicuisset, opus molitus est novum edendo *Pentateuchum Hebræo-Samaritanum*, cujus Manuscriptum Parisiis e bibliotheca Societatis suæ acceperat. Autor ejus instituti ipsi fuit Cardinalis Berullus, Congregationis Oratorii Parisiensis dictæ patronus: quod Petrus a Valle, qui annos duodecim in Oriente vixerat, communicato ipsi novo manuscripto Samaritano, adjuvit. Inde Morinus postea *Exercitationes in Pentateuchum Samaritanum* conficere cœpit, & nactus ex Angliâ novos codices Samaritanos, etiam *varias lectiones*, sub nomine *opusculorum Hebræo-Samaritanorum* Parisiis seorsim edi curavit. Scopus Morini in hoc opere fuit præcipuus, *authenticam* & authoritatem codici Hebræo S. detrudere, & contra Protestantium doctrinam, ejus versionum, in primis *Vulgate*, autoritatem extollere. Quemadmodum ipse in Epistola ad Cardinalem Barberinum fatetur, *Vulgatam editionem fontibus Ebraicis multo puriorem ac limpidiorem fluere*. Videtur tamen postea sui oblitus esse, cum Ludovici Capelli Criticam S. Cardinali Barberino commendans, vulgatam versionem corruptam esse Bellarmini & Baronii testimonio comprobat. Antagonistæ, quos ob novi Pentateuchi sui Samaritani consecrationem habuit, in vita & Epistolis ipsius memoratis vel allegantur vel notantur, ut Simeon de Muis liter. Ebr. apud Parisinos Prof. Reg. Taylorus & Bootius, Anglus ille, hic Batavus, Joh. Heinrichus Hottingerus & Johannes Buxtorfius, ad quem Epistolam in hoc libro LXX scripsit prolixam, probaturus *Puncta vocalia apud Judæos recentia esse*. Inter Epistolas hæc collectas, curiosiores sunt I & II, quarum *illa* est Synagogæ Samaritanorum, quæ est in urbe Sichem seu Napolous ad Cl. Vir. Josephum Scaligerum, interprete Morino, quæ fidem ritusque suos exponunt, & qua in re a Judæis discrepent, simul declarant: *Hæc* est Samaritanorum in Ægypto commorantium ad eundem Jos. Scaligerum de eodem argumento. Continet & cæteræ res ad historiam versionum Biblicarum, rituum sacrorum, & chronologiam Muhamedanorum pertinentes, non vulgares, quæ ut excrībantur hic, ratio nostri instituti vetat.

D. MATTHIÆ ZIMMERMANNI,

*Pastoris & Superintend. Misenensis**De Presbyteris Veteris Ecclesiæ**Commentariolus.*

Annæbergæ. A. C. 1681 in 4to.

Cum quadriennio abhinc Cl. Zieglerus eruditum suum de Diaconis & Diaconissis Veteris Ecclesiæ Commentarium edidisset, amica quadam æmulatione accensus Commentarioli hujus Autor, Presbyteras in theatrum orbis Literati producere animum induxit. Eo igitur consilio, quales Presbyteras Ecclesiæ Primitiva habuerit, quæ ministeria obierint, an & quomodo ad functiones suas initiatæ fuerint, quando & quamobrem abrogatæ fuerint, nec non quid discriminis Presbyteras inter & Diaconissas (quas ab *Holstenio in Dissert. 1. de locis quibusdam Concilii Niceni*, *Valesianis ad Theodoretum Annotationibus* & observationibus subjuncta, perperam confundi probat) extiterit, disquirat. Quod dum facit, Scripturæ loca, Patrum dicta, & Canones Ecclesiasticos, in quibus *Πρεσβυτέραι* mentio fit, variorum Autorum, & imprimis *Christiani Lupi*, qui e suis ad Tertullianum de Præscriptionibus Scholiis haud pauca contribuit, observationibus illustrat, Presbyterarum occasione etiam ad Presbyteros digrediens, & quæ de illorum nomine, dignitate, ordinatione, ætate, numero, officio, sportulis, conjugio, & de variis eorundem generibus passim notata reperit, exponens. Antequam autem ad Presbyteras accedit, nonnulla de fœmineo sexu in genere præfatur, & in fine dissertationis de *Jesuitissis* per Urbani VIII Bullam extinctis, nec non de Beguinarum secta, & variis Fœminarum Ordinibus aliqua subnectit.

CONAMEN NOVI SYSTEMATIS


Cometarum,

adornatum a

Jacobo Bernoulli, Basileensi.

Amstelodami 1682 in 8.

Spe-



Speciosa de *Æternitate Cometarum* Hypothesi, non vulgaribus hastenus versata ingeniiis, *Autor* edito hoc scripto Systema adornavit: quo vago Cometarum motui leges præscriberentur, eorumque apparitiones non secus ac Luminarium Eclipses possent prædici. Paucis itaque de *Ortu & Motu*, quem circulem putat, Cometarum præmissis; *Locum* ipsis, spatium intra fixas & Saturnum, 5000 & amplius Semidiametris Orbis Magni (quod ex Parallaxi Orbis annui Fixarum *Hooekiana* deducit) extensum, assignat.

Supposito deinde, cum *Cartesio*, Deum in plurimos Vortices Universum hoc divisisse, in centro uniuscujusque Fixa collocata, quam circa totus Vortex gyretur: Vorticis nostri Fixam facit Solem; & propterea *Solarem* nuncupat, in plures orbes sive concamerationes, pro domicilio Planetarum, subdivisum.

Porro, juxta *Schema* I, & II, circa Solem A, primo Mercurii, de- Tab. X.
in Veneris, Telluris, Martis, Jovis & Saturni Orbes, extimumque Co- Fig. 1. & 2.
metarum, FG ordinat: & ex hujus puncto F, pluribus peripheriis concentricis RH, XN, OP descriptis, unicuique harum peculiarem Cometam inserit, totamque peripheriarum compagem, *Cometarum Vorticem* appellat.

Ex hoc duplicem Cometis motum, quo partim in proprio Vortice, circa punctum E; partim una cum F, a Vortice Solari (quod & Solaris Vorticis pars sit *Cometarum Vortex*, & citra hoc nullus eorum motu proprio semicirculum conficere queat) circa Solem A rorentur, exemplo satellitum Jovis tribuit: Cometæque adeo, Planetas secundarios puncti F, a primario quodam, sed ob corporis cum exiguitatem, tum immanem distantiam inconspicuo, haud dubie occupati, pronunciat, Orbitas ulterius Comericas, nec in eodem cum Ecliptica plano, nec æqualiter omnes ad eam inclinatas; nec oculum nostrum necessario implicantes; alias etiam in ortum, in occasum alias rotatiles; centrum vero earum F, vel in, vel prope planum Æquatoris, Eclipticæve statuit.

Cauda Cometarum producendæ, Solem tanquam ignem, circumfusos Planetas perpetuo coquere concipit: unde nunquam non magna exhalationum copia, e Planetis ipsoque Sole, Fig. I.
Fig. I. egressa, motu Vorticis Solaris ad circumferentiam ejusdem undiquaque propellatur, ibique a renitentia superiorum Vorticum BDE ulterius progredi prohibita,

hibita, affluente subinde nova materia, paulatim condenſetur. Hanc Planetis ſupra Saturninis (poſt Cometis) per aphelium D incedentibus adherere, auſtamque accellu novarum exhalationum, dum Cometa ad Perigæum deſertur, ſe in modum latæ diſci, omni ex parte circa illum, extendere; ita tamen, ut perpetuo altera diſci planities Soli obſervetur. Ex quo porro rationem reddere nititur, *cur Cauda perpetuo in plagam Soli oppoſitam vergat?* quod videlicet radii Solis non niſi ex citiori diſci parte LC, in eodem plano, cum Sole & oculo noſtro, exiſtente, ad nos in T refleſcantur; reliquis intra C & M, alioſum plane repercuſſis. Porro circa nuperum Cometam, ex conſeſto æquali motu, bino æqualium temporum intervallo, Perigæum medio illo tempore, d. 20 Dec. colligit in 0 gr. 20 min. $\frac{22}{3}$; ſtationem vero obſervallè ſe memorat d. 7 Febr. ſt. veteri, & arcum a Perigæo ad ſtationem 99 gr. 51 min.

Unde ad eruendum Cometæ motum proprium, I. quantum motui apparenti ex (Fig. II.) translatione Telluris ab S in I acceſſerit, id eſt angulum ZFY, inveſtigat, & 1. min. aſſerit. II. Ex collatione Perigæi, Cometæ Anni 1664, d. 20 Dec. in 20 gr. $\frac{11}{2}$ lineam Perigæi FA, adeoque punctum F, ſpacio 16 annorum, evoluto ter Zodiacum, 220 gradibus, 20 min. promotum; ipſamque revolutionem centri orbitæ cometæ, annis 4, diebus 157 fieri colligit. III. conſtructa Tabella motus Perigæi, compertoque, Cometam circa centrum F, intra 50 dies, 1 gr. 17 min. provolutum: Ipſum eundem poſt annos 38, dies 147, in Perigæo ſuo, 1 gr. 12 min. $\frac{22}{3}$, denuo compariturum aſſerit. IV. motum Cometæ diurnum, ex angulis α III, β III &c. Triangulorum AFI, β FI &c. (arcu ſc. UIH, 1 gr. 17 min. pro numero dierum, quos ab V ad H progrediendo Cometa inſumſit, in partes tot æquales diſiſo) datis angulo ad F, latere FI, & ſemidiametris Fa, EG &c. indagari poſſe innuit.

Atque ex hoc Systemate evidentem rationem conſtare vult, Cur Cometæ

1. Plus ſemicirculo nonnunquam perluſtrent.
2. Omnes aut Eclipticam, aut Æquatorem, aut utrumque trajiciant.
3. Circulos hos omniſariis ſecent angulis.
4. Nodum Orbitæ mutant.
5. Oculorum iudicio nec lineam rectam, nec arcum circuli maximi aliquando deſcribant.
6. Alii juxta, alii contra ſeriem ſignorum incedant.

7. Perigæa non in eodem Zodiaci loco fixa habeant.

8. Quantitate motus diurni variant.

9. Alius alio arcus majores motu diurno emetiatur.

10. Caudam in partem a Sole averſam tendant.

Polſe etiam 11. duos tresve aut plures, quamvis rariffime fiat, ſimul apparere: &c.

12. 13. reditus eorum, locumque Perigæi prædici.

Claudius argumentum ſolutio geminæ objectionis, a reditu Cometæ dicto tempore hætenus non obſervato; & ſublata, per talem apocataſtaſin, Cometatam præſtancia imminentium malorum ſignificatione, petita; cum Examine aliquo Hypotheſeos *Hæveliana*.

Ben. Lector: *Dum hac typis exſcribebantur, perſertur ad nos 13tiæ. particula Ephemeridum Gallicarum de 25 Maji hujus anni: in qua habetur, Demonstratio Phyſica falſitatis Systematis Cometicæ Bernoulliani, per Dn. La Montre, Profeſſorem Mathematicæ Regium &c. quam ſubjuncturi hic eramus, niſi diſpoſitis jam ad hunc menſem typis, opera typothetarum turbanda fuiſſent. Interes dum proximus menſis eam Tibi explicet, Ipſi Tibi, quæ de Hypotheſi ſiſtba videbuntur digerenda, ut poſſi cogitatis Clm Montrei conſeras, relinquimus.*

PHARMACOPOEA PERSICA EX IDIOMATE Persico in Latinum converſa.

Lutetiæ Pariſ. 1681 in 8.

Auctori qui Persico olim idiomate librum hunc compoſuit, *Mouzaſſer Elen Moubammed el Hoſſeni* nomen fuit: Eum vero latinitate donavit nuper monachus quidam Ordinis Carmelitarum Diſcalceatorum congregationis S. Eliæ, Miſſionarii munere per 15 annos in Oriente functus, *Fr. Angelus a S. Joſepbo*, Miſſionariis omnibus in Orientem deinceps proſecturis hac opera inprimis conſulturus. Nempe cum Chriſtianum nomen Persis ac Muſammedanis aliis exoſum valde ſit, adeo ut inter decem res immundas ſpeciali lege declaratas (quæ ſunt, urina, ſtercus, ſperma hominis & animalis immundi, ſanguis fluidus, morticinum, vinum, aqua vitæ & omnis potio inebrians, ſus, canis, & infidelis) Chriſtianum quem infidelem vocant, omnium immundorum immundiſſimum, & præcedentium ſordium velut epitomen, cenſeant, ac a Chriſtianis omnibus non minus, ac nos a carnicis, Judæi, aut peſte infecti commercio, abhorreant: dici non po-

est, quam difficilis Missionariis, inexercitatis præcipue necdum linguæ peritis, ad Persas aditus sit, ædes pariter ac corda hominibus in-
 -visis & quos fugere lege jubentur, occludentes. Ast nulla arte, nulla-
 que industria, tum domus Persarum, tum corda, facilius referari pos-
 sunt, quam Medicinæ beneficio: ut facili negotio conciliare sibi Per-
 sarum animos possint, quotquot medica arte excellunt, miseraque gens
 non assuescat tantum paulatim Christianis Medicis, spe valetudinis eo-
 rum ope recuperandæ, aut recuperatæ memoria, sed & aurem ipsis
 præbeat de religione differentibus, imo suis eos Doctoribus ac Sacer-
 dotibus ob eruditionem & pietatem præferat, ac velut thaumaturgos
 veneretur. Tantum ergo Medicinæ in convertendis infidelibus usum
 cum perspexisset monachus noster, antiqui cujusdam Missionarii, *P.
 Matthæi a S. Josepho*, qui summo studio Medicinæ arcana scrutatus
 fuerat, quemque verum *Horti Malabarici*, superioribus annis editi au-
 ctorem ait, exemplo incitatus, juxta Matheseos studium, quod &
 ipsum magno Missionariis esse usui fatetur, Medicinam cum Persicæ
 linguæ exercitio colere atque facere cœpit, idque conatu minime ir-
 rito. Ut autem publico, & inprimis Missionariis aliis magis inservi-
 ret, præsentibus has superius nominati Persæ *Compositiones Pharmaceu-
 ticas*, in Latinum idioma convertit, continentes multa medicamina of-
 ficinalia Orientalibus cum nostris Pharmacopœis communia, quædam
 plane singularia, cuncta vero idiomate Persico æque ac Latino nomi-
 nata, ac secundum ordinem Alphabeti Persici disposita, una cum in-
 dice duplici, pharmaceutico nempe, ac Pathologico seu Therapeuti-
 co potius. Quamvis autem notis selectis singula capita illustrare,
 ut quidem in animo habuerat, Romam ad officium Prælectoris Lin-
 guarum Orientalium in Seminario S. Pancratii vocatus, non potuit,
 Specimen tamen aliquod notarum operi subjunxit, ponderum expli-
 cationem, ac nonnullorum simplicium magis descriptiones egregias
 & accuratas continens.

Non prætermittenda etiam est Fr. Angeli a S. Joseph in præfa-
 tione Pharmacopœæ Persicæ facta (p. 38.) digressio Critica, circa næ-
 vos & errores in versione Persica Sancti Evangelii, qua usus est *Bria-
 nus Waltonus in Bibliis Polyglottis*. In ea enim ostendit Auctor, er-
 rores aliquos ejus versionis a Briano Waltono & Annotationum au-
 ctore Thoma Gravio observatos quidem, alios tamen nimis officiose
 excusatos. Unde ambigit, quis magis reprehendendus sit, an an-
 quis

quus Interpres Persicus Simon Filius Joseph; an Latinus Interpres versionis Persicæ Samuel Clericus; an Compiler ipse Waltonus; an auctor Annotationum Thomas Gravius trium illorum, ut loquitur, advocatus. Etenim Simon idiota haur dubie & incautus, Schismaticorum Orientalium more, vulgarem duntaxat rudiozemque patriæ dialectum callens, in fœdos errores facile lapsus est. Specimina eorum sunt:

1. Spiritum S. *Gi-oun pak*, i.e. animam puram absolute vocat, effingens sensum Matth. 28. *In nomine Patris & Filii, & animæ puræ.* Scipius autem eundem terminum simul cum Arabica voce copulat, videlicet ROUHEL QODOS (p. 39.) Samuel Clericus *Gi-oun* vertit non animam, sed mentem. Waltonus putat, *ioûdûma* mentem puram, & Spiritum S. Gravius annotat, *Gi-oun pak*, purum Persicum Spiritus S. nomen, ab Interprete cum Arabica appellatione Persis familiari *Rouhel gondow* sæpe conjungi (p. 44.) Sed monet Metaphrastes Pharmacopœæ, nec Christianos Orientales (si fortè rusticos excipias) unquam personam Spiritus S. appellare Persice aut Turcice *Gi-oun pak*, sed Arabico nomine *Roub el gondow*, nec Persas Auctores ullos nomen *gi-oun* seu animæ, absolute DEO tribuere, & in Lexico Persico Golii alibique *Gi-oun* reddi animam sensitivam. Hinc non immerito Simonem haberi Schismaticum aut hæreticum circa, Spiritus S. divinitatem (p. 42.)

2. Luc. X. 4. *Schust-gab* baptismum vocat, cum id nomen baptismi locum seu baptisterium significet.

3. Joh. V. *Sicut Pater habet vitam in semetipso; sic exprimit, sicut Pater vitam in persona fermenti sui habet.*

4. Matth. c. 28. Christi mittentis Apostolos verba, *docete, baptizate in nomine Patris*, exprimit: *baptizate* h. e., *agua adhibita idololatræ seu ignicolas facite.* Scilicet non solum Mohammedanis familiaria sunt scommata, quibus Christianos vocant Infideles, Idololatræ aut pyrolatræ, sed & ipsimet Christiani sub jugo Mohammedico ex pusillanimitate, Turcam aut Persam allocuturi, Tu es Musulmannus (Fidelis) inquit, & ego infidelis. Tales ergo appellationes ab hostibus impostæ Christianorum innocentiz, in Interprete Scripturæ ferendæ non sunt. Cum ergo Persica ista versio stylo & idiomate vili obsoletoque, vocibus indignis ac nugatoriis scripta sit, narrat Auctor, Missionarios illam Persarum peritiorum manibus non porrigere, ne aut scandalum aut cachinnos excitent.

GEN.

GENNADIUS DE PRÆDESTINATIONE, LA-

*titate donatus & Commentariis illustratus a Carolo Libertino,
Societatis Jesu Sacerdote.*

Vratislaviæ A. 1681 in 4.

DUæ nimirum hujus Libelli sunt partes. In prima legitur Textus Græcus Gennadii, illius scilicet, qui alias Georgius Scholarius dicitur, altero Gennadio, Presbytero Massiliensi, integri circiter millenarii spatio, cum currente, sæculo XV. Patriarcha Constantinopolitanus fuerit, junior; Et versio latina Caroli Libertini; nulla prorsus mentione facta similis versionis, quam Federicus Morellus antehac adornavit & Parisius edidit A. 1618, adeo ut novo huic Interpreti atque Editori contigisse videatur, quod Philippus Læbbe, Societ. J. Theologus, in descriptione hujus Gennadii, aliis accidisse notat; ab iis nimirum hanc interpretationem atque editionem observatam non fuisse. In secunda verò parte subjiciuntur Notæ Caroli Libertini, scopo Autoris prudenter in omnibus conformatæ. Cum enim ille duplici consilio hunc libellum ediderit, primum quidem, ut contra Athæos, & Epicureos, autoritate Gennadii ejusque rationibus, assereret providentiam divinam; deinde ut scientiam mediam, quam fortum alias Societatis Jesu vocant, antiquioribus Scriptoribus incognitam non fuisse probaret; occupatus fuit non tam circa voces, quam res ipsas, declarans assertiones Gennadii de providentia Dei, easque firman's magis magisque; scientiam vero mediam e textu, imò ex ipso Augustino per excursionem part. 2. p. 33. seqq. deducere annisus, lectur in toto hoc Commentario, etiam apud Nostros, si paucas de prædestinatione sub conditione meriti dictiones, excipias, non indignus.

JO. PICI MIRANDULÆ EPISTOLARUM LIBER, recensitus & illustratus a Christoph. Cellario Smalcaldienfi. Prostat Ciza & Jena, apud Jo. Bielk. Bibliop. Jen. A. 1682 in 8.

Illustris & consummatissimi viri Jo. Pici Mirandulæ epistolas ad ætatis suæ viros clarissimos, scriptas, & Lutetiæ; Venetiis & Basilæ olim non sine mendis recusas, nuperrime recensuit & emendavit clarissimus Vir *Christophorus Cellarius*. Præmisit, singulis epistolis argumenti summam, & plerisque etiam notas breves addidit, ut autores atque testes, ad quos subinde, dubie plerumque & obscure, provocat, non ignorentur. Sub calcem illarum, præter indicem, clarissimorum virorum testimonia, quibus laudes Pici Mirandulæ illustrantur, adjecit.

UN

UNICUM OPTICÆ, CATOPTRICÆ, & Dioptricæ Principium

Autore G. G. L.

H*ypothesis primaria* his scientiis communis, ex qua omnis radiorum lucis directio Geometricè determinatur, hæc constitui potest: *Lumen a puncto radiante ad punctum illustrandum pervenit via omnium facilissima, qua determinanda est primum respectu superficierum planarum, accommodatur vero ad concavas aut ad convexas, considerando earum planas tangentes.* Non tamen hic rationem habeo quarundam irregularitatum, fortasse locum habentium in generatione colorum aliisque phenomenis extraordinariis, quæ in praxi Optica non attenduntur.

TAB. X.
Fig. I.

Hinc in Optica simplici, radius directus a puncto radiante C ad punctum illustrandum E pervenit via brevissima directa, eodem nempe manente medio, id est in linea recta CE.

In Catoptrica angulus incidentiæ CEA & reflexionis DEB sunt æquales. Sit enim punctum radians C, illustrandum D, speculum planum AB; quaeritur punctum Speculi E, radium ad D reflectens. Dico id esse tale, ut tota via, CE + ED fiat omnium minima, seu minor quam CF + FD, si nimirum aliud quodcunque speculi punctum F fuisset assumptum. Hoc obtinebitur, si E sumatur tale, ut anguli CEA & DEB sint æquales; ut ex Geometria constat. Hac demonstratione usi sunt Ptolemæus & alii veteres, extatque tum alibi, tum apud Heliodorum Larissæum.

In Dioptrica sinus complementi, EH & EL, angulorum incidentiæ CEA, & refractionis GEB, servant eandem semper rationem, qua est reciproca resistantiæ mediorum. Sit IE aer, EK aqua, vel vitrum, vel aliud medium densius aere; punctum radians in aere C, punctum illustrandum sub aqua G; quaeritur, qua via radiet illud ad hoc; seu quod sit punctum E in superficie aquæ AB, radium a C emissum refringendo mittens ad G. Hoc E sumi debet tale, ut via sit omnium facilissima. Jam in diversis mediis viæ difficultates sunt in composita ratione & longitudinis viarum, & resistantiæ mediorum. Sint rectæ m & n repræsentantes resistantiam respectu luminis, illa aeris, hæc aquæ; erit difficultas viæ a C ad E, ut rectangulum sub CE & m; a E ad G, ut rectangulum sub EG & n. Ergo ut difficultas viæ CEG sit omnium minima,

A a

ma,

ma, debet summa rectangulorum CE in $m + \frac{1}{2}$ EG in n esse omnium possibile minimum, seu minor quam CF in $m + \frac{1}{2}$ FG in n ; sumto puncto F alio præter E quocunque. Quæritur E. Cum ergo puncta C & G item recta AB, data sint positione, ideo rectas datas ad planum perpendiculares, vocabimus, CH, c ; & GL, g ; ipsam autem HL, b , etiam datam. At quæsitam EH vocabimus y , erit EL, $b - y$, & CE, $\sqrt{cc + yy}$, quam vocabimus p ; & EG erit $\sqrt{gg + yy - 2by + bb}$, quam vocabimus q . Debet ergo $m\sqrt{cc + yy} + n\sqrt{gg + yy - 2by + bb}$ (seu $mp + nq$) esse omnium possibile minimum similiter enuntiandarum quantitatum minima, & ut talis fiat, quæritur y . Ex mea methode de maximis & minimis, quæ super omnes hætenus notas calculum mirifice contrahit, primo statim obtutu, sine ullo propemodum calculo patet, fore mq æqual. np , $b - y$ seu np ad mq , ut y ad $b - y$, seu rectangulum CE in n ad rectang. EG in m , ut EH ad EL. Ergo positis CE & EG æqualibus, erit, n resistentia aquæ respectu luminis, ad m resistentiam aeris, ut EH sinus complementi anguli incidentiæ CEA in aere, ad EL sinum complementi anguli refractionis GEB in aqua; seu sinus complementi erunt in reciproca resistentiæ mediorum ratione, quod asserebatur. Itaque si EL in uno exemplo vel experimento reperiatu esse duarum tertiarum ipsius EH, erit & in aliis omnibus, ubicunque C & G sumantur, illud in aere, hoc in vitro. Si E in aere & G sub aqua; erit EL, $\frac{3}{4}$ ipsius EH circiter.

Reduximus ergo omnes radiorum Leges experientia comprobatas ad puram Geometriam & calculum, unico adhibito principio, sumto a causa finali, si rem recte consideres: neque enim radius e C egrediens consultat, quomodo ad punctum E vel D vel G pervenire quam facillime possit, neque per se ad ipsa refertur; sed Conditor rerum ita creavit lucem, ut ex ejus natura pulcherrimus illè eventus nasceretur. Itaque errant valde, ne quid gravius dicam, qui causas finales cum Cartesio in Physica rejiciunt, cum tamen præter admirationem divinæ sapientiæ, pulcherrimum nobis principium præbeant inveniendi earum quoque rerum proprietates, quarum interior natura nondum tam clare nobis cognita est, ut causis efficientibus proximis uti, machinasque, quas conditor ad effectus illos producendos, finesque suos obtinendos adhibuit, explicare valeamus. Intelligimus etiam hinc veterum meditationes in his quoque rebus non adeo esse contemnendas, ac hodie quibusdam vide-

videtur. Nam mihi valde verisimile fit, summos Geometras, *Snellium* & *Fermatium*, versatissimos in Veterum Geometria, methodum, qua illi usi erant in Catoptrica, ad Dioptricam traduxisse. *Snellii* sane theorema, quod ex ejus tribus Opticæ libris ineditis affert V. Cl. *Isaacus Vossius*, suspicor simili fere methodo (licet non tanta opinor, quantæ hic usi sumus, calculi facilitate) repertum fuisse. Ex nostro enim statim sequi, sic ostendam. Circulus CBG, centro E radio EC vel EG describatur, hujus in B tangenti productæ occurrant CE in V, & EG in T. Sit oculus in C, objectum quod sub aqua videtur in T, & punctum T apparebit esse in V, quia per lineam rectam CEV videre nobis videmur, cum tamen videamus revera per fractam CET, patet EV esse secantem anguli incidentiæ CEA vel ei æqualis VEB; & ET esse secantem anguli refractionis GEB. Sunt autem, ex nota trigonometriæ propositione, secantes reciproce ut sinus complementi, ergo directe EV ad ET, ut EL ad EH, seu (per theorema nostrum) ut m ad n . Ergo oculo C existente in alio medio quam objectum T, erit radius in medio objecti (aqua) apparens EV, ad radium in medio objecti (aqua) verum ET, ut m resistentia (aeris) medii oculi ad n resistentiam (aquæ) medii objecti. Quæ ratio cum semper sit eadem, iisdem manentibus mediis, ideo ratio inter radium verum ET & apparentem EV, semper eadem erit, quod erat theorema *Snellianum*.

Eodem modo ratio EL & EH sinuum complementi angulorum refractionis & incidentiæ, cum nobis sit reciproca resistentiæ mediorum, semper eadem erit: quod est Theorema *Cartesianum*, licet de resistentia mediorum diversa nostris, imo contraria senserit *Cartesius*. Quare non abs re CL. *Spleissius* vir in his quoque studiis versatissimus animadverso hoc consensu conclusionum, dubitat annon *Cartesius*, cum in Batavis esset, viderit Theorema *Snellianum*; notat enim solenne ipsi fuisse præterire nomina autorum, & exemplum affert Mundanorum Vorticum, ad quos *Jordanus Brunus* & *Johannes Keplerus* ita digritum intenderint, ut tantum illud vocabulum ipsis defuisse videatur. Accedit, quod *Cartesius* Theorema hoc suum proprio Marte demonstraturus in magnas incidit salebras: quoniam enim videbat radiū CE ex aere in aquam delatum, ibi refringi in EG, & ita versus perpendicularem EK, adeoque illi radio similiorem reddi, cujus fortior est actio, nempe perpendiculari, suspicatus est, cum minus resistentiæ invenire in aqua, vel in vitro, quam in aere. Cum tamen supponendo contra-

TAB. XI.
fig. 2.

rium, quod multo magis rationi consentaneum est, adhibito nostro facillimæ viæ principio, ad eandem conclusionem perveniatur. Unde recte collegit *Fermatius*, *Cartesium* non reddidisse veram theorematissui rationem. Similitudo quoque, qua illustrare conatur explicationem suam, parum apta est. Sit in *fig. 2.* globulus A super tabula polita BC procurrens in loco 1A: is in medio occurfu offendat partem tabulæ DE, tapete instratam, ubi curret tardius in 2A. Eodem igitur modo putat vitrum aliudve corpus solidum minus morari radios lucis, quam aerem, qui sit magis villosus. Sed (ut taceam & aquæ partes satis molles esse secundum ipsum *Cartesium*) sufficit considerare globulum, ubi ex 2A, tapete DE superato, rursus ad partem tabulæ politam in 3A pervenit, ibi non recuperare priorem celeritatem, quam habebat in 1A, antequam tapetem offenderet: cum tamen radius lucis ex medio magis resistente in medium minus resistens, primo simile, rursus ingressus, priorem statum recuperet, & posito duorum mediorum similium, primi & ultimi, superficies (illius emittentem, hujus recipientem) esse planas parallelas, Directionem recipiat, per refractionem posteriorem illi parallelam, quam habuit antepriorem.

Videtur tamen modus, quo *Cartesius* reflexionem pariter ac refractionem lucis, ad imitationem motus aliorum corporum explicat, ingenio ejus dignus, nec rejiciendus, sed tantum emendandus. Nam quod ad reflexionem attinet, prius explicandum ipsi erat, cur globus aliquis ut I, secundum perpendicularem IE incidens in planum AB, inde reflectatur; videmus enim, aliqua corpora, ut mollia, non æque reflecti. Cujus reflexionis vera causa est Elastrum vel globi, vel plani, vel utriusque; nam cedit nonnihil planum Elasticum, ut videmus facere, membranam tensam, vel vesicam inflatam, lapillo incidente, & quidem cedit tanto magis, quanto fortior erit ictus; eoque majore vi sese restituens, id quod inciderat, ea qua venerat via & celeritate rejicit. Quanquam enim *Cartesius* hanc reflexionis explicationem jam suo tempore a quibusdam allatam, ferre noluerit, ut patet ex Epistolis: hodie tamen rationibus atque experimentis extra dubium posita est. Cum ergo globus veniat ex C ad E recta CE in *Fig. 1.* motuque proinde composito ex duobus, horizontali ut CI vel HE, qua venit ex CH ad IE, & perpendiculari, ut CH vel IE, qua venit ex CI ad HE; utro-

utroque incipientē à C, terminantē in E; & ejus in E venientis conatui horizontali ex CH versus IE in recta CI vel HE, non opponatur, sed parallela sit superficies AB, ideo celeritatem pariter & directionem motus horizontalis illibatam retinebit, & quantum temporis insumfit, ut veniret ex CH ad IE, insumet etiam, ut veniat ex EI ad RD; positis intervallis inter CH & IE, item EI & RD æqualibus. Verum motus perpendicularis, quo venit ex CI ad HE, retenta celeritate, in contrariam directionem vertetur, ut temporis tantundem insumat, quo revertatur ex ER ad ID, cum ergo sit ER æqualis ipsi EH, & RD ipsi CH, Triangula CHE DRE similia & æqualia erunt, adeoque angulus DEB angulo CEA æqualis. Omnia hæc clariora erunt, si fingamus regulam CID superficiei AB parallelam servato parallelismo per CH, DR, ipsi AB impingere in HR, dum interea globus in ipsa regula CI fertur à C ad I, unde revera totus compositus globi motus erit in diagonalī CE; regula autem CID repersa a superficie solida AB, eadem celeritate & via qua venerat redibit, & æquali tempore iterum veniet in CID, dum interea globus continuato in regula motu eadem celeritate perrexit, ac proinde eodem tempore pervenit ex I ad D, per ID æqualem ipsi CI, nam manente eadem celeritate æqualibus temporibus æqualia spatia percurruntur, itaque globus motu composito ex proprio super regula, per ID, & motu ipsius regula per E, redeuntis scilicet ex HR in CD, feretur ex E in D per rectam ED.

Pro refractione explicanda considerandum est, Medium magis resistens lumini (sine opacitate tamen) illud esse videri, quod magis impedit luminis diffusionem seu distributionem per plures medii partes, idque dici poterit minus illuminabile, luminis enim natura se diffundere nititur. Contra, quanto magis lumen æqualiter partes medii, quod illuminat, afficiet, aut quo pluribus insensibilibus loci illuminari particulis suam vim communicabit, eo medium magis erit illuminabile, minusque lumini resistet. Unde quo partes medii lumine affectæ magis sunt solidæ & exiguæ, aut minus inter se pro alia heterogenea materia a lumine nihil patiente, spatii relinquunt, eo magis illuminatum esse dicetur medium. Verum constat ex Mechanicis principiis, eundem actum pluribus corporibus simul impressum, minorem singulis vim dare, quam si uni eorum fuisset inflictus; ideo fiet, ut in medio magis resistente diffusioni luminis, seu secundum

dum pauciores partes affecto, singulae partes tanto fortius afficiantur; in magis illuminabili plures, sed debilius, impetuque impresso languidiore. Assumendo jam motum globuli loco radii, & ponendo globulum ex G venientem in E, ibi in medium incidere, quod celeritatem ejus seu impetum retardet, proportionem si lubet sesquialtera, ergo si tempore unius scrupuli venit a G ad E in priore medio KE, idem in novo medio EI tempore unius scrupuli & dimidii veniet ab E in C, posito EC & GE esse æquales, ubicunque demum sit C. Sed cum celeritati horizontali, in GK, LE & parallelis exercita, sub primum ingressum globuli in novum medium EI seu in ipso puncto E, superficies mediorum separatrix AB non obstiterit, (hanc enim motus horizontalis LEH tantum radit) in ipso autem primo ingressu momento, seu in puncto E, (globulum considerando indefinite parvum instar puncti, ut & radii solent quasi sine latitudine spectari) statim determinanda sit linea CE inclinatio: ideo talis statim initio assumenda est, ut respectu motus horizontalis eadem maneat velocitas, & qualis initio ingressus in novum medium assumpta est, talis in eo manet. Ergo globulus, qui dum iret in medio priore a G ad E, absolverat scrupulo temporis horizontali directione intervallum GK vel LE (inter GL, KE); is nunc scrupulo uno & dimidio temporis, quo ire debet ab E ad C, absolvat in eadem horizontali directione intervallum EH vel IC (comprehensum inter EI, & HC) quod debet esse sesquialterum prioris LE; quia eadem manente velocitate horizontali, (quam momentum refractionis non immutat,) spatia sunt ut tempora, est ergo EH ad EL, in ratione directa temporum, seu reciproca celeritatum, seu reciproca resistentiarum, ostendimus enim in casu luminis a resistentia, medii diffusionem impediens velocitatem seu impetum pro resistentia crescere, & pro majore diffundendi sui facilitate in singulis partibus languescere: Contra radium vim suam atque adeo directionem recuperare, cum iterum in medium venit, ubi minor diffusio est, pluresque radii in pauciores partes impellendas impenduntur, quam recuperationem *Cartesius* sua tapetis vel alterius corporis villosi comparatione explicare, ut supra monuimus, non potuisset,

occuL

OCCULTATIO PALILICII

Anno 1681, die 1 Januarii vesp. ft. n. observata

GEDANI

a JOHANNE HEVELIO.

Eadem die, cum Cometa a me observaretur, simul feliciter, & quidem accuratissime Palilicium a Luna gibberosa ad oppositionem tendente observavi tectum, quod phaenomenum, ut rarissimum est, sic meretur probe notari. Cum primis quia non solum punctum ipsius immersionis, sed & ejus emerisionis admodum praecise deprehensum est: prout subsequens observatio & delineatio ostendit.

Hor.	/ //		
6.	47. 0	Palilicium distabat a confinio lucis & umbræ tanto spatio, quanto M. Christi remouetur a limbo Lunæ inferiori.	
7.	37. 0	Stella occultata est ad mare Syrticum, sub insula Cercinna, alto Capite Andromedæ.	0 / 50. 32
7	46. 0	Altitudo capitis Andromedæ observata	49. 24.
7.	49. 30	Eadem altitudo capta.	48. 55
8.	46. 0	Palilicium rursus affulsit ad inf. Majorem Maris Caspii.	
		Transiit itaque via ejus itineraria, ratione Macularum Lunarum, per Mare Syrticum, M. Athos, sub inf. Lemnos, per Montem Didymum, sub Sinu Atheniensi, per Fretum Ponticum, atq; insulam Majorem Maris Caspii.	
8.	51. 0	Altitudo Capitis Andromedæ extitit.	40. 22

EADEM OCCULTATIO PALILICII

Coburgi in Arce Saxonica, Ehrenburg/

observata

a GOTHOFREDO KIRCHIO

Tem-

Tempus secundum horologium ambulat.	Altitudines.		Tempus ex altitudinibus deductum.
H / // Gr. /			H / //
6. 40. 0		Palilicium per tubum 2 ped. non procul a Luna spectabatur, nudis oculis vero jam inconspicuum erat.	6. 49. 0
6. 50. 0		Nondum oblecta erat Stella.	6. 59. 0
6. 54. 0		Palilicium, extremum Sinus Sirbonis, & margo inferior Montis Sinai, eandem constituebant lineam rectam.	7. 3. 0
6. 56. 0		Stella a Luna jam erat recta, & tam per tubum 4 pedum, quam decempedalem, inconspicua.	7. 5. 0
7. 8. 0	16. 0	Altitudo Lucidæ Lyræ.	7. 16. 12
7. 10. 0	15. 35	Eadem altitudo.	7. 19. 56
7. 12. 30	15. 25	Rursum capta.	7. 21. 28
7. 46. 0		Stella nondum affulgebat.	7. 55. 0
7. 57. 0		Stellam nondum conspiciere potui.	8. 6. 0
8. 0. 30		Stella egressa erat, & distantia ejus a margine Lunæ occidentali tanta erat, ut exitum circa Hippoc. Montes ante 2. vel 3. min. factum esse existimarem.	8. 9. 30

EXCERPTUM EX COLLECTIONIBUS PHILO-

*Sophiciæ Anglicæ, no. 2. 1681. novum genus lampadiæ a ROB. BOYLE
Armigero inventum exhibens.*

Figuræ Explicatio.

ABCD Receptaculum est, ex orichalco paratum ac probe conferruminatum.
BCEF

BC, EF Duo hujus vasis fundi.

FG Tubus, dictis fundis impactus, cujus apertura majorem vasis capacitatem FA spectat. TAB. XT.
Fig. 3.

H Foramen in tubo FG, duos inter fundos BC & EF conspicuum

I aliud foramen in tubo FG, cui canalis IG impactus ad G inflectitur.

PP Vasculum, recipiendo Lampadis elychnio inserviens.

LM Tubus angustior, utrinque patens, operculo AD ad L & fundo EF ad M infixus, ut hujus beneficio externus aer spatio, binis fundis EF & BC intercepto, communicetur, nec tamen in vasis cavum AF illabatur.

N. Tubus brevior, foramini operculi AD impactus, per quem oleum in cavum vasis AF infundi queat, subere postmodum probe claudendum.

Hæc quo impleatur machina, orificium G tubi IG conformi & longiore claudendum est paxillo, ut & L tubi LM. Quo facto instillatur oleum per tubum N, statim quoque exactius obturandum: Duo autem illa, sc. G. & L recludenda sunt. Atque sic oleum per canalem IG ad vasculum annexum P fluet, & hoc eo usque implebit, donec superficies illius in eodem cum foramine H horizontalis plano constituitur.

Atque jam nullo negotio deprehenditur, Lampadem sic adornatam omnibus illis incommodis vacare, quibus Cardani est obnoxia. Nam (1.) in illam aer non cum impetu & confertim nimis influit, sed ubi oleum in PP a flamma eo usque consumptum est, ut ejus superficies infra foramen H descendat, ex cavo AF aliud oleum sensim in PP defluit, propterea, quod spatium in ventre AF ab hujus destillatione relictum, aere externo facile repletur, utpote qui per tubum LM & foramen H in cavitatem AF penetrat.

(2) Aer in cavitatem AF contentus, calore aliquali si attenuatur, multum olei expellit, quo ipso Lampas Cardani facile extinguitur: at hic oleum expulsum æque in locum fundo geminato interceptum, ac in receptaculum PP derivatur. Quoniam vero spatium hoc inter duos fundos, utpote amplius, vicies vel tricies plus olei quam vasculum PP recipit, contingit, superficiem olei vicies aut tricies minus in hoc receptaculo ascendere, quam si omne oleum eo fuisset delatum. Quare replendæ huic lucernæ dum instillatur oleum, tubus L satis exacte obstruatur, quo sc. inter duos fundos BC & EF existens aer, dum nul-

lum exitum invenit, impediatur, quo minus oleum spatium hoc implere queat, quod alias, si L. apertum relinquatur ad oleum, quod ab aeris, intra cavitatem AF contenti, rarefactione propellitur, recipiendum est idoneum.

(3) Quia æqualem semper distantiam a flamma oleum servat, ellychnium non facile consumetur.

(4) Novum oleum lampadi huic infundi potest eam haud movendo aut extinguendo: quatenus saltem occludi G & L, oleumque per N instillari debet, prout ab initio dictum.

Et quamvis lampas hæc non omnibus illis usibus inserviat, qui ab experimentis illis variis, a Dno. Hooke editis, expectari poterant: nihilominus egregiæ utilitatis æstimari debet, ideo quod facile & parvo pretio comparari queat, & pro usibus ordinariis commoda satis sit.

HYPOTHESIS DE STRUCTURA MUSCULI, & ejusdem contractionis ratione,

prælecta Londini, in Theatro Chirurgorum a D. CRONE:

ex iisdem Collectionibus Anglicanis pag. 22. seqq. excerpta.

Postquam monstraveram, & pluribus comprobaveram, morum musculi per hujus fibras tantum fieri, & fibram quamlibet carnosam gaudere vi se contrahendi: hypothesin proponebam de structura fibræ carneæ, siquidem robur totius musculi nihil aliud, quam aggregatum contractionum singularum fibrarum est. Atque hoc quidem faciebam pro ulterius explicanda hypothesi, Anno 1664 impressa typis, & super experimentum, paulo ante ejus gratia coram Regia Societate factum, fundata. In scripto hoc dum asserbatur, musculum, quando contrahitur, pari ratione ac vesicam flatu distentam intumescere, huncque ad elevandum pondus ingens satis potentem esse, juxta experimentum Societati exhibitum; objectio emergebat, nullam ejusmodi notabilem intumescentiam in musculi ventre conspici; cui ut satisficeret & dogma prædictum clarius explicaretur, hæc adiciebam.

Nimirum (1.) Supponebam, quamlibet fibram carneam, nempe AEF, ex infinitis & exilissimis globulis seu vesiculis constare; quas commodioris doctrinæ gratia per diversa exigua triangula exprimo, v.g. in dicta fibra ALB, BMC, CLD, DOE, hiantia ad se invicem in apicibus A, B, C, D, E.

T. AB. XI.
Fig. 4.

2. Non

2. Non tantum supponebam, sed probare conabar, cujuslibet musculi succum nutritivum, ab arteria hujus profusum & extravasatum intra illius fibras copiose ferri, seu vibratione cordis appulsum his insinuare se, & alii cuidam liquori, quem intra eas offenderet, commixtum per tunicam cujuslibet globuli aut vesiculæ hujus cavitatem, subire. Pariter, a qualibet nervi intra musculum ramificatione alterum materiæ genus, priore fluidius & activum magis, deponi, hocque cum sanguine mixtum quamlibet fibræ penetrare vesiculam, ambo autem agitatione, & ebullitione aut effervescentia perpetua, quæ cum calore nativo, qui causa partim, partim constans adjutor hujus motus est, illudque præstat, quod vitam propriam cujuslibet animalis, quamdiu hoc superstes est, vocamus, globulos hosce semper servat turgidos. Quomodo succus ille ingrediatur, suasque particulas effætas denuo ad massam sanguineam, per diaphoresin eliminandas, ableget, singulisque momentis novas suppetias recipiat, itidem uberius in nominatis prælectionibus declarare satagebam.

3. Per agitationem memoratam assererebam, quamlibet vesiculam ALB, BNC, &c. plus aut minus, quamdiu animal vita aut calore gaudet, distendi.

4. Robur aut energia hujus distensionis, pro contrahenda fibræ AF, aut in semetipsam ab utraque extremitate A & F: aut, si A firmum existat, ab F, sicque elevando aliquod pondus ab F & E, vel membrum quoddam, v. g. Biceps brachium & manum C, olim demonstrabatur, in allegatæ chartulæ fig. 1, & in experimento quodam, quod Ephemeridibus Societatis insertum.

5. Per quatuor has vesiculas indigitatæ respondeo objectioni, quæ contra Principia, in dissertatione supposita, erat mota, atque ex inco, fibræ AF (& sic reliquas totius musculi) dum pondus ab F ad E attollit, non tanquam unam & continuam vesicam AKE se a C ad K dilatare, sed innumerabiles has vesiculas singulas ad levissimum & imperceptibile tantum spatium distendi, ac nihilominus in pondere ab F ad E levando, eundem præstare effectum. Ponamus exempli loco quatuor vesiculas: qualibet earum a Q ad L inflata, omnes simul pondus F puncto E æque adducent, ac una major a C ad K tumefacta; cujus propositionis demonstratio facillima est. Quoniam enim tam quatuor parvæ vesiculæ ALB &c. quam major AKE ante distensionem totam

B b 2

fibræ n

bram AF formabitur, si æqualis intumescencia tam in una minore, quam in majore, conticipiatur: angulus BAL æqualis erit angulo EAK & angulus ALB aigulo AKE, & cuncta parva triangula æque ac primum ALB, ac majus AKE pariter sibi erunt æqualia lateraque sibi proportionalia habebunt, quod de ALQ, & AKC quoque concludendum. Nam quamdiu AKE haud intumescit, punctum E profundius erit, sc. in F, similique ratione ALB, si non distendatur, punctum B necessario profundius, v.g. in P, erit: Unde etiam, quia AP æqualis est lineis ALB & linea AF lineæ AKE, ex hypothesi, ideo uti se habet ALB ad AKE, ita se habebit AP ad AF, ALB autem se habebit ad AKE, quemadmodum AB ad AE. Si itaque a Proportionalibus AP, AF æquales proportionales AB ad AE, tollantur, Remanentes BP & EF, pariter erunt proportionales: ast Lineæ ALB ex supposito quarta pars sunt linearum AKE, adeoque BP est quarta pars lineæ EF. Hinc quælibet trium reliquarum vesicularum minorum quartam ponderis partem attollet, & per consequens quatuor quartæ, æquales EF simul elevabunt pondus integrum ad eandem altitudinem cum majore AKE, hocque per unam quartam distensionis, cum probatum fuerit, QL esse quartam partem lineæ CK. Jam si in una fibra loco quatuor vesicularum harum 4000 supponamus, hæc elevabit idem pondus per spacium EF cum quadrimillesima intumescentiæ portione, & porro cum quadringentesima millesima parte, &c.

6. Atque his suppositis, prolixius declarabatur (1) Ratio circulationis sanguinis in singulis musculis, & quid horum motibus illa conferat: (2) quid perspiratio ex quolibet musculo hic præstet: (3) quod intumescencia quædam in qualibet muscoli contractione subfit: (4) quomodo quilibet musculus, dum contrahitur, durior atque compactior evadat: (5) cur quilibet musculus suo antagonista opus habeat: (6) cur in paralyti aut vulnere unius lateris, antagonista ille mox convellatur: (7) cur in fracturis musculus volvatur sursum; (8) cur in animalibus recens mactatis, quamdiu horum caro adhuc calet, adeo multi insultus & contractiones muscutorum observentur: & (9) cur musculus per medium dissectus versus utramque sui extremitatem convellatur. Hæc similiaque in Prælectionibus illis fusius exponere conabar, per modum tamen hypotheseos saltem, non vero quod crederem, me verum motus animalis mysterium reperisse, cum mihi fere per suaferim, neminem

un-

unquam explicuisse aut explicaturum vel hoc, vel ullum phenomenon secundum veram naturæ methodum atque ductum.

EXCERPTA EX EPHEMERIDIBUS ERUDI-

*torum Gallicis, A. 1681, 24. Martii, De Nutritione infantum,
sine ministerio nutrici.*

POST alia plura circa infantium in utero matris sustentationem recens reperta, restat eorundem extra matris uterum salubris & semper æqualis nutritio, eaque citra nutricis adjumentum, cum talis ab his, ob plures animi affectus, corporis ægritudines, aliaque multa incommoda, minus speranda sit. Reipsa præstari eam in Anglia, ut & in Bavaria, a sublimioris etiam conditionis personis, jam anno 1680, Ephem. 6. recensitum, unaque perficiendi illam modus ibidem expositus fuit. Propositum est pariter istud negotium in Gallia Administratoribus Pædotrophii Exposititiorum, quorum maxima pars alioquin ex mala nutritione, & nutricum incuria perit. Adhibere quibusdam pro hoc sine placuit decoctum frumenti, aliis gelatinam panis, aliis pultem. Donec Parlamentum Parisiense 1680. 19. Aug. negotium istud certis quibusdam Medicis & Chirurgis, ut & binis juratis, sceminis, pro communicandis consiliis, committendum decrevit. His itaque visum fuit, licet insignis nutricum sit necessitas, adeo ut optandum omnino foret, ut ad quartum usque mensem saltem haberi eadem queant, pro evitandis crebrioribus istis, quibus infantes adeo teneri obnoxii sunt periculis: non esse tamen impossibile, absque nutricis adjumento infantes tales educare, utut propositi superius modi, non nisi infantibus jam robustioribus, & ablactationi fere aptis conveniant. Cum vero periculosum sit, tentare auxilia per experientiam nondum confirmata, sine ratione vero suscipere aliquid in corporibus adeo delicatis sit temerarium; hæc autem minus persuadeat superius proposita media, modo consideretur status recens natorum, calor eorum debilis, ventriculus infirmus, liquores dissolventes alimenta humiditate nimia fere præfocari; ob id necesse omnino esse, ut nutrimentum lacti nutricis substituentum, tam prope ad chyli naturam accedat, ut nullo fere calore pro digestionem sui indigeat, parum in ventriculo subsistat, distribuatur facile, & principaliter pro evitanda subitanea mutatione, tenerioribus periculosa, cognatum admodum sit, tam nutrimento illi matris, quo in-

fantes nutriti sunt in utero, quam isti nutricum, in cuius locum substituendum venit. Quæ proprietates cum non deprehendantur in decocto frumenti, crudo, ventriculo gravi, & minus a calore tenellorum debili alterabili, eosque absque dubio ad febres aut perniciosos alvi fluxus disposituro, neque in pulte, aut panis gelatina, alimentis crassioribus, & quæ non nisi raro admodum recens natis conveniant, & non nisi infantibus 6. vel 7. mensium post primam dentitionem appropriata sint; evidenter omnino exinde sequi, lactis loco, itidem lac, & quidem pro foeminarum isto, illud ex animalibus recipiendum esse, cum historiarum fide jam constet, plures infantes per bestias lactatos esse, & hodierna ex consuetudine, infantes per Variolas insigniter lassi, feliciter capras sugant. In defectu hujus paulo difficilioris modi, Lac Vaccinum adhibendum esse, debitis tamen observatis cautelis, quas inter primaria, ut per modum suctionis recipiatur ab infantibus, quo maxillarum sub suctione motu vasa salivaria melius aperiantur, quoniam salivæ cum alimentis miscela mire horum dissolutionem promovet. Sine temeritate vero tentare hoc licere, posteaquam non ratio tantum persuadeat idem, sed quibusdam etiam suis, & pauperculis pluribus foeminis bene successerit, donec superatis hoc modo periculis primæ istius ætatis, ad solidiora, ut pultem, gelatinam panis, & frumenti decoctum accessus fieri queat.

Quibus ita definitis, tres adhuc restare condiciones pro meliori successu summe necessarias monent: scilicet ut 1. Lac sit in temperie adeo exacta, ac si immediate ex mammis foeminæ sanæ prodiret, cum alioquin infantum ventriculus minus ferre illud possit; 2. in hoc caloris naturalis gradu continue conservetur; & 3. tam facili labore ab infante recipiatur, ac si ex bonæ nutricis papillis hauriretur. Pro quibus requisitis obtinendis, Dominus du Val, Ingeniarius & Architectus Regius occupatus fuit; pro duobus primis quidem, recipit Vas ingens cupreum intus stanno obductum, in quo contentum Lac vaccinum ad eum caloris gradum calefacit, qui æqualis est calori lactis, ex mammis Nutricis recens mulcti, quæ temperies a præsentē Medico, parum utriusque manui sui imponendo & exacte explorando, dijudicanda sit. Ut v. æqualis ista temperatura conservetur continue, extrinsecus quidem ignem lampadis ex Spiritu vini accenso dicto vasi supponit, intrinsecus v. Thermometron vasi immitte, in quo contenti liquoris determi-

nata

nata altitudo regula est infallibilis gradus caloris in lacte conservandi: cujus machinæ delineatio in Ephemerid. c.l. videri potest. Tertio vero requisito, facilis suctionis, satisfacit per mammas artificiales, ad imitationem mammarum nutricis bene constitutæ conformatas, quas parvis vasis stanneis artificiose accommodat, exque pelle caprina aliave subtili fabricat, aut cum hæc minus durabilis sit, & ob subtilitatem per suctum infantum relaxetur & emolliatur citius, potius telam sericeam tenuem (alias Taffent) ceu magis durabilem recipit. Ut vero continue tumentes ac turgentes maneant, pilis equinis certo modo præparatis eas replet. Sic enim molles æque ac tractabiles erunt, ut citra ullam læsionem infantes gingivas applicare, & maxillæ motu salivæ profusionem una adjuvare queant.

HERMANNI VVITSI,

S. Literarum in Ecclesia & Academia Ultrajectina

Doctoris & Professoris

EXERCITATIONES SACRÆ in SYMBO-

LUM, quod APOSTOLICUM dicitur.

Franequeræ 1681, in 4.

Auctor a Commentariis, quos de *Fœderum Divinorum Oeconomia* ante quadriennium edidit, satis notus, id ante omnia de his Exercitationibus Sacris in Præfatione ad Lectorem præmonendum ipse arbitratus est, non Prædixit eas scriptas esse, sed discipulis solum, atque Auditoribus suis, quibus facem ad Religionis suæ Praxin genuinam præluce voluit. Non enim putavit committendum esse, ut qui e disciplina sua ad sacros venirent ambores, sublimibus fortasse, sed frigidis Dissertationibus, aut calidis etiam, sed parum profuturis Disputationibus plebis Christianæ aures obtunderent, animos interim nullo rerum cœlestium gustu, nulla Divinarum consolationum dulcedine, nullo veræ pietatis amore imbuentes. Hinc totam orationem veri Theologi ita componendam esse docet, ut mens cum stupore quodam in admirabilium veritatum meditatione defixa cœlesti se ardore inflammari sentiat, ad vitam, sicuti tantarum rerum cognitione ac fide dignum est, instituendam. Auditorum, etiam mentes ita vult informari, ut diligenti suscepto examine ex gnotismatis infallibilibus di-

gnosceret

gnoscerē queant, num ad se quoque Evangelii promissa pētineant. Adeoque nullum esse commonstrat Theologiæ caput, quod non eximiam quandam ad hanc rem vim habeat. Atque is quidem primarius sex & viginti harum Exercitationum Sacrarum de præcipuis Religionis Christianæ articulis ex Symbolo Apostolico deductis scopus, atque finis unicus est. Et quamvis initio constituerat Autor, ea quæ ad Theoriam pertinent, tanquam ex Institutionibus Catecheticis, Systematibus Theologiæ, & Locis, quos vocant communibus nota supponere, in gratiam tamen Auditorum suorum non intermisit, etiam quo ordine, & quo argumentorum selectu dogmata ista tractanda existimaret, tradere. Hinc factum est, ut in ipsa Dogmatum e S. literis repetitione fuerit aliquando prolixior, & occasione ita ferente τῶν ἐπεροφονήσεων quoque torsiones refutarit. In argumentorum autem selectu & tractandi methodo, sua quadam usus est libertate, qua fraudandum non esse putat cum, qui veritates omnes usque adeo factas rectas esse cupit, ut iis illustrandis, confirmandis, & ad verum suum usum transducendis, omnem suam operam impendat. Ad calcem hujus libri adposuit Indicem, Exercitationum singularum Breviaria vel summas complectentem.

EVOLUTIO INSIGNIUM SERENISSIMI PRINCIPIS FRIDERICI Ducis Saxonie &c. &c. juxta Artis Heraldicæ principia ex Historiarum monumentis adornata studio Bernhardi Zechii, Serenitatis suæ a secretis Feudalibus.

Francof. & Lipsiæ, ap. Christian. Gentschium 1682. in fol.

TRes hoc opusculum Tabulas continet, quarum una Saxo-Gotharum Ducum insignia, duabus reliquis eorundem genealogia, ante oculos ponuntur. Discursus ipse duabus sectionibus absolutus, quarum prima Insignium illorum Scutum, ejusque partulas ac areolas singulas: altera galeas scuto incumbentes ex genuinis Artis Heraldicæ regulis, & Annalium fide explicat, paucis etiam de Ordinis Elephantini, in quem anno 1678 Sereniss. Princeps Fridericus receptus est, Insigni, Principisque symbolo, *Pietate, Prudentia & Justitia*, subjectis. Non potuisse vero non simul Saxonica Domus Antiquitates, ejusque in tot provincias Dominiū originem ea occasione ab Auctore attingi, ac illustrari, conjiciēt facile, qui norunt, quam arcto nexu Ars Heraldica & Historia inter se vinctæ sint.

ACTA ERUDITORUM

publicata Lipsia

Calendis Julii, Anno M DC LXXXII.

ספר שפתי ישינים

id est,

LIBER inscriptus LABIA DORMIENTIUM

Autore R. Schabtai ben Joseph.

Amstelodami in 4. Anno מ"ח 441, supputationis

Judaicae, id est Christi 1681.

Quemadmodum Judæorum Rabbini hodie ad Polymathia laudem adspirant, & Christianorum excitati exemplo variam sibi eruditionem, indeque notitiam librorum acquirere, moluntur: ita librum hunc, materia multorum annorum labore, conquesta, scripsit *Rabbi Schabtai*, בספרא, *Bassista Pragensis*, frater celebris inter suos Rabbini, *Jacobi Strimerii*, quorum uterque adhuc floret, & filii sunt *Sanctissimi*, quem laudant, *Martyris*, *Rabbi Josephi*. Is ut felicius institutum persequeretur, susceptis multis itineribus per omnes Judæorum Synagogas vagatus, celeberrimorum ubivis Rabbiorum Bibliothecas excussit. Exclussit tandem hunc foetum suum, a plerisque Archi-Synagogis in Polonia & Germania, cum applausu exceptum, quorum censuræ & approbationes magno numero operi præmittuntur. Ad cuius quidem lectionem ipse non vult quemquam admitti, nisi *præfationem* satis operosam antea integram perlegerit. In ea autem *usum libri*, quem facit decuplum, prolixè commendat, eaque occasione de disciplinis atque scientiis disserit, tum & methodum docendi in Synagoga Judæorum Hispanorum Amstelodamensi observari solitam describit, ac rationem reddit tituli שפתי ישינים *Labia dormientium ex Cant. VII, 9.* mutuo accepti. Ipse liber *Bibliothecam Rabbinicam* multo nobis ampliorem exhibet,

Cc

quam

quam Buxtorfii, Hottingeri, Plantavitii, Bartolocci, editæ de hoc argumento lucubrationes, non ignoratæ Autori, quippe parte operis ultima laudatæ. Dividitur in *quatuor partes*.

Prima pars duabus sectionibus absolvitur, quarum *prior* circa תורה שבעה legem scriptam; *posterior* circa תורה שבעה legem oralem occupatur.

Seçtio *prior* circa legem scriptam occupata, post librorum Bibliorum, eorumque diversi apud Judæos & Christianos ordinis designationem, strictim omne persequitur, quicquid ad illorum tum sectionem, tum interpretationem quoquo modo facit. Atque adeo *Capite I.* singulorum librorum Bibliorum tituli, parasc hæ, capita enumerantur. *Cap. II.* recensentur (1) libri, qui vocum difficiliorum per universum Codicem Hebræum occurrentium interpretationes continent. (2) libri, in quibus voces in versionibus Chaldaicis occurrentes exponuntur. (3) Commentarii literales in universum Codicem. (4) Commentarii literales in solum Pentateuchum. (5) Variæ Bibliorum versiones. (6) Commentarii Cabbalistici in Legem, Ruth & Threnos. (7) Dilucidationes præcipuorum Commentariorum Cabbalisticorum, ט"ז Sohar nempe, Rakanati, & Bechai. (8) Commentarii Philosophici in Legem, quinque Megilloth in genere, & in specie in Threnos; item in Psalmos & Jobum. (9) Commentarii Grammatici in Legem. (10) Commentarii in Aben Esram, difficiliorem legis interpretem. (11) Commentarii in Misrachium, alium legis interpretem. (12) Commentarii in Rabbos. (13) Commentarii in Raschi. (14) Commentarii literales simul & Homiletici in Legem. (15) Commentarii in quinque Megilloth, qui tum in omnes universum, tum in singulos libellos seorsim scripti sunt. (16) Commentarii in Haphtaros. (17) Commentarii literales & Homiletici tum in Prophetas priores & posteriores, atque in Hagiographa simul, tum speciatim in Prophetas tantum, & quidem tam in omnes quam in singulos, similiterque in omnia Hagiographa & iterum speciatim saltem vel in Psalmos, vel Proverbia, vel Jobum, vel Danielelem, vel Esram & Nehemiam. (18) Homiliarii ad certos libros Bibliæ non adstricti, sed pro ratione materiæ liberius distributi. *Cap. III.* exhibentur (1) Libri precationum & cationum, quibus uti consueverunt. (2) Libri Carminum & Poëmatum. (3) Commentarii

in precesiones. (4) Commentarii in lectionem paschalem. (5) Libri descriptionem legis & Mesuzæ exponentes. (6) Libri de conscribendis epistolis. *Cap. IV.* commemorantur libri (1.) Genealogici & Historici. (2) Geographici. (3) Ænigmatici & Parabolici. *Cap. V.* Libri (1) Ascetici. (2) Cabbalistici ordine Bibli-co non dispositi. *Cap. VI.* Libri (1) Grammatici ordinem Bibli-cum non tenentes. (2) Masorethici. (3) Logici. *Cap. VII.* Libri Didascalici & Consolatorii (1) de redemptione & resurrectione mortuorum. (2) de futuro seculo, & anima. *Cap. IXX.* Libri Critici & variarum Lectionum in quoscunque libros legis tam scrip-tæ, quam oralis. *Cap. IX.* Libri Ethici de pietate, beneficentia, pœ-nitentia, & similes. *Cap. X.* Indices Bibliici, & quidem (1) dictorum, (2) allegoricarum interpretationum.

Sectio *posterior* circa *legem Oralem* sic occupatur, ut *Cap. I.* re-censio operis Talmudici habeatur cum indice omnium capitum. Alphabetico. *Cap. II.* recenseantur (1) Commentarii in Mischnam (2) Commentarii & Dissertationes in Gemaram, in Commentarium Tal-mudicum Raschii, & in Tosephos. (3) Commentarii in librum Hen Jacob, & ceteras Aggadas, uti & in Talmud Jerosolymitanum. (4) Commentarii in Pirke Abhoth. *Cap. III.* Libri (1) Arithmetici. (2) As-trologici de embolismis, iisque omnibus, quæ ad dierum, mensium, an-norum, noviluniorum rationem spectant. (3) Sphærici & Astronomici. (4) Philosophici non juxta legis ordinem, sed libere per capita, & pro-ratione materiæ dispositi. (5) Cheiromantici. (6) Magici. (7) Ne-cromantici. (8) Oniromantici. (9) Musici. (10) Pan-sophici. *Cap. IV.* Li-bri (1) Dogmatici de fundamentis fidei & tredecim articulis. (2) Pole-mici pro Judaica fide vindicanda. *Cap. V.* Libri (1) rituales. (2) Indices consuetudinum, legum, statutorum, aliarumque rerum in Gemara contentarum. *Cap. VI.* Libri (1) Quæstionum & responsionum de re-bus Juridicis. (2) quæstionum & responsionum de rebus Philosophicis & ænigmaticis. *Cap. VII.* Libri (1) Medici & Physici, circa naturam, hominis, brutorum & volatiliū. (2) de gemmis. *Cap. IIX.* Libri Caballistici de Rasche tesos, Gemetria, & Notarikon. *Cap. IX.* Libri (1) Juridici secundum ordinem Gemaræ, vel Alphesium dispositi. (2) Alii secundum ordinem Arba turim, vel Schulchan aruch, vel Lebu-schin. (3) Alii secundum ordinem Mischnæ Torah Majmonidis. (4) Alii

secundum ordinem sexcentorum & tredecim præceptorum. (5) Alii pro ratione rerum ariarum libere dispositi. (6) Alii speciales secundum singulas partes libri Turim dispositi, vel juxta Orach chajim, vel Joreh deah, vel Eben hæzer, vel Chofchen hammischat. *Cap. X.* Libri (1) Isagogici in Gemaram. (2) Architectonici de tabernaculo, templo, & vasis sacris. (3) Germanici, vel alterius idiomatis, sed literis Rabbiniis excusi. (4) Methodici de studio tam Biblico, quam Talmudico feliciter tractando.

Secunda pars ordine alphabetico libros Rabbinnicos suis titulis designatos, eosque circiter bis mille ac ducentos recenset, annotatis ubique cujusvis libri argumento, Autore, editionibus.

Tertia pars שער בת רבים inscripta tribus sectionibus constat. *Prima* Autorum nomina indice alphabetico exhibet, & ad secundæ partis paginas, in quibus eorum opera hinc inde titulorum ductu dispersa sunt, remittit, simulque annotat, quo quisque seculo floruerit. *Alteræ* (e libro Juchasin excerpta) nomina Doctorum omnium, quotquot in Mischna & Gemara sententias dixerunt, & initio quidem Mischnicorum separatim, deinde & Gemaricorum, ordine alphabetico commemorat. *Ultima* inde a primo Synagogæ Magnæ tempore per sæcula Rectores Synagogæ, postea Doctores Mischnicos, qui ante & post Urbis ac templi desolationem fuere, hinc Gemaricos, porro Seburæos sive Scholasticos, ac tandem Geonæos, ad ductum libri Zemach David recenset.

Quarta pars inscribitur שער החיצון *Portæ extraneæ*, & comprehendit libros a Christianis in literatura Hebraica vel Rabbinnica editos, eorumque titulos, autores, argumenta, editiones indicat.

Cæterum laudandus Autor est non modo a diligentia, quam in colligendis consignandisque libris prorsus stupendam adhibuit, sed & ob elegantiam styli Hebraici in præfatione insigniter comprobata. Idque fertur nunc dare operam, ut in eorum gratiam, qui Rabbiniismi adeo gnari non sunt, hic ejus liber Amstelodami in linguam Latinam transferatur. Edidit & opuscula alia: in primis vero Pentateuchum Hebraicum cum Targum, & commentario Raschi, collectisque in Raschium notis e variis biurim, atque ad marginem notatis locis Talmudicis e Tolædos Aharon, &c.

*THERIACA JUDAICA AD EXAMEN
REVOCATA.*

*Scripta Amoibæa Samuelis Friderici Brenzii, Con-
versæ Judæi, & Salomonis Zebi, Apella, nunc primum cum ver-
sione Latina & animadversionibus edita a Jo.*

Wulfero.

Norimbergæ in 4. A, MDCLXXXI.

Cum ante octo & triginta annos Theodoricus Hackspanius, Lip-
manni Nizzachon Altdorfi primum ederet, examen virulentissimi
libri pollicitus, adjecit editioni illi tractatum de usu librorum
Rabbinicorum, veluti futuræ refutationis prodromum, in quo ali-
quoties ad *Theriacam Judaicam Salman Zebi* provocans, talia inde lo-
ca, cum primis pag. 268. 278. 281. 356. 358. produxit, quæ salivam fa-
cile movebant rerum Judaicarum Studiosis. Sed nullibi prostabat,
iste liber Hanoviæ excusus, quod a Judæis ipsis, invidia & odio erga
Autorem accensis, supprimeretur. Continet Apologiam pro Ju-
dæis, in qua enormia a *Samuele Friderico Brenzio* iis intentata crimi-
na depelluntur. Abierat enim Brenzius a Judæis ad Christianos,
atque ut post susceptum baptismum suæ fidei, quam jam profi-
tebatur, documentum daret novus inter Christianos profelytus, ca-
lamum in populares, quos deseruerat, strinxit, scriptoque libro Ger-
manico, sub titulo *Leberidis* (*Jüdischer abgestreifter Echlangen-
bals*) Judæorum malitiam, fraudes, scelera, impietatem, atque in-
Christum ejusque sanctam matrem blasphemias detexit, omnesque,
sibi ab iis cavere monuit, tanquam a juratis Christiani nominis hos-
tibus, quorum omnis cura & cogitatio in Christianorum odium,
contumelias, & perniciem fixa sit. Ut primum ergo hoc Brenzii
scriptum Norimbergæ anno seculi currentis XIV prodierat, ad ejus
confutationem se masculine accinxit Judæus in Talmude & aliis Rab-
binorum monumentis non usque adeo hospes, *Salman Zebi, Offenbu-
sens*, ita quidem, ut adversarii sui Objectiones, ordine, quem te-
nuerat, servato, diluat, & gentem suam contra tot ac tantas, quas
putabat, calumnias defendat. Atque hinc libro titulum fecit *Theri-
acam Judaicam* (*Jüdischer Theriac*) quia, quam ipse in præfatio-

ne rationem reddit, forte sit antidotum ad venenum ex Adversarii Leberide haustum extrahendum: scripsitque idioma, quo ille, Germanico, sed quali communiter uti Judæi solent, & Rabbiniis expresso literis. Cæterum: ut Judæis multa sola criminandi libidine falso objicit Brenzius; ita vicissim multa negat, vel cæte emollit, aut aliter interpretatur Zebi, quorum tamen Judæi jure optimo postulantur: uterque interdum commode locutus, aliquando & mentitus est, quod in animadversionibus suis diligenter excussit *Jo. W. Insuper*, qui non utriusque modo scriptum nativo sermone & caractere junctim, sed & in exterorum gratiam cum versione Latina, justis animadversionibus auctum edidit, alterum post Talmudici tractatus de Siclis versionem perpetuo Commentario e Rabbiorum scriptis illustratam, studiorum Philologicorum specimen; cui ad calcem ob argumenti cognationem *Isaaci Viva* libellum adjecit, pridem Amstelodami impressum, quem *Vindictæ sanguinis* inscripsit, h. e. *Vindicias secundum veritatem, quibus Judæi ab infanticidiis & victima humana contra JACOBUM GEUSIUM vindicantur.*

EXCERPTA V. ET N. TESTAMENTI SYRIACI, cum Latina interpretatione nova & Annotationibus Christophori Cellarii. Cizæ, sumtu Jo. Bielcki, Bibliopola Jenens. A. MDC LXXXII. in 4.

UT studiosæ Juventuti sacræ Philologiæ, ac imprimis linguarum Orientalium studium magis redderet commendatum *Christophorus Cellarius*, vir humaniorum & orientalium literarum egregie doctus, non tantum *Horas Samaritanas*, seu loca S. codicis selectiora excerpta cum versione & annotationibus edidit: verum nuperrime etiam laudabili industria *Excerpta V. & N. Testamenti Syriaci* cum nova interpretatione typis exscribi curavit publicis. Ultrique parti Exceptorum ex Bibliis Polyglottis Anglicanis desumptæ, novam eamque Syriacæ ad verbum respondentem adjecit versionem. Cujus rei causa allegatur in præfatione, qua de versionis Syriacæ autoritate, antiquitate & sinceritate ex Briani Waltoni Prolegomenis Bibl. nec non de ejusdem utilitate in S. Theologiæ studio, adductis variis exemplis disserit. Annotationes adjunctæ ad difficiliorum locorum intellectum faciunt. Quæ

cx

ex *N. Testamento excerpta* publicavit, continent potiora ejusdem loca, quæ vel ad fidei Christianæ summam pertinent, vel linguæ hujus usum cultoribus commendant. Annotationes iis subijcere omisit, quod pleraque vocabula in V. T. excerptis jam essent exposita, & reliqua satis ex bona versione possent intelligi. Ubi variantes occurrunt lectiones, *Autor clarissimus* non Tröstianam, nec Gutbirianam, sed Anglorum scripturam secutus est.

INSTITUTIONIS THEOLOGICÆ ELENCTICÆ

Pars Prima & Secunda,

Autore FRANCISCO TURRETINO, in Ecclesiâ
& Academia Genevensi Pastore, & SS. Theologiæ
Professore.

Genevæ, 1682 in 4.

Institutionis Theologiæ Elenctica nomen huic Operi impositum, nō Systema aliquod Theologiæ plenum hic tradi quis credat. Is enim Autori scopus propositus nunc quidem non fuit; sed tantum, ut *nobiliorum Controversiarum Theologicarum in omni Religione hodie vigente* momentum exponeret, & filum Ariadneum junioribus subministraret, cujus ope ex earum labyrintho se facilius extricare possent. Ideo eas seligere voluit, quæ majoris momenti, vel magis necessariæ hoc tempore vixæ sunt, cæteris missis, quæ vel arduæ sunt nimis & curiosæ, vel inanes & jejunæ, quæ nec ignorantibus nocent, nec scientem juvant. Quia vero constat, præ cæteris periculose errari sapissime circa controversiæ statum, id sibi ante omnia negotiū dedit Autor, ut remotis illis, quæ sunt *ἡζυγία*, *precipuum questionum cardinem* diligenter ex sententia partium, quantum fieri potuit, crueret, ut eo semel rite posito & explorato, via facilis ad reliqua complanaretur, sive *κατασκευαστικῆς* veritas esset adstruenda, sive per *διασκευῆς* error destruendus veniret. Quæ duo sibi insuper sic exequenda proposuit, non ut *Rationes* omnes operose congereret, quæ in medium afferri solent confirmandæ veritati, quia hic non tam numero quam pondere certandum; sed ut *potiores ac solidiores* quibus fulciri potest, cum judicio sublegeret, robore etiam, ubi opus fuit, iis addito, & *Exceptionibus palmaris tui*, *ἡζυγίας* dilutis. Quibus tandem *fontes solutionum* subjecit, ut paucis

paucis & uno veluti obtutu, missa proluxa argumentorum serie, distinctiones occurrerent & observationes utiles, quibus *πράτον λέει* Adversantium reteggi, & nervi præcipuarum objectionum sine magno labore incidi possent. Quæ omnia ea brevitate ac perspicuitate exequi conatus est, ut nec nimia brevitatis obscuritatem, nec nimia prolixitas tædium pareret. Unde nuda & simplici rerum expositione contentus, omissa operosa testimoniorum, quæ coacervari poterant, citatione, brevibus punctis signare satis habuit, quæ alias in justa argumenti tractatione deducere potuisset. In *secunda* hujus Operis parte operosiorum & prolixiorum quam in *prima* secutus est viam, ut ita ex multorum voto priorem ejus laborem utroque pollice approbantium, paulo diutius in difficiliorum quæstionum examine immorari posset, & aliquanto fusius in præcipuorum & fundamentalium, quæ subinde occurrebant, Scripturæ Locorum explanatione versaretur. Hinc factum, ut absoluta tractatione locorum de *Lege & Fædere Gratia*, de *Christi Persona & Statu*, ejus *Officiis & Beneficiis* variis, manum de tabula tollere coactus fuerit, & in *Tertiam* partem rejicere reliquas controversias de *Ecclesiâ*, de *Sacramentis* & de *Novissimis*, quas propediem discutere instituet, ut plenum *Institutionis hujus Elenctice* Systema habeatur. De cætero nullum erga diversa in Religione sentientes, nisi charitatis affectum Autor spirare videtur, procul ab omni personarum odio & livore, nec temere alienam mentem affingere iis, quibuscum agendum fuit, nec illa studio dissimulare voluit, quæ pro illorum causa facere videbantur. Id certe sedulo cavit, ne quid *novum* hic Liber haberet, & a formulis publicis in Ecclesia Reformatorum receptis alienum, & ut nihil ibi adstrueretur, quod probatissimum huic Religioni addictorum calculo non confirmaretur. Atque ita sollicitè fugiendam judicavit profanam illam ingeniorum libidinem ad nova & curiosa prurientium, qui, ut ipse quosdam suarum partium Theologos modernos describit, *sub specioso majoris lucis & penitioris indaginis veritatis antea ignota prætextu, ante se tradita convellere, bene constituta destruere, & idias ἑπιδύσεις, & νεύειας δόξας* instar oraculorum obtrudere præsumunt, & a se dissentientes, tanquam bonæ mentis vacuos, imperitos, & veteribus formulis serviliter addictos traducere non erubescunt. Et quanquam ipse adspiciari nolit Recentiorum industriam, qui luculentiora dona a

Deo

Deo consecuti, & peculiari ingenii acumine pollentes, cum laude occupantur in Scripturis scrutandis & veritate illustranda; ut tamen sub hoc prætextu vetera superciliosè rejiciantur, & nova dogmata in Ecclesiam inducantur, quasi illi qui nobis præiverunt, in caligine ac tenebris adhuc versati sint, nec religionem ab erroribus suis satis repurgarint, hoc sane & *sama tantorum Virorum injuriam, & Religioni probrosum, & piis auribus intolerandum esse* pronunciat.

*SELECTA HISTORIÆ ECCLESIASTICÆ
capita & in loca ejusdem insignia Dis-
sertationes,*

Autore R. P. F. Natali Alexandro, Ord. FF. Præd. in Sacra
Facult. Parisiensi Doctore Theologo, & in Majori Conventu
& Collegio Parisiensi ejusdem ordinis S. Theologiæ
Professore, & studii Regente.

SECULUM IX. & X.

Parisiis A. C. 1681. in 8.

Autori huic suas in universam Historiam Ecclesiasticam lucubrationes, continuata Tomorum serie, ante annos haud ita multos in publicam lucem emittere aggresso, ea placet methodus, ut succinctam seculi ejusque Synopsin, in certa capita divisam, Historicis, Chronologicis, Criticis & Theologicis dissertationibus illustret, & panopliam, ut vocat, adversus veterum & recentiorum, quos existimat, hæreticorum errores e Scriptura, Traditione, & Patrum doctrina subministret. Quod opus Theologiæ studiosis eo gratius & ad usum accommodatius futurum existimavit, si scholasticum & disputantibus familiarem scribendi modum in dissertationibus istis adhiberet, in quibus haud raro magni nominis viros etiam suæ religionis atque gentis impugnât, exterarum gentium Theologos tanto æquius laturos ratus, quod in fidei articulis aliis principiis innutritus, Ecclesiæ suæ Pontificiæ placita defendere in se suscepit. Hanc igitur instituti rationem secutus, octo prioribus seculis, quæ anno 1676 & deinceps prodierunt, anno superiore Nonum & Decimum seculum duobus comprehensa voluminibus adjecit.

Et PRIUS quidem VOLUMEN, quod Historiam seculi 9 & 10

D d

Sy-

Synopsin conjunctim exhibet, a Romanis hujus periodi Pontificibus auspicatur. Agmen ducit Leo III, e cujus vita S. Suiberti Canonizationem contra *Baronium* expungendam esse notat, cum indulgentiæ, ut cætera argumenta prætereamus, fidelibus certas Sanctorum Ecclesias & Altaria visitantibus erogata, quarum in actis istius Canonizationis mentio fit, ante duodecimum seculum Ecclesiæ ignotæ fuerint. Leonem III Stephanus V, & reliqui sequuntur, quorum seriem & res gestas ita refert, ut errores etiam & turpissima quorundam flagitia subinde memoret, quamvis per eam labem Romanæ Sedis autoritati, cui ubique consulere nititur, quicquam præjudicari nolit, & nonnullis doctrinæ navos & crimina per calumniam objici, persuasum sibi habeat. Eugenio enim II, qui e pervetustis & nono seculo coævis tabulis Remigianis, a *Mabillonio T. 1. Analestor.* editis, ritum probationis per aquam instituisse arguitur, superstitiosum illud & cum Dei tentatione conjunctum inventum adscribere religioni habet; & *Job. Launojum* Parisiensem Theologum, qui *in libro de Regia in Matrimonium potestate* Johanni VIII hanc sententiam tribuerat, quod conjux ob fornicationem alterius conjugis post legitimum divortium aliarum nuptiarum potestatem habeat, quasi magnum illi errorem per hanc sententiam attribuisset, insigni & omnibus bonis execranda fraude Johannis VIII verba adulterasse, non sine verborum amarulentia queritur; & Sylvestrum II, qui inter Romanos hujus ætatis Pontifices extremum locum occupat, de necromantia & aliis magicis artibus non aliam ob causam suspectum fuisse existimat, quam quod summa ejus in Mathematicis disciplinis peritia, & ingeniosa in novis horologiis & aliis machinis elaborandis dexteritas, rudi seculo Dæmonis familiaris opem requirere videretur.

Romanorum Pontificum historiam cum hæretici, qui seculis IX & X Ecclesiam infestant, tum scriptores Ecclesiastici, numero pene, LXX excipiunt, quorum opera sic enumerat, ut ea, sicubi opus, ad criticum examen revocet, & ex plerisque flosculos aliquos excerpt. Dehinc Synodorum Nationalium & Provincialium, quibus disciplina, IX & X seculi sancita & instaurata fuit, decreta subjicit, & postquam Canonum in singulis conditorum medullam perspicue exposuit, Politicæ Ecclesiasticæ faciem spectandam exhibet, a novis Primatuum sedibus nono & decimo seculo crectis & constitutis telam hanc exorsus, a quibus ad Metropolitanos eorumque jura, & insigne eorundem Pallium accedit,

cedit, *Petri de Marca* iudicium tanquam veritati & Romanæ Sedi injuriosum carpens, qui pallii usum, antiquam Metropolitanorum libertatem per cuniculos infregisse, & Synodorum Provincialium auctoritatem pessumdedisse scriperat. Tum ad reliquos Episcopos devolvitur, eorumque electionem, confirmationem, juramentum Regibus præstitum, residendi in propriis Ecclesiis necessitatem, per Canones Ecclesiasticos & Regum capitularia his temporibus impositam, & alia his affinia pertractat, inde ad Clericos & Canonicos transitum faciens. Nec omittenda monasticæ rei, qualis his seculis fuit, proluxa satis enarratio, qua inter alia *Cluniacensis* Abbatix origines describit, ejusque Abbates usque ad *Odilonem* anno 1048 defunctum ordine recenset, & peculiaries quasdam Abbatix istius consuetudines a *Bernhardo Cluniacensi* & *Udalrico* descriptas subnectit, qualis fuit singularis reverentia in conficiendis hostiis Eucharisticis, quæ non ejus, cujus hodie sunt, figuræ, nec denarialis tantum magnitudinis, sed longe majoris extiterunt, & pro communicantium numero in plures particulas dividi poterunt. Reliquas Abbatix hujus consuetudines & alia, quæ de Monachis & Sanctimonialibus horum temporum, nec non de bonorum Ecclesiasticorum administratione, & Clericorum privilegiis atque oneribus Autor congestit, instituti ratio, quæ breviter imperat, referre non permittit. Ultimus denique hujus voluminis labor in Imperatorum Orientalium & Occidentalium, Regum item Francorum, Hispanorum, & Anglorum, a quibus per hunc noni & decimi seculi decursus Respublica administrata est, præcipuis gestis breviter enumerandis occupatur.

POSTERIUS VOLUMEN 18 dissertationes complectitur. In prima, quæ de translatione Imperii a Græcis ad Francos agit, Carolum M. a Leone III Romæ Imperatorem coronatum, & Ecclesiæ maxime Romanæ custodem constitutum, nec tamen, quod *Bellarminus* & alii putaverant, hoc facto Imperium a Græcis ad Francos translatum asserit.

Secunda circa Ludovici Pii exactionem & restitutionem occupatur, quem ab *Agobardi*, *Paschassi*, & Synodi Compendiensis calumniis acriter vindicat.

In tertia vulgatam de Johanna Papissa historiam post *Florimondum*
De 2 *Re.*

Remundum, Leonem Allatum, Philippum Labbeum, Davidem Blondellum & alios confutare conatur.

Quarta Photii, Ignatium sede Constantinopolitana deturbantis, ab Ignatio iterum detrufi, fed post Ignatii mortem reftituti, & denuo exauclorati, cum Romanis Pontificibus certamina, nec non legationum & gliarum rerum in fchifmate ifto utrinque actarum hiftoriam exponit. Inprimis vero Synodi octavae Oecumenicae, ab Hadriano II congregatae, cui aliam Oecumenicam IIX Photius poftea oppofuit, actiones ordine recenfet, & occasione canonis 17, pro *Petro de Marca & Bosqueto*, contra *Chriftianum Lupum*, an Epifcopi Gallicani ab Epifcopo Romano vocati, citra licentiam a Regibus permiffam, abire potuerint, difquirat.

In Godefchalchi caufa, quam quinta difsertatio aggreditur, referenda ita verfatur Autor, ut diffenfiones in Gallia ex his certaminibus exortas, & unque conciliet, & *Manguinum* aliquoties refellat.

In fexta Rothadi Sueffionenfis ad Sedem Apoftolicam appellantis reftitutio, quamvis *Annalium Bertinianorum* Autor eam non regulariter, fed potentialiter a Nicolao I factam effe fcribat, contra *Hincmarum Rhemenfem* defenditur.

Septima controverfiam, quam Hincmarus Rhemenfis Wulfado & aliis Clericis ab Ebbone antecessore fuo ordinatis movit, ventilat, eorumque caufam. contra Hincmarum cum Romana Ecclefia tuetur. Hincmarus iftius Rhemenfis ex fote nepos fuit Hincmarus Junior, Laudunenfis Antiftes, qui cum ob turbulentas actiones male fibi confcius, interjecta ad fedem Apoftolicam appellatione, Nationalis Synodi judicium declinaffet, ab Adriano II, ut pro fui defenfione graves & acerbas ad Carolum Calvum, & Hincmarum avunculum fuum literas fcriberet, impetravit. Sed Hincmarus Rhemenfis Regis Chriftiffimi nomine Pontificem illum Romanum pro merito haud mitioribus literis excepit, quarum summam cum reliquis hujus controverfiae actis octava difsertatio enarrat.

Nona Lotharii Regis & Teutbergae divortium, & novum ejusdem Regis cum Waldrada matrimonium ab Epifcopis Regni Lothariani, in Aquisgranenfibus Conciliis & Metenfi Synodo approbatum, fed a Nicolao I, quem Teutberga appellaverat, refciffum memorat, & quid de eo negotio fcriptum actumque fuerit, exponit.

In decima dissertatione Autor Paschasii Radberti, qui se in subscriptionibus monachorum omnium peripsēma appellare consuevit, vitam & opera recenset, eumque ab *Henrico Boxbornio* & *Hospiniano* temere ad Calvinistarum partes trahi asserit, cum e contrario *Claudius* & *Larroguis* Paschasium arguant, quod primus realem Christi in Eucharistia Sacramento præsentiam tradiderit: quorum sententiam congestis rationibus & multorum Autorum testimoniis refellit. Et cum reali corporis & sanguinis Dominici præsentia transubstantiationem subinde admisceat, haud mirum, etiam Lutheranos intactos non relinqui, quos per *Gastum Hagēnōiensem* Ministrum anno superioris seculi 28, Paschasii opera adulterasse audacter insinuat.

In undecima ad Rabani Mauri opera & naves progreditur, cui fœdum Stercorariorum errorem falso tribui ex *Mabillonii* *Secl. IV. Benedictino* asserit. Inprimis vero negat, Rabanum realem corporis & sanguinis præsentiam in Eucharistia negasse, quamvis corpus illud Christi, quod ex Maria natum est, cum eo, quod de altari sumitur, idem esse negaverit, & cum Patribus quibusdam triplex Christi corpus, Ecclesiasticam, Eucharisticam, & quod e Maria natum est, distinxerit.

Idem sensit Amalarius, ejus errorem de Christi corpore trifor-
mi in Carisiaca Synodo damnatum refert Florus in *MSC.* contra Amalarium a *Blondello* in *elucidationibus controversia de Eucharistia* laudatus. Num vero Amalarius Stercoranistarum errorem foverit, ut a *Wilhelmo Malmesburiensi*, *Mauguino*, & *Antonio Arnaldo* arguitur, an realem Christi præsentiam in Eucharistia plane negaverit, quod *Claudius* & *Larroguis* asserunt, duodecima dissertatio inquirat, in qua etiam errores Amalarii ab Agobardo impugnati recensentur.

Decima tertia Rattramni seu Bertrami scripta recenset, & inprimis librum de corpore & sanguine Domini, quem *Petrus de Marca* & *Antonius Arnaldus* Johanni Scoto, sed *Mabillonio* iudice falso asserunt, nec non librum de Nativitate Christi, a Paschasio Radberto impugnatum: & librum de anima *MS.* Monacho Corbeiensis, qui unam omnium hominum animam esse contenderat, oppositum ad examen revocat.

Decima quarta Johannis Scoti Erigenæ, quem autor a Johanne Æthelingiensi in Anglia Abbate distinguendum, & nec Bedæ discipulum, nec martyrem fuisse probat, opera & erroneas de Eucharistia, Prædestinatione, & aliis Fidei articulis sententias, earundemque con-

demnationem in Parisiensi, Valentina & alijs Synodis factam exhibet.

Decima quinta contra Calvinianos, & in specie *Albertinum, Claudium, & Larroguium* militat, qui seculo X fidem Eucharistiz in tantum mutatam esse affirmant, ut, cum nono adhuc seculo Christiani corpus & sanguinem Christi ab Eucharistia abesse credidissent, decimo demum seculo substantialis Christi in Cœna præsentia credita fuerit.

Decima sexta contra *Johannem Launojum* dirigitur, qui in Epistola quadam ad Ludovicum Maresium contra *Baronium, Binium, & alia* Curiz Romanæ mancipia (sic enim Launojus in dicta Epistola appellat) Romanum Concilium, quod Johannem XII deposuit & in ejus locum Leonem IIX substituit, legitimum, & illud, quo Johannem restitutum volunt, suppositum fuisse probaverat, cujus argumenta Autor refutare conatur.

In decima septima dissertatione Autor de septem Electoribus agit, eosque a Gregorio V. in Concilio Romano institutos, contra *Bellarminum, Baronium* & alios negat: quamvis de cætero haud negandum, esse lectoribus suis persuadere velit, quod jus eligendi Imperatores a sede Apostolica quodammodo emanaverit.

Ultima denique dissertatio, cui Panopliæ adversus IX & X seculi hæreses titulus præfigitur, contra Photium & reliquos Græcos processionem Spiritus S. a Filio, a Latinis symbolo adjectam, tuetur, ubi obiter animadvertitur, ex Autoribus a *P. Ludovico Maimburgio* allegatis non constare, quod Henricus Imperator Benedicto Octavo, ut verba illa FILIOque Symbolo adderet, Autor fuerit, aut quod Benedictus VIII in Synodo Romana additionem illam approbaverit.

DISCOURS SUR L' HISTOIRE UNIVERSELLE a Monseigneur le Dauphin: pour expliquer la suite de la Religion, & les changemens des Empires. Premiere partie, depuis le commencement du Monde jusqu' a l' Empire de Charlemagne. Par Messire Jacques Benigne Bossuet, Evêque de Condom &c.

id est,

Dissertationum super Historia Universalī ad Serenissimum Delphinū, quibus contextus Religionis & Imperiorum

reriorum mutationes enarrantur, Pars prima, ab exordio mundi usque ad Imperium Caroli Magni deducta.

Auctore Jac. Benigno Bossueto Condomensi
(nunc Meldensi) Episcopo.

Parisi, in 4. Lugduni & Amstelod. in 12. 1681.

TRibus nempe locis eodem anno typis excusus hic liber est, quod acceptissimum eum omnibus futurum, & operis argumentum, ipsum, & illustre Auctoris nomen, spem certam Bibliopolis fecisset. Neque de bono publico male merebitur, qui, ut novissimus Francofurtensis librorum catalogus innuit, in Latinum sermonem transferre librum, ut legi a pluribus possit, instituit. Quid enim vile, aut inelaboratum expectari ab eo poterat, quem ex tanto doctorum virorum, quibus Gallia hoc tempore abundat, numero Rex Christianissimus selegit, qui Delphini studiis una cum doctissimo Hueto moderaretur, ac qui hoc ipso opere specimen edere prudentiæ Didacticæ voluit, ac viam velut aliis in erudienda probe & ad pietatem flectenda illustri Juventute terendam præire. Tamen enim scopus Auctoris fuit, Historiam tum Ecclesiasticam, tum Civilem Serenissimo Discipulo tradere, id imprimis tamen per universum opus egit, ut demonstrato ab una parte Religionis Christianæ, suismet viribus nixæ, & ab exordio mundi ad nostra usque tempora subsistentis, imo æternum perstituræ, contextu perpetuo; ab altera parte amplissimorum Imperiorum vicissitudinibus, variis casibus, ac ruinis ob oculos positis; animum Principis a mundanarum rerum nimio studio abductum, pietate ac solidioris felicitatis gloriæque, ad quam sola nos Religio Christiana ducit, desiderio imbueret.

Prior operis pars, quæ jam publici juris facta est, & a condito mundo ad Caroli M. porrigitur tempora, tribus sectionibus absolvitur. Quarum prima Historiæ universalis, Ecclesiasticæ pariter ac Civilis, summa capita promiscue, juxta temporum tamen seriem, per certas Epochas, velut Adami, Noæ, Abrahami, Moïsi, captæ Trojæ, Salomonis, Romuli, Cyri, Carthaginis excisæ, Christi Servatoris nati, Constantini, & Caroli M. auctor exhibet, totque seculorum res gestas notatu digniores brevi ac concinna oratione enarrat. In quo tractatu ut passim fidem dictis profanorum æque ac sacrorum testimoniiis

nis adstruit; ita ubi inter se illi dissident, nec conciliari possunt, explosa profanorum auctoritate, Sacras literas, velut cynosuram fallere nesciam, strictum sequitur.

Altera sectione Religionis Christianæ veritatem, successionemque nunquam interruptam uberiori sermone demonstrat, evincitque, etsi alius populi Dei status sub lege naturæ, alius sub lege Moïsis, alius sub Evangelio fuerit, eundem tamen Deum auctorem, eundem Christum Servatorem generis humani cultum semper ab Ecclesia fuisse, eandemque religionem eidem fundamento superstructam, ac ab hostibus, idololatria, impietate, hæresi, persecutionibus, ipsaque vi immensi temporis invictam hujusque perstitisse. Itaque ab Historia creationis lapsusque; Protoplastorum, ac primi in paradiso de Messia Evangelii orsus, ad Abrahami ac Patriarcharum tempora, quibus sparsa jam per universum orbem idololatria, suum sibi populum peculiari fœdere Deus adstrinxit, ad Davidem inde & Prophetas ac clariora de Messia oracula sensim ascendit, cumque de Hierosolymitani templi exstructi, destructi, instaurati satis, populique Judaici & Religionis ipsius per hæc temporum intervalla statu docte disseruisset, ad Novi Fœderis Historiam progreditur, ac Deum in carne manifestatum, Spiritum S. in fideles effusum, gentiles in Ecclesiæ sinum receptos, Rempublicam Judaicam destructam, Religionem Christianam inter sævissimas persecutiones crescentem, gravissimis discursibus prosequitur. Ast præcipuam laudem subjunctæ Digressiones profundæ sapientiæ ac doctrinæ merentur, quibus adversus Judæos pariter ac Atheos, veritatem Religionis Christianæ invictis argumentis demonstrat, ac in ea propaganda admirandam Divini Numinis providentiam deprædicat. Ubi non dissimulamus, favere Auctorem imprimis Romanæ Religioni, ac ejus antiquitatem, quippe quam ipse sectatur, passim extollere.

Sectione denique tertia Imperia majora, Scytharum, Æthiopum, Ægyptiorum, Assyriorum, Medorum & Persarum, Græcorum, Romanorum, Auctor recenset, memorque instituti, quo consulum imprimis Serenissimo Delphino voluit, eorum originem, instituta præclara, incrementa, vitia, occasus sic describit, ut quibus artibus steterint creverintque, per quæ vitia collapsa fuerint, nullo inde negotio intelligi, ac solida adeo civis prudentia hauriri possit.

THEO-

THEOPHILI BONETI D. M.

*Mercurius Compitalitius, seu Index Medico-
Præcticus.*

Genev. 1682. in fol.

Cum Medica Praxis circa subiecta particularia versetur, haud sufficiunt ipsi pro fausto successu Regulæ istæ generales, quæ methodus medendi consueto modo tradit, quin circumstantiarum circa ægros varietas, intricatæ morborum complicationes, & idiosyncrasie cujusvis individui, determinatas magis leges postulent. Pro praxi itaque speciali dirigenda melius, tot Cautiones, Animadversiones & Castigationes, a famosioribus Practicis passim notatæ prostant, non secus ac plures istæ Observationes, Historiæque Medicæ, & Consultationes, ut harum omnium ope perficiatur habitus Medici Practicus, & ita per exempla breve & efficax ad artem fiat iter, longius quod foret per præcepta. Ultrasque amico scødere jungere placet Autori, præsentii in scripto, dum laboriosa ex probatissimis, priscais pariter ac neotericis Scriptoribus Practicis collectione, eorundem cautiones & observationes in singulos morbos diligenter congerere, & concinno ordine disponere, & ita nucleum Practicum ex tot Scriptoribus diligenter excerptum, uno in Volumine exhibere satagit, ut hoc ipsum in controversiis Practicis, casibusque dubiis, Mercurialis quasi sit statua, quæ dum in vivo anceps stat Medicus, cui viæ insistendum sit, ostendat. Opus ipsum Autor in 20 distribuit libros, quorum 18. priores morbos particulares quosvis, secundum Alphabeti seriem dispositos, complectuntur, ut ita citius Lectori in conspectum veniant, quæ disquirat. Quibus in Lib. XIX. præsidia Medica Universalia, secundum tres auxiliorum Medicorum fontes subjungit. Appendicis denique loco liber XX annectitur, circa Medici munus occupatus. Præmittitur his omnibus Index Titulorum & Affectuum, prout juxta literarum seriem se mutuo excipiunt. In calce vero Operis index rerum, extra modo dictum ordinem alphabeticum collocatarum adjicitur.

PAEONIS ET PYTHAGORÆ EXERCITATIONES Anatomica & Medica bis 50.

Basileæ 1682. in 8.

Ec

Exer-

EXercitationes hæc Autôres agnoscunt *Johannem Jacobum Harderum, & Job. Conradum Peyerum*, quorum Ille per *Prodromum Physiologicum*, explicantem naturam humorum, Nutritioni & Generationi dicatorum, ac *Examen Anatomicum Cochleæ terrestris domiportæ*; Hic per Exercitationem de *Glandulis intestinorum* atque *Anatomen Ventriculi Gallinæci*, ab aliquot annis Orbi erudito, Scholisque potissimum Anatomicis innotuerunt. Epistolas non minore jure eas vocare potuissent, cum sub earum forma conscriptæ ac editæ fuerint a binis his amicissimis: quia tamen his æque se reciproce in rebus Anatomicis & Medicis exercere, ac mutuam operam, in Studiis his promovendis, præstare voluerunt, Exercitationes easdem vocarunt. Complectuntur siquidem præter Observationes rerum, quæ maxime nunc inter sectatores ventilantur, varii generis pathologica, per cadaverum præprimis, his vel illis morbis defunctorum, eviscerationes declarata, Scholiisque ac theoriis propriis illustrata, adeoque uno verbo Miscellanea singularis dexteritatis atque eruditionis merito dicenda crunt.

*JOH. CONRADI PETERI PARERGA
Anatomica & Medica septem.*

Amstelodami 1682 in 8.

EDiderat hic anno 1677 Exercitationem Anatomico-Medicam de *Glandulis intestinorum* cum *Anatome ventriculi Gallinæci*, in qua tenuium Intestinorum internam superficiem certis glandularum agminibus seu plexibus, crassorum glandulis solitariis, ornari, non solum in genere asserit, sed harum quoque in fele, cane, vulpe, lepore, sue, ove, capra, bove, homine, glire &c. conformationem, ex propria partim, partim aliorum autopsia accurate satis describit, & figuris æneis exprimit. Atque has conglomeratis accenset, liquorem stilantes, qui in tenuibus consummandæ chylificationi præsit, crassa vero contra fæcum duritiem & acrium humorum activitatem muniat, simul tamé glutinositate sua particulas scybalorû coagmentet, & ad debitam consistentiam conglomeret: quibus demû parthemata earundem glandularum diversa, hincq; corpori animali obvenientia symptomata, subnequit. Illam E. dissertationem ut *primum* parergon nunc supponit, *secundum* constituens Exercitationem alteram de iisdem glandulis intestinali-

intestinalibus, in qua, quæ in priore illa de conformatione atque usu harum differuerat, ulterius explicat. Sc. distinguit primo Glandulas intestinalium in externas, nempe epas, pancreas, glandulas mesenterii, intestinalium superficiem exteriori adhaerentes, & sub marsupiorum exiguorum specie utrinque sub ani sphinctere latitantes: & internas, quarum diversas pariter numerat species, sc. universam intestinalium internam tunicam glandulosam, aliasque glandulas majores & conspectiores, vel sparsim in cunctis, vel ærolatim in tenuibus intestinis, disseminatas; posterioris generis utramque speciem tam per autopsiam *Cass. Bartholini, Wipseri, Scretæ & Harderi*, quam per reiteratas in variis animalibus, quadrupedibus, avibus, piscibus ac tandem in homine, sectiones proprias confirmans. Imo tandem eo adducitur, ut ventriculum ipsum cum Intestinis glandulas pronunciet, ideo quod secretionibus, quarum nullam extra glandulas fieri supposuerat, vacent, intestinalium structura, potissimum in embryone tenello, testibus atque epididymidibus perquam similis existat, glandulæ nihil aliud, quam meatus varie contorti & configurati videantur, ac pori intestinalium, per quos chylus in vasa lactea trajicitur, a diversis Scriptoribus pro glandulis reputentur, Et quoniam ratione usus glandularum intestinalium in prima dissertatione docuerat, hæc chylum minime absorbere, contradicentem autem postmodum observarat *Johannem de Muralto* in Vade mecum Anatomico seu clave Medicinæ, assertum suum contra hunc prolixè vindicat, ac tandem certamen epistolare, subjectum hoc concernens, quod sibi cum Muralto intercesserat, subdit.

Parergon tertium Methodum historiarum Medico-Anatomicarum exhibet, quam separatim superioribus jamdum annis ediderat, cujus ope in defunctis morbi sedes & causæ indagari & exponi debeant, hujusque præcepta Ascitis, vitio cordis geniti, historia anatomico-medica, scholiis illustrata, comprobatur.

Quarta epistola constituit, conscripta, ad Cl. Sponium, cum hujus responsione, de amitina Peyerii, ab infantia prima oculis capta, quæ quamvis ideo literas nunquam conspiciere potuerit, tantam tamen mentis perspicaciam susceperat, ut pietatis præcepta & cum Germana linguam Gallicam, Latinam atque Italicam addidicerit, imo præter Musicam vocalem & instrumentalem, Philosophicas disciplinas sub manu ductione partim parentum, partim aliorum magistrorum, his addiderit,

ut ipsa postmodum eas fratres suos doceret, tandemque animum ad scribendum appulerit, quo cum absentibus quoque per literas confabularetur.

Quintum Parergon Historiam anatomicam ab H. Glaserio conscriptam sistit, mulieris Ascite defunctæ, cui lien extiterat minimus, ductus autem pancreaticus maximus. Sc. Lien fabam majusculam haud excedebat, foramen vero in intestini jejuni principio, quod ductui biliario & pancreatico commune, tantæ reperiabatur amplitudinis, ut digiti auricularis apicem admitteret.

In *Sexto* Historiam Anatomico-Medicam refert Mulieris hydropicæ, cujus abdomen plenum tumoribus, & uteris tuberosus repertus fuerit, cum iconibus uterum hunc ejusque tubera explicantibus.

Quibus tandem, *Septimi* loco, Miraculum anatomicum in cordibus resuscitatis addit, quatenus fibris cordis, tam humani, quam aliorum, brutorum, egelidis motus aliquis denuo inspirari possit, aerem per ductum thoracicum inflando, corque manu aut spongia calida fovendo, qui etiam fatus in corde salmonis scemellæ, e corpore evulso, pro pulsu huic restituendo aliquando suffecerit.

ZODIACUS MEDICO-GALLICUS, sive Miscellaneorum Medico-Physicorum Gallicorum

Annus II. & III.

Authore NICOLAO DE BLEGNUY.

R. G. C. O.

Genevæ 1682 in 4.

TAm mirabilis in suis Operibus ubique observatur Alma Mater Natura, ut tantum non quotidie nova Phænomena cu riosis suis scrutatoribus repræsentet, idque tam apto artificio, ut cuilibet nec omnia, nec eadem exhibeat, sed singulis peculiaria quædam, definitum quasi cuivis pensum distribuendo, subministret. Horum circumspecta observatio, collectioque exacta, ut summam rei tam Naturali quam Medicæ affert utilitatem, siquidem tot quasi literæ illa æstimanda sunt, ex quibus tandem Alphabetum pro naturæ interpretatione componendum est, ita ne oblivioni tradantur, tot Societates, Academiz, Collegia &c. conspirarunt hætenus, & publicæ perlustrationi exposuerunt, omni-

omnibus, singulis quod experientia, rerum Magistra, & hujus pedissequa Ratio suppeditavit. Atque huc referenda quoque veniunt Miscellanea illa Medico-Physica, quorum singulis Mensibus pars quaedam Parisiis Gallice, sub titulo, *Neuvelles deconvertes, sur toutes les parties de la Medecine*, Recens in Re Medica explorata, eduntur a *Nicolaso de Blegny*, Chirurgo celebri, quæ postmodum a *Thiophilo Boneto* Latinitate donata, *Genevæ* nomine *Zodiaci Gallici* divulgantur. Prodiit jam anno 1680 primus hujus Zodiaci annus, respondens anno 1679, cujus observationibus variis in fine accesserunt tractatus bini, de herniis prior, posterior de Lue Venerea, ab illarum Editore Gallo conscripti. Secutæ jam sunt binæ aliæ Zodiaci hujus revolutiones, secunda pro anno 1680, & tertia pro anno 1681, quæ Miscellanea rem vel Naturalem vel Medicam concernentia, partim observationes multiplices, partim interspersas variis argumenti Dissertationes complectuntur.

Quod itaque anni secundi attinet Observationes, p. 44. habetur remedium probatum contra hydropem uterinum, p. 56. Monstrum Cervi-Taurus, p. 74. Sperma in sene neogamo petrefactum, p. 75. nasus omnino præcisus, perfecte denuo loco resectionis unitus, ne cicatrice quidem manifesta relicta. p. 89. oleum Talcis singulare, & omnes proprietates desiderati adeo olei Talcis obtinens, elegans Cosmeticum, post 15. annorum laborem, a non nemine concinnatum, quod reperitur apud *Dom. Lemery* Pharmacop. Reg. edito Cursu Chymico satis notum. p. 123. Intestinum tenue ex vulnere acinacis in hypogastrio dextro, transversim, haud procul a loco, ubi definit Ileum, dissectum, citra tamen mortis periculum, quia mira Naturæ industria intestinum vulneris externi circumferentiæ agglutinatum fuit, ita ut optime cæteroquin valens latus, tantum per intestinum in loco lationis apertum, excrementa egerere necesse habeat. Casus hic singularis paria in canibus tentandi occasionem suggessit, pro vulnere talium, alioquin periculosorum, in homine curatione feliciori, & similiter cani p. 143. post apertum abdomen, intestinum Ileum eodem in loco dissectum, circumferentiæ vulneris ope suturæ connexum fuit, & ita citra alium apparatus sanatum, cane per intestinum ita apertum excrementa iidem excludente. p. 122. Lapidis in ipsa cordis substantia reperti. p. 127. cecitas fugax in pueris, ex calculorum in urethra genitorum extractione. p. 132. parva lacerta per venam sectam egressa. p. 148. gravissimæ & periculosis

iosus affectus cum creberrimis sanguinis vomitibus, ab hirudine in potu deglutita, per theriacam mediante animalis cum vomitu reiectione curatus. p. 188. putrefactio artificialis corporum siccorum & porosorum, intra 4, l. 6. dies, mediante certa pasta. p. 210. puer 6 mensium insigniter barbatus, & toto corpore, exceptis artubus, habitus virilis, ad instar viri 30 annorum.

Inserti his observationibus discursus sunt varii, quos inter p. 6. de febribus & febrifugis agitur. p. 57. & 158, ventilatur generatio animalium ex ovo, ita tamen, ut affirmativa videatur potior. p. 161. inseritur integer tractatus *D. Monginot* Med. Paris. de febrium cura per usum Quinquinae, anno 1680, ceu scriptum anonymum primum Gallice editus, cujus summa capita Calendis Martii pag. Actorum 76. exhibuimus. p. 191. de usu & noxa frequentioris sanguinis missionis, cujus occasione simul & in respirationis usum, & sanguinis sulphurei ab aere nitroso quasi incensionem fit inquisitio. p. 217. prolixè de alvi fluxibus in specie tractatur: sicuti p. 260. potus glacie refrigeratus, a nocuentis ipsi alias imputatis vindicatur.

In anno tertio observanda veniunt p. 4. Cutis anatome, tam quoad papillas protuberantes, quam quoad glandulas post cutis cribrum sitas. p. 26. nova aneurismatis curandi ratio proponitur, qua occasione p. 43. & 62. plura observatu digna circa varios aneurismata curandi modos afferuntur. p. 30. exhibetur ovum, Cometæ figuram repræsentans. p. 54. puella sine cerebro nata, loco cujus aqua liquida membranas implevit, ubi simul de usibus cerebri & spinalis medullæ disquisitio instituitur. p. 70. & 79. confirmatur modus mollificandi & in aptum edulium convertendi ossa, methodo ab Anglis nuperrime inventa, & a nobis Calendis Aprilis pag. Act. 106. seqq. descripta. p. 95. refertur planta, famem & sitim sedans, in Scotia noviter reperta. p. 107. Figura humana in ovo exacte repræsentata, &c.

Dissertationes inter, quæ modo dictis interjectæ sunt, eminent istæ *D. Comerii*, Ebrodun. Mathes. Prof. Paris. de colorum natura p. 85, 113, 127, 135. variis experimentis demonstrata, & ex principiis Optices, Dioptricesque deducta, in quibus præter hoc, quod colorem modificatum esse lumen ostendat, debilitatis in visu senum, conspiciendorumque iisdem usitatorum varietatis rationem, non secus ac Myopum, & his oppositorum Presbytum in visu diversitatis fundamenta, curiose ex

majori minorive Cryſtallini convexitate explicat, & per cameræ obſcuræ phænomena eleganter declarat. Idem Autor pariter p. 39. ſollicitus eſt, de Cometarum influxu, (de quorum natura jam anno 1665. ſcriptum ediderat, ipſosque corpora de natura Planetarum, orbi terrarum cœva demonſtraverat) quomodo ex propria natura novorum morborum autores eſſe queant: quo etiam pertinet diſcurſus anonymi in calce Volum. hujus p. 149. additus, de præſagiis cometarum, ſtatuentis, illos fauſta potius quam ſiniſtra prædicere; imo futuri illos nequaquam eſſe indicia, cum illorum exortum fauſti non ſecus ac infauſti eventus aliquando conſequantur.

MICHAELIS ANTONII BAUDRAND

Pariſini Geographia ordine literarum

diſpoſita.

Tomi duo.

Pariſiis apud Stephanum Michalet, 1682. in fol.

DUodecimus jam decurrit annus, ex quo Autor Clariffimus Lexicon Geographicum Philippi Ferrarii Alexandrini, Ordinis ſervorum B. M. V. olim Præpoſiti Generalis, in ordinem Alphabeticum digeſtum, & ceu loquitur ipſe, altero tanto auctius in lucem publicam emiſit. Librum hunc utiliſſimum quam avide exceperit, quam benigne foverit literatus orbis, vel ex triplici, qua apud exteras gentes tantillo temporis ſpatio donatus fuit, editione apparet. Autor tamen ipſe, dulcedine nimirum atque amplitudine ſtudiſ Geographicis perſpecta, eo non acquievit, ſed per integrum quinquennium in augendo magis magisque illo atque perficiendo deſudavit, donec in ſua hac Geographia ad umbilicum perducta, id non absque re viſus eſt ſibi aſſecutus eſſe. Quantam ſane potuit maximam adhibuit diligentiam, tum ut Geographiam veterem & novam perpetuo parallelismo inter ſe conferret; tum ut pleraque ex media ætate deſumpta, & ſcitu digna, quorum nulla hætenus mentio facta fuerat, adjiceret; tum etiam ut ſingularum regionum accuratas & commodas diviſiones afferret, & quibus urbes & provinciæ a vicinis populis ſignentur vocibus; quæ denique recens detectæ ſint regiones; quid de his memoria dignum nupera eaque ab

uno

uno aut altero seculo confecta itineraria referant, non omittet, expunctis erroribus innumeris, qui in libris & chartas irreperant, circumscriptis quoque descriptionibus, & omissis Autorum, cum non opus est, citationibus, quæ nihil præter tædium & molestiam afferant. Quia ratione factum est, ut in Novo hoc Opere nulla fere pars Lexici Geographici anno 70 editi vel minima remanserit, quam non fecerit meliorem; ceu ipse sciet hunc suum vere describit & commendat, partim in dedicatione, partim in præfatione ad Lectorem. Hæc vero augmenta textui ipsi sunt inserta; præterea indiculum etiam Episcopatum & Archi-Episcopatum, seipso iterum indice in præfat. ad Lect. juxta præsentem Ecclesiæ statum attexit; Academiæ item totius orbis, Civitatum Imperialium & liberarum Germaniæ, quæ hoc jure potiuntur, aut aliquando potitæ sunt, Catalogum: Urbes quoque aut regiones, quæ aliquando venditæ sunt aut oppignoratæ, simul & regiones, urbes & loca, quæ nusquam fuerunt, licet in chartis designentur. Tandem adjecit etiam indicem Geographorum tum veterum tum recentiorum; ac demum corollarii loco partem Geographicæ alteram, in formam tabulæ amplissimæ, prout ipse loquitur, aut Indicis potius concinnatam, in qua nova nomina, in gratiam Lectoris in Antiquitate minus versati veteribus præponuntur. Quæ vero adjici adhuc possunt, Autor, postquam id fieri posse, candide in fine præfat. falsus est, seipsam forsitan quandoque additurum esse, dubie ibidem promittit.

*Fragmentum STEPHANI, Byzantini Grammatici,
de DODONE, cum triplici nupera Latina Versione, &
Academicis Exercitationibus*

JACOBI GRONOVII.

Lugduni Batavor. 1681 in 4.

Quo Clarissimus Exercitationum Autor ostenderet, quanti res ingenii ac judicii, quantæque eruditionis sit, correctæ satis atque exposita publico dare conspectui monumenta STEPHANI, ex illis hoc potissimum, de Oraculo Dodonæo quod agit, fragmentum dilucidius proponendum atque elimandum sibi sumsit.

Tametsi vero interpretationem triplicem, Samuelis puta Tennulii, Abrahami Berkelii, Thomæque de Pinedo Lusitani, quorum studia hac-
tenus

tenuis fragmentum idem non parum sollicitarat, textui Græco ad junxerit, inter versiones singulas accurata collatione instituta; in Exercitationibus tamen suis hunc interpretandi laborem frustra suscipi contendit, & Josephi Scaligeri sententia, & Salmasii exemplo, consilium vertendi hujus Lexici, quod ante formaverat, abjicientis, & Casauboni autoritate fultus. Totam siquidem literaturam apud Græcos, eoque & Grammaticam, nihil quondam fuisse censet, nisi explicationem Iliados & Odysseæ. Grammaticum igitur hujusce generis cum egerit Stephanus, videre sese, quomodo e dignitate interpretatio aliqua eidem possit addi, in tantum negat, ut inani interpretatione obscurari potius, quam illustrari Stephanum arbitretur.

De regione, ubi sita Dodone fuerit, sic sentit, ut non in Perrhæbia, nec in Thesprotia; quod *Ludovico Nonnio* forte ad *Graciam Goltzii* placuerat; sed in Molottide, Epiri provincia, universæ Hellados origine & Metropoli, positam fuisse statuatur. Semper enim urbem hanc in Molossorum fuisse potestate, & oraculi Dodonæi possessionem Epirotis fuisse propriam, contendit: neque componi inter se sententias de situ dissidentes posse; quod alias facere instituerat *Jacobus Palmerius a Grentemesnil* in *Antiqua Græcia*. Assertum hoc inter alia ex Epirotarum nummis confirmat, adversus modo laudatum *Ludovicum Nonnium* in *Commentario ad Græcos Goltzii nummos*, & *Petrum Seguinum* in *Numismatibus selectis*. In iis enim (typos eorum frons libelli exhibet) nunc Jovis Dodonæi faciem haberi, nunc Jovis & alterius fœminæ, nunc solius fœminæ: in altera autem nummorum facie nunc aquilam Jovis alitem conspici, nunc fulmen ejus $\sigma\chi\eta\pi\iota\sigma\tau\omicron\rho$, nunc bovem: & his omnibus circumvolvi coronam ex fronde querna: Muliebri vero facie, quæ in illis nunc appareat sola, nunc comitata Jovem, non Junonem, sed Dionen, seu Latinorum Venerem designari ex Strabone docet, Demosthene, atque Servio. $\Upsilon\pi\phi\eta\tau\alpha\upsilon$ deinde sive subvatum occasione, quinam primis temporibus oraculorum interpretes fuerint, virine an fœminæ, contra Strabonem & Origenem disputat, & quæ plura sequuntur istius generis.

Inferitur his quoque Exercitationibus *D. Stephani le Moine* de hoc eodem oraculo sententia, in Epistola peculiari ad Autorem perscripta: qui inter alia, arbores istas vocales, & oracula reddita a columbis arbori infidentibus, originem traxisse conjicit ex variis Sacræ Scripturæ histo-

Ff

riis,

riis, male habitis & interpolatis. *Eduardi* denique *Bernhardi*, Mathematicum apud Oxonienses Professoris *Annotationibus* ad aliquot hujus fragmenti loca, aut intacta, aut ab aliis Criticis male tacta, libellum hunc concludit: ut vel hinc intelligatur satis, quam fecunda opinio- num & conjecturarum mater Scriptorum ista veterū nutricula existat.

**DES REPRESENTATIONS EN MUSI-
que anciennes & modernes.**

a Paris 1681. 12.

De

Dramatibus musicis Veterum & hodiernis.

DRamatū, quæ cantu, adhibitis instrumentis musicis decentique corporis motu peraguntur, genera, naturam & originem, ex ultima antiquitate & inde usque ab Hebræis deduxit, & omnia, quæ hodie in iisdem recepta sunt, jam olim adhibita fuisse, exposuit in libello hoc *R. P. Menestrierius, e Soc. Jesu*, qui majus Opus, ejus isthæc particula quædam sit, universam imaginum sive iconicam Philosophiam, verborum puta, actionum, & rerum exhibiturum, se moliri in præfatione indicat. E sacra autem & profana historia veteri dramatum hujusmodi complura affert exempla, unde constet, antiquissimis temporibus receptum fuisse eorum usum, nec seculi demum hodierni ea esse inventum. Eorum enim rudimenta in Davidis Psalmis & Jobi libro se reperire affirmat: siquidem in istis modo David ad Deum, modo Deus ad Davidem, modo hic ad gentem suam sermonem convertat, & preces, imperium, minas, planctus, gratias, laudes, exhortationes misceat, omnesque animi motus, ad quos purgandos dramata comparata sunt, exprimat; in hoc vero, Dei cum dæmone, Jobi cum Deo, conjugæ & familiaribus, horumque inter se mutua colloquia dramatis speciem præ se ferant, ejus autorem nonnulli agnoscant Moysen, qui ad consolandos Israelitas in calamitatibus Ægyptiacis istud compoluerit. Illustre autem dramatis musici exemplum præbere Salomonis Canticum Canticorum, ejus partes examinat, & ad musicorum ludorum, scenicarum leges plane comparatas eas dicit: unde a nonnullis istud Epithalamii speciem habens, dicente Origene & Hieronymo, in modum dramatis compositum a Salomone existimari, quod primum editum fuerit, cum is nuptias celebraret cum Pharaonis filia. Ab Hebræis ac-

is accepta dramata adeo feliciter excoluisse Græcos, quorum lingua ad musicam æque ac poesin quavis alia longe aptior sit, ut admirandos plane effectus ediderint: quapropter omnia poemata, Lyrica non saltem, verum etiam Epica, in Græcia a Poetis, qui ea conscripserant, decantata, exemplo Hesiodi & Homeri probat. A Græcis ad Latinos sive Romanos, qui in omnibus Græcos æmulati sunt, derivatum hoc studium, minus tamen excultum dicit, quod horum lingua musicæ parum apta sit. Tria autem hujus genera obtinuisse docet: unum naturale seu *diatonicum*, quo carmina epica recitabantur; alterum figurarum sive *chromaticum*, quo Lyrica accedente instrumentorum sono cantabantur; tertium *enharmonicum*, quo affectus & animi motus concitabantur, usitatum cum primis in theatris, & dramatibus interveniens. Confert cum tribus his musices generibus artis pictoriæ diversas species, & a triplici vocis motu desumpta ea tradit. Is enim cum vel continuus, vel diastematicus sive intervallis discretus, vel medius sit: isto loqui, illo canere, hoc vero legere nos asserit. Lectionem sane medium inter loquendi & canendi rationem obtinere locum, e Quintiliano ostendit, qui Lib. I. Inst. Orat. c. 8. lectionem ita formandam esse præcipit, ut neque prosæ similis sit, neque tamen in canticum dissolvatur; Dionysio item Halicarnassensi, qui legentium vocem a communi sermone distinguit. Epica igitur poemata nequaquam ad modos cantici hymnive decantasse Veteres, vocem tamen inter pronuntiandum inflexisse, & modo intensiore, modo submissiore ea recitasse indicat, ea ferme ratione, qua in Ecclesia hodiernum Evangelia, Epistolæ, Passionis item historia a diversis personis diverso & vario vocis habitu flexuve, in Officio Missæ, singulis item Dominicis & Festis diebus canuntur: unde factum, ut hi ipsi cantus *Lectiones* appellarentur, v. g. Lectio sancti Evangelii, Lectio Epistolæ B. Pauli &c. Choros etiam in Ecclesia receptos esse, alternisq; cantibus certatum: cujus rei originem a temporibus Ambrosii & Augustini repetit, & ex Sidonio Apollinari antiquum Antiphonarum Psalmorumque alternis choris cantatum ostendit usum. Quem a dramatica ratione non abluentem apud Judæos olim receptum fuisse, e puerorum illa apud Marth. XI, 17. Luc. VII, 32. exprobratione probat, qui in funeribus cantu naniarum ad planctus, festis diebus tibiæ sono ad saltum socios suos invitarent. Ad dramata tamen musica non solum cantum, sed & actionem requiri

& decentem corporis motum gestusque docet. Cumque olim Comœdia & Tragœdia solo cantu in honorem Bacchi instituto peracta sit, cujus priscae Comœdiæ imaginem adhuc ludus quidam Divionensis referat, postea accedente actione consummata fuisse Dramata. Cujus actionis originem a ludis Pythiis accersendam, quibus draconis Pythii ab Apolline interfecti spectaculum exhibebatur, superioris seculi anno octogesimo nono, in honorem Ferdinandi de Medicis III. Hetruriz Ducis, matrimonio sibi jungentis Christianam Lotharingam, a Jo. de Bardi Comite Vernio in theatrum iterum productum; e Julio Polluce asserit; & ad istius ludi modum plures in Græcia fabulas, Niobis pura, Orestis, Oedipi, Canacis, Herculis furiosi, Hectoris moribundi, & similes instructas ait: in quibus modo unus cecinerit, quod Græci *monodiam*, Latini cantum appellant; modo duo vel tres sibi invicem responderint, quod *eclogam* vocant; modo plures, ut in *choro* simul cantarint. Huic actioni & cantui intermixta fuisse varia instrumenta docet, cum primis tibus, quarum frequens in argumentis Comœdiarum Terentii mentio, quod Claudius Flaccus Claudii F. modos fecerit tibus modo paribus, dextris & sinistris, modo imparibus; quæ qua ratione ab eodem simul inflari potuerint, ostendit, de reliquis etiam adhibitis musicis instrumentis disserit; & quam admirabilem vim vocis & instrumentorum sonus habeat in animos hominum, quamque studiosi Græci fuerint in eo efformando, & structura vocalium Diphthongorumque in verbis attemperanda affectibus, & ad eosdem accommodandis carminum generibus docet. Quo loco de tympanorum in præliis ad animos militum excitandos adhibitorum usu, diverso item apud diversas gentes eorum pulsu disserit, adversus Isaacum Vossium tamen, qui in libello *de cantu & viribus rhythmis* p. 132. cæteris instrumentis vim concitandorum sedandorumque animi motuum adimere, solis tympanis relinquere videtur, contendit, iis etiam instrumentis quæ inflantur, aliis item, quæ tanguntur tendunturve, haud minorem efficaciam tribuendam esse, ut tibus, tubis, fistris, testudinibus &c. Qua in arte scienter instrumentis canendi Græcos olim reliquas nationes præstitisse, numerosque & rhythmum, tam vocis quam instrumentorum, rectissime calluisse, multitudine terminorum, quibus varios sonorum, & tonorum, concentuum, aliarumque vocis & soni affectionum modos exprimunt, indicare. Linguam eorum propterea præ cæteris idoneam fuisse ad cantu & dra-

dramata: nec Gallorum tamen absonam esse, aut ab iis abhorrere rationem versuum homœoteleuton, quod putavit in libello *de cantu & viribus rhythmi* p. 33. Isaacus Vossius, quem confutat, & versuum consonas terminationes haud indecoram reddere plerarumque gentium poësin ostendit. Gallorum etiam linguam, quæ poësi & musicæ aptissima est, Dramatibus musicis prorsus convenire: quæ a Lullio (Monsieur Lully) ad summam gloriam evecta sint hoc seculo, cum eorum ortus in Gallia rudis admodum fuerit & Peregrinatoribus debeatur. Hos enim e Terra sancta, Hierosolymis, Compostello, aliisque sanctis locis adventantes, in itinere sacros de morte Filii Dei, Sanctorum vita, rebus gestis, miraculis, & martyrio, extremo item judicio hymnos composuisse, quos in patriam reversi coram plebe, ut ad pietatem eandem converterent, cecinerint: mox in Italia & Gallia theatra extruxisse, & cantus actionibus vivis ac gestibus adjuvissè, piosque hos theatrales, simplices satis, ludos in honorem Principum & Regum, quandoque institutos esse. Has Musicæ dramaticæ reliquias, a piis in Ecclesia hominibus conservatas, ante ducentos quasi annos Cardinali Riario, Sixti IV Pontificis Nepoti, primum ad eadem in Italia restauranda theatrum ut extrueret, occasionem suppeditasse, juventutis exercendæ gratia, ex epistola nuncupatoria Sulpitii, Vitruvio præmissa, probat. Haud ita multo post profana argumenta in scenam prolata e nuptiarum Galeatii Mediolanensium Ducis & Isabellæ Arragoniæ, in quibus mimorum, cantorum & histrionum cantibus ludisque veteres Poetarum gentilium fabulæ exhibitæ fuerint, a Tristano Calcho facta descriptione, ostendit, alia item spectacula theatralia musicaque ab isto tempore in Italia edita, enarrat. In Gallia primos ejusmodi ludos in Lutetiæ suburbiis Jo. Ant. Bayssium, Lazari Bayssii filium, instituisse, inque sua domo ad hos usus Academiam condidisse, refert: varia inde horum ludorum in Italia, Gallia & Hispania editorum exempla recenset; sed cum Italica lingua solum etiam in Gallia dramata hæc composita fuerint, primum Perrinum Gallica lingua, exprimendis affectibus æque idonea, ea composuisse, & cum Marchione Sourdiaco ac Camberro theatrum extruxisse, in quo intra septem octove annos musica spectacula scenica exhibuerunt, quæ machinarum, vestium, & reliqui apparatus magnificentia, versuum rotunditate, musicesque deliciis, atque ornamentis aliis, Italicorum sic dictis *Opere* nil quicquam concess-

serjnt. Utque studium hoc tanto rectius excoleretur, a Rege Christianissimo Ludovico XIV Perrino & Lullio potestatem concessam esse, datis publicis privilegiorum d. 28. Jun. Anno 1669 signatis tabulis, erigendi Parisiis Regiam Academiam Musicam, in qua omnia, quæ ad dramata & theatrales ac musicas artes spectant, exactius curiosiusque investigentur. Hæc ita postquam exposuit Auctor, de spectaculis ludicris in conviviis illustribus, quæ eduntur, splendidis item operibus, quæ sub Quadragesimale tempus fiunt, nec non in Germaniæ aulis recepto isto ludi inter illustres genere, quo omnis conditionis ac status hominum personas sibi sumunt magnates, *Wirtschaft* vulgo dicti, disserit: spectaculorumque in Sabaudia aliisque locis exhibitorum historia opusculum suum pertexit.

SOLUTIO THEOREMATUM








Ab illustri Viro in Actis hujus Anni Mense Januario, pag. 28. propositorum, data ab Adamo Adamando Kochanski S. J. quondam Pragensi Mathematico.

TAB. XII.

DUPLICATIONEM Trigoni Isogoni, citra Proportiones demonstrandam P. Sigismundus Hartman e Soc. Jesu, publico Programme proposuerat, istudque Schediasma mihi pro veteri necessitudine transmiserat e Bohemia in Poloniam. Reposui humanissimo Authori solutiones fere vicenas, ab eo sic probatas, ut una cum aliis, aliunde ad se missis, in lucem daturus fuisset, si Parca Viro tanto perperciissent,

Cum vero his primum diebus in manus meas venerint Acta Eruditorum Lipsiensia, & in his Solutio problematis illius Hartmanniani, a quodam illustri viro data, & ad P. Coppilium, defuncti in Mathematici munere successorem, quodammodo directæ, quasi is editioni posthumæ operum Hartmanni, maximeque *Protei Geometrici*, ab eo nuper promissi incumberet; cum tamen ab obitu Authoris elaboratum nihil, sed prima solum Operis lineamenta reperta fuisse mihi ab Amicis nunciatum fuerit; Eamobrem non-agre laturum spero P. Coppilium, si dum illum alio in opere fructuose versari intelligo, ego hic ejus partes occupare ausus fuero: non enim id temere, aut præfidenter egisse videbor, sed veluti jure quo-

TAB. XII. ad A. 1682. pag. 230.





quodam antiquitatis; quod videlicet ante illum in eodem Matheseos Pragenſis pulvere quondam Profeſſor fuerim verſatus; adeoque prior tempore, licet non eruditione.

Dilatis autem in aliud tempus meis illis Duplicationum Particularium, & Universalium Solutionibus, una cum Pythagoricæ nova, ac multiplici Demonſtratione, cæterisque meis conſiderationibus Geometricis, uſque dum ultroneam Typographi, vel Bibliopolæ cuiuſpiam humanitatem invenerint; ſuffecerit hoc loco ſtriſtim ea perſequi, quæ pertinent ad geminum illud Theorema Geometricum, quod Anonymus ille Problematis Hartmanniani *ſequentis* loco ſup. memorato propoſuit.

ARTICULUS I.

Circa primum illorum Theorematum conſideranda veniunt ſequentia. Inprimis diſſentire me in eo ab *Iluſtri Viro*, quod is exiſtimet Theorema Pythagoreum continuari in Sphæra, Pyramidem Rectangulam circumscribere; cum nec Pythagoras ſuum illud Orthogonium, tanquam circulo inſcriptum conſideraverit, nec, ſi univerſaliter agamus de potentiis cuiuſvis Trianguli, hæc conſideratio proprie ad Circulum pertinere videatur, ſed potius ad Parallelogrammum univerſim; quando videlicet iſtud Diametro ſua ſectum concipitur in duo Triangula æqualia, eaque Orthogonia, Amblygonia, vel Oxygonia, pro diverſitate parallelogrammi; Harum enim Diametrum Potentiæ cum ſuis lateribus comparantur 47. *Primi*, nec non 12. & 13. *Secundi Elem.* Univerſalius autem hoc ipſum conſideratur 31. *Sexti*, ſaltem quoad orthogonium Triangulum; nam quoad reliqua, videri poſſunt ea, quæ demonſtrat Clavius e Pappo, in *Scholio ad 47. Primi, ad finem.*

Quamobrem non ineleganter fluente Analogia, nobis dicendum videtur, Pyramides Triangulares Orthogonias, Amblygonias, & Oxygonias, cum ſuis laterum, ac diametrorum Potentiis, immediate quidem reduci oportere ad Priſmata ſua, baſes triangulares habentia, quorum Pyramides illæ ſunt partes tertiæ per *Prop. 7. Duodecimi Elem.* Hæc ipſa vero Priſmata, tanquam partes revocantur ad totum Parallelepipedum, cujus ſunt medietates. Iſtas porro relationes partium ad ſua Tota intelligi volumus de ordine *Doctrina* potius, quam *Natura*, con-

constat enim, Triangulum esse prius, ac simplicius Parallelogrammo, non minus ac Pyramidem Tetrahedram Prismate, vel Parallelepipedo: Hinc *δογματικῶς* rem spectando, & ipsæ Linearum Potentia, non Triangulis æquilateris, sed Quadratis, omnium consensu taxantur, licet illa sint istis priora, magisque simplicia.

Quamvis autem Pyramidum Polyhedrarum aliæ inscribi possint Sphæris, aliæ vero Sphæroidibus, ac tum Potentiæ laterum conferri cum Diametro corporis circumscribentis: eadem tamen Pyramides adhuc secari poterunt in Tetrahedras, atque ita Prismatibus suis, ac tum Parallelepipedis veluti postliminio quodam restitui. Si quis nihilominus omnia Triatera a Quadrilateris, omnia Tetrahedra a Pentahedris, & Hexahedris emancipare contenderit, cum eo nequaquam cruento Marte dimicabimus.

PROPOSITIO I. Theorema.

In omni Pyramide rectangula, tria Quadrata laterum, Angulum rectum in vertice comprehendentium, æqualia sunt Quadrato Diametri totius Parallelepipedī æque alti, Pyramidem illam complectentis.

Sit Pyramis ABC rectangula ad verticem D. sive jam sit *Æquilatera*, Sprout in Cubo *Figura I*, sive *Isoceles*, ut est in *Fig. II* Parallelepipedī, supra basin quadratam ADCF assurgentis; sive demum *Scalena*, qualem exhibet in *Fig. III*. solidum rectangulum, supra basin ADCF altera parte longiorem, erectum.

Dico, tria Quadrata DA, DB, DC æquari Quadrato Diametri AE, per oppositos solidi angulos incedentis. Nam primum in Triangulo ADB angulus D rectus est, ex hypoth. Igitur Qu. lateris AB æquatur (47. 1. Elem.) Quadratis AD, DB duorum laterum datæ Pyramidis. Deinde Triangulum pariter ABE rectangulum est ad B. (id ostendi potest per 4. Undecimi) Quocirca Quadratum AE æquabitur Quadrato AB; hoc est duobus DA, DB, & insuper Quadrato BE, hoc est ipsi æquali DC, quod est tertium latus datæ Pyramidis ABCD.

Tria igitur omnis Pyramidis rectangulæ latera, potentia æquantur Diametro Parallelepipedī Pyramidem continentis, q. e. d.

Corollarium I.

Colligitur hinc, in omni Prismate rectangulo ACDBGA, cui bas
sis est

Est Orthogonium Triangulum ADC, ejus Parallelogrammi rectanguli AGEK, quod angulos D & B rectos subtendit, Diametrum AE potentia æquari iisdem tribus lateribus Pyramidis rectangulæ ABCD: eo quod ipsa DE sit eadem omnino cum Diametro totius Solidi GC.

Corollarium II.

Hinc quoque manifestum est, Diametrum Sphæræ, quæ Pyramidi rectangulæ ABCD circumscripta est, æquari potentia tribus lateribus ejusdem Pyramidis, rectos angulos constituentibus in vertice D. Nam cum omni solido rectangulo Sphæra circumscribi possit, non minus ac Circulus ejus basi rectangulæ, erit Diameter solidi eadem omnino quæ circumscriptæ Sphæræ, per ea, quæ Pappus demonstrat *Lemmate 4. apud Clavium ad calcem Lib. 16. Elem.*

Si cui placuerit in simili materia ingenium exercere circa Pyramides Triangulares, tam Acutangulas, quam Optusangulas, itemque mixtis in vertice angulis contentas, in illis Potentias laterum cum Diametro totius Solidi obliquanguli comparando; id vero non difficulter poterit expedire ope duarum Propositionum, videlicet penultimæ, & antepenultimæ *Lib. Secundi Elem.*

ARTICULUS II.

Circa alterum Theorema percontatur *Illustris Vir*, an sicut in Circulo unica Media Proportionalis, ita etiam insistendo Analogiæ in Sphæra duæ Mediæ inveniri possint? Ad hanc quæstionem Respondeo I. Nec Antecedens Analogiæ hujus tam ratum esse, ut absolute loquendo, Circulus duas Medias excludere pronunciari possit, aut debeat: Fieri namque potest, ut in Semicirculo ACD (*inspice Fig. 4.*) continuæ sint AB. BC. BD. DA. cujus Problematis Geometricam constructionem Mathematicum peritis propono, interim vero Arithmetice sequentibus numeris expono. Ponatur enim

Diameter	AD.	- -	200000	00000	
erit	AB.	- -	63534	43923.	+
	BC.	- -	93114	24637.	+
	BD.	- -	136465	56077.	-

Unde per 19. Septimi Elem. erunt æqualia Rectangula

DAB.	- -	1	27068	87846	00000	00000
CBD.	- -	1	27068	87846	55798	69049.

Gg

Et

Et per 20. ejusdem, Quadrata mediarum æquabuntur Rectangulis sub earundem extremis.

$$\square. BC. - - - 86702 \quad 62877 \quad 05309 \quad 81769.$$

$$ABD. - - - 86702 \quad 62877 \quad 72943 \quad 70071.$$

$$\square. BD. - - - 186228 \quad 49276 \quad 27056 \quad 29929.$$

$$ADBC. - - - 186228 \quad 49274 \quad 00000 \quad 00000.$$

Respondet II. De analogia illa nihil certi statui posse videtur: Unius enim Mediæ inventio, quæ Circulo tribuitur, etiam Sphæra congruit; & inventio duarum Mediarum, hic a nobis demonstranda, æque ad Circulum sicut & Sphæram aptari poterit, quemadmodum ex dicendis constabit.

PROPOSITIO II Theorema.

In Circulo ADC a Diametro AC descripto ducantur utrunque ad Peripheriam duæ rectæ AD, DC: tum ex D cadat ad AC perpendicularis DE; similiterque ex E sit ad AD normalis EF.

Dico in Circulo ADC haberi Quatuor continue Proportionales, AF, AE, AD, AC. Describatur enim Diametro AD Circulus AGDE, quem EF producta secet in G, & connectantur GA, GD.

Demonstr. Recta AD subtendit Angulum rectum DEA. Igitur Circulus AGDE diametro AD descriptus transit per verticem Anguli recti DEA, juxta Schol. Clavii ad 31.3. Elem. Est autem recta EFG perpendicularis ad Diametrum AD. Ergo per 3. 3. Elem. tota EG bifariam secatur in F. Triangula igitur AFG, AFE orthogonia in F, sunt per 4. 1. Elem. invicem æqualia: Eademque de causa æquantur Triangula DFG, DFE, ac proinde & totum DGA toti DEA æquale. Jam sic. In Orthogonio AED (par ratio de æquali AGD) ab angulo recto E cadit perpendicularis EF in basin AD: Ergo per Coroll. 8.6. Elem. Proportionales sunt tres AF, AE, AD. Sed eadem de causa in Orthogonio ADC duabus postremis e præcedenti serie, videlicet AE, AD, proportionales est tertia AC. Igitur omnes quatuor AF, AE, AD, AC sunt in continua Proportionione intra Circulum ADC. q. e. d.

Corollarium.

Non difficulter hinc clicitur, easdem quatuor continuas in Sphæra quoque concipi posse, non modo prædicta, sed & alia ratione: Fingamus enim a Sphæra ADC auferri Segmentum AHDA, cujus basis erit

Cir-

Circulus a Diametro AD, cujus medietas esto AGDA. Ductis autem Orthogonalibus DE, EF. in plano Circuli Sphæræ maximi ADC, nec non Orthogonalī FG, in altero plano Semicirculi AGD, hoc est basi Segmenti AHDA, jungatur AG: erunt enim ut antea, quatuor AE, AG, AD, AC. continue proportionales. Id patet e præcedenti discursu, qui non difficulter huc applicari poterit, licet plana Circulorum ADG, AGD sint diversa, & ad rectos invicem collocata.

Notandum vero est, Theorema præcedens, loquendo pressius, non tam Semicirculo, quam Orthogonio, cuilibet in similia subdiviso convenire: quia tamen ejus Demonstratio sequentibus inserviet Problematibus, visum est illud hoc loco tantisper indulgere Circulo, sine quo illa absolvi non possunt.

PROPOSITIO III. Problema.

Inter duas datas, duas medias in continua ratione, duobus tantum digitis reperire.

Celeberrimum illud Problema Deliacum quor & quanta totius Orbis eruditi exercuerit ingenia, Geometris est notissimum, ut & variaz illius absolvendi Praxes Organica, a compluribus excogitata, quarum alia aliis sunt operosiores: Nostra hæc videri poterit nonnihil Paradoxa, quod duobus tantum digitis unius manus absolvatur, cum nonnullæ requirant, & occupent utramque.

Dataz sint, in *Figura VI.* duæ AC, AB, quas inter duæ mediæ quæruntur. In communi utriusque termino A figatur Regula AZ, instructa Curfore FY, qui semper insitat ad rectos ipsi regulæ AZ, idque firmiter, ubicunque collocetur. In illa sumatur AF æqualis datæ AB, minori altera AC. Descripto autem super tota AC Semicirculo ADC in plano quopiam verticali, hoc est ad Horizontem recto, cui æquidistat Diameter AC: applicetur ad Peripheriam ADC stylus quidam gracilis DS, e quo deorsum propendeat filum subtile cum appenso pondere X, vel certe hujus loco regula quædam subgravis, accurate tamen æquilibrata: Nam si Stylus DS duobus digitis apprehensus pedetentim promoveatur per Circumferentiam AD, usque dum Perpendicularum DE cum Curfore FE sese mutuo interfecerint alicubi in recta AC, velut in Puncto E: istud probe notatum offeret quatuor Proportionales, quarum

Gg 2

duæ

duz AE AD inter datas extremas AF hoc est AB, nec non AC interponentur.

Demonstratio Problematis hujus quoad rem, eadem est cum adducto præcedenti Theoremate.

PROPOSITIO IV. Problema.

Id ipsum aliter, una Circini apertura.

Quoniam præcedens praxis ob situm plani verticalem, & usum Perpendiculari, non nihil impedita cuiuspiam videri possit, quin & a Geometriæ moribus aliena, dabimus alteram, prædictis incommodis haud obnoxiam.

Positis iisdem, in locum perpendiculari DEX Figuræ præcedentis, subrogetur in hac Figura VII Parallelogrammum materiale KLMN, cujus unum Latus KL fixum sit in plano, alterum vero MN mobile, semper tamen ad rectos ipsi AC. Nam si tota AC divisa bifariam in O Circini pes unus figatur in O, alter autem intervallo OC diductus, tamdiu in Arcu CD provehatur, impellatque binas Regulas AZ & MN in puncto intersectionis D, usque dum regula MN, Cusforem FY secet in puncto E, posito in recta AC, obtinebuntur eadem mediæ AE. AD. longè commodiori ratione, quam fuerit præcedens; quæ tamen ipsa, si Figura magnæ molis fuerit, in vasto quopiam pariete usui esse poterit Architectis.

Non est cur hoc loco moneam de circino, ejusque Cruribus in regula quapiam mobilibus; nec de acie pedis alterius, quæ regulas in puncto D subtiliter impellere debet; nec denique de nisu quodam regularum AZ, MN contra Circinum; hunc enim vel ipsarum regularum pondere, vel Elatere quopiam, aut unius digiti impulsu consequetur ingeniosus quivis, ac istis etiam nostris longè meliora excogitabit.

Benevole Lector, præmissam R. P. Kochanski solutionem cum Illustri Viro, (cujus sunt Theoremata

Act. p. 28.) communicassemus: placuit Eidem sequentia, cogitatis R. P. subnectenda Nobis trans-
mittere.

Ad

Ad Art. I.

Si R. Patri visum fuisset, Pyramidem rectangulam tanquam Sphæræ inscriptam contemplari, per corpora composita non quævisset, quod invenire proposueram per simplicia: unde porro mox in limine a me dissentire, continuationemque Theorematis Pythagorei impugnare necesse non habuisset.

Quippe methodo in demonstratione priori usurpata, Pyramidem rectangulam demonstrari, cæterasque simplices (i. e. triangulatas) omnes tractari; h. e. methodum dictam ad præsens negotium continuari posse, certissime comperisset.

Quo ipso, inter alia, edoctus fuisset:

Dato Circulo, datoque plano (determinato tamen) invenire omnia Triangula (b. l. oxygonia) circulo dato inscriptibilia, quorum trium laterum quadratorum summa æqualis dato plano:

Ex quo omnes Pyramides rectangulas possibiles, dato circulo certæque Sphæræ inscriptas inveniri certum est.

Pro inveniendis autem duabus mediis proportionalibus datæ sint extremæ ad angulum rectum: circumscribaturque circulus, & constituatur supra majorem extremarum Triangulum in circulo, cujus segmentum baseos minus, sit media inter perpendicularem & minorem datam (sub inventis verò supra omnibus Triangulis, & hoc necessario comprehenditur) Dico: duas medias æquales esse duobus lateribus, singulas singulis, Pyramidis rectangulæ, supra basin triangularem in circulo descriptam. Inventæ ergo sunt, inter duas, binæ mediæ proportionales, & quidem per Pyramidem rectangulam Sphæræ inscriptam.

Notandum verò: me, ut ut binas medias in plano minime quævisserim; quatuor tamen continue proportionales, quod extorquere R. P. videtur, circulo neutiquam exclusisse. Ingenium porro in simili materia ad nutum R. P. ope ult. & penult. II. Eucl. exercituro, unam & facilimis Propositionem:

Data Basis triangulari (Oxygonia) datisque tribus angulis ad verticem Pyramidis (b. e. angulo solido) invenire Pyramidem:

Si non diffieulter fieri possit ex dictis duabus Propositionibus, Tyroni solvendam propono: mihi interim ea post 23. l. XI. demum locum habere videtur.

In hoc insuper, circa Pyr. oxygonias, amblygonias & mixtas, ope corporum compositorum tractandas, exercitio, R. Patri aliis duobus corporibus, præter tria fig. prioribus expressa, opus erit: quorum suprema infimæque hederæ, trapezia sint, circulo inscripta; ipsa vero corpora, ut non parallelepipeda, Sphæræ tamen inscriptibilia.

Ad Art. II.

Propositio a R. Patre Mathematicum peritis proposita, unius saltem est casus, adeoque singularis; consequenter ad cæteros casus, inveniendis binis mediis nihil confert. Solutioni ejus arithmeticæ ab ipso R. P. exhibitæ sequentem jungo analyticam:

Sit in data Fig. IVta $AD = a$; sumaturque $EB = x$; & erit $x^3 = -3ax^2 - 7a^2x + a^3$, aut etiam,

4 Cubi $AD + 3$ Cubi BC , æquales 8 Cubis $BD + \frac{1}{2}$ Cubo AB :

Plane Geometricam a R. P. exspecto: Interim in proposito ab *Ipso* casu singulari

Angulus BEC	} semper est	$\left\{ \begin{array}{cccc} 0 & 1 & 11 & 111 \\ 68. & 36. & 49 & 42. & + \\ 21. & 23. & 10. & 18. & - \end{array} \right.$
Ang. compl. BCE		

Propositionem secundam, cum ad continuandam setiem continue proportionalium, quam inveniendas binas medias magis pertineat, atque sic extra quæstionem sit, non tango; ut nec IIIam & IVtam: quippe obviis ubique plurimis talibus Instrumentis Mechanicis, ipsoque proposito (immutatis tantum leviter materialibus) apud *Dn. de Cartes* l. 2. p. 20. *Geom. edit. nova*, & quidem pro inveniendis infinitis intermediis.

FALSITAS SYSTHEMATIS COMETARUM

Bernoulliani Calendis Junii pag. Act. 178. seqq. propositi, a Dn. Montreo Matheseos in Collegio Regio Franciæ, in cathedra Rami, Professore demonstrata.

Ex Diario Eruditorum Parisiensi XIII. d. 25 Maji, 1682.

Systema *Bernoullianum*, prima fronte ingeniosum, nihilominus Sadeo naturæ legibus repugnat, ut dubitare liceat, num *Auſtor* in suo libro serio locutus fuerit. Nam

I. Cur

r. Cur Planetam F (Vide Tab. X. Ast. Fig. I. & II.) quem in centro Epicycli Cometarum collocat, ob ingentem distantiam, suamve exiguitatem invisibilem facit? nonne vero similis est, illum ad Vorticem suum cum respectum habere, quem Jupiter & Saturnus ad suos? Et si oculi nostri eum detegere nequeunt, ad minimum Tubos majores non effugiet. Cometis enim prope lineam, centra suppositi Planetæ & Solis jungentem existentibus, futurum omnino fuisset, ut Tubis versus Cometæ directis, Planeta centricus deprehenderetur. Porro quemadmodum idem Planeta revolutiones suas circa Solem sæpius reiterat, easdemque intra 4 annos, 157 dies absolvit; sic frequenter idem stellas Fixas nobis occultaturus esset, perinde ut identidem alii Planetæ faciunt: quod cum de Planeta hoc centrico nunquam observatum sit, conjecturæ locus est, eundem non nisi in imaginatione *Astronomi hujus* existere. II. Difficile est cum *Auctore* credere: Planeta centrico Cometarum brevi adeo tempore revolutionem suam absolvente, Cometam anni proximi 38 annos, 147 dies ad percurrendum epicyclum suum insumere. Nam si Planeta F, *Dn. Bernoulli* fatente, a G (*dextro*) ad G (*sinistrum*) non fertur, nisi Vortex GGV, qui eum involvit, propellatur secundum eandem determinationem per Fluidum, quod omnes alios Planetas defert, & motum suum a Sole recipit: videtur, quod, cum radius hujus epicycli minor sit radio orbis Planetæ F, via per consequens brevior sit, ac breviori spatio percurrenda. Insuper sicuti Fluidum, quod propellit Vorticem circa G (*dextrum*) versus G (*sinistrum*) majorem circulum describit, quam Fluidum, quod per punctum R propellit; sequitur, quod celerius debeat progredi, quodque adeo circulatio epicycli circa centrum F, velocior esse debeat vectiōe Planetæ F circa Solem.


III. Ex hypothese *Dn. Bernoulli* Vortex se moturus esset secundum seriem signorum, & per consequens Cometæ, nonnisi in Perigeo suo, & circa visibiles, apparituri essent contra seriem signorū incedentes. Nam Fluidum, quod venit a latere G (*dextri*), juxta inclinationem, quam omnia corpora habent, recedendi a centro motus sui, magis progressurus esset a G (*dextro*) versus locum supra ZY, quam ut ad V deflueret: & per consequens, ipsum illud Fluidum, Vorticem in easdem partes tracturum esset, eum illum fortius per G (*dextrum*) ad locum supra ZY, quam per V ad G (*dextrum*) impellat; quippe quod conforme est Vorticibus, quos circa Planetas observamus. Jam sicuti Cometæ secundum

dum omne genus determinationum se movent, necesse est Vorticem illum mere esse imaginarium.

IV. Satis apparet, non multum constare *huic Mathematico* suas hypothesen. Præterquam enim, quod Planetæ omnes in fumos redacti non suffecerint fortassis ad caudam nuperi Cometæ formandam, quam *Ipse* 70 gradus circuli magni occupasse affirmat; cum Planetæ illi omnes probabiliter Vortices circa se habeant, quales Terra, Jupiter & Saturnus: convenientius est rationi, exhalationes illas ab *Autore* suppositas, cum non nisi fluidum quid sint, motum Vorticum suorum, potius esse secuturas, quam ut ab iis recedant, & ad extremitatem usque Vorticis Solaris penetrent. Verum, ut vel maxime eo usque pertingant, impossibile tamen est, eos circa Cometæ formam disci constituere: quoniam enim undecunque a fluido, cui innatant, premuntur, evidens est, eas super totum Cometæ corpus se expandere, ibique speciem Athmosphæræ, qualem aer circa terram, constituere.

V. Sed his omnibus *Autori* concessis, fieri nequit, ut sola pars disci, quæ versus L (Fig. I.) est, visibilis existat. Cum enim discus ille sit corpus asperum, ex innumerabilibus parvis corpusculis, quorum quodque pluribus exiguis superficiebus terminatur, compositum; sequitur inde, quod quaquaversum lumen possit reflectere, seque adeo visibilem exhibere omni puncto Orbis terræ annui, Sole aliove corpore non intercedente. Si *Dn. Berhoulli* sustinere vult, superficiem disci esse omnino planam, facile hoc casu demonstrari potest, eum, uno puncto excepto, plane esse invisibilem; nam præter radios a centro Solis emanantes, hic nulli alii sunt, sicut id in Catoptrica consideratur: certum autem est, ex diversis radiis, a corpore quodam polito ad nostros oculos reflexis, paucos esse, qui faciant angulos reflexionis æquales circum angulis incidentiæ, quodque ideo speculum planum in magna distantia collocatum, prope invisibile reddatur. Ad oculum itaque in T constitutum, non nisi ex uno objecti puncto, radii remitti possunt. Eadem ratione demonstrari posset, comam Cometarum, radium suum caudæ postea apparenti æqualem habere; & præterea circa Cometam, loco caudæ, Ellipsin, cujus Diameter minor LM, conspici debere.

Sed facile quisque hoc concludere poterit ex principiis supra propositis.



ACTA ERUDITORUM

publicata Lipsiæ

Calendis Augusti, Anno M DC LXXXII.

MISCELLANEA HISTORICA REGNI BOHE- miæ. Auctore Bobuslao Balbino, e Socie- tate Jesu.

Pragæ; Annis 1679. 1680. 1681. in fol.

Cum Historicam Rerum Bohemicarum Epitomen, seu Bolesla-
viensem Historiam anno 1677 clarissimus Auctor edidisset,
cognovissetque una Orbis Eruditi voce ac consensu lucubra-
tiones suas approbari, operi majori quod meditatus forte du-
dum fuerat, se accinxit, Memorabilia Bohemiæ universa, Naturalia,
Civilia, Sacra, vicens & amplius libris complexurus. Eorum tres
prior Decadem primam inchoantes publici jam juris, etsi diversis
temporibus, facti sunt: reliqui ut speramus, ac quotquot bonis literis
operamur, vovemus, suo tempore sequentur. At in illis tamen tribus
libris ea se offert rerum varietas, ut ex primo tantum, qui naturalem
Bohemiæ Historiam exhibet, ac situm adeo regionis, montes, fluvii-
os, metallorum fodinas, varii generis gemmas, thermas, acidulas, plan-
tas, pisces, feras, aves, & quæ huc spectant alia, suaviter aque ac doctè
describit, hac vice excerptenda quædam, & pro instituti ratione pauca
quidem, ac sine delectu sollicito, censuerimus; reliquis, quorum alter
Bohemæ gentis originem, alter Topographiam Bohemiæ tradit, in-
mensum proximum sepositis.

Capite V. salubritas aeris in Bohemia commendatur, asseriturque
duplici singulari argumento. Unum est, Reges Bohemos, quoties-
cunque ægroti, vel in Austriam, vel in Hungariam, aliove se deporta-
ri jusserunt, brevi obiisse; contra qui infirma valetudine in Bohemi-
am advenerant, plerosque sanitatem recuperasse, idque constare ex-
emplis *Sigismundi, Maximiliani II, Matthei, & Ferdinandi III Cæsa-*
rum, ac *Annae* Conjugis *Matthiæ*. Alterum est ex complexione cor-

Hh

porum

porum ac proportione debita, quam Statuarii præstantissimi agnoscant, *Pragensæ* caput appellantes, quod in conformatione & cælatura capitum perfectissimum est. Hujus rei indicium sibi fecisse *Dn. Christophor. Arnoldum* Auctor in additamentis ad finem trium librorum faceret.

Cap. VI. *Montes Giganteos* describendo refert, ipsos fumantes die serenissimo pluviam aliasque cœli injurias prænunciare, indeque *Compasum* aut indices temporis appellari: in valle eorundem quadam calidissimo anni tempore nives altissimas jacere, & vel sedecim annis servatas colore inter se distingui, dum vetustissimæ colorem subrusum, recentiores nitidiorem exhibent. Inter herbas quam plurimas *Angelicam* repertam altitudine hominis staturam, crassitudine humanum, brachium longe superantem; & *Carlinam* seu *Chamaleontem album*, qua herba omnem Germaniam carere scripsit *Matsbiolus*. Esse eosdem auri & gemmarum ditissimos, & a Spectro quod *Ribenzall* appellant infessos, de cujus nomine & factis varia affert.

Cap. VIII. de duobus montibus agens, *Milessium* omnium in Bohemia altissimum tempestatis prælagum ipse expertus testatur. Cum enim die serenissimo nebulis contegitur, cæteris circum montibus etiam serenis, mox imbres sequuntur; Si vero idem solus innubis stat, reliqui montes impune fumare spectantur.

Cap. IX. Ex Jesuitæ *Cbanovsky* oculati testis *Vestigio Bohemiae* *Piæcap. ult.* recensentur montes versus Bavariam, non tam situ (alii enim ad septentrionem, alii ad meridiem latus obvertunt) quam cœlo & temporibus adversantes, latissimis tamen vallibus diremti, in quorum altero sæpius æstas, in altero opposito hiems dominatur cum nivibus altissimis: ob quam causam, dum illic demessa sunt omnia, hic seges virefcit. Magis mirandum, in Tractus *Pillnensis* agris contiguos, quos unus tantum sulcus separat, illos adhuc hibernare, hos sole aduri: ibi caput at tollere frumentum, cum hic in culmum adolefcit: illic bene pellitos ingredi incolas, hic pelles exuere. Adjicit *Miscellaneorum* Auctor tale aliquid sibi accidisse an. 1652. Cum enim Glacio in Bohemiam ob nives altissimas traha veheretur, superatis montibus, qui Comitatum *Glacensem* a Bohemia determinant, altero latere montium omnia viridia reperisse, coactumque relicta traha currum petere: accolas autem eorum montium confirmasse, quotannis ita evenire.

Cap.

Cap. XI. Antra & cavernas memorabiles continet, in quibus
antrum S. Iuvani Eremita, quem Bohemia ut Sanctum colit, ex cuius
 petra aqua guttatim stillans, si in lapidem subiectum inciderit, concre-
 scit in saxum, vitro excepta, aquositatem nativam & perspicuitatem
 crystallineam retinet.

Cap. XIII. ad XXI. multa sunt de auri copia apud veteres Bohe-
 mos, de amnibus auriferis, de fodinis mineralium; auri (quod aliquan-
 do album adeo est, ut ignorantes fallat) argenti, stanni (quod cum An-
 glico bonitate certat, atque a peritis modice correctum pro Anglica-
 no venditur) ferri, cupri, plumbi, aluminis, mercurii, nitri (quod non
 est opus sæpe fodere, cum in superficie telluris patefcat, & noctibus
 flamma erumpente aut etiam post pluviam medio die sese prodatur,)
 sulphuris, calcis lapidis (qui in calcem præstantissimam Italorum mura-
 riorum proverbio commendatam vertatur) marmorum &c. deque
 Spectrorum in fodinis iis tumultuationibus.

Cap. XXII. Chartarias Officinas enumerando errorem *Mylii in*
Horto Philosophico perstringit, quod artem chartæ conficiendæ pri-
 mum circa an. Chr. 1470 inventam affirmat, cum tamen non paucos
 in charta scriptos Codices ante an. 1340 Bibliothecæ ostendant. Porro
 Jochemthaleysen chartam eam perhiberi bonitate narrat, ut in Hol-
 landiam devehatur, atque in politissimam & tenuissimam refingatur;
 illam scil. crassam facile pati unam sui philyram in duas diduci,

Cap. XXIV. & quatuor sequentibus, Thermas Teplenses, Ca-
 rolinas, Desnenses; Acidulas Egrenses, Teplenses, aliosque fontes salu-
 tares enumerat & commendat. Thermas Carolinas scribit ob fervo-
 rem ab humano corpore, nisi refrigerentur, perferri non posse, in iisque
 ter quaterve inunctas gallinas aut sues, pennas aut pilos amittere: A-
 quam thermarum intemperantissime sed innoxie a lavantibus potari;
 incipere eos a paucis, exempli causa decem cyathis, addere altero die
 plures, augere quotidie potus mensuram, multos ad cyathos aquæ 40,
 50, 60, 70. ascendere; quibus tanta alvi lubricitas acquiratur, ut simul
 bibatur, simulque perdatur, in perfectæ curationis argumentum; inde
 descendentes a maximo cyathorum numero ad paucos sanitatem jam
 recuperasse. Aquas earundem thermarum lapidescentes esse, & pone
 ipsū craterem bullientis aquæ promicare e subterraneis venis frigida
 aquas acidulas. Porro ex P. *Chanovskii Vestigio Bohemia Pia*, adducit

fontem *Wodolankam*, ex quo rustici, quoties sideratio aliqua agris siccitatem invexit, aquam hauriant certatim, ac in fontes & puteos suos exsiccatos infundendo, pluviam expectent & consequantur. Ex quo conjicitur, posse hoc modo venas fontium reparari, posse halitus & humida quædam effluvia concitari, posse aqueo quodam magnetismo nubes attrahi.

Cap. XXIX & sequentibus, de Gemmis & pretiosis lapidibus tractans, piscatum margaritarum, cui interfuit ipse, commemorat, recensitosque quamplurimos pretiosos lapides cum *Marco Marci* fatetur destitui duritie & matritate, quas dotes Orientales habent, excepto tamen *Grunato*, quem Orientali præstantiorem perhibent: *Corallia* quoque in rivo quodam collecta, marinis coloris vivacitate nihil concedere: ante paucos etiam annos novum gemmarum genus in Albi deprehensum esse, lapides scilicet niveos, *Elbsleine* appellatos, qui arte præparati adamantis lucem æmulantur.

Cap. XXXIII. Ignobiliore lapides enumerando meminit parvi montis prope *Egrum* fluvium, cujus viscera subterranei ignes depascuntur: aurem solo admoventem murmur ventorum aut flammarum, exaudire, viciniamque non semel terræ tremorem cum tristi mugitu sensitisse. Observat quoque Acum ferream a magnete contactam, nunquam in Bohemia recta polum septentrionalem respicere, sed orientem versus ad octo aut etiam plures gradus averti.

Raris naturæ Cap. XLIX, L. & LI. collectis annumeratur (1) Fungus Cervinus a *Kirchero* in *Mundo subterraneo* descriptus. (2) Terra sigillata, attestante *Marco Marci* par optimæ. (3) Cornu fossile, de quo in Additamentis quædam iterum habet. (4) Ossa gigantum vera & fossilia. (5) Ollæ fossiles, quas ex argilla media extractas rusticæ mulieres siccant, & coquendis rebus omnibus adhibent; sine dubio naturæ lusu factæ, non ferales olim repositæ demortuorum, ut *Jonstonus* opinatus est. (6) Vitrum fissile & fossile, quod *Talcum* vocant, & vix ulli in Europa, quam in Moscovia reperiri persuasum vulgo habent. (7) Succinum flavum probatissimum, quod maxime post pluviam reperitur, & ab orbitis rotarum transeuntium ejicitur. (8) Zingiber inter aromata non postremum. (9) Lapidis rotundi cavi, ex quibus confectis globus excidit, alter quasi nucleus, qui in minutissimam farinulam & pollinem reductus bibitur, & calculos efficacissime pellit. (10)

Similis

Similis alius Lapis, cujus saxeus cortex cum frangitur, alius se offert, lapis, in quo rursus velut medulla, instar vitelli, candidissimus clauditur lapis, prorsus rotundus: hic in ignem conjectus brevi tempore exardescit, & cum ingenti sonitu, instar manualis fistulæ sese exonerantis, disrumpitur. (11) Lapides qua terra extant glabri, qua parte in terram merguntur, asperi, cuspidibus quatuor, quinque, sex, septem vel octo etiam angulorum, quarum una alteram longitudine superat: Ipsæ Soli obversæ, licet candorem crystalli imitentur, in extremis tamen, Iridem gratissima colorum varietate mentiuntur. Vide Additamenta, (12) Via saxea in lapideo monte ex genere lapidis mollis & pumicosi, qui vestigia impressa omnis generis & sexus hominum animantiumque inconfusa multis annis servavit. Suspicio est, cum illa via lutosa & humida tempestate viatores ac animantia transirent, sua in luto reliquisse vestigia, quæ saxifico semine postea incidente durata in saxum excreverunt, hodieque perseverant. (13) Conchæ saxæ, limaces & serpentes saxei, tam affabre formati, ut viatoribus horrorem incutiant. (14) Antimonium ante non multos annos inventum.

Cap. LII, LIII, LIV, Piscium genus duplex in Bohemiæ fluviiis refertur, tum peregrinum, quod ex mari adscendit, tum domesticum, quod fluviiis ipsis innascitur. In priore genere eminent *Salmones*, qui aqua dulci invitante, per *Albim* adversum usque in Bohemiam eluctantur, occurrentes sibi dextra lævaque fluvios fastidiunt, *Egnum* quoque respuentes. Ubi *Muldavam* occurrentem degustaverint, dividere agmina solent, & molliores, præcipue scæmellæ, *Muldavam* tenent, fortiores plerumque in *Albi* perseverant. Qui in *Muldava* pergunt, *Prugam* mediam transeunt: in *Wartavo* flumine ad urbem *Piseka* parvam prolem *Salmunculos* digitali longitudine fundunt, qui secundis fluminibus in mare parentum patriam veterem properant, reversuri forsan suo tempore. Qui in *Albi* perseverant, ipso tandem deserto in *Aquilam* fluvium feruntur, ejusque fontem petunt. Ibi sua ætate, intra anni dimidii spatium, septingentos magnitudine insignes retibus exceptos testatur Auctor. Post Salmones est *Sturio*, quem in *Albi* tabescere falso scripsit *Jonstonus*. Asseverant piscatores, nullum præterire annum, quo non ignotus aliquis a mari piscis veniens capiatur.

Cap. LV, LVI. Piscinas enumerat, in quibus carpciones annulis aut circulis ære aliquo lucentibus secundum os aut caudam signati

ultra 40 annos asservati fuere. Hanc tractationem obsignat Lacuum historia, ad quam referuntur hiatus & fossæ inexplorabilis profunditatis in Boleslaviensis districtus campo medio, in quibus aqua stagnat & hieme gelatur, ac venti generantur, qui evolantes totam Bohemiam everrunt, ac sæpe impetuosè secum glaciem rapiunt in auras, plurimorum centenariorum pondere ultra mille passus, in stragem hominum, pecudum & ædificiorum.

Cap. LVIII. Venationes ferarum in Bohemia usitatas percontet, addens Leporem monstruosum captum, qui fratrem in dorso ferebat; pastum & porum corpore in uno colligatos fratres sic dispensasse, ut modo hic, modo ille pasceretur, cumque hostes instarent, quantum posset, fugisse eum qui terram tangebatur, postea fessum ac in tergum resupinum fratri integro fugam tradidisse persequendam. Similem ex Miscellaneis Acad. Nat. Curiosorum in Ephem. Erud. Paris. 24 April. 1677 descriptum vide.

Cap. LIX, LX, LXI. Varietatem & multitudinem animalium quadrupedum tam ferorum, quam mansuetorum memorat. In quo argumento occupatus narrat, se vidisse in *Castoribus* geminum testiculorum ordinem, sic ut inferiores duo quasi crescentes novique appareant, alteri superiores veluti effocti marcescant & macrescant, donec esse desinant: *Bartholomæi Anglici* locum, in quo pro *Bovi* legendum *Loni*, emendat; *Pliniumque* explicat, referentem, in fuga Bonasum reddere finem interdum trium jugerum longitudine, cujus contactus sequentes ut ignis adurat. Nimirum non dicit *Plinius*, ejaculari Bonasum ad 120 passus, sed reddere sive per humum spargere finem ad tria jugera; qua ratione nihil opus est aut *Plinium* mendacii accusare, aut librarios deceptos cum *Mureto* suspicari, loco *trium organum*, trium jugerum legisse.

Cap. LXIV. Inter Insecta Scorpiones Pragæ natos, cum maximus æstus fuit, habet, quos celeberrimus *Marcus Marci* legitimos & venatissimos deprehendit.

Cap. LXV. Ad finem usque libri hujus Primi historiam Avium atque Aucupia persequitur. *Aldrovandum* notat male scripsisse, Perdices rufas Bohemiæ illatas rigidioris cæli impatientia durare non posse. Rarissimam avem *Capreolum* ex Bohemica lingua dictam, æstato tantum aut primo autumnino apparentem, pica non majorem narrat se vidisse,

vidisse, quæ cum noctu per aerem volitat, caprinam ac tremulam vocem (*Mee Mee*) emittit, ac simul incondito se saltu & prorsus caprino ejaculatur. De Phasianotrophis earumque avium hebetudine & stoliditate disserit. Historiam avis Bohemico solo quoad nativitatem & educationem propriam, quam *Gesnerus* male *Garrulum Bohemicum*, Germani aptius *Seidenfchwanz* appellant, ex *Ulysse Aldrovando* repetit, inque notis subnexis reprehendit potissimum r. nomen *Ampelidis* ab Aldrovando datum, arbitratus rectius vocari *Pterocliam* quasi peninis gloriosam, aut *Sericatam* cum Germanis. 2. Inter aves hieme alibi viventes referri.

CHRISTOPHORI VVITTICHII

Exercitationes Theologicae editæ cura & studio ipsius

Auctoris, multis quoque in locis aucta.

Lugduni Batavorum, apud Cornel. Boutestein

Anno 1682, in 4.

Exercitationum sub uno volumine hic compactarum Tituli sunt isti: Primæ, DEUS MUNDI RECTOR: Secundæ, CHRISTUS HUMILIS ET ALTUS: Tertiæ, FIDES SANCTORUM PERSEVERANS ET CERTA: Quartæ, FUCATA GENTIUM VIRTUS: Quintæ, VERITATES ET ERRORES FUNDAMENTALES CUM ANNEXIS. Natæ vero sunt illæ diversis temporibus, dum, ut ipse Autor scribit in Præfatione, in gratiam Studioſæ Juventutis, pro Disputationibus publicis & Exercitationibus Academicis, argumentum aliquod elaborandum fuit. Cum autem lucri cupidi Typographi, non consulto Autore, has ipsas sub forma libelli in 4. Lugduni Batavorum superiori anno divulgassent, nec titulos dissertationum, nec ordinem iis debitum servassent, Autor suum ipse potius factum pro virili exornatum & auctum, in lucem emittere voluit, quam ut illotum in contemptumque ab aliis orbi erudito exponi pateretur. Hoc jure suo usus, & nomina dissertationum mutavit, & ordinem iis convenientem assignavit.

In *Prima* Exercitatione Autor non modo Existentiam Dei contra Atheos duobus argumentis ab Idea Dei singulis connata, & Homini ad seipsum reflexa consideratione, juxta Cartesii doctrinam de-

mon-

monstrat, priori ex Rom. I. 19, posteriori ex Act. XVI. 16. 17. robur concilians; sed & providentiam Divinam, quoad omnes actus diligenter explicat, imo cum libero hominis arbitrio conciliare, & simul ab Ecclesiis Reformatis illud dogma, *quod Deus sit autor & causa peccati*, remove satagit. In *Altera* duplicem CHRISTI statum, humiliationis & exaltationis, in cap. II. Epist. ad Philipp. a v. 6 ad 13. fundatum, juxta Religionis suæ hypothesen fuisse proponit. In *Tertia*, fidei natura studiose indagata id agit, ut ostendat, eam esse immutabilem, constantem, atque perseverantem, ut adeo fideles de remissione peccatorum, electione, & salute sua certam habere possint persuasionem. In *Quarta*, ut detegat fucum virtutis Gentilium, observat requisita virtutis & bonorum operum, quorum primum est regeneratio autorem habens Spiritum S. alterum ut procedat ex fide & charitate erga Deum & mediatorem Jesum Christum. Hinc refutatis iis, qui putant, Gentilium opera esse vere bona & Deo placentia, *Zuinglium* excusat, quod Gentilibus nonnullis salutem æternam attribuerit, cum hos non nisi per fidem extraordinarie concessam servatos fuisse scripserit, in *Declaratione de Peccato originali ad Urbanum Regium*. In *Ultima* tandem Exercitatione, facta divisione fundamentalium articulorum, in generales & speciales, inter alia tradit: plures ex his necessarios esse ministris Ecclesiæ, quam vulgo fidelium: illos præciso & certo numero determinari non necesse, imo nec possibile esse: posse fieri ut aliquod dogma evertat fundamentum, quod tamen in mente illud tenentis non evertat, si non videat contradictionem: non esse necessarium, ut præcise omnes errores in numero habeantur: de necessitate consequentiarum judicare quemlibet in sua conscientia: Concilia œcumenica non posse ita decidere controversias, ut quilibet fidelis teneatur in conscientia ad istiusmodi decisionem: Prætextu, quod articuli fundamentales in paucis consistant, non debere studium proficiendi impediri: qui negaverit eos fidei articulos, sine quibus fiducia in Christum consistere nequit, non habere fidem: Doctores Reformatos non posse tolerare Pontificiorum dogmata, quin iis contradicant: hæc vel salutis fundamentum formaliter evertere, vel aliquid illicitum in conscientia imperare: adeoque nec syncretismum cum illis ineundum esse: conciliationem dogmatum controversorum non fieri debere per verba ambigua, sub quibus utraque pars dissidere latere possit.

Et

Et hæc præcipua fere summa est illarum Exercitationum Theologicarum, quibus in fine accessit Oratio Autoris inauguralis de *Oraculorum Divinorum veritate ac Gentilium falsitate.*

ANTI-VVANGNERECIUS,

Quem sub Præsidio Academico Dn. Balthasaris Bebelii. S. S. Theol. D. & P. P. in Acad. Argentoratensi adornarunt & defenderunt pereruditi aliquot Studiofi Theologia.

Argentorati Anno 1682 in 4.

Cum M. Johannes Kircherus Tubingensis deserta Lutherana Ecclesia ad Romanam transisset, ne temere id fecisse videretur, causas mutatae religionis peculiari scripto divulgavit, obtendens, quod Lutherani fidei suae fundamentum perperam in sola Scriptura quærant, cum tamen magna hominum pars sacrum Codicem ne legere quidem, nedum intelligere valeat, & sine Ecclesiae Autoritate, neque de Scripturae Canone, neque de sacrarum Literarum certitudine, neque de Divini Verbi sensu, ac interpretatione legitima quicquam certi constare cuiquam possit, adeoque conscientia hominis tranquillari nequeat, nisi in Ecclesiae Romanae, quam solam veram & erroris expertem asserit, sinu conquiescat. Huic Aetiologiae Kircherianae cum anno 1641 Johannes Georgius Dorscheus Argentoratensis tum temporis Theologus, ad nutum Serenissimi Principis Wirtenbergici Hodegeticum suum pro dijudicanda Scripturae & Ecclesiae auctoritate opposuisset, inventus est multis post annis Henricus Wagnereccius Jesuita Dilingensis, qui a Johanne Abbate Elchingensi sollicitatus in Anti-Dorscheo suo Kircheri patrocinium suscepit. Verum e Dorscheanis ossibus ultor exurgens Dn. D. Balthasar Bebelius, eruditos aliquot Theologiae Studiosos excitavit, ut se Duce atque Præside pro Dorscheo disputationibus publicis contra Kircheri Hyperaspisten militarent, quod & strenue pro suis quisque viribus fecerunt. Quæ autem Disputationum illarum, numero 12. argumenta sint, cum ex dictis pateat, repetere superfluum putamus.

Ii

HEN-

HENRICI VALESII

Notæ & Animadversiones in HARPOCRATIONEM,

*& Philippi Jacobi Maussaci Notæ. Ex Bibliotheca
Guiljelmi Prusseau, Antecessoris Aurelianensis.*

Lugd. Batav. 1682 in 4.

DOCTORUM Antiquitatum, Græcarum pariter atque Romanarum copia, quæ in hoc Scripti genere elucet, adlectus Clarissimus Vir *Jacobus Gronovius*: pietatem insimul, & suum erga Valesianos manes cultum testaturus, publici illud juris fecit, VALERII HARPOCRATIONIS (qui sub Lucio Vero forte floruit, & cujus præter Suidam, Sopater, Libanius, Meursius, Vossius, alique meminerunt) LEXICO illustrando ab *Henrico Valesio* olim adornatum. Postquam enim Valesius ingenium illustre Musis altioribus, Juris maxime studio, juvenis admodum dedisset, eam sibi legem, teste Gronoviana dedicatione, dixit, non posse vel principia vel origines publici privatiq; Romanorum juris percipi & intelligi, nisi Græcis notoriam perferentibus, utpote a quibus id adoptaverint Romani. In Græciæ Oratorum ergo reliquiis habitavit ejus tum temporis industria, & præcipue in Alexandrini hujus Rhetoris Dictionario, ex Græcorum Rhetorum, Antiphontis, Andocidis, Lysia, Isocratis, Isæi, Æschinis, Lycurgi, Demosthenis, Hyperidis & Dimarchi Orationibus potissimum collecto; quod ipsum quidem Venetiis, circa superioris seculi initium, una cum vetustis Ulpiani Rhetoris in Demosthenem enarrationibus, luce donaverat Aldus Manutius. Hoc velut pugillar & juveni & viro & ingravescenti ætati adhæsit perpetuum, ad auxilia quidem memoriæ primū, deinde & gratiæ causa, quam Harpocrati tribuens non dubitavit omnia sedulo facere, ut tantis tenebris obducto scripto opitularetur: Hoc quasi sacrum quoddam laborum suorum constituit, dignumque censuit Valesius, in quod omnis generis subsidia undique & per omnem vitam comportaret. Negari enim non potest, quod in Notis Valesianis hæc plurima occurrant, quæ Scripturam non intellectam aliis aperiant, teterrima Scriptorum loca restituunt, Latinos Græcorum interpretes corrigunt, Historiam multis partibus illustrent, obscurissima fabularum deridicula, & nativum verborum atque dictionum leporem,

rem, qui in fabularum scenis discitur, revelant, Poetarum quoque & Oratorum lusus ac delicias, suavitate Græcæ conditas elegantia, sine fūco sistunt. Ut taceamus, quæ in cognitione Autorum, Græcorum præsertim, in doctrina Græcæ linguæ, in tribunalis Græci formulis & harum origine, in contractuum, & forensium Actionum generibus, nec non in rebus Geographicis & Chronologicis illustrata ab eodem hic reperiuntur.

Prodiderat equidem ante hos duodeseptuaginta annos præclarum doctrinæ specimen in Harpocrate quoque *Philippus Jacobus Maussacus*, notisque suis hoc Lexicon non parum illustraverat. Verum & his a Valesianis non minus luminis affundi deprehendet facile, utrasque paulo diligentius qui consuluerit.

Manum vero ultimam his imponere liturariis cum Valesius ipse non potuerit, morte interceptus; qualem fortunam & alia Clarissimi viri affecta opera, Observationes videlicet, Libros de Critica, Pollucis capita de republ. Atheniensi, experta fuisse, utique dolendum est; Obstetricantem operam superstiti commodandam monumento duxit. Gronovius, nullique parcendum sumptui, quo collectum alieno opere eruditionis instrumentum emendate atque nitide exponeretur luci, in peregrina utur regione, & post Autoris fata.

Exhibentur itaque *primo* loco Valesii Notæ in Harpocratonis Lexicon; ubi præter Philologica & Chronologica, etiam quæ Magistratus, judicia, causas forenses, & processum Græcis olim usitatum, spectant, ex ipso Rhetorum Græcorum usu adducuntur. *Secundo* ejusdem Valesii Notæ in Maussaci de Harpocrate ejusque scriptis Dissertationem Criticam; ubi inter cætera Harpocraton ab aliis homonymis, Athanasio, & Salmasio citatis, discernitur, deque Grammaticæ & Criticæ indole differitur uberius. *Tertio*, Valesii Notæ in Notas Maussaci: quas ipsas aliquot in locis doctissimus Gallorum emendat, & autoribus interdum, ex quibus desumtæ, lumen sensumque genuinum reddit. Concluditur denique posthumus hic foetus duplici, rerum & verborum scilicet, nec non Autorum his in notis emendatorum indice.

OPUS POLITICUM IN TRIBUS LIBRIS

omnes ad doctrinam politicam, tam quoad pacis quam belli administrationem, & tranquillam ac turbulentum Rerum publ.

Statum, nec non Jus Publicum S. R. Imperii nostri spectantes materias exactissime exhibens &c.

Auctore RUDOLPHO GODOFR. KNICHEN.

Frankofurti ad Moenum apud Jo. Dan. Zunnerum,

A. MDCLXXXII. in fol.

ETH post Aristotelem, mille octingentos amplius annos, multi operam suam ad Politicam Philosophiam tradendam appulerunt; tamen *H. Conringius*, ὅν ἐν ἀγίοις, *libro de civili prudentia*, alique viri περὶ αὐτῶν ἐν τῇ πολιτικῇ, cum in Syllematibus, tum in compendiis magno numero, a diversarum nationum autoribus, haecenus vulgaris non pauca desiderarunt. Laudanda itaque industria est, quam in colligendis & disponendis civilis doctrinae rebus nuper adhibuit *Vir Nobilissimus Dn. Rudolph. Godfr. Knichen*, antehac *Anhaltinus & Ligo-Brigensis Ducalis, nunc Regius in Regimine Ducatus Lignicensis Consiliarius*. Novum hoc opus Politicum, varietate rerum singularium insigne, dum componeret, tractandi ordinem a *Marc. Frid. Wendelino*, Magistro quondam suo Servestæ in gymnasio docente mutuatus est. Primum quidem illud a se in privatum saltem usum congestum scribit; postea vero rogatus ab amicis, auxit, & evolutis summa fide & industria autorum, quos allegat, testimoniis, publici hoc fecit juris. Cæterum quid polliceatur *vir Amplissimus*, titulo seu inscriptione operis significat, quod in tres libros digessit. In *primo* de doctrina politica & societatibus humanis, tum minoribus tum majoribus disserit. In *secundo*, cujus tractatio quatuor partibus constans prolixior est, primo de imperantibus, magistratu & modis perveniendi ad illū agit; secundo de ministris imperantium ac civibus varii generis; inde de partibus summi imperii, ut jure circa sacra, arma, tributa, comitia, foedera, judicia &c. tractat: tertio ad Imperii Romano Germanici considerationē digressus, de ejusdem origine, amplitudine, Imperatoris Romani sacratissimi ac Statuum Imperii juribus, judiciis, ordinibus ac dignitatibus civium, nec non urbium Imperialium ortu, juribus, ac privilegiis disserit: quarto in admi-

administratione Reipubl. belli tempore requirantur, ostendit. Tandem in *tertio* libro causas Rempubicam evertentes & conservantes tradit, subjunctis rerum indicibus.

JOHANNIS LOMEIERI ZUTPHANJENSIS,

de Veterum Gentilium Lustrationibus Syntagma.

Ultrajecti A. 1681 in 4.

Gentiles etiam ex naturæ lumine cognovisse, Deum ita detestari peccata & scelera hominum, ut, nisi illa fuerint prius expiata, justas eorum poenas, bella, famem, pestem & alia id genus mala immittat; erudito commentatio demonstrare aggressus est *Johannes Lomeierus* autor nominis haut obscuri. Primum in originem & causas lustrationis veterum inquirat, ac quare gentiles tot inventis ceremoniis, a peccatis sese purgare, divinumque Numen placare instituerint, exponit. Inde progressus, ordine non malo, *causas* (ut in scholis vocant,) *quatuor* cum variis circumstantiis describit. Deos gentilium καὶ ἀποδῖς & ἀλεξικακῖς postquam allegasset, contra Stoicos & Epicurum multis scriptorum veterum testimoniis confirmat. Tria *purgationis* genera Servio ad VI Æneid. Virgilii observata, fusius, quam quisquam alius declarat. Refutat etiam Judæorum opinionem, qui ex Genes. I. 8. colligunt, Angelos secunda creationis die lapsos esse, quia non legitur additum: *vidit DEUS, quod esset valde bonum.* Tandem spicilegium quorundam ἀλειπομένων instituit ac nonnulla lustrationum genera peculiaria recenser. Quibus expositis, gentilium hanc superstitionem per Doctores, Concilia, & Imperatores Christianos abrogatam esse tradit.

D. CHRISTOPHORI Langens/JCTI, COM. PAL.

Cas. & Vice-Cancell. Sax. Isagoge ad Processum Juris Civilis & Saxonici. Cura & studio

D. Johannis Christophori Herolds/JCTi &c.

Francofurti & Lipsiæ 1682 in 4.

Inter eos, qui hactenus in tradenda Processus Judicialis norma haud contemnendam locarunt operam, suo jure & ex merito etiam numerandus est *Christophorus Langius*, JCTus & in Jure & Judiciis quondam

dam exercitativissimus. Quanquam enim non ignorabat, plurima jamjam hac de re exstare excellentium Juris Sacerdotum monumenta; non omnino tamen oleum & operam perditurum se arbitratus est, si ipse hanc Jurisprudentiæ partem pro virili excoleret, quæque subinde tum ex præstantissimis, nec ex parte ubivis semper obviis Auctoribus, quorum longam seriem præmissus libro Catalogus texit, tum propria quoque experientia animadverterat, in schedas conjiceret. Quemadmodum vero morte præventus, hæc sua non absque judicio conquisita meletemata Orbi erudito communicare non potuit: ita non infelici rei forensis fato factum est, ut, excussis B. Viri seriniis & manuscriptis, ea tandem Cl. J. Ctus & Ducatus Magdeburgici Consiliarius &c. *Dn. Johannes Christophorus Heroldus*, in concinnum ordinem redegerit, variisque Collegiorum Juridicorum Responsis, Consiliis & Præjudiciis in Contradictorio latis, nec non J. Ctorum Observationibus Practicis, & agendi formulis, aucta & illustrata, publicæ luci exposuerit. Eo autem præcipuus hujus libri labor videtur tendere, ut, quæ in Ducatu Magdeburgico ex Jure Communi, tam Civili, quam Saxonico, circa materiam Processus Judiciarii vigeant receptæ opiniones, & Judicibus & Advocatis istius ditionis sub uno conspectum & in nuce quasi exhiberentur, ne vagis & incertis juribus personarent tribunalia.

JOHANNIS BRUNNEMANNI DE JURE

Ecclesiastico Tractatus Posthumus, Revisus & Auctus

a SAMUELE STRYCKIO J. Cto.

Francofurti ad Viadrum 1681 in 4to.

Quem utili perquam instituto paucis ante obitum septimanis ipse in lucem publicam emittere destinarat J. Ctus magni nominis, B. Brunnemannus librum; hunc jam proximus mortis Genero sui simillimo, celeberrimo STRYCKIO, per fidei commissum quasi Consistoriorum & Ecclesiarum Evangelicarum contextum est: sic in tres distributum libros, primo exhibet Jus circa personas Ecclesiasticas, altero rerum, tertio denique ipsius Fori & Processus Consistorialis formam ob oculos ponit. Reperias hic variarum, quæ tractantur, doctrin-

doctrinarum occasione multos Ecclesiæ navos a B. Auctore notatos. Nunc oscitantiam quorundam Ecclesiæ ministrorum in procuranda animarum salute; homilias Oratoriis pigmentis sæpius coloratas potius, quam ad pietatem plebis suscitandam directas; neglectum Theologiæ moralis, & explicationis Casuum Conscientiæ dubiorum, & visitationis domesticæ: nunc solennem minus baptismi administrationem ejusque periculosam dilationem, & concomitantem luxum; superficialiam nimis ad Cœnam Dominicam accessurorum examinationem, omissionem frequentioris Catechisationis, Musicam Theatralem, aliaque id genus atro carbone signat. Annotationes a laudatissimo STRYCKIO singulis Capitibus subjectæ, cum aliorum Theologorum & Jcutorum sententias; tum variorum Consistoriorum & Facultatum Juridicarum responsa continent, pascendis lectorum desideriis accommodatissima. Accesserunt in calce Prælectiones Brunnemanni publicæ ad Regulas Juris Canonici ex quinto Decretalium libro, per ampliationes & limitationes ita illustratæ, ut non possint non insigne de se polliceri emolumentum. Utrobique adjectus est index præcipuarum rerum locupletissimus & apprime utilis.

GABRIELIS SVEDERI, J. U. D. CONSIL.

*Wurtemberg. & Suprem. Dicast. Assessoris, Introductio in
Jus publicum Imperii Romano-Germanici
novissimum.*

Tubingæ 1681 in 8.

Quod in fronte hujus libelli promittit doctissimus Auctor, id per integrum bonæ fide & laudabili conatu, nec apta minus methodo, ac sincera brevitate præstat. Neque enim ex Justiniani Juribus (quæ nonnullorum, vetus illud Romanorum cum Imperio nostro confundentium, ἀπαιδευσία est) statum Germaniæ metitur, sed ex genuinis ac limpidissimis Legum Germanicarum & Actorum publicorum fontibus, suas derivavit doctrinas. Hac autem procedit via, ut, toto opusculo in Generalem & Specialem partes diviso, illa, præmissis Juris publici definitione ac fine, leges totius Imperii fundamentales latius paulo & historice explanet, mox ortum ejus, progressum, mutationes, incrementa ac decrementa, quæ subinde, avulsis hinc inde.

inde provinciis, passum est, formam deinde ac divisionem hodiernam ex B. Conringii potissimum scriptis, succincte pariter & accurate ostendat: hac vero in duas iterum sectiones scissa, prima de Imperatore & Romanorum Rege, quæque de electione ejus dicenda sunt, deinde etiam de Juribus ejusdem cum reservatis, tum partim Electoribus solis, partim omnibus Imperii Statibus communicatis agat; altera vero Statuum jura singula singulis ac distinctis capitibus exequatur. Inspurguntur passim ex probatissimis ac novissimis Publici Juris Scriptoribus controversiæ insigniores, ut dubium plane nullum appareat, quin hic exiguus mole libellus, si non omnium, plurimum certe Eruditorum puncta laturus sit.

OLAI BORRICHII ANALECTA AD COGITATIONES de Lingua Latina. Accedit Appendix de Lexicis Latinis & Græcis, cum indice addendorum ad Fori Romanæ litteram C.

Hafniæ 1682 in 4.

Postquam vir præclare meritis de studiis literarum universis *Gerhardus Joannes Vossius*, de *vitiis Sermonis, & Glossæmatis Latino-Barbaris* libros edidisset quatuor, ac in præfatione de diversis Latinæ linguæ ætatibus disseruisset erudite, annis triginta post vir non vulgaris eruditionis laude celebris, *Olaus Borrichius*, *Hafniæ cogitationes de variis L. Linguae ætatibus & scripto illustris Vossii de vitiis sermonis*, una cum *defensione ejusdem, & Strudæ adversus Gasparum Scioppium*, in publicum emisit. Horum, & qui simili labore erudito occupati fuerant, Scioppii & Joannis Vossii exemplo excitatus Clarissimus *Christophorus Cellarius*, *Smalcaldiensis*, primo *Antibarbarum Latinum in VII classes distributum* publicavit, quem nuperrime ab ipso recognitum denuo & innumeris locis auctum legimus. Mox vero perfectior laudati Borrichii *Cogitationibus* jam memoratis, ipse *Curas Posteriores de Barbarismo & Idiotismo sermonis Latini*, secundum seculæ distributas, luci exposuit publicæ. In quibus dum a Borrichii *Cogitationibus* memoratis dissensum quandoque suum modeste professus est Cellarius, nobilissimus Borrichius ansam indeptus est *Analecta ad Cogitationes de Lingua Latina* scribendi, quæ, ubi errasse videri poterat,

terat, adversus laudatum Cellarium easdem propugnat, adducta partim diversa autorum lectione, partim MStorum fide, qua ipse quandoque nititur. Utriusque Viri studium laudandum est, quod pro virili sordes dictionis e stylo inquinatę scribentium abstergere laborant. Nec censura Borrichii eruditę displicere potest, quam de Lexicis Latinis & Gręcis, appendicis loco addit. Posteaquam enim contra Clariss. Viros, *Georgium Heinricum Ursinum*, de nonnullis quęstionibus Grammaticis, & *Arnoldum Rhumannum*, in Roma sua Attica, MSto quidem libro, sed (ut ipse loquitur) amplo & erudito, sollicita viginti annorum cura ad pręlum jam tandem maturo, de *coxendici* etymologia disquisivisset, defectus clarissimorum Lexicographorum tum Latinorum, tum Gręcorum notat, & boni publici causa optat, ut eruditi in Lyceis & Academiis docentes, partita inter se opera, accuratum & perfectum elaborent Lexicon Latinum pariter ac Gręcum. Tandem subjungit specimen indicis addendorum ad *Fori Romani* literam C, ut ex hoc specimine Lector de reliquo ejusdem libri defectu queat judicare.

PETRI MEGERLINI, Math. Prof. Basileensis

Systema Mundi Copernicanum, argumentis invictis demonstratum & conciliatum Theologia.

Amstelodami anno 1682 apud Henr. Wetstenium in 8.

IN hoc Libello, rejectis Ptolemaico, Tychonico & Semi Tychonico, Mundi Systematibus, Copernicanum verum atque genuinum, non sensu sed ratione iudice determinandum, esse contenditur. Cui fini argumenta hucusque a Coperniceis usurpata, compendio dilucide proponuntur, Terręque Motus cum natura rerum conformitas evincitur.

Unde porro ut *Autor* Motum istum Scripturę Sacrę conciliet: sicut in rebus fidei hujus dicta ad fidei; ita in naturalibus eadem ad Naturę analogiam examinari, & juxta hanc intelligi oportere sustinet: cum scopus Spiritus sancti longe sublimior sit, quam ut sapientiam seculi nos edoceat, quippe qua cum Paulo se abdicet, nihil præter Crucifixi scientiam professio. Inde esse, quod ad captum vulgi se accommodando, Mundum ædificio comparet, duabus potissimis partibus Cælo Terraque, illo tanquam fornice instar veli expanso; hac

K k

Tabu-

tabulato, seu area substrata, & propterea nunquam Globi, sed Orbis seu planitici, appellatione insignita, constantem. Atque id ipsum vel ex ipsis locis conera Copernicæos directis constare, in quibus Sol supra Gibeonem, Luna supra vallem Aialonis sterisse; Umbra (temporibus regis Ezechix) retrocessisse dicatur: cum nec Luminaria dictis locis, nisi apparenter incubuerint; nec Umbra, mera sc. privatio, revera moveatur, sed ad motum lucis aut corporis opaci, alia atque alia fundatur. Qua una ratione etiam, Copernicæis usurpata, quomodo Sol ab una cœli extremitate ad alteram currat, Pf. XIX; occasum suum, sciat, Pf. CIV; aliaque loca, de Terræ super basi fundatione &c. explicari possint ac debeant.

JOH. CHRISTOPHORI STURMII, Prof. Altdorfini

Epistola Invitatoria, ad Observationes Magnetica Variationis instituendas.

Altdorfi, 1682. in 4.

Scripta est hæc Epistola ad Curiosos, præcipue Germanos, in operæ Societatem alliciendos, quam circa exploranda magnetica variationis (hoc demum seculo paucis abhinc annis detectæ) phænomena, proximis annis Noribergæ sibi sumsit, Dominus D. *Volkamerus, Societatis Naturæ Curiosorum Collega Nobilissimus*: ut junctis hinc inde aliorum, submissisque *Laudato Observatori* experimentis, quid emolumenti a solerti hac indagine expectari debeat, periculum fieri possit. In specie: ut Variationis regularitate constanti plarium observationum suffragio confirmata, effectus hujus admirandi causa (felicius ac *Cartesio* contigerit; refutato sc. ab Observationibus in hoc negotio hactenus habitis) indicari, digestisque in Tabulas observationibus, Hypothesis iisdem conveniens adornari queat. Unde Geographiæ spes aliqua ex Terra petendarum longitudinum affulsura; & Nauticæ, in portubus ex data latitudine & declinatione inveniendis, ingens commodum obventurum foret.

Qua ratione potro Laudati Viri quibusque conditionibus, quas tamen aliorum monitis consiliisque; attemperare paratos se prostentur, Observationes institui quam commodissime posse arbitrentur, verbis Epistolæ ipsius dare consultum duximus, quæ sequuntur.

I. *Ung*

I. Uno circiter eodemque anni tempore *Observationes* ab universis institui, consilium foret procul dubio, & nominatim proximis *Aequinoctio* utrique & *Solstitio* astivo diebus; prout huic aut istis observandi quisque modus magis fuerit accommodus: Imo, designata semel exakte meridiana linea super immobili quodam plano, singulis postea mensibus acum versoriam applicare, & si qua interim *Declinationis* varietas acciderit, notare haud inutile futurum esset.

II. Quibus ad manus sunt quadrantes & Instrumenta grandiora in minutias graduum divisa, ii cum Auzuto, Petito &c. per *Azimutha* & altitudines solares rem feliciter conficiunt, aut eorum modorum uno, quos habet Kircherus L. II. Art. Magn. Part. VI. c. I. Alii his destituti mediis, Heveliana methodo, quam *Coelest. Mach. L. I. c. XVI.* variam tradit, Eimmarti nostri Schematismo haud obscure expressam, citra magnas impensas & cum fructu utentur: nemo autem stylorum erectorum umbris (qua vulgatissima ceteroqui ratio est) aut similibus confidet, nisi in subsidium & ceterorum experimentorum confirmationem; quandoquidem in plurium, diversarum methodo institutum, *Observationum* consensu, meliores a sequioribus etiam aliquid roboris accipiunt.

III. Praestaret etiam duas minimum acies in quavis *Observatione* adhiberi, earumque quam optimas, & nec parvulas nimium, quae differentias *Declinationum* exakte satis indicare non valent, neque valde grandes, quas mole sua magneticam virtutem frequentius eludere experti sumus, sed mediocres, agiles & vivaces; & pyxides ita fabrefieri, ut in fundo arcum saltem plurium graduum in minuta singula aut quina saltem, transversalibus lineis divisorum, haberent; quales equidem ab artificibus Norimbergensibus peritissimis omni studio pretioque justo ut parentur, se curaturum sedulo Laudatissimus Dn. Volckamerus recepit.

IV. Esse vero ad hoc *Observationum* genus ejusmodi locum eligendum, qui planus & ad libellam exaequatus nulla latentis magnetismi aut vicini ferri fallacia suspectus sit, nobis etiam non monentibus, unusquisque facile judicabit.

Sic igitur juncto studio & unanimi conatu si Curiosorum quisque suo loco per universam Germaniam nostram (quod idem exteros quoque in suis regionibus pari consensu facturos nulli ambigimus) magnetis declinationem quotannis aliquoties inquirere, *Observationes* porro suas, quo mense ac die, quoque instrumentorum apparatu facta essent, quot item graduum ac minusorum a meridiana linea in alteru-

nam partem secessio fuisset deprehensa &c. ad Nobilissimum Dn. Volekammerum perscribere non gravarentur, facturi essent utique rem nobis opido, gratissimam & publico bono nostra opinione longe utilissimam &c. Altdorfi Noricorum Pridie Festi Paschalis clō Ioc LXXXII.

D. A. Q. RIVINI Dissertatio de Lipsiensi peste

Anni 1680.

Prostat apud L. S. Cörnerum, Bibliopolam Lipsien.
in 8. 1682.

Vestigia pressurus *Gassari Calderi de Heredia*, de Peste Hispalensi, *Petria a Castro*, de Peste Neapolitana, Romana & Genuensi, *Johannis Imperialia* de Peste anni 1630, *Gresleri*, de Peste Brunsvicensi, *Hodgesi*, de Peste Londinensi scribentium, Pestem sub illa facie, qua nobis præcipue, ante biennium, funesta satis existerat, in libello hoc delineat Auctor. Adeoque primo Pestis hujus naturam atque symptomata explicat, in quantum quidem hæc eorumque circumstantiæ illam aliorum temporum & locorum pestibus conformem, aut ab iis quoque discrepantem reddiderunt. Deinde Causam morbi hujus epidemici disquirens, castra illorum deserit, qui Contagium malignum, accusant, sive hoc a putredine, sive ab acrimonia salina, sive astrorum influxu, sive exhalationibus fodinarum, sive cadaverum miasmatibus & foetore, derivent: Imaginationem potius variis modis consternatam, seu terrorem, Pestis causam proximam & adæquatam pronunciat, quatenus hic spiritus omnium violentissime commoveat ac ad recessum disponat, unde non saltem varia generis nervosi contingant symptomata, sed sanguis quoque hinc coagulatus præter difficultatem spirandi, cordis angustias &c. bubones, carbunculos atque petechias formet. Atque hanc suam hypothesin variis observationibus ac ratiociniis comprobare, illisque, qui sine terrore, per contagium merum, infectos quosdam fuisse asserunt, satisfacere prolixè contendit. Quo facto & postquam pestis hujus invadentis signa ejusque varium eventum recensuit, præservandi ab eadem rationem declarat. Cujus occasione pleraque hætenus ab Autoribus commendata Amuleta rejicit, horumque potentiam suspectam reddit, radicem Colchici tamen tanquam certissimum amuletum commendans. Etsi omnium

mnium horum usum, si quem præsent, illum esse fateretur, quod talibus confisi præsidii magnanimitatem induant, spiritibusque robur contra contagii horrorem concilient. Pariter quoad odores, hirci foetorem aliaque graveolentia rider, fragrantium applicationem vanam, dubiam, imo nocivam proclamat: In conclavi tamen agrotantium deflagrationem pulveris pyrii aliaque pauca naribus admota aut sub lingua detenta & masticata permittit. Hinc de Alexipharmacis præservationis gratia assumendis, v.g. Theriaca, acetis medicatis, fumo sulphuris &c. agit, horumque usum pariter evanidum, Sudoriferorum vero & Laxantium vim præservatoriam insulsam atque ridiculam credit. Quibus præmissis idem Autor quasdam præservandi regulas tradit, quæ præprimis in eo consistunt, ut occasiones terroris ac nausæ cum omnibus illis, quæ vires enervant, fugiantur, quæ vero spiritus roborant, assumantur & adhibeantur, non neglectis, quæ copiam ac pravitatem humorum exturbant, remediis, sc. Venæ sectione, evacuatione & alteratione. Tandem Curam pestis subnectit, ejus quatuor indieia supponendo, ac *primo* ideam conceptæ cum terrore pestis, ut causam proximam, per morbi hujusque periculi dissimulationem, omniumque quæ metui ac desperationi ansam suppeditant, prudentem declinationem eradicandam: *secundo* hinc coagulatum sanguinem per sudorifera dissolvendum: *tertio* symptomata connexa mitiganda: ac *quarto* Bubones ac Carbunculos, tanquam productum morbosum, per externa tractandos. Ubi inter alia Vomitoriorum usum damnat, eumque non, nisi sub certis conditionibus & rarissime admittendum esse monet. Oleum scorpionum pro repellente habet, hinc bubonibus minime, sed pectori saltem ac pulsibus, illinendum commendat. Pariter bufones bubonum tumores potius repellere atque eorum dolorem sedare, neutiquam venenum ex iisdem attrahere, multo minus, juxta Paracelsum ac Hartmannū, applicatos intumescere *αὐτόπῃς* testatur.

RELATIO DE MONSTRO VITULINO-

humano a Dn. D. Schreyer Physico Cizensi communicata.

EXhibuit flumen, quod Cizam alluit, juxta pagum Bornitz, diē 17. TAB: XIII.
 Julii 1681, monstrum horrendum, cujus cervici vitulino appositum.
 Kk 3 *Fig. I.*

tum erat caput humanum. Hujus in superiore parte eminebat velamentum membranaceum mitriforme corrugatum: frons spithanum excedebat, & ubi desinit, oculi erant clausi, e quorum regione in utroque latere erigebantur aures felinis non majores. Nasum (deficiebat vero sinistrum foramen) habebat depressum: os patulum, utrinque dentatum. Mentum ornabant pili barbam caprinam mentientes. Collum videbatur elongatum: pectus vitulinum cum anterioribus pedibus: posteriores nulli, suillaque cauda in extremo pilosa. Ceterum totius monstri cutis nigricans erat ac a pilis nuda, sexusque monstrum foeminei. Interiorum examen vehementissimus foetor prohibebat.

EXCERPTUM EX LITERIS ILLUSTRIS

Hevelii die 9 Junii, hoc anno, Gedani datis, de phænomeno quodam aereo observato.

Tab. XIII
Fig. II. **A** Ddicio phænomenum quoddam aereum hic Gedani non ita pridem, die sc. 10 April. st. n. vesperi, occidente sole a me ipso observatum. Quo tempore sol ad occasum vergens longissimos ac lucidissimos radios sursum versus projiciebat, instar caudæ cometice: in quorum cuspidē, spurius sol, & quidem in inverso quodam arcu coloribus variato, instar iridis, distincte apparuit. Ego in ea sum opinione, si hocce phænomenum citius sese mihi conspiciendum exhibuisset, in solis scilicet elevatori situ, sine dubio plures Parelíos ab utroque latere, cum caudis & aliis arcibus circa solem existentibus, ut fieri plerumque solet, comparituros fuisse. Proinde hocce phænomenum non nisi species, vel particula fuit pareliorum. Ego, uti ex *Mercurio* meo p. 174. liquet, semel septem soles simul in lucidissimis maximis arcibus, cum quibusdam caudis, in adversas cœli partes, respectu genuini solis, excurrentibus, cœlo serenissimo, in ipso meridie, anno sc. 1661 die 20 Febr. sicuti ex ipso ibidem appposito schemate patet, observavi. An simile phænomenum unquam ab ullo alio deprehensum hætenus sit, nondum cognovi.

EXCERPTA EX COLLECTIONIBUS

Philosophicæ Anglicæ n. 3. A. 1681, p. 66 sq.

Observatio Eclipsæ Lunaræ 29 Aug. 1681 st. n. mane, in observatorio Regio Parisiensi instituta.

Digiti

TAB. XIII. ad A. 1682. pag. 262.

Phænomenum Aeræum.

Anno 1682 die 10 April. vsq. Ser. 6 40


GEDANI

IOH. HEVELIO

Monstrum Vitulino-
humanum.

fig. 2.

fig. 1.



Edm. J.

Digiti	Principium.	H.	I.	II.
Eclips.	Umbrae appulsus ad <i>Grimaldum</i> .	1.	58.	30.
D 1. II.	Ad <i>Tychonem</i> .	2.	1.	30.
	Ad centrum <i>Lunæ</i> .	2.	8.	0.
	Ad medium <i>Copernici</i> .	2.	37.	30.
	Ad <i>Aristarchum</i> .	2.	39.	30.
8. 16. 0.	Ad medium <i>Manilii</i> .	2.	40.	0.
	Ad <i>Plinium</i> .	2.	54.	30.
9. 2. 0.	Ad inferiorem partem <i>Mariæ Cassii</i> .	3.	1.	0.
9. 31. 20.	Ad superius latus <i>Mariæ Cassii</i> .	3.	7.	30.
10. 1. 0.	Maxima obscuratio.	3.	18.	30.
	Reditus Umbrae.	3.	35.	45.
4. 46. 0.	Ad <i>Aristarchum</i> .	3.	47.	0.
	Ad Centrum <i>Lunæ</i> .	4.	29.	0.
	Ad <i>Tychonem</i> .	4.	41.	30.
	Finis Eclipsos.	5.	13.	0.
	[Tota Duratio.	3.	40.	30.

Nota: Hora 5. 13 min. 56 sec. apparens Altitudo superioris limbi Solaris erat 17 min. 10 sec. & Lunæ 1 gr. 11 min. 30 sec.

EADEM ECLIPSIS

Tempora per Horolo- gi. Oscillas.			Tempora inde per Ob- ser. Correc.			Observata Greenovici, Aug. 18 post med. noct. seq. A. 1681 a Jo. Flamsteed.	
d.	H.	I.	II.	H.	I.	II.	
18.	13.	05.	00.	13.	00.	00.	L Una Diameter 619r. 30 53 ^u . Penumbra Notabilis.. Penumbra Densa: Initium. Umbra ad Montem Climacem. Sinus Sirbonis incipit. Mareotis incipit. Mons Cataractes incipit.
		46.	30.		41.	30.	
		53.	40.		48.	40.	
		55.	40.		50.	40.	
		58.	00.		53.	00.	
14.	03.	20.		58.	20.		
	5.	50.		14.	00.	50.	
	7.	30.		2.	50.		

Tempora

	Tempora per Horolo- gi. Oscillat.	Tempora in- de per Obser- correct.	
	d h.14. / //	h.14. / //	
18	8. 16.	3. 16.	Mareotis tota tecta.
	10. 50.	5. 50.	Sina incipit.
	12. 56.	7. 56.	Sina tota tecta.
	18. 00.	13. 00.	Audus.
	27. 24.	22. 24.	Circinna.
	31. 00.	26. 00.	Abulfeda Ricciolo.
	32. 30.	27. 30.	Pentadactylus incipit.
	33. 32.	28. 32.	Ætnæ limbus primus.
	34. 26.	29. 26.	Pentadactylus totus.
	35. 06.	30. 06.	Ætnæ medium.
	36. 00.	31. 00.	Ætna tota tecta.
	40. 00.	35. 00.	Umbra per Med. Porphyriten.
	44. 50.	39. 50.	Hiera Insula & Ficaria simul ad Umbram.
	46. 10.	41. 10.	Umbra ad Horminium.
	50. 10.	45. 10.	Mons Hercules incipit.
	51. 10.	46. 10.	Mons Hercules intra.
	52. 10.	47. 10.	Umbra per Med. Besbici.
	54. 00.	49. 00.	per Med. Insulæ Majoris.
	55. 30.	50. 30.	per Med. Byzantium.
	57. 40.	52. 40.	per Med. Insulæ Cyaneæ. (metis.
15.	01. 50.	56. 50.	ad Limbum primum Corocondo.
	4. 30.	59. 30.	ad Limbum primum Mæotidis.
	13. 00.	15. 08.	Macra incipit obscurari: dub.
	14. 00.	9. 00.	Mæotis tota tecta.
	19. 12.	14. 12.	Partes lucidæ residuæ erant 1092. 5. 27. tunc Lunam densæ nubes exceperet, sub quibus latuit usque ad ejus Occa- sum.

Eandem Eccipsin Gedani ab illustri Hevelio observatam Calendis
Jan. p. 28. sqq. exhibuimus.

ACTA ERUDITORUM

publicata Lipsiæ

Calendia Septembris, Anno M DC LXXXII.

MISCELLANEORUM HISTORICORUM

Regni Bohemia Decadis I. LIBER II. qui de Bohemia Populo, & veteribus ac novis Incolis solide & nervose disputat, &c. Authore BOHUSLAVO BALBINO, e Societate Jesu.

Pragæ, M. DC. LXXX.

nec non

Ejusdem Decadis LIBER III, qui fines & terminos totius Bohemia, tum ipsorum Districuum figuras, arces, oppida, & urbes complectitur, &c. Autore Eodem.

Ibid. M DC LXXXI. in fol.

UT primo Libro hujus Operis exposita, e quibus nonnulla pro- *Ad. pag.*
ximis Calendis delibavimus, contemplationi rerum natura- *241. seqq.*
lium maxime inserviunt: ita dissimulandum non est, iis quæ
hoc SECUNDO libro de variis variarum gentium migratio-
nibus adducuntur, Historiam antiquiorem, non Romanam modo, sed
Germanicam quoque, Gallicam, imo Græcam, & Anglicam non pa-
rum illustrari.

Nam initia Gentis suæ prima proditurus Autor, 'per distinctas
incolarum classes procedit, in quarum una Bojos', media cum Her-
munduris Marcomannos, & ultima Czechos videtur collocasse. Pri-
mam quod concernit, ipsius *Bohemia* nomen docet a *Bojis* esse na-
tum, Gallia Celticæ populis, sed tum non minus ac Gallia tota (præ-
ter Romanorum Colonias diu post deductas) Teutonico veteri ser-
mone utentibus; & *Bojheim* nihil Germano sonare aliud, quam quod
Bojorum patria Latino. Inde quæ ad antiquissimæ Gentis gloriam
pertinent, persequitur. Nempe 1) audaciorem & ferociorem ex
Bojis Hercyniensibus sobolem una cum Trocmis ac Tectosagis e Bojo-

Ll

hemo

hemo exiisse, & Pannonia primum, deinde Thracia, Græcia percursis & pervastatis, Asiam ingresses, denique in Æolide & Jonia, plurimis cladibus illatis & acceptis confedis, ibidemque Gallogræcorum gentes fundasse. 2) Cimbros, gentem Romanis formidatam ante, quam aggredi Romanos statuisent, Hercyniam sylvam, sedesque in ea Bojorum ad habitandum intrasse, sed rejectos fortiter, alias quæsisse terras; quod prælium uberius expositum habes Libro sequenti. 3) Heduis, vel Æduis adversus Jul. Cæsarem auxilio venisse Bojos, & hac e gente ortum postea Borbonios traxisse. 4) Bojos ex Bohemia Bojoariis, seu Bajoariis & Bavaris dedisse originem, eosque veterum Bojohemorum quandam esse coloniam: id quod *Velferi*, *Brunneri*, *Adelzreutteri*, & *Cluverii* autoritate ita firmat, ut novum simul errorem Scriptoris, Suevos cum Hermunduris confundentis, evellat.

Ad secundam delatus classem, Bojos a *Marcomannis*, duce Maroboduo, ex vetusta Sueviæ nobilitate orto & Romæ educato sub Augusto, Bohemia ostendit esse pulsos: & ubi de Marobodui hujus Regia in Hercynia sylva, de Marcomannorum post Ducis sui ad Romanos fugam gestis præcipuis & cladibus, quæ ratione eorundem reliquæ per Attilæ regnum deletæ fuerint, disseruisset; Marcomannos non Slavicam (ut in *Speculo Moravia* voluit *Papocius*) sed Suevicam eoque Germanicam fuisse gentem, ex *Simbone*, *Tacito*, *Eutropio*, *Ptolomæo* ejusque Commendatoribus; ex *Velfero*, *Cluverio*, *Cromero*, *Goldasto*, *Curæo*, *Dalecampio*, *Voburgio*, & *Dressero* nostro planum facit, iis, quæ regeruntur a parte diversa, rejectis & solutis.

Postrema classis incolas contemplaturus, initio majores suos, Slavicæ gentis originem inde a Babelica turri deducentes, adversus Æneam Silvium defendit, cum quod Slavica lingua omnino primigenia, & inter duas illas & septuaginta Orbis universi linguas habeatur, tum quod idem fecisse probro non vertatur nationibus cæteris. Deinde Slavivorum populorum, quales *Bulgari*, *Sorabi*, *Roxolani*, *Mosci*, & *Venedi* fuere, primas sedes explicat, eosque ex Sarmatia Asiatica & Europæa in Europam interiorem ascendisse ait; Venedos præcipue tribus immigrationibus, quarum maxima circa Attilæ tempora acciderit, in Germaniam interiorem penetrasse. Hinc de Czechi & Lechi, Slavorum Principum, in Bohemiam adventu agit, & refutata *Petri Codicilli* sententia, de Aureolo Tyranno a Czecho & Lecho apud Illyrios

rios interfecto, magnum adducit Autorum cumulum, de ætate Czechii, quoque tempore in Bohemiam is advenerit, statuentium. Quo etiam loco observat, grande necessario meritum in gentes Slavicæ (quæ postea per Bohemiam, Poloniam, totque late provincias sese effuderunt) fratrum Czechii & Lechii extitisse, propterea quod abolito seu Vendorum, seu Sarmatarum, seu Slavorum, aut alio quocunque nomine, Czechitas & Lechitas appellari se voluerint; illudque amori ipsorum Ducum, mitissime summa populi voluntate regnantium, aut quod commode ingentia auxilia adversus vicinos Germanos genti suæ attulerint, aut quod lectissima nobilitate stipati advenerint, & Bohemiam atque Poloniam generosa ista sobole impleverint, aut quod patriam ab hostibus purgarint, aliove nomine bene mereri de patria studuerint, datum fuisse existimat.

Reliqua pars Libri, 1) ἀνακρίνῃ sive confutationem eorum, a quibus diversum sentit Autor; novitii maxime Scriptoris, qui gesta Wandalorum adscripserat Czechorum genti, Czechitas statuens ortos a Wandalis, & *Vandalo Bohemos* nominans; quique Venetias a Wandalis conditas fuisse, Vindelicos a Wandalis prodiisse, & alia id genus paradoxa asseruerat; 2) ἀνακρίνῃ, & summam eorum, de quibus disputatum hucusque fuit, articulis distinctis octo comprehensam; 3) Dissertationem, Autoris historię parallelam, de Originibus Boemorum seu Czechorum, ab *Andrea Sredonio S. J.* consignatam, & a Dn. Balbino nuper repertam complectitur.

TERTIUS Miscellaneorum Liber Topographicus atque Chorographicus inscribitur, & totam argumenti, in quo versatur, vim si spectes, sex potissimum partes continet. *Prima* Bohemię fines cum Septentrionales, tum Australes & Occidentales determinat, decisa prius (ex aliorum sententia potius, quam propria) questione, an Bohemia Germaniæ & Imperii Germanici provincia & pars sit, & num ad Imperium Germanicum referatur? Ac ne quis pristinos fines confundat, cum hodiernis, Misniæ & Lusatię partem aliquam docet olim in Bohemia fuisse censam; nominatim Zittaviam & Gorlicium: Bohemię fines ultra Comitatum Glacensem usque Wartam, & Camentium, quendam extensos: item procul in Austriam, & in Palatinatum usque Neribergam, & in Bavariam: Marchiam vero Brandenburgicam nunquam fuisse Bohemię partem, licet eandem quandoque Reges Bohe-

miæ, aut eorum regia familia, vel donationis, vel oppignorationis, vel emtionis titulo tenuerint.

Secundam argumenti partem constituunt *Bohemia Regiones*, seu ut nunc vocant, *Districus* quatuordecim numero, præter Comitatum Glacensem, Territorium Egrense, & territorium Cubitenſe; nec non *Urbes, Oppida, & Arces*. *Districus* ita percurrit, ut fines singulorum describat, urbes eorum præcipuas, civitates, & oppida nominet (memorabilia quæ in istis sunt, alteri reservat loco,) suam cuique figuram assignet, memoranda in provinciis, quæ commendari dote mercantur, magna diligentia exponat. Ad Bohemiæ coronam vero cum Glacensis quoque Comitatus pertineat, peculiaris de eo tractatio nunc subiungitur, quæ, præter iudicium de *Georgio Aluro* dicti Comitatus Historico, prolixius de Glacii fundatore, titulo Urbis imperialis, (quem ei ex Diplomate quodam Henrici I. Aucupis tribuerat *Ælurus*; sed subreptitum & confictum illud ipsum esse, signis non obſcuris *Balbinus* evincit) Dominis; de Comitatus hujus clypeo, terminis, hominum copia (quos inter oppidanos *Levinenses* adeo tornandi artificio testatur excellere, ut uno in cerasi nucleo duodecim duodenas cochlearium spectandas exhibere, & uni pixideculæ apud magnitudine 24 cochlearia elegantissimo artificio distincta includere valeant) Nobilitate, religione, Capitaneis, & Præpositis Cœnobii S. Mariæ in monte Glacensi, disseritur: Accedit præterea succincta descriptio Silesiæ, non minus hodie ad Coronam Bohemiæ spectantis, cum censura de Silesiæ Historicis *Curao, Schickfusio, Polio, & Henelio* Silesiographia, quondam edita, & Breslographia claro.

Jam velut ex peregrinatione Glacensi & Silesitica in Bohemiam reversum, de *Urbium* & Oppidorum calamitatibus, quantamve populi Bohemici stragem proxima bella ediderint, conquerentem videas, adeo, ut status pristini & hodierni contentione, nec non locorum, & facultatibus ex tabulis publicis & indicibus inductione facta, hodie sese nec umbram quidem veteris Bohemiæ tenere fateatur. Ab Urbibus progreditur ad *Arces*, & earum multitudinem in Veteri Bohemia, ex indiculo *Wenceslai Hagecii* partim, partim ex indiculo proprio sic recenset, ut districtum & distantiam ab urbe Praga singulis apponat. Arcium tamen nimia etiam multitudine (Rudolfinis adhuc temporibus toto regno centum viginti quatuor munitas habuerunt,) & quod non-

nonnullæ earum a latronibus insiderentur, offensum olim Carolum IV scripto exercitu, quasdam obsellas tradit occupasse, prædonum duces in crucem egisse, arces dejecisse. Tum de quæstione, utrum expediat, quamplurimis arcibus, aut contra nullis, vel paucis tantum, patriam communire? quid sentiat, aperit. Tandem & Castrum S. Wenceslai, seu Arcem Regiam Pragensem, quæ arcium omnium per Bohemiam principatum obtinere fertur, cum partibus suis, quales sunt: Basilica Metropolitana Pragensis Ecclesiæ, cum interius, tum afforis plurima memoratu dignissima curiosis oculis ostendens, Habitatio Regia, Regii horti, & hos inter erecta Domus, quam Mathematicam appellant, Regis Wladislai Palatium, & alia pro cuiusque dignitate describit.

Ad tertiam partem *Opera publica* retulit, Pontes, Basilicas & Tempia celebriora, Palatia, Cœnobia, ædificationes sumtuosas, verbo: quicquid memorabile Bohemorum telluri inhaeret arte & labore hominum perfectum. Non postremum inter ea locum habent: Pons Pragensis super flumen Muldavam stratus ex quadrato saxo, & 18 fornicibus constans, vel hoc nomine cum Londinensi ripas Tamisis jungente comparandus: Templum S. Barbaræ Kuttnerbergæ, quod una & septuaginta columnis sustinetur, ut ejus ichnographia docet, peculiari tabula expressa: Turris in memorato ponte, qua ex veteri in minorem Pragam iter est, conspicua, quæ una ab hostibus Succis Antiquam & Novam Pragam servasse perhibetur: Turres aquariæ Pragenses, e quibus aqua insigni artificio, certis in altum canalibus elata, rursus in canales alios refusa, ac ponderibus depressa, per omnia urbium fora, compita, & domos dispensatur: Ambitus in Monasterio Aula regiensi, in cuius olim lateribus Verus Novumque Testamentum ab initio Geneseos ad Apocalypsin Joannis literis majusculis in tabulis scriptum continebatur, notis quo alius irent, paulatim crescentibus, ita ut a summo usque deorsum facilis lectio præberetur, ut Æneas Silvius autor est: Subterraneus meatus seu cuniculus Praga usque ad pagum in Arcis Regiæ Pragensis conspectu Bubenez excisus: Horologium Curia antiquæ Urbis Pragensis, non aliquam modo diei aut noctis horam, sed diem quoque, mensem, annum, Solis & Lunæ ortus, siderum omnium cursus, signa Zodiaci, Lunæ ætatem, aureum numerum, Cyclos, quodque mireris, Festa per annum præci-

pua indicans; unde & dignum habitum Autori, quod cum singulis partibus hoc loco & historice, & mechanice describeret, deque cuius præstantia & arcanis tractatum *Joannis Taborsky* Mathematici summam infereret: Machina denique supra argenti fodinas Przbrazenses posita, quæ aquam fodinas mergentem & omnino mesuram, rivuli cujusdam beneficio, die nocteque nunquam interrupte extrahit ab imo, exantlat, aliumve in locum effundit: delineatam cum partibus suis habes fol. 165.

Quarta libri parte, Subterraneorum operum, quæ paulo ante adduxerat, occasione de variis agit Thesauris in Bohemiæ solo hinc inde reconditis, expressis civitatum quarundam & arcium, in quibus latere credantur, nominibus, causisque ejus rei non improbabilibus allatis; pro thesauro tamen carbones inventos aliquando fuisse, proprio suo comprobat exemplo. Inde & Spectrorum, v. g. Albarum, Dominarum, in ditionibus Rosenbergicorum & Novodomensium, Procerum, & alibi non raro apparentium; Bohemorum veterum arte Magica insignium; hominum e sepulchro vel ex media morte surgentium (ubi & cultri a Bohemo devorati rustico, & incisione extracti, figura silitur,) præfagiorum item atque præstigiarum aliquot exempla, ut alia de veterum Bohemorum habitu, cultu corporis, linguæque conservandæ studio jam omittamus, proferuntur.

Quintum membrum enumerat nobis prælia, in Bohemica tellure (nam quæ a Bohemis gesta fuerunt alibi, Autor jam non persequitur,) commissa quamplurima. Tametsi enim in Chorographica Bohemiæ tabula, sub titulo, *Rosa Bohemia omnibus seculis cruenta*, a sefe olim edita, octoginta solum præliorum mentionem fecerat; nunc tamen esse adhuc ostendit longe plura; nec tantum catalogum centum & septuaginta septem præliorum recenset, sed in causas inquit quoque, unde tanta bellorum seges in hoc regno florentissimo proveniret.

Postrema parte Apologia pro gente Bohemica continetur adversus *Melchiorem Goldastum*, & *Petrum Ribaldum Peruanum*; quo ficto sub nomine *Michalem Pieczek*, civem Novæ Pragæ Satyricum latere, indicio nobis est Balbinus. Neque satis is esse arbitratur, Goldasti asserta de Regni Bohemiæ juribus refellisse, nisi & injuriis objectis aliorum clarorum Virorum, Georgii Fabricii, Marquardi Freheri, Gasparis

sparis Dornavii, Antonii Bonfinii, Hieronymi Balbi, Pii II &c. præclara de vetere Bohemia testimonia & encomia reponat.

Cæterum *Maniffa & Additamentorum* titulis quæ duobus hisce libris, post cujusque indicem, reperiuntur annexa, ad Librum I Miscellaneorum spectant. Siquidem non alia, quam quæ de rebus Naturalibus Bohemiæ suggesta Dn. Autori ab Amicis Virisque doctis fuerunt, iis ipsis referuntur; nisi quod circa Additamentorum finem occurrant & Paralipomena quædam ad aliquot capita Libri Tertii.

Daniel Georg Morhofen Unterricht von der Teutschen Sprache und Poesie / deren Ursprung / Fortgang und Lehr-Sätzen. Worbey auch von der reimen den Poeterey der Ausländer mit mehrern gehandelt wird. Kiel / 1682. in 8.

DANIELIS GEORGII MORHOFII

Disquisitiones de Germanorum lingua & poesi, earumque ortu, progressu & legibus. Ubi simul de aliarum gentium rhythmica poesi differitur. Kilonii, 1682.

Cum de Latinorum lingua & poesi multi commentarios scripserint, Poesin etiam Germanicam quidam in artem redegerint, ac certis legibus adstrinxerint, deque lingua Germanorum diversorum Autorum extent monumenta: nullum tamen præstantiori ingenio, ac majori eruditionis rariorisque doctrinæ copia conditum fuit hoc opusculo: quod vernaculo idiomate scriptum Germanicis suis Poematibus in unum collectis fascem, & Kilonii hoc anno editis, præmisit doctissimus Morhofius, Latinorum etiam Græcorumque carminum venustate nulli Poetarum secundus. Ac magis quidem & justum Opus *Originum Germanicarum*, in quibus linguæ & verborum Germanorum origines fuso & explicatius sit deducturus, se moliri; *artem* etiam *Poeticam Germanorum* peculiari Opere Latino se traditurum in Præfatione indicat: quorum Operum liber hic specimen velut sit, unde præagustum capere liceat.

In tres istum divisit partes; quarum *prima* de Germanorum lingua, *altera* de eorum poesi & poetis, *tertia* de arte poetica eorundem agit.

agit. In *prima* antiquitatem & excellentiam linguæ Germanicæ ostensurus, cum si non Hebraica, Græcæ tamen & Latina antiquiorem esse, & has isti originem debere, tum in peculiari Dissertatione, quam *de novitate Græcæ & Latine linguæ* editurus sit, se ostensurum promittit; tum hoc ipso in loco probat ex eo, quod Græci & Latini philosophiam & linguam, vehiculum scientiarum, a Barbaris acceperint: Barbarorum autem nomine Scythas ac Celtas venisse seu Gallos, quorum lingua vetus cum Germanica eadem sit; quod ex plurimis verbis, quæ utrique genti communia, sola dialecto discrepant, ostendi possit, & quibusdam exemplis ipse docet. Cumque vetus Germanorum lingua ad complura Asiæ loca, inque ipsam Persiam antiquissimis temporibus penetrarit (docente id infinita vocum copia utrique linguæ communium, verbis item similiter terminatis eodemque modo compositis, quod observarunt Lipsius, Salmasius, Bochartus, Mylius, Burtonus, Piccartus & Jo. Gravius) in Ægypto etiam, Arabia, & ipsa America quarundam vocum a Germanis acceptarum, & ab his eo derivatarum vestigia deprehendantur: probabile omnino esse, Germanorum linguam ætate illas posteriores antecellere; Græcæ quidem & Latine vetustiores esse, ab eo demum recte intelligi qui veteres Græcorum & Latinorum voces e Fragmentis & Glossariis depromptas cum prisca Gothicis, Runicis, Anglo-Saxonicis, Cimbricis, Francicis & Hispanicis vocabulis contulerit, nec hodiernarum per universam Germaniam receptarum dialectorum fuerit imperitus. Eum enim deprehensurum, plurimas Græcarum Latinarumque dictionum radices in veteri Saxonum, Westphalica, Cimbrica, Pomerana, Megapolitana, Belgica, Danica, Norvagica, Suecica, & cum primis veteri Gothica lingua latere. Has autem acceptas fuisse a Græcis & Romanis, non solum Dionysii Halicarnassensis testimonio adversari, qui sub finem Lib. I Romanos linguam sibi adsumsisse ait, quæ nec tota Græcæ, nec tota Barbara, ex ambabus vero commixta sit: sed e veteribus quoque Latinorum vocabulis in Osca, Volscæ & Tuscæ lingua usurpatis contrariū apparere, quæ quo vetustiora, eo Germanicæ linguæ sint propiora. Varroni & Festo nullam in Originibus linguæ Latine habendam esse fidem, quippe qui sæpe fallantur, communi vitio plerorumque, qui in gentis suæ lingua tradenda turpiter labuntur. Statuit ergo cum Salmasio & Boxhornio, fontem genuinum Europæarum linguarum veterem Scythæ-

Scytharum linguam esse, e qua primigenia Germanica Gothicaque sint ortæ, quibus Græca & Latina originem debeant. Quo simplicior enim & rudior lingua sit, eo antiquiorem esse; expolitam contra & omnibus numeris absolutam notæ recentioris habendam. Monosyllabas etiam vel paucarum syllabarum voces antiquitatem linguæ & velut radices prodere; recentiore putandam eam, quæ vocabulis polysyllabis abundat, adjecta flexione & terminatione commoda abblaudiente auribus, numerumque & rythmum orationi conciliante. Germanica autem & Scythica cum simplex ac rudis, & omnis elegantia ac dignitatis expers sit; Latina & Græca contra politiorum ac elaboratarum speciem præ se ferant, polysyllabis insuper abundent, in iisque una vox interdum ad sex vel septem excreverit syllabas, & longi syrmatis appositione sibi aliquam acquisiverit majestatem, facile cuius constare, utra harum habenda sit antiquior. Derivationes autem Latinarum, Græcarum, aliarumque linguarum e Germanica veteri Gothicaque, in literarum mutatione consistere, quæ vel additione, vel detractiōe, vel transpositione, vel permutatione instituta sit. Additionem vel in initio vocabuli per prosthesin, vel in medio per epenthesein, vel in fine per paragogen; Detractionem æque vel initio per aphæresein, vel in medio per ecclipsin, vel in fine per apocopen fuisse factam. Quorum modorum complura exempla affert, & peculiari capite vocum, quibus partes corporis humani & brutorum apud Latinos & Græcos signantur, e Germanica lingua derivatarum rationem ostendit.

In *aliæ* parte Poeseos Germanorum originem & progressum exponit, præmissa tractatione de aliarum gentium poësi rythmica; ut cognoscatur, utrum hæ Germanis forte priores poësin excoluerint, ceu nonnullæ gloriantur, utrum istis inventionis versusum rythmicorum gloria tribuenda sit. Ac in primo capite de *Gallorum* agit poësi, tum prisca, quam Poetæ Aquitani & Provinciales, ut Eustachius, Arnaldus Daniel, & complures alii excoluere, quos Jo. Nostradamus & Claud. Fauchet peculiaribus libris, Verderius item in Bibl. Gall. recensuerint: tum recentiori, quam a Clemente Marotto conditam plures, quos nonnatis, excoluerint: tum hodierna, quam ad summam gloriam evexerint præstanti ingenio ac eleganti eruditione conspici viri, Franc. Malherba, Theophilus, Victurius, Scuderi, Regnerig,

Rablaſius, Sorbierius, Menagius, Capellanus, Pere le Moine, Godeau, Saint Ayman, Desmareſts, Les fargue, Corneille, Moliere, & alii, qui videri poſſunt enumerati in Sorelli Bibl. Gall. & Coleteti de Vitis Poetarum Opere, quod laudat Menagius Obſerv. ad Malherb. pag. 429. Secundum caput *Itatorum* poeſin a Gallis ortam & per certas velut ætates diſtinctam recenset: quarum prima a Dante, Petrarcha, & Boccatio ad florem perducta ſit; adultior Bembum, Caſam, Taſſum, Colonnæ, Sarrochiam, Sannazarium, Arioſtum, Cagnolum, Burghetiſium, Guarinum, Marinum, Chiabreram, Pretum, Teſtum; ultima plures recentiores tulerit, de quorum poematibus diſſeritur. Tertium caput de *Hiſpanorum* poeſi ejusque vitiis & autoribus haud vulgaria tradit, laudemq; huic genti adimit inventionis fabularum amatoriarum, Romans ſive Romanzi dictarum, quam Caſp. Barthius & Th. Spraat iſſis tribuerat. Poetæ autem iſtius gentis recensentur: Diego Ximenes, Quevedo, Gongora, Erzilla, Camoens, Silveira, Cervantes, Argensola, Lope de Vega, qui mille octingentas comœdias ſcripſerit, Garſias Laſo de la Vega, & Alph. de Ledefma. Quartum caput *Anglorum* poeſin & poetæ enarrat: ac veterem quidem Anglo-Saxonum linguam & poeſin æque ac populum ipſum Germaniæ ortum debere, vetuſtiſſima autem apud eos carmina eſſe Elſfredi Regis, & Aldhelmi: a quibusdam Richardi quoq; Backeri & Godfridi Chauceri poemata laudari tradit. Recentes poetæ Abr. Cowley, John Donne, Cleveland, Edm. Waller, John Denham, Geörg Herbert, Baconem Verulamium, Shakeſpeare, Fletcher, Beaumont, Ben. Johnſon, Suckling, & Jo. Miltonum nominat de iisq; diſſerit. In quinto capite de *Belgarum* lingua, quæ cum Germanica veteri ſerme eadem, ab hac certe orta eſt, & Poëſi in iſthac gente uſitata agit. Veteres autem poetæ (ut Anonymus ille, qui Chronicon Belgicum rhythmicum ſcripſit, a Jac. Eyndio in Zee-land. Chron. ſapius allegatus, & a Duſa editus) cum rudiores & abſq; omni arte fuerint, ſæculi hujus poetæ cultiſſimos extiſſe, Jan. Douſain, Dan. Heiſſum, Jac. Caſſium, Conſt. Hugenum. Laudat hujus gentis ab hac arte plures: Joſt van Vondel, Jan de Voſſ, (qui cum vitriarius eſſet & egregia poemata conderet, in ſuſpicionem incurrit apud pleroſque, ac ſi Barlaus ſub ipſius nomine ea ſcripſerit) Hoof- tius, Henr. Weſterbaen, Henr. Brunoos, Jo. Adolph. Dans, Matth. van Meervvede, Jann van der Veen, Decker, Bodicher Banning, Dan.

Dan. Ionctys, Anna Maria Schurmans, Anna Tesselscha, & complures poetae alii, quorum ingenii monumenta ne intereant, peculiaribus Voluminibus v. g. de Zeeusche Nachtegael, Klioo's Kraam, Apollos Harp, collecta extant. Postquam hæc ita de lingua & poeti exterarum gentium exposuisset, ad *Germanos* eorumque poesin se convertit, deq; ea tractationem capite sexto & seqq. suscipit. In tres autem ætates eam dispartit, in primam & remotissimam, mediam, & hodiernam. Quarum prima e carminibus veterum Germanorum, quorum Tacitus meminit, cujus verba minus commode ad Sueonum vetusta poemata trahantur a Rudbekio, noscenda sit: media a Caroli M. temporibus repetenda, qui & ipse cum filio Ludovico poesin excoluisse carminaque composuisse perhibetur, & ab aliis condita collegit: quem deinde secuti sunt Otfridus, Willramus, Weinsbeck & alii, quos nominat Goldastus in Not. ad Paræn. & quorum multos se editurum, promissit Lambecius Syntagmate Rerum Germanicarum, cui immortalis est. Ad hanc ætatem referenda istorum etiam canticorum origo, quæ magistrorum (*Meister-Gesänge*) vocantur, & alia ludicra æque ac sacra rythmica scripta Germanica, Hugonis von Trymberg, Freydanck, Seb. Brant, Melch. Pfinsing, Burch. Waldis, aliorumque, quorum Agricola in Præfat. Prov. Germ. nomina recitat; libellus item, qui inscriptus est *Reinicke's Bock* (de cujus autore & interpretibus disseritur) & Rollenhagii *Froschmeusler*. Tandem huc referenda ait *Hans Sachsens* sutoris prius, inde ludimagistri Noribergensis poemata, quorum se ultra sex millia condidisse ipse proficitur. De Septentrionalium poes. peculiari capite octavo disserit. Ultimæ seu hodiernæ poeseos ortum ad Martini Opitii tempora referendum esse, sub quæ gloria Germanicorum carminum instaurata sit, & cultissima ea prodierint, autoribus Flemmingo, Werdero, Tscherningo, Colero, Gryphio, Hoffmanno, Casparo, Rislio, Dachio, Rolingio, Franco, Harsdorffero, Clajo, Schirmero, Betulio, Weissio aliisque; fœmineum quoque sexum huic se applicuisse studio aliquot exemplis, quæ inter illustre Henriettæ Catharinæ Gersdorffæ natæ Frisiz deus effulgeat, capite nono tradit.

Tertia parte de poetica Germanorum arte, ejusque modis & generibus fuse tractat: ac primo linguam Germanorū nequaquam barbaram esse, sed excultam inq; artem redactam & certis adstrictam regulis ostendit, eoq; in loco de Grammaticis super hac arte editis li-

bellis, dialectis item, orthographia, etymologia, & syntaxi linguae hujus haud proleteria affert: deinde ad prosodiam delatus, copiosius eam exequitur, de accentu & quantitate syllabarum numeroque poetico accurate differens, rhythmicam autem poesin adversus Isaaci Vossii, Rolandi Marefii, & Slusii objectiones & criminationes defendens, ejusque praestantiam, antiquitatem, suavitatem, utilitatemque commendans: majoribus quidem difficultatibus & angustiis metrorum, quae Latina & Graeca poemata servant expositas esse leges ostendens. Hinc de origine poeseos rhythmicæ apud Latinos æque ac Germanos & alias gentes, tam ejus quæ *ῥυθμικὴ ποίησις* versuum syllabis constat, quam quæ pari numero pedum & metro gaudet non habita syllabarum quantitate, disserit: ubi de versibus leoninis eorumque autoribus & generibus, aliisque eundem in sonum definientibus carminibus, & rythmi qualitatibus, haud alibi obvia in medium affert. Genera Carminum apud Germanos vel *pedum*, vel *stropharum* & *rythmorum*, vel *materiæ* ratione varia esse affirmat. Pro *pedum* diversitate in Tambicum, Trochaicum, Dactylicum, Anapaesticum, Alcaicum, Anacreonticum, & tot genera mixta seu composita ea abire, quot apud Latinos recepta sunt, ait: pro *stropharum* inæqualitate in Alexandrinum, Elegiacum, Sapphicum, Odas Pindaricas, Echo, Sonnettas, Rondeaux, Madrigales, Stances, dividi: pro *materiæ seu objecti* varietate & inventionis (quam latius exequitur & peculiari se executurum Opere promittit) ratione distincta, in Heroica sive epica carmina, (quo loco de sic dictis Romans seu fictis heroicis libris eorumque origine & utilitate disquiri) Odas, Eclogas, Dramata, Satyras, & Epigrammata dispesci docet, & de quovis horum carminum genere, quid in eo observandum sit ut ad dignitatem perveniat, qui praestantissimi Auctores ejus extiterint, quæ Opera condiderint, quæ perierint, quæ materiæ cuius generi conveniant, quæ figuræ ea exornent, aliaque tradit quæ cognoscere utile non minus quam jucundum fuerit.

Sub finem libri cujusvis generis carminum pro diversitate metri & stropharum distinctorum exempla affert, ab *Henrico Schævio* composita, priores septendecim Horatii Libri I Carminum Odas germanice exhibentia: quibus tres suorum *Germanicorum Poematum* partes, gratulatoria, lugubria, sacra, profana complexas, subjicit, non habito ordine ætatis temporisve quo condita, aut argumenti quod tradant: nempe

nempe non venustate solum, quam eximiam plane habent, dum nativam elegantiam minus affectatam anxieque quasitam præ se ferunt, sed varietate simul Lectorum animos demulsurus.

Tempora Vers p.m.			<i>Eclipsis Luna Greenovici prope Londi- num observata, die 11. Februarii Anno 1682. a Johanne Flamsteedio Matb. Regio.</i>		
			Confer pag. Actorum 109. 114. / //		
d.	h.	/ //			
11.	8.	1.	00	Lunæ Diameter ter observ.	6702=33.25.
	48.		38	- Fumus in inferiore parte, nudis oculis	
				Limbus Lunæ remotus a Regulo	0. / //
	53.		07	- - - - -	8. 5. 20
	55.		07	Limbus Lunæ remot. a lucid. in Lumbis Le-	repet. 8. 6. 20
9.	2.		34	onis - - - - -	14. 58. 15
	4.		18	Limb. Lunæ remot. a Regulo repet.	repet. 14. 57. 55
	8.		42	Umbrago.	8. 12. 50
9.	4.		08	Densa Penumbra.	
	11.		44	Initium.	
	12.		32	Medium Paludis Mareotidis.	
	14.		02	Sexta Pars Peripheria obscurata.	
	18.		10	Circinna intra Umbram.	
	20.		10	Limbus primus Montis Cataractes, vel Gassendi Ric-	
	21.		32	Oculus Draconis.	(ciolo.
	27.		58	Legebat Limbos primos Cretæ & Aetnæ.	
	28.		22	Aetna totus tectus, Initium Insulæ Hieræ.	
	29.		48	Initium Corsicæ.	
	33.		46	Sinæ Mons incipit.	
	36.		38	Sinæ medium.	
	37.		32	Totus Sina tectus.	
	38.		04	Centrum Lunæ, sive digiti VI.	
	38.		48	Incipit Lacus Niger Major.	
	39.		58	per medium Besbici.	
	43.		42	Initium Byzantii.	
	46.		58	Incipit Horminius.	
	47.		22		

<i>Tempora</i>			
<i>vera p. m.</i>			
<i>h. / //</i>			
9. 47. 50	- -	Carpates.	
48. 30	- -	Serrorum mons.	
50. 24	- -	Apollonia, <i>Ricciolo</i> Plinius,	
52. 44	- -	Macra.	
54. 26.	- -	Mons Hercules.	
59. 10	- -	Corocondometis, <i>Ricciolo</i> Paulus Somai.	
10. 0. 38.	Tota Palus testā.		
2. 20	Incipit Mæotis.		
5. 14	Umbra per medium Insulæ Majoris.		
6. 54	Tota fere Mæotis testā.		
7. 28	<i>Sexta pars Periphæria iterum.</i>		
10. 14	<i>Immersio.</i>		
19. 21	Lunæ limbus proximus a Regulo		8. 13. 30.
11. 38. 6	Lunæ limbus rem. a regulo repet.		9. 23. 50.
41. 48	- - - - - iterum		9. 25. 35.
11. 47. 38	Emergio.		
50. 2	<i>Sexta pars periphæria</i> illuminata, cum Limbo primo		
11. 50. 42	Medium Mareotidis.		(Mareotidis,
51. 6	Tota Mareotis liberata.		
52. 50	Umbra per medium Porphiritidis.		
53. 34	Totus Porphiritis.		
58. 18	Circinna tota.		
12. 1. 0	Cataractes Sirbonis totus, vel Gassendus.		
3. 20	Ætna incipit.		
5. 18	Ætna totus reiectus.		
7. 34	Creta.		
13. 38	Sina incipit.		
14. 28	Sinæ medium.		
15. 34	Sina totus.		
17. 34	Medium Besbici.		
18. 28	<i>Centrum Lune</i> , five VI digiti reiecti.		
20. 50	Byzantium extra.		

<i>Tempora</i>		
<i>vera p. m.</i>		
<i>h.</i>	<i>/ //</i>	
11. 24.	24	Insula Apollonia recta.
31.	38	Medium Corcondometidis.
33.	18	Maotis incipit illustrari.
39.	06	<i>Sexta pars Peripheria</i> adhuc defecit.
42.	18	Insula Major Caspiæ tota.
45.	10	Dubius Exitus.
45.	38	Certus Finis.
		Ante Initium Eclipsis observavimus distantiam
		Limbi proximi Mareotidis a Limbo Lunæ proximo
		$145^{\circ} 0' 43'' \frac{1}{2}$, & a Limbo remoto Lunæ Maculæ ejus-
		dem Limbi - $6575 = 3^{\circ} 2' 48''$.
		0 / - //
12. 52.	0	Limbus Lunæ remotus a Regulo.
55.	10	repet.
		9. 58. 20
		10. 0. 10.

ANDREÆ ABBATIS BAMBERGENSIS
de vita S. OTTONIS Libri quatuor, nunc primum

ex Membris Benedicto Camminensis Ecclesiæ Pontifici
inscriptis editi a Valerio Jäschke Pomerano,
SS. Theol. Lic.

Colbergæ 1681. in 4.

S. Otto, natione Suevus, ex inclytâ Andechsiorum stirpe Comes, primum Judithæ, quæ Henrici IV. Imp. germana soror fuit & Boleslao Polonorum Duci nupsit, Capellanus, postea Canonicus Ratisbonensis, tum Henrici IV. Cancellarius, & tandem Ecclesiæ Bambergensis Episcopus & Pomeranæ Gentis Apostolus, liberalitate, frugalitate, fundatis, instauratis, & amplificatis plurimis templis & monasteriis, nec non visionum & miraculorum fama clarus, & a Clemente III in Divorum numerum relatus, Historicis duodecimi, quo vixit, & sequentium seculorum, Helmoldo, Cranzio, Alberto Stadenſi, Gobelino Perſo-

Personæ, Conrado Urspergenſi, Nauclero, Paulo Langio, Trithemio & aliis haud ignotus eſt. Nec deſuerunt, qui ejus vitam ex inſtituto enarrarent. Extant enim Anonymi Scriptoris, qui Ottonis in converſenda Pomeranorum gente comes ac ſocius fuit, libri tres de vita Ottonis, quorum Autorem D. Cramerus & alii Siffridum Ottonis Scribam fuiſſe exiſtimant. Certe Siffridum hunc Ottonis vitam & res geſtas literis tradidiſſe teſtis eſt Andreas Monasterii S. Michaelis prope Bambergam Abbas, qui ſe quatuor ſuos de S. Ottone libros ex Siffrido, & Tiemone, quem quinquennem Ottonis minulum fuiſſe memorat, & Ebbone, qui ex ore Udalrici Sacerdotis Ottonis vitam excepiſſe perhibetur, & Herbordo Scholaſtico, qui & dramatico carmine & ſoluta oratione Ottonis vitam perſecutus eſt, conſarcinaſſe haud diſſimulat. Et hos Andrea Bambergeniſis de vita Ottonis libros primus in Diviſi ſuis Bambergeniſibus Jacobus Greſſerus publicavit, & cum Anonymo illo Scriptore, prout apud Caniſium T. II Antiqu. Læſt. legitur, ſtudioſe in margine contulit, quos poſtea ex Greſſero etiam Surius inter probatas Sanctorum vitas ad d. 2. Julii collocavit. Verum cum L. Valerius Jaſchius Conſistorii Eleſt. in Pomer. Aſſeſſor, Eccleſiaſtes Marianus & Colleg. Schol. Colbergeniſis Reſtor, qui aliquot abhinc annis vitam Ottonis ab Anonymo deſcriptam in compendium redegit, a M. Friderico Cramero Paſtore Stetinenſi antiquiſ & ſinceriſ Andrea MSC. naſtus eſſet, ut ſuum de patria bene merendi ſtadium omnibus probaret, ex Membranis haſtenus ineditis deſcribi illud procuravit, & quantum partim cum Anonymo, partim cum Andrea-Greſſeriano conveniret, aut quantum ab iſdem diſcreparet, diligenter annotavit, & appendice trium Diplomatum, nec non obſervationibus quibuſdam & duplici indice, uno rerum, altero vocum barbararum & barbaræ ſcriptarum illuſtrarum, in lucem publicam omiſit. Ad calcem obſervationum ſubjecta eſt digreſſio ad digreſſionis Greſſerianæ caput præcipuum de fide ac doctrina S. Ottonis, quam Autor Apoſtolicam, ſed navis illorum temporum aſperſam fuiſſe, breviter monet.

RESPONSIO VALEDICTORIA AD SECUN-

dam Sandi Epistolam, in vindictis Nuclei sui Historia Ecclesiastica conscriptam, una cum Appendice de Cingallo. Per Samuelem Gardinerum S. T. D. Londini 1681. in 8.

Uc

UT hæresin diu orco damnatam revocaret, incautosque falleret. *Christophorus Sandius*, anno M DC LXXVI *Nucleum* (ut ipse vocat,) *Historia Ecclesiastica*, Colonia (hunc enim locum frons libri inscriptum habet) publicavit. In quo, per omnia inde a Christo nato secula, magno molimine probare nititur, Arii dogma de Christo, fidei Catholica contrarium, in Ecclesia semper obtinuisse. Ab hac igitur blasphemii dogmatis infamia ut Patres Ante-Nicænos liberaret, vir eruditissimus *D. Samuel Gardinerus*, *S. Theol. Prof. & Regia Majestati Britannica a Sacris*, Ὑποτυπώσις suæ, sive *Catholica circa SS. Trinitatem fidei delineationi*, ex scriptis Patrum Ante-Nicænorum desumpta, anno insequenti annexuit *Responsionem brevem*, qua laudatos modo Patres contra ἐγυλῆματ^α Sandii defendit. Quo factò, anno statim proximo M DC LXXVIII, Sandius *Appendici addendorum, confirmandorum & emendandorum, ad Nucleum suum*, ut vocavit; *Historia Ecclesiastica* editæ, subjunxit tres epistolas, quarum *Prima* ipsius est ad *D. Gardinerum* apologetica; *Secunda* *D. Gardineri* ad Sandium, in eadem causâ Patrum, qui ante Concilium Nicænum vixerant; *Tertia* iterum Sandii est, qua contra Gardinerum γέν^{ον}, in gratiam Ariatorum semel assumptam, pergit διαφυλάξ^{ειν}. Sed hanc ultimam dicti Neo-Ariani epistolam in nominata supra *Valdeclitoria Responsione* refutat Gardinerus, ostendens Patres Ante-Nicænos dogmati Ariano minime favisse. Sub calcem Responsionis *Cingallum* (sub quo nomine Sandium latere arguit,) qui Goudæ anno M DC LXXVIII vulgaverat libellum, cui titulus: *Scriptura S. Trinitatis Revelatrix*; in quo, ut laudatus Gardinerus observat, ipse multos Scripturæ locos, qui SS. Trinitatis ὁμοσχί^α, coeternitatem & coequalitatem validissime probant, unius vel alterius, recentis nonnunquam interpretis auctoritate nixus enervat, & dum contra Socinianos animosè disputare videtur, Ariatorum argumentis prolixè satis propositis, brevissime, quasi aliud agens, & negligentius satisfacit. Id quod Theologus magni nominis, *D. Abraham Calovius* etiam in peculiari Dissertatione, Wittebergæ anno 1680 de *Scriptura sacra veteris Testamenti SS. Trinitatis revelatrici* proposita, & eidem *Cingallo* opposita, accurate & ex professo demonstravit.

Nn

JOH.

JOH. ADAMI OSLANDRI, S. THEOLOG. D.

Cancellarii Universitatis & Præpositi Ecclesiæ Tubingensis, Theologia Casualis, in qua quæstiones dubiæ & casus conscientia circa credenda & agenda enucleantur. Pars sexta & ultima. Tubingæ Anno 1682. in 4.

Conscientiæ casus, seu varia quæ in credendis agendisve, vel intellectum, vel voluntatem remorantur, & conscientiam perplexam reddunt, dubia extricare quantum intersit, cum celeberrimi nominis Theologus intelligeret, in id incubuit, ut post varia Theologiæ Exegeticæ, Didacticæ, Polemicæ, Homileticæ, & Moralis specimina, hanc etiam partem, quæ in religionis articulis & variis hominum actionibus hæsitantibus conscientiis consulit, peculiari Theologiæ Casualis systemate illustriorem redderet. In quo de conscientia ejusque norma, scrutinio, & cura quatuor capitibus præfatus, ad speciales casus Theoreticos pariter & Practicos se accingit, eosque subjunctis rationum fundamentis, & remotis objectionum obstaculis, decidit. Divisum est integrum opus in sex partes, quarum ultima hoc ipso anno publicata eas quæstiones enodat, quæ de pace religionis, de simonia, de scandalo, de correptione delinquentium, de elemosynis, & de novissimis hominum moveri solent. Nunc ejusdem Autoris in scribendis edendisque libris indefessi Commentarium in libros Samuelis & quatuor Evangelia, nec non Canones Apostolorum illustratos, Relationem omnium Conciliorum, Reflexiones Theologicas in Cartesiansum, & alia promissa monumenta expectamus.

RELATIO DIVERSORUM EXPERIMENTO-

rum factorum cum Phosphoro, tam liquido, quam solido, a D.

Fried. Slare, Reg. Soc. & Colleg. Med. Socio.

Excerpta ex Collectionibus Philosophicis Anglicis,

no. 3. A. 1681. 10. Decembr. p. 48.

Experimentorum præterita æstate coram Regia Societate exhibitum quædam cum Phosphoro liquido, quædam cum solido erant peracta, quos inter quoad materiam nulla est differentia, cum uterque ex substantiis seu materiis ab humano corpore desumptis præ-

paretur. Phosphorus ita paratus, in solida quidem forma, facile urere valet corpus: at liquori permixtus, & ita liquidum constituens, non urit; adeo ut fœminæ etiam manus nulla ulatione lædantur, imo ne calefiant quidem, etiamsi eas eodem abluerit. Experimentum hujus proxima septimana plurium in præsentia factum, dum persona quædam erudita, cum eodem & manus & faciem lavasset, tantam lucem faciei suæ conciliavit, ut ejusdem coruscante splendore tres aut quatuor aliæ personæ, haud adeo procul distantes, illustratæ ex facie cognosci potuerint: simulac vero candela conclavi illata fuit, splendor omnis disparuit, nec indicium ullius alterationis in earundem cute deprehendi potuit. Quod si exacte inclusus conservetur hic Phosphorus, non adeo diu lucet: quendam tamen observare contigit, 6 vel 7 successivis vicibus quasi coruscantem, in vitro etiam exacte clauso: unde hic idem videtur cum Phosphoro fulgurante D. Elsholtzii, cum coruscationes ejus ad fulguris similitudinem propius accedant.

Alter solidus Phosphorus haud differt materialiter a fluido, cum maximam partem ex urina elaboratus sit; persuasum tamen omnino habeo, quod pariter & ex sanguine præparari queat, si æque facile illius ac urinæ copia obtineri posset, cum urina nonnisi serum sit sanguinis, per renes transcolatum. Sub præparatione ejus, non solum secundum communem analysin, phlegma, spiritus, sal volatile, sulphur vel oleum, sed & alia extraordinaria Phænomena se nobis exhibent, antequam singulare hoc productum prodeat. Phosphorus hic æque perspicuus reddi potest, ac quodvis resinosum corpus, & ut instar cere in aqua calida liquefeat. Frigidus perquam tenax est, & instar Lunæ Cornæ scissilis, vel potius hac adhuc durior: aqua coopertus lucere desinit, si vero quædam ejus portio in aerem emergat, lucebit, etiam in vitro hermetice sigillato.

In amplo vitro asservatus, sine aqua, continue ad aliquot dies lucem sparsit, cum parva aut nulla vel lucis vel ponderis diminutione.

Quasdam solidi hujus Phosphori portiones aliis longe vividiores & inflammabiliores deprehendi. Præterita æstate, cum experimenta quædam circa hunc Phosphorum institueremus, quivis sine damno ullo tractare illum poterat, at quædam tamen particule vix calidæ manus contactum, quin ignem conciperent, sustinebant. Pluri-

bus contigit hoc infortunii, quorum curiositas meis eum extorserat manibus, dum credere haud poterant, quod corpus adeo frigidum, sponte sua in ignem tantopere urentem transire posset. Experimenti gratia, in praesentia Nobilis, particulam hujus lucidae substantiae, duarum circiter drachmarum, seponebam, & tamen ignem concipiebat, absente etiam quavis candela, nobisque omnibus notabili intervallo ab eadem distantibus, & instar fascis lignorum deflagrabat, adurebatque mappam & mensam, cui imposita erat.

Cum Phosphoro non adeo igneo aut vivido scribebam vocabula pro lubitu in loco illuminato, & in loco tenebroso radiantes & lectu facillimi exhibebantur characteres, quasi essent verba radio quodam lucis scripta; idque durabat ita ad notabile tempus. Quod si literae hae igni admoveantur, donec incalescant, nigrescunt subito, eumque colorem tamdiu retinent, quamdiu alias bonum solet atramentum.

Perquam diffusiva est lux: nam supra centum characteres cum penicillo hoc illustri delineavi, & neque zomam ejus partem absumtam observavi. Similiter dimidium ejus granum, appetente nocte, manui meae inducebam, quae exinde tota quasi inaurata, & per integram noctem lucida reddebatur: appetente enim mane talem illam deprehendebam. Diffusiva ejus qualitas ex eo porro confirmatur, quod granum unum exactissime ponderatum, in aere libero per 7. l. 8. dies continue lucidam flammulam sparsit, adeo ut cum interdiu fenestras meas, qua spectant austrum, clauderem, continuo videre liceret sphaeram igneam, quae attentius observata, flammulam candidam in aerem ambientem diffundebat, quod largior portio longe notabilius praestat. Consumeantur ita omnia, non relictis cineribus aliisve recrementis, praeter paucam humiditatem saporis subacidi. Majorem vero ejus portionem ita deflagrare cum permisisset, copiosorem humiditatem, saporis instar debilioris spiritus sulphuris per campanam acquirebam. Id quod mihi in mentem revocat, plures meorum amicorum, viso hoc experimento, fumos istos vocasse sulphureos; ac sane in omnibus suis proprietatibus potius ad sulphur, quam salina concreta referendus videtur, tam ratione suae inflammabilitatis, quam ratione solubilitatis in aqua.

Quantum ad Medicum usum conferre queat nobile hoc subjectum, tempus docebit, nec Vos morabor circa ea, quae de hoc dicere possim.

po. Sim. Hoc pro certo scio, quod eruditus *Willisus*, (modo adhuc viveret) cum gaudio visurus sit tale productum nostri corporis, qui confidenter admodum præsupponebat aliquid igneum, aut flammeum, aut igni saltem analogum, a quo incendatur & imprægnetur sanguis. Nec improbat talem hypothesein eruditus *Lovverius*, licet sanguinis incensionem in pulmonibus potius, quam corde fieri statuat. Quibus aliis Naturæ Phænomenis explicandis inserviat, paulo specialius scire velim, quo & pertinet observatio Erudit. *D. Croon*, qui suum corpus indusio recenti & calefacto fricando, utrumque lucere facit: ut & ista Nobilis *Bristolensis*, qui una cum filio mihi retulit, quod tibia sua post diuturnam deambulationem, frequentius luceant.

CONTINUATIO PRÆDICTORUM EXPERI-

mentorum, ejusdem Autoris, ex Collectionibus Philosophicis Anglicis,

no. 4. A. 1681. 10. Jan. pag. 48. excerpta.

Tentaturus vim elasticam substantiæ hujus luciferæ, ad inflammationem redactæ, sequens instituebam experimentum. Portionem ejus includebam exiguæ vitreæ phialæ, nucis myristicæ magnitudinis, (igne lampadis ad insignem tenuitatem redactæ, ut eo promptius ab elasticitate substantiæ in flammam expansæ affici posset;) hanc sigillatam hermetice, quo nec aer nec aliud quid citra illius fracturam posset erumpere, admovebam calori ignis, & juxta expectationem meam subito materiam contentam incendi flammæ sub forma observabam; & ita flammam emittere, ac integram quasi vitri capacitatem replere continuabat per breve temporis spatium, a quo extincta videbatur, citra vitri vel fracturam vel rupturam.

Pro cognoscendo melius residuo illo, in quod resolvitur materia adeo flammans, tale tentabam experimentum. Præparabam aliam parvam phialam, cum tubo nonnihil largiori in summitate aperto, ut, hic fumarum loco igni in globo inferiori esse posset. Admovendo ergo materiam calori, eam, ut supra, inflammabam, & deprehendebam tam fumarium, quam superiorem globi partem obductam sulphure flavescente, quod utut ita sublimatum, haud tamen spoliatum erat proprietate sua lucente, quin ad levem incalescentiam tota phiala splendet.

N n 3

deret.

deret & luceret. Ut experirer modum, quo in aere aperto deflagraret, incendebam portionem ejus, admovendo illam tantum calori ignis; & deprehendebam, quod instar frustuli Nitri combureretur, sed sine explosione, celerrime tantum deflagrando.

Observavi ulterius, quod relinquat materiam rubram tenuem, dum extinguitur, quæ non abssimilis est ceræ rubræ; & adeo percipitur acida, ut dentes stupefaciat, ferrumque dissolvat.

Majus frustulum, exacte ponderatum, aeri ita expositum, diutius lucebat, antequam splendor plane extingueretur: examinata postmodum liquoris, in quem abierat, quantitate, non absque consternatione triplum ad minimum prioris ponderis reperiebam, qui nonnullis cum gustantibus spiritus sulphuris, aliis spiritus salis videbatur.

Tentabam experimentum Domini Præsidis, applicando quoddam ellychnium, an ita flamma ejus, ac lumen concentrari melius, & dirigi in certum objectum, mediante tali quadam Phosphori vel solidi vel fluidi applicatione, queat: nec tamen hæcenus convenientem perficiendi illud modum reperire licuit. Simul enim atque solidus in ignem actualem incenditur, subito seipsum ac ellychnium consumit: fluidus vero nullo modo incendi potest, etiamsi actualiter calefactus; & ita non poteram flammulam sursum in ellychnium adigere, nec videri satis est lux ejus, pro singulari quodam usu; licet ejus consistentiam liquidam solida utiliore existimem, pro subministranda luce. Cum enim partem vitri sphaerici amplioris, 5. 46. unciarum circiter Diametri, fluido Phosphoro implevissem, deprehendebam integram vitri cavitatem supra liquorem ita radiis luminosis repletam, ut prompte majorem characterem juxta illos legere possem.

Cum universaliter jam concedatur, ignem & flammam pabulum suum ex aere capere, lubido incessit, examinandi subjectum hoc in vaeuo. Pro quo scopo, considerabilem massulam ejus ponebam subter vitrum, quod affigebam machinæ aeri exhauriendo dicatæ, & remotis candelis, exacte observabam, quo luminis gradu luceret. Hinc subito embolum suctorium machinæ (ad Papinii modum elaboratæ) agitabam, ac deprehendebam, quod lucida magis redderetur, cum tamen carbo probe ignitus, ad primum suctum penitus extingueretur: post tertium & quartum suctum, qui bene exhauriebant vitrum, multum augmentabat suum lumen, & ita aucta splendebat luce, donec obser-

observando delassatus, aerem readmitterem, & phosphorum ad pristinum languidum luminis gradum redire observarem.

Cum tentarem per folium statum ad incensionem illum perdere, putabam penitus me illum extinxisse, adeo diu mortuus quasi jacebat, antequam lucis quippiam appareret.

Omnes liquores apti nati sunt ad extinguendam lucem hanc, si subiectum illis immergatur: nec lucebit, nec inflammabitur, etiamsi in liquoribus maxime inflammabilibus e. g. oleo olivarum, spiritu theribinthinae, vel ipso etiam spiritu vini, ebullire illud permiseris.

OBSERVATIO MEDICA RARA, IN A-
pertura cadaveris cujusdam Epileptici, a Dn. Jac. Sponio, Me-
dicina Doctore, ac Collegio Lugdunensi in Gallia aggre-
gato communicata.

Dominus de L. --- Lugdunensis annos 42 natus vitam causariam ab annis duodecim agens, ultimoque tribus abhinc annis insultibus Epilepticis frequentissime correptus, simul hydrope pectoris, quo remedium ope liberatus erat, tandem mense Julio hujus anni 1682 ab hora 6 matur. ad meridianam usque, quinque aut sex vicibus vehementius solito concussus est, ἀφων per illas sex horas & apoplecticus, ultimo insultui non resistens fato cessit. Aperto cadavere praesentibus medicis, chirurgoque subsignatis, haec observata fuerunt.

1. Abdomen, hepar, lien, intestina insolitae magnitudinis, ut edacibus, qualis erat, esse solet.

2. Stomachi constitutio satis naturalis.

3. Pulmones tumefacti, coloris obscuri ac fere lividi: quod afflicti ab hydrope pulmonis residuum erat.

4. Cerebri lateralis pars dextra inflammata.


5. In ventriculis cerebri sanguinis coagulati copia: ruptura scilicet vasorum sanguineorum a moribus convulsivis procurata, quae apoplexiam & mortem intulit.

6. Pars major ramorum Jugularium internarum indurata & obstructa humore glutinoso exsiccat: hinc inde, forte in valvulis, corporibus quasi glandulosis venas magis attollentibus.

Hinc

Hinc exultima hac observatione, quæ oppido rara est, concludere licet, circulationem sanguinis hac in parte impeditam, regurgitasse in cerebrum sanguinem & lympham, quæ insultus illos Epilepticos pariebant: qui quidem insultus primo anno, ubi vasa leniter obstructa erant, leves fuerunt, ut sensibus non privaretur æger, sensimque fortius obstructis, graviore etiam fuerunt. Quæ quidem Epilepsie causa, etsi non unica, frequentissima tamen videtur esse, cum pueris & pituitosis, ut ait Hippocrates, & confirmat experientia, sæpius quam aliis accidat. At ii glutinosis humoribus abundant, has obstructions accersentibus. Cæterum divino Hippocrati non incognita causa hæc fuit, cum ait libro de flatibus *Epilepsiam fieri, cum obstructions multe multis modis circa venas contingunt, & sanguinis motus prohibetur: atque hic quidem sistitur, ibi tardius permeat, alibi autem citius: ex qua sanguinis per corpus transitus inæqualitate, varia etiam inæqualitates contingunt.*

Subsignati.

Andreas Falconet Exconsul & Decanus Collegii Medicorum gd.

Antonius Marquis Aggregatus eidem Collegio.

Chataigner Chirurgus, qui penes se habet venas illas e cadavere exemptas.

ABREGE' DES OBSERVATIONS ET des reflexions sur la Comete 1680 & 1681, présentée au Roy par Mr. Casini, a Paris 1681. in 4.

Epitome observationum & considerationum super
Cometa 1680 & 1681, Regi exhibita.
Parisiis, 1681 in 4.

IN istac Synopsi constitutum est *Clarissimo Auctori*, juxta hypothesin æternitatis Cometarum ostendere, Cometam hunc eundem censeri posse, qui anno seculi lapsi 77mo fulsit. Recensitis autem breviter, quæ circa phænomena præsentis notari in hanc rem merentur, & instituta inter utrumque comparatione, peculiari Theoria, prolixo Schemate exhibita, sententiam suam exponit & firmat, Cometæque hujus phænomena ad causas suas strictim revocat.

Atque

Atque ut tanto magis sua sibi conflet Hypothesis, Cometam a præcedente mensis Novembris distinguit: quod diversus iis fuerit cursus, orbitæque plus triginta gradibus ab invicem declinantes; Hoc in Austrum, post sectam in Libra Eclipticam; Illo per Sagittarium, in Boream deflectente; exemplo hucusque non obvio, ut idem Cometa, locis adeo vicinis Eclipticam bis interfecisset: quod motu prioris, usque ad occasum heliacum, continue decresciente, posterior ab ortu heliaco motum intenderit; vicissitudine hæcenus in nullo Cometarum observata: quod juxta Theoriam suam, æqualem utrique motum tribuentem, primus suum super circumferentia, cujus centrum in Ariete, conficiat, centro alterius in Leone constituto; ipsoque tum in Sagittario sub Sole abscondito, cum prior in Virgine comparere inciperet.

E phænomenis Cometæ præcipue notat: I. binam ejus cum Sole conjunctionem: primam d. Nov. 26, alteram d. 19. Januarii; illic Solis, hic Cometæ motu citiore: utramque intra spatium unius Signi, rarissimo exemplo, contingentem. II. æqualitatem motus Cometici & Solaris prope conjunctionem ferme eclipticam: iis qui ex effluviis Solaribus Cometæ produci asserunt, patrocinantem. III. motus, magnitudinis apparentis, & longitudinis Caudæ continuum augmentum, ad usque d. 4. Januarii, Cometa tum ad Perigeum devolutus; singulorum abhinc continuum ad disparitionem usque d. circiter 20 Martii decrementum: claritate Luminis juxta rationem elongationis a Sole indies imminuta. IV. caudam, ab opposito Solis versus occidentem, plagamque motui suo proprio adversam, a prima apparitione magis indies magisque, tanquam ab altero latere premeretur, incurvatam.

Attendendo vero, cui forte, e prægressis olim Cometis, proximi quadrarent: tres nuperos, annorum 1665, 1672, 1677, cum ultra seculari anni 1577 ita conspirasse comperit, tanquam tractus, ab Hoc olim coeptus, per eas constellationes, quæ Eidem adhuc percurrendæ erant, Illis continuandus fuisset: differentia non majori, ac Planetæ ad eadem loca, circulo exacto, revolvuntur.

Hunc Cometæ anni 1577 tractum, tantopere Cometis frequentatum, & ea propter *Zodiacum Cometarum* Autori dictum, ut primum Cometam posterum tenere deprehendit, deinceps servaturum non temere Regi Galliarum prædixit; eventu utique non abnuente; cum eadem utrique via per Arcum Sagittarii, Genu manumque orientalem Antinoi, Os Equulei, & Pectus Pegasi, fuerit

O o

Dispa-

Disparem porro Cometæ anno 1577 & 1681, per eadem Signa, motus celeritatem, Perigeo mobili (quippe anno 1577 in Sagittario, anno 1681 in Aquario constituto) tribuit: unde idem, anno 1577 a Perigeo demum suo e radiis Solaribus se explicans, motu continue, ut magnitudine apparenti, decreverit; anno 1680 vero rediens, & ad Perigeum complusculis diebus tendens, longiorem viam in conspectu nostro, intensiori motu, per Andromedam sc. Piscem Borealem, Triangulum, pedem meridionalem Persei, supraque caput Tauri, fuerit cemsus.

Uteunque autem in iisdem signis diversus olim atque nunc motus iste fuerit, parem tamen illi utrinque rationem celeritatis per dies 68 continuos, illic a 13 Nov. 1577; hica 9 Jan. 1681, quantaecunque parte temporis hujus utrobique comparata, constitisse, conformitate non minori atque in Planetis solet, sustinet: ita ut differentia hinc inde paucorum minutorum, longe minor sit ea, quam diversa a Sole distantia (æqualis illi, quæ eodem comparationis momento, Cometæ anno 1577 & 1681 fuit) in Planetarum revolutionibus causatur. Ex qua denique similitudine, quæ unice argumentum præbeat, cur v. c. Mercurius, olim hodieque revertens, unus idemque Planeta debeat censeri; utrumque pro eodem, qui exactis, sive una, s. pluribus revolutionibus reversus sit, agnosci posse; ad minimum sibi sufficere pronunciat, in utroque adnotasse, quod uni minime irregularium Planetarum, nunquam duobus diversis, fuetum sit contingere.

Distantiam Cometæ a Terra, *Autor* vario experimento, Lunari longe majorem evidenter deduxisse contentus est: cui in majus semper, indice continuo magnitudinis apparentis decremento, auctæ non solum, sed & debilitati luminis, Cometæ disparitionem tribuit; cum ipse nudis oculis jam invisus, tubis adhuc Jove major, & instar nebulae subalbidæ, compareret, demumque post 18 Martii, aere a Luna, Jove & Venere nimis illustrato, penitus evanesceret.

Caudam, quam Cometis accidentalem cum coma facit, sive subtilis capitis exhalatio sit, conditione talium exhalationum; sive materia, lumen per ætherem dispansum frangere, perque Athmosphæram Cometæ reflectere apta, cessare, & ex intervallo redire posse statuit.

Adornandæ suæ Hypothesi duo supponit. Possë Cometam per plures revolutiones visui nostro abscondi. Idq; nunquam non videri debere,

bere, exemplo Mercurii, pluribus revolutionibus inconspicui: Fixæ in collo Ceti, per septem octove menses latentis; diutius etiam, si solitæ apparitionis tempus incidat prope conjunctionem ejus cum Sole: Satellitis tertii Saturnini, ab ipsomet *Autore* anno 1672 detecti, per quamque suam revolutionem 80 dierum, integro mense invisibilis. II. Cometas verosimiliter non magis ordinato simplici motu incedere, quam Planetas; qui scilicet ad eundem Zodiaci locum inæqualibus temporibus revertantur.

Hæc tamen conditio nihil confert representando redditui Cometæ anni 1577 ad annum 1681, observationibus utrobique habitis conformi, quippe quem *Autore* per æqualem motum exhibet beneficio Theoriæ, circuli Terræ eccentrici, Lunæ orbem involventis. Juxta hanc, distantia Cometæ a centro suo undecupla fesciquarta est distantia ejus minimæ a Terra: secundum quam rationem motum diurnum Cometæ ex centro proprio spectatum, ad motum apparentem in Perigeo 4 gr. 30 min. determinat 24 min. 5 secund. 14 tert; apparente motu a Perigeo, juxta rationem augmenti distantia a Terra, & radii visivi, ad circuli Cometici circumferentiam obliquati, dietim eo modo decrefcente, quo cum anno 1577, tum nuper anno 1681 observatus est: excepta pauxilla variatione latitudinis, tum maxime sensibili, cum nudis amplius oculis Cometa non cerneretur. Perigeum vero, anno 1577 in 14 gr. Sagittarii constitutum, *Autore* 6 sec. 30 tert. secundum; Nodumque Boreum tum in ejusdem signi gr. 20, 25 sec. contra seriem signorum dietim promovet: Latitudine anno 1577 maxima 29 gr. 15 min. quæ anno 1681 fuerat 18 gr. 20 min.

Ex hac denique æqualitate motus, nullam a variata distantia a Sole, variationem passa, inque aliis etiam Cometis, hac methodo examinandis, obvia, minime necessarium judicat, vel cum *Tychone* ad compositum, ex Cometæ proprio & Solis; vel cum *Dn. Hevelio* ad Telluris motum confugere: indicium vero sumi posse, eos non circa Solem, lege cæterorum Planetarum, quorum motus, pro sua ab illo distantia, intendatur remittaturve, moveri; cum trium mensium intervallo vicissitudinem inde sensui perceptibilem nuper non sit passus: Eisdem adeo speciem Planetarum peculiarem, quorum motus a diverso, ac reliquorum, pendeat principio, constituere.

DE COMETARUM NATURA ET ORTŪ
epistolica Differtatio, ad Clarissimum Abbatem Fran-
ciscum Nazarium, Autore Dominico Gulielmino, M.D. Bononienfi.

Bononiæ MDC LXXXI, in fol.

ET huic scripto occasionem Cometa anni, quo editum est, dedit: in quo Autor circa hanc materiam ea libanda sibi sumisit, quæ ab hujus Cometæ observationibus, vel confirmata, vel rejecta, vel noviter supposita sibi sunt visa. Unde recensitis Philosophorum veterum recentiorumque cogitatis, plurimæ etiam tanquam minus animo satisfaciuntibus rejectis, ipsum Cometam, ut Capite, Crinibus & Cauda spectandum se præbuit, describit, & Propositiones ex phænomenis ejusdem probabiliter deductas, Hypothesi suæ, sequentes præstruit: sc. materiam Capitis non unius conditionis, Capillitii vero Caudæque eandem naturam: Caudam, quomodocunque tandem, Solari radio deberi: Caput sphericum, saltem ad sensum, esse: Capillitii & Caudæ materiam esse aliquam diaphanam; nuclei vero probabiliter ex opaca coagmentatam: materiam denique hanc non elementarem, sed cœlestem; ex se quidem lumine proprio destitutam, nec alienum reflectentem, variationi tamen cuidam obnoxiam, cujus causa opacitatem apta sit quandam induere; ad quod sibi sufficiat concedi diversas, & magnitudinis & figuræ moléculas cœlesti materiæ innatæ, ex quarum uniōe & forti miscela lumini transitus præcludatur.


Facto posthæc ad cogitata sua, quæ pro meris hypotheticis se venditare modestè admodum proficitur, gradu: de Solis vertigine, & Macularum motu comperta, quæ circumpositam materiam quamcunque, ipsosque adeo Planetas, secum rapiat; de particulari motu turbinationis, Planetas singulos in oppositam vertigini illi partem, trahente, Vorticibusque Planetarum differens, materiam duorum, Vorticum commistam, quod facile in Synodo Planetarum concipi possit, ob oppositum illorum motum, in tertium abire Vorticem, generationi Cometarum idoneum, posse, Fig. I. sic illustrat:

Supponit v.gr. Saturni Vorticem ABCD, Jovis AFCE, ipsi, in TAB. XIV. eadem cum Sole linea, maxime sibi propinquis; quo casu occurrentium
 Fig. I. Vorticum materia miscetur, & portio utrique communis fiat ABCF.
 Vorticibus enim proprio motu ab Occidente in Orientem, vide-
 licet

TAB. XIV

Fig. 4.

fig. 1.



E. Andre-Sohn sc. Lips.

licet ab A per C in D & denuo in A; & ab E per F in A, & rursus in E delatis, manifestum esse, partem ABC superioris, & partem AFC inferioris Vorticis opposito sibi motu occurrere. Quod si jam concipiatur, materiam Vorticis Saturnini penetrare in A Vorticem Jovialem; certum esse, fore, ut ea, nullo obnitante, per circulum ABC procedat; at motu secundi Vorticis ab F versus A impellente, fieri, ut infra lineam ABC per aliam AIK deprimatur, donec in H, quo loco diminuto impetu, quo ad plagam N tendebat (tum quod Vorticis superioris motus sursum vergere incipiat; tum vincente inferioris motu) non amplius in C, sed versus F retrocedat, supra lineam tamen HRI, unitis utriusque Vorticis lationibus ad superiora vergentibus; ideoque per lineam HXS, unde porro per SVT &c. donec in Y, centro motus, materia recolligatur: ubi, velut in hypomochlio, æquilibratis utriusque Vorticis momentis minima sit motio, & veluti quies. Quoniam vero hujusmodi Vorticibus proprium sit, crassiorem materiam ad centrum detrudere, quod in typhonibus & fluentorum gurgitibus compareat; jam liquere, unde materiæ cœlestis coagmentationem a motu, tanquam efficiente Cometarum causa, excitaram perat. Quæ quidem unio, ab imperu Vorticum communicato sustenta, pro hujus condicione, Cometarum corpora jam tamdiu faciat observabilia, quamdiu debita a nobis distantia permittat; jam diffuente, ob motus Vorticis sui debilitatem materia, & ipsa soluta, Cometæ diametrum physice, quod huic ipsi contigisse conjicit, imminuat. Crassiorem porro materiam, si natura sua opaca sit, nucleum opacum citra dubium posse constituere; sin minus, particulas ejus, dummodo variæ sint magnitudinis & figuræ, fortuito occursu sibi applicatas, unione sui, inordinata concretione, motuque circulari vehementissimo, transitum lumini intercipere; reliquum vero crassioris materiæ prope nucleum fluido innatans ætheri, comam efficere, non omnimode opacam, sed nec pellucidam usquequaque; ita ut radii illustrantes partim refracti ulterius tendant, partim reflexi ad nos remittantur.

Nucleum vero per opacitatem suam radios Solares terminantem (quod in Cometa observavit) mirum non esse, nigricantem Caudæ axem, sui sc. Ultram, post se trahere. Ipsi autem Caudæ materiam ex indefinita colorum capacitate depromit; nulla ad motum propensione aut resistentia præditam, eoque sequentem, quo vicinior rapiat impetore;

Fig. II.

atque ideo ad majorem etiam, ac Cometæ hujus ingens alioquin cauda exigit, distantiam Vorticis alicujus diametrum posse extendi. Quomodo vero etiam, citra materiæ reflectentis tam immanem copiam, Caudæ Cometice longitudo salvari possit, Fig. II. beneficio ita explicat. Sit A Sol, a quo impetus lucis globulis in ADE existentibus imprimatur, quorum motus ab A ad D directe progrediens, ad oculum in F situm pervenire nequeat: at occurrente in D corpore DC, aspero & inæquali (capite Cometæ) evenire fortassis, ut globuli inter D & E motum circulem circa proprium axem (exemplo pilarum lusoriarum reticulo oblique; incurrentiū) concipiant, atque sic versus F impulsæ, eundem oculo imprimant, ut luminis per DE trajectory eidem appareat; ea tamen proportionem, ut evanescente in partibus E proximioribus vertiginis motu, splendor in E debilior, quam in D, percipiatur.

Porro, cum juxta hanc Hypothesin ex Fig. I, Cometarum genesis ad Synodos Planetarum referatur, Autor in suffragium ejus tum Astrologos, tum quosdam Mathematicos, tum ipsam Historiam Cometarum, anni 1582, 1596, 1618, 1652, 1664 pluriumque, advocat; non dubitans, ex curiosa Ephemeridum cœlestium indagine, de antiquioribus etiam Cometis circa conjunctiones Planetarum exortis, constitutum: rationes etiam subnectendo, cur neque quorumvis Planetarum concursibus Cometæ fulserint; alii etiam eos anteverterint, alii insecuti sint; neque omnes etiam ad hanc causam ipse revocet.

Fig. III.
& IV.

Circa lineam motus, Autor rectam præfert, quod Cometæ a maxima velocitatis puncto quadrantem nunquam excedant: de principio vero motus hujus, ejusque ratione, Fig. III & IV interpretare, sic disserit: Supponantur Vortices AMS, BCN uniti, ex quorum unione factus fuerit vortex IDH; necesse esse, ut ex mutuo occurso illorum duorum Vorticum materia unius alteri contranitur, ita ut ex forti compressione materia ab M versus A, & ab N versus B deprimatur; impellente contrarii Vorticis impetu: hinc esse, ut in statu violento detenta, nixum se restituendi ad pristinam expansionem concipiat. Posito jam Vorticem inferiorem a conjunctione defluere, & a superioribus nexibus solvi, ita ut locum mutet a B in C, secumque trahat Vorticem IDH in LEF, ubi primo supponatur ab oppressione superioris Vorticis liberari; ibi, cum materia CF, prius arte compressa, nihil desuper contranitens habeat, nixum suum exercere expansivum, & velut arcum

arcum ab intensione laxatum, Vorticem FEL per lineam LG projiciere. Posse a. dictum Vorticem & alia ratione motum concipere, si a velocissimo partium extimarum Vorticis impetu per unam ex illius Tangentibus vibretur. Ex hujus vero lineæ ad axem opticum inclinatione diversa oriri phænomena: si enim Fig. IV ab oculo ad exortum lineæ L ducta linea angulum rectum cum LG efficiat, aut versus G obtusum; motum Cometæ initio majorem, semper decrefcere visum iri: si vero angulus in L versus G acutus fuerit, quantitatem apparentem motus diurni primo parvam, in dies incrementum suscepturam, usque ad Perigeum R, ex quo perpendicularis cadat in oculum T; unde versus G progrediendo, a velocitate motus sensim remissurus sit Cometa, donec in G stationarius evadat.

Locum Cometæ longe supra Solem tribuit duobus argumentis, I. quod necesse fuerit, radios Solares aut pone caput Cometæ uniri, deinde scoparum in morem dissolvi; aut incidentes comæ divergere: prius falsitatis exinde argui, quod toto apparitionis tempore caudæ laterales extremæ lineæ nunquam visæ sint in duos angulos ad verticem inclinari postèrius vero contingere non potuisse, nisi corpus Cometæ Solari sat majus fuerit: cum ergo apparens ejus magnitudo Solari fuerit minor; eandem per majorem distantiam debere compensari, Cometamque tanto altius supra Solem evehì. II. quod Cometæ nucleus, a prima apparitione usque ad finem, circularis figuræ apparuerit, æqualiter ab omni parte illuminatæ; unde cum opacum esse ex projecta umbra probaverit, necesse esse eundem cæterorum corporum a Sole illuminatorum leges secutum fuisse: Hinc, cum inferiores Sole Planetæ in ortu & occasu heliaco falcatis; superiores vero quocunque cæli loco, & ad Solem respectu, disciformes appareant; Cometa vero horum potius quam illorum imitatus sit phases: convenire etiam, ut communi cum his sede collocetur.

NOVUS COMETA.

*a 16. Augusti, scilicet. ver. Anni 1682 Lipsiæ
videri captus.*

ADhuc, dum Virorum Clarissimorum de nupero Cometa cogitata Orbi Erudito exponimus, et novum nobis de cælo fulgentem qui, ut plerosque hominum nunc in admirationem sui rapita dubio procul perspicaciora ad profundam contemplationem excitaturus est ingenia. Quorum præclaris meditatibus
seu

seu Actis referendis, dum se nobis det occasio, non in congruum interea visum est, quæ citra Instrumentorum debitum apparatus, locoque ejusmodi Observationibus minime accommodo, notata sunt, breviter & bona fide recensuisse: ex aliorum accuratiori indagine petituris, quid, quantumque nostræ defuerit.

Postquam de viso per vesperam, d. 16 Aug. noctemque, novo Cometa, altero mane rumor increbuit: intentis in Cœlum d. 17 Aug. oculis, a Solis occasu mature satis fuit deprehensus: Hora decima cum stellis Urse majoris Bayerianis (quas deinceps usurpabimus) ϵ & ζ ; ψ item, & λ rectam constituens lineam.

D. 18 Aug. mane H Ilda, Cauda Cometæ præter, & α ad dextram spectatoris tendebatur, duplo, quod est inter has stellas, intervallo: θ & 34ta Urse Tab. Rudolfinarum; ϵ item & 33ta Rudolf. cum Cometa in recta constitutis. Long. Com. $4\frac{1}{4}$ gr. Leonis; Lat. $24\frac{1}{2}$ gr. Boreæ, utcunque æstimatis.

D. 19 Hor. III. α & 32da Rudolfinarum; μ item & 34ta Rudolf. in una recta cum Com. visæ, iudicio erant, Cometam intra diem supra γ gr. in orbita propria confecisse, jamque in $10\frac{1}{2}$ gr. Leonis, cum Lat. 25 gr. versari.

Vesperis dimidia decima, rectæ per χ & ψ ; item α & λ ductæ semutuo in Cometa interfecabant.

D. 20 H. IX. γ , μ ; δ item & γ cum Cometa rectam constituebant; eo triplo longius α , atque ipsa stella μ α , distante.

D. 21 Hora IX, Cometes sui diametro a recta per α & 24dam Rudolf. ductæ verticem versus declinabat; paulo plus α , quam γ ab ξ distans. Cauda transibat per α , ultra aliquantum exposita, ejusque extremæ latitudo major erat diametro Lunari. Caput Veneris æquabat, Long. 29 $\frac{1}{2}$ gr. Leonis; Lat. 26 gr.

D. 22 & 23, quo posteriore Soli junctum æstimavimus. cœlo vesperi nubilo latuit, utriusque diei mane adhuc, sed postremo visus.

D. 24 vesperi per dehiscentes subinde nubes visi locus non potuit notari: nisi quod per comam Berenices æstimatus sit incedere.

D. 29 cœlo interga nubilo, Hora IXna. verticalis per Arcturum ducta Cometam notabiliter ad dextram relinquebat; qui cum δ & lucida Jordanis supra comam Berenices in una recta erat, & ab Arcturo 13 $\frac{1}{2}$ gr. distabat. Ex quo, aliusque circumstantiis Long. conjiciebatur in 14 gr. Libræ. cum lat. 18 $\frac{1}{2}$ gr.

D. 30 eodem tempore, Cometa a verticali per Arcturum pauxillo ad sinistram deviat: ϵ & α Bootis, rectam cum Com. constituebant, Ex captis Quadrante pedali altitudinibus, Cometæ distantia ab Arcturo erat 14 gr. fere; motus diurnus 3 gr; Long. 17 gr. Libræ; Latitudo 17 $\frac{1}{2}$ gr. Cauda tendebat ad ξ Bootis, cum aliqua ad π declinatione.

D. 21 Aug. quantum per nubes licuit conjicere, ab hæsterno loco 2 $\frac{1}{2}$ gr. aberat: motu a 22 Aug. quo 7 gradus Cometes confecit, continue decrescente.

Cursum ejus, uno velut intuitu, in Globo Horizontis arcus, ab intersectione meridiani borea occisum versus designat, elevato ad 47 gradus Polo, adductoque ad meridianum Aquarii principio.

Caudæ directio, nobis perpetuo ab opposito Solis, aliquoties ultra 20 gradus, declinabat: Nodum vero S.S.S. ætiam duabus tertiis unius gradus promotum, ex observationibus nostris qualibuscunque deduximus.

N. X.
A C T A
ERUDITORUM

publicata Lipsiæ

Calendis Octobris, Anno M DC. LXXXII.

*PETRI PETITI PHILOSOPHI ET DO-
ctoris Medici Miscellanearum Observationum libri
quatuor, nunquam antebac editi.*

! Trajecti ad Rhenum, M DC LXXXII. 8.

DE bonis Autoribus qui bene mereri student, obscura eorum loca illustrare, depravata emendare, & a vitis librariorum vindicare, dubia restituere, adeoque genuinam & pristinam faciem iis reddere laborant: quæ opera ut plurimum salutariis, sæpenumero inutilis, interdum etiam damnosa existit; & nisi a subactis probe humaniori literatura ingeniis maturò judicio suscipiatur, accidit, ut medicinæ loco toxicis adhibitis male affecta loca deterius depraventur, quandoque etiam sana corrumpantur. Quo magis est laudanda eruditorum hominum industria, qui omne suum studium eo conferunt, & ingenium, quod capitale nacti sunt, diuturna Autorum lectione exercitatum, & longo usu eorum cuiusvis veluti assuefactum, in id intendunt, ut maculas ex antiquorum monumentis eluant, laboremque minuant iis, qui ex animo adspirant ad Veteres illos recte intelligendos. Neque enim ulla munda ita pusilla est, quam non permagni intersit e scriptis Autorum tolli ac expungi; nam unius literulæ erratum eas interdum etiam eruditissimis hominibus offundit tenebras, ut tanquam in illi nocte errantes quovis potius perveniant quam quo volunt. Ut proinde nullum hominum genus magis pro sit studiis, quam eorum qui accurate & fideliter operam in monumentis Veterum purgandis emendandisque ponunt. Horum quippe beneficio contingit, ut quod multa interdum sæcula summos viros latuit, id postea indicatum vel pueri primis literis imbuti assequi debuissent videantur. Huic igitur studio incubuerunt & præfiscis temporibus plerique, qui eruditionis gloria alios antecelluere,

Pp

& su-

& superiori ac nostro seculo omnes qui bonarum literarum cum laude gesserunt curam : quarum cum studiis nunquam tam bene actum est, quam cum veterum Codicum ope & ingenii felicitate tot Philosophorum, Historicorum, Oratorum, Poetarum, Veterum Legum & Sanctorum Patrum vulnera & cicatrices sanatae sunt : ut confessuri sint hodie si reviviscant, se Scaligero, Lipsio, Mureto, Victorio, Casaubono, Salmasio, Sirmondo, Fabro, Gronovio & aliis veræ eruditionis assertoribus civicam coronam debere : quorum ope & ingenio ex tot seculorum tenebris in claram lucem revocati sint, & ab interitu ac morte quasi in vitam reducti. Medicas etiam iis manus admovit feliciter & cum summa ingenii laude *Petrus Petitur*, eruditus Gallus, qui ab arte quam tractavit medica alienum haud ratus, ut afflictis corporibus valetudinem, sic affectis Autorum locis integritatem conciliare, in libris Antiquorum, quibus tota vita incubuit, multa cum observasset male constituta & depravata, ea correxit & restituit, ac quædam literis consignata *quatuor Miscellanearum Observationum libris* inclusit. In quibus non Aristotelis saltem & Græcorum ejus Interpretum varia loca examinantur, sententiæ illustrantur, dicta laudantur, exponuntur & emendantur, adeoque ex Academiæ umbraculis ac Lycei ambulaeris profutura sapientiæ studiosis traduntur; sed & omne genus Autorum tam Græcorum quam Latinorum, Poetarum, Historicorum, Oratorum & quorumvis aliorum Scriptorum veterum & recentiorum illustratur, vitia eorum sive a Librariis illata sive ipsorum culpa extantia deteguntur, lacunæ suppleuntur, sententiæ declarantur, minus vulgata & obvia annotantur, corruptelæ ostenduntur, adversantia sibi conciliantur, vulnera & cicatrices sanantur : ut veri ac literati medici officium circa librorum curam ipsum explevisse agnoscendum sit. Quin & ipse in Præfatione ad Emericum Bigotium proficitur, cum nullus sit artis ac disciplinæ angulus, in quem se non penetrarit, nulla nobilis quæstio quam non luculenter se explicare posse confidat, hæc tamen omnia ad mentis potius felicitatem, suæque & suorum valetudinis custodiam, quam mercenariam operam referre decrevisse, & omne tempus in literarum studiis consumsisse. Inde sibi majora his Observationum Collectaneis suppetere gloriatur, quibus non solum Medici, sed & Philosophi, imo & Theologi dignitatem sustinere possit: nec saltem varias lectiones in Autoribus & verborum

borum tricas, sed graviora & fructuosa in istis se sectatum esse affirmat. Quæ si magna sint, non minora tamen ista contemni debere, sine quibus ad summa non perveniatur.

GEORGII ADAMI STRUVII, Jcti,
Dissertatio Academica de Invocatione No-
minis Divini.

Jenæ M. DC. LXXXII. 4.

QUæ hic horis subcissivis collecta & quinque capitibus distincta in lucem prodit dissertatio, ea in usum Studioſæ Juventutis in toridem disputationes divisa sub celeberrimi Auctoris præsidio publicæ cathedræ incudem experta est. Primum vero caput *Invocationis Divini nominis præcognita, quisque invocandus, & qui invocent, cum in genere, tum in specie in jurejurando*, complectitur; Alterum *Invocationem divini nominis in variis negotiis & actibus* considerat; Tertium *varios ejusdem fines, effectus, formulas, ritus & accidentia loci & temporis* exhibet; Quartum ejus *Affinia*, & Quintum denique *Contraria* pandit. Spirat hoc opusculum ubique doctrinam edecumatam raramque in Jcto πολυμυθία; siquidem non modo ex Jure Privato, Publico & Canonico, ac quam plurimis aliis cum præci tum moderni ævi Jctis, variisque hanc in rem Responsis, ad Praxin Fori conducentibus, hæc materia per aphorismos & his subjecta scholia digne eruitur; sed etiam ex Historicis & Philosophis, Græcis æque ac Latinis, tam antiquis, quam recentioribus, nec non variorum Theologorum scriptis ita illustratur, ut cuivis eruditorum emolumento & delectationi futurum sit. Adjecti sunt ad calcem duo indices, Auctorum alter, alter rerum, utilissimi.

JUSTI SINOLT Schüzens
Collegium Publicum de Statu Rei Romanae. Cum
Notis & Additionibus Caroli Scharfchmidii, J. U. Ddi.

Frankfurti ad Mœnum A. 1682. in 4.

CUM hic ipse liber primo prodiret in publicum, ab eruditis tum celeberrimi nominis Autorem, tum materiarum varietatem

Pp 2

& con-

& concinnum ordinem tamavide fuit exceptus, ut exempla ejus in officinis librariis passim disparuerint. Hinc cum novam hujus operis editionem adornarent Bibliopola, novo etiam habitu illud indigere plerisque visum, præprimis cum ante Pacificationem Osnabrugensem & novissimas Imperatorum Capitulationes prima esset conscripta, Commode igitur laborantibus succurrit partibus additionum Auctor, in quibus non solum ea, quæ ex recentioribus legibus & Actis publicis observatu digna ac necessaria occurrunt, bona fide adjecit, sed controversias quoque, a *Schutzi* levibꝛachio & per transennam quasi nonnunquam tactas, uberiori discursu illustravit, quibus omnibus duplex isque locupletissimus rerum ac verborum Index accessit.

JOHANNIS DECKHERRI, D. & AUGUSTIS-
fimi Cameralis Judicii Advocati & Procuratoris,

Relationum, Vocorum & Decisionum ejusdem Judicii

Liber singularis.

Spiræ 1681. in 4to.

EXhibet hoc volumen XXI Relationes & Vota, a præstantissimis quibusdam Augustissimi, quod Spiræ est, Imperialis Judicii, tum Assessoribus, tum ad hoc gloriosum munus ab Imperatore, Electoribus & Circulis Germaniæ præsentatis, speciminis loco ex variis causarum Civilium æque ac Feudalium figuris, quæ potissimum per Appellationis viam eo fuerunt devolutæ, edita. Modus autem referendi in hoc consistit, ut, præmissa prius facti specie & formate, rite controversiæ statu, examinentur cujusque causæ **FORMALIA**, partim, partim **MATERIALIA**. Ratione *Formalium* inquiritur, an Cameræ Jurisdicctio in præsentī casu sit fundata; an Appellatio gradatim facta, ejusque fatalia tam ratione interpositionis quam introductionis (quæ unice in Camera attenduntur) legitime observata; sitne summa appellabilis nec ne; & an forte Judex a quo, privilegio de non appellando munitus; an recte se habeant Procuratoria, & acta prioris instantiæ sint integra? Quoad *Materialia*, primo loco indagatur, quænam actio sit instituta, vel etiam intentari potuerit; an ab Actore satis sit probata, an vero per Rei exceptiones elisa; quid denique

nique tum in causa, tum expensarum ratione pronuntiandum. Sicuti autem non exiguus legalis scientiæ thesaurus in his ipsis Relationibus continetur: ita earum Editor in proœmio iis præmissis lectorem solite monet, ut istas non *Prajudiciorum* (quod nomen nihil mereri ait, nisi Conclusum totius Supremi Judicii, eo sine factum, ut ipsi hoc pro præjudicio in similibus causis, in futurum decidendis, fixum, stabile & perpetuum sit) sed *Exemplorum* loco accipiat, ex quibus de agendi, respondendi, probandi, deducendi ac judicandi ratione, in illustrissimo hoc Tribunali secundum novissimum Imperii Recessum de Ao. 1654. observari solita, constare possit.

SPECIMEN MEDICINÆ SINICÆ, SIVE

Opuscula Medica ad mentem Sinensium, edita ab An-

drea Cleyer, Hassio-Casselano, Societ. Indiae in nova Ba-
savia Archiatro &c.

Francofurti, Anno 1682, in 4to.

Opusculorum horum sex sunt, quorum potissima contenta pulsuum in morbis explorandorum maximam vim, pro morbis horumque eventibus determinandis & medicamentis applicandis, respiciunt. Quippe in *primo* certi Scriptoris Sinensis pulsuum investigandorum suppeditantur regulæ, cum cordis, hepatis aliorumque membrorum ad pulsus habitudinibus atque exinde petendis signis. Hinc pulsuum differentiarum horumque mutationes recensentur, variis tamen aliis corporis affectionibus adjectis, quarum signa diagnostica & prognostica suppeditare valent. Et quia non tam morbis, quam pulsibus iis respondentibus Sinenses medentur, regulæ his per composita medicamina medendi additur, cum catalogo Simplicium usualium, quarum ab Europæorum medicamentis maxime differunt.

Alerum pariter de pulsibus agit, secundum principia & placita Philosophiarum Sinensium Medicarum, prout quidem ex Codice quodam horum veteri illa extraxerat Medicus quidam Europæus: quatenus sc. illi doctrinam hanc sympathiarum & relationi membrorum corporis, nec non pulsuum, cum quinque suis Elementis, nempe aqua, ligno, igne, tetra, & metallo, nec non cum anni tempestatibus, superstruunt.

Pp 2

Tertium.

Tertium fragmentum operis Medici est, ab Europæo quodam ex hypothesi Sinensium conscripti, pariter horum rationem pulsus explorandi iisque medendi exponens: In quo tamen, quomodo etiam sine pulsus investigatione, ex solis corporis coloribus, sonis, appetitu, somniis similibusque morborum conditio & mortis periculum indagari possit, simul docet. Inter alia Sineses a sanguinis missione, & quidem per argumenta haud levia abhorreere, uromantiam negligere ac rejicere, chymiam ignorare, sed alchymiam ad insaniam usque colere, compositiones Medicamentorum & Medicinam, ab Hippocrate, Galeno, Avicenna aliisque Græcis & Europæis traditam & hactenus usitatam, nescire, Chirurgiæ aliquantum peritos habere, perhibet opusculi hujus Scriptor. Interim ex pulsus eos cuncta dijudicare & pulsibus appropriata remedia propinare, diætam strictissimam ac victum tenuissimum commendare, ne suorum medicamentorum, utpote Europæis minus potentum, vis ab alimentis obtundatur: atque has regulas diæteticas accurate & obsequiose observare ægros, persuasos alias aut mortem secuturam, aut morbum rediturum. Formulas illorum esse vel potiones, vel pulvres, vel pilulas, quibus mediantibus modo sudorem, modo vomitum, modo catharsin, modo repidi introductionem præstant, modo spiritus & qualitates quinque suorum elementorum, quarum aliquam singulis membris potioribus attribuant, restaurant.

Eadem fere docet Opusculum *quartum*, excerpta e literis cujusdam Europæi continens. Explicant hæc præprimis circulationem quandam sanguinis & spirituum Sinensium, licet ab Europæorum quam diversissimam & ridiculam satis: utpote quæ cum doctrina eorum de pulsibus, non Anatomicis fundamentis, a quibus semper abhorrent, sed soli longiori usui seu experientiæ, ac codici cuidam antiquissimo, innititur.

Tandem postquam *quinto* Schemata pro explicatis melius declarandis, eaque autopsiæ Anatomicæ minus adæquata, adjecerat, *Sexto* opusculo terminum huic specimini imponit Noster, excerptum ex Medici cujusdam Christiani libro, de indicis morborum ex lingua, coloribus aliisque affectionibus corporis præternaturalibus: quorum ope, sine omni pulsus exploratione, morborum plurimum, in specie febris malignæ, vim & qualitates dignosci posse, ille asseruerat.

ARCA-

ARCANUM ACIDULARUM NOVISSIME*proditum, principiorum Chymicorum disquisitionis**auxilio, in quo communis Opinio de Aquarum mineralium**aciditate convellitur, Auct. PETRO GIVRIO,**Medic. D.***Amstelodami in 12. Anno 1682.**

Scriptum hoc jam diu est, quod Parisiis Gallice, anno scilicet 1667, publicæ luci primum expositum fuit. Divulgatur autem hac vice denuo, Latino sub habitu, & quidem insigni sui parte auctius & locupletius: adeo ut quicquid a p. 206. usque ad finem, seu paginam 366, in eodem reperire licet, id omne huic demum editioni accesserit. Institutum Autoris est, receptam communiter, & ab accuratioribus Chymicis dilucidatam, de Acidularum natura Vitriolica-Martiali sententiam convellere, & omni conatu demonstrare, quod mineræ, a quibus acidularum sapor aliaque attributa dependent, sint tantum Ferrum & Alumen: ita ut Vitriolum seu Chalcanthum in illis nec deprehendatur, nec deprehendi possit. Idque ex eo probare nititur, quod Vitriolum alteret, corrumpat, & in Cuprum convertat ferrum; cum ex opposito, ex alumine oriatur aciditas aquarum ferruginosarum, & alumen ac ferrum mutua conspirent sympathia, parilimodo, ac Vitriolum cum Cupro conspirare soleat. Absolvitur his fere tota scripti pars prima, in qua tamen simul specialius in acidularum Pruvinearum in Gallia, (non neglectis aliarum acidularum plurium, præsertim in Gallia obviarum, scrutinij) & Spadanarum compositionem inquiritur, eaque dicta ratione explicatur; hæc tamen observata differentia, quod Pruvineæ istæ plus de ferro participant, Spadanæ vero Alumine ditiores existant. Subjunguntur his facultates Pruvinearum, plurium exemplorum enumeratione confirmatæ, cum debito sub eorum usu Dietæ regimine.

Haud æque attitit omnibus recensita Authoris hypothesis, cum haud tanta Vitriolum inter & ferrum disparitas esse videatur, quin vitriolum promiscue nunc ferreum, nunc cupreum sit, prout scilicet idem spiritus sulphuris embryonati acidus, mineram vel ferri vel cupri roserit: & præcipitatio quidem Vitrioli ferrei ab illo cupræ,
nulla

nulla vero mutatio ferri in cuprum locum obtineat. Plures itaque eruditi in Galliis Medici novitias istas Auctoris opiniones evertere moliti sunt, indeque sua dubia ac objectiones per epistolare commercium cum Autore communicarunt, quibus is ipse debitis responsis satisfacere annisus est; quales literariæ contentiones tantum non totam secundam partem scripti hujus constituunt. Utur præter easdem, ob argumenti convenientiam, excutiantur simul *Observationes circa aquas minerales plurium Gallie Provinciarum, coram Academia Regia Scientiarum, anno 1670. & 1671. factæ, & anno 1676. Parisiis in 12. a Du. Du Clos, Consiliario & Medico Regio, Chymiatro longæ rerum usu egregio divulgatæ; earumque cum hypothesi sua & conformitatem & difformitatem in primis expendat Auctor.*

*SPIRITUS NITRO-AEREI OPERATIONES
in Microcosmo. Illustrissimo & Amplissimo Senatui*

*Imolensi Ludov. Maria Barberius, Imolensis, Phil. &
Med. Doctor D. D. D.*

Bonomiæ M. DC. LXXX. in 12.

CUM aliis seculi hujus scriptoribus Spiritum quendam in aere microsum Auctor hic supponens, ejus vim in potissimis actionibus animalibus quinque Exercitationibus declarare contendit. Quarum *Prima* aeris inspirati aliquam portionem, sc. Spiritum Nitro-Aereum, sanguinem subingredi, & adultis æque ac fœtui vitam conservare, contra *Higbmorum* aliquot ratiociniis docet, simulque respirationis modum explicat. In *Secunda* Auctor digestionem ventriculi eidem Spiritui Nitro-Aereo in acceptis refert, quatenus Spiritus animales, (quos de Spiritu illius profapia pronunciat, non tantum a sanguine inter respirandum absorpti, sed ex aere immediate quoque per processus mammillares ad cerebri interiora derivati) cum sulphure alimentorum effervescentes, hæc fermentare sibi persuadet: adeoque quam alij acido ventriculi, alij fermentationi assumptorum, coctionem primam tribuit, rejicit, acidum quamvis seu tal fluidum, ex reliquiis alimentorum prodiens atq; ventriculi tunicas vellicans, famem efficere concedens. Qua occasione ebrietatem a solo Spiritum ani-

malium, ventriculo nimia assumptorum atque haustorum copia gravato succurrentium, defectu, paradoxe satis ac invitis hæcenus Scholarum hypotheseſibus contingere aſſerit, hincque miſtionis in potatibus repentinæ, refectionis ab alimentorum aſſumptione ſubitanæ, ac ſomni ebrioſorum ætiologias tradit. Non minus tamen Spiritum illum Nitro-Aereum extra ventriculum quoque, v.g. in glandulis ac cerebro, digeſtoris munere fungi, potiſſimum tamen ovi atque fœtus vitaliſationem, item plantarum vegetationem, præſtare comprobat. Porro, ſc. in Exercitatione *tertia*, Spiritus animales, ſeu Spiritum Nitro-Aereum, nutritioni præeſſe, diverſis argumentis declarat, quatenus ille cum ſanguinis ſulphure ſeu concreſcibilis hujus ſucci tenuiore parte efferveſcens, hæc poris partium alendarum impellat: ſatiſfaciens ſimul partim illis, qui, quod nervi a ligatura injecta haud intumeſcant, ejus per hæc corporalem influxum negare præſumunt, partim iis, qui ſanguinem potius, quam ſerum hujus gelatiſoſum, alimentum partium propinquius autumant: tandemque modum ſuggerit, quo idem Spiritus Nitro-Aereus, a quo vegetabilia quoque nutritionem ſui petere ex antecedentibus ſupponit, horum nutrimento aliam, ac animalium alimoniam, formam inducat, diverſimode ſcil. in diverſis corporum ſpeciebus modificatus. In *quarta* omnes ſanguinis depurationes in glandulis a Spiritu eodem, tanquam a fermento ſalinas ejus particulas præcipitante, adeoque in epate quoque, perſici; ac in *quinta* nec Epar, nec Cor, nec ſanguinem, ſed Spiritum illum Nitro-Aereum, in pulmonibus huic commixtum, ſanguificare aliquot argumentis evincere conatur. Quibus demum *Diſſertationem quandam Epistoſicam* Scipioni Saxatello Comiti nuncupatam, de pororum biliariorum ac bilis uſu & motu annectit, huic vim in inteſtinis præcipitatoriam ex hypotheſi Sylvii & Graefii adſcribens.

LA MANIERE D' AMOLIR LES OS ET DE
faire cuire toutes ſortes de viandes en fort peu de
temps, & a peu de frais. Par Mr. Papin. à Paris.

1682. in 72.

Or

Ratio

Ratio emolliendi ossa, ac omnis generis esculenta quam
minimo temporis spatio, & quam minimis sumptibus coquendi.

Auctore Dionysio Papino.

Parisiis 1682. in 12.

Pag. Actorum
105. sqq.

TAB. XV.

EX Anglico sermone in Gallicum translatus hic libellus est, cujus summam, una cum machinarum huc spectantium figuris, jam Calendis Aprilis hujus anni exhibuimus. Ast non dissimulandum tamen, quod Interpret Gallus visus sibi fuerit faciliorem multo, ac magis commodam, minusque sumptuosam machinam componenda rationem invenisse: quam ut ipse calci opusculi hujus subjunxit, ita nos Benevolo Lectori hoc loco, & Latino quidem sermone, communicare non dubitavimus.

Figura I, literis GG, FF signata Cylindrum cavum exhibet, in quo fructus, legumina, pisces, carnes, & ossa ad gelatinam parandam, coquuntur. Cylindrus ille ex metallo est, ejusque altitudo unius pedis Regii; diameter quatuor pollicum; corona seu fascia ambiens GG quatuor lineolas crassa, tantundemque prominens.

Fig. II. signata H repræsentat operculum ex ære fustum, tres lineolas crassum, aliquantulum fornicatum, Cylindro cavo GG, FF imponendum.





Fig. III, literis K, V, K:K, L, K notata genus quoddam receptaculi ferrei sibi.

Fig. IV, N bractea ferrea est, quatuor lineolas crassa, fundo receptaculi L imponenda.

Fig. V, KVK, G GK, FFK Cylindrum cavum figuræ I exhibet, receptaculo figuræ III immissum. Operculum Hori GG valide per cochleam V imprimitur, magno stylo ferreo, qualem figura IX. sinit, vertendum.

Fig. VI, BB, DD notata est Cylindrus cavus ex ære fustus. Ejus corona seu fascia ambiens BB sex lineolas alta est, ac totidem lineolas projicitur: fundus quatuor circiter lineolas crassus est, ne per vim internæ pressionis cedere possit, quando machina figuræ XI. ardentibus carbonibus imposita est. Concavitas Cylindri BD figuræ VI unum pedem ac pollicem unum profunda est; latitudinis vero ejus diameter quinque pollices ac dimidium continet, ad totam machinam

TAB. XV. ad A. 1682 pag. 306.



nam figuræ V recipiendam, quæ super circulum tomento refertum seu coronam stramineam fundo DD imponitur.

Fig. VII, a, T, a, AA Cylindrum ex ære fufum exhibet, cavum ac inverfum, ut Cylindro cavo BB, DD figuræ VI pro operculo effe poffit, ceu in figura XI videre eft. Diameter illius æqualis eft diametro Cylindri cavi BB: altitudo duorum pollicum ac dimidii: corona seu projectura AA ſex lineolas alta eft, totidemque extat. Canalis T ex ære fufus eft, & fundo aa operculi aa, AA, per quem trajicitur, conferruminatus, cujus ufus talis eft, qualem Dn. Papinus defcripfit.

Fig. VIII, Y bractea ferrea eft quatuor lineolas craffa, & in medio aliquantum convexa, in Z vero cum in finem incifa, ut impofita fundo aa operculi aa, AA, canalem T, ut in figura XI patet, recipiat. Iſta bractea facit ad operculum aa, AA premendum, & cum Cylindro BB, DD per cochleas O, I, firmiſſime jungendum, ceu figura XI docet.

Fig. IX, Q ſtylum ferreum notat vertendis cochleis deſtinatum.

Fig. X, literis RC, o mi, ES notata, cuſa eft ad formam duplicis regulæ angularis, cujus extremitates in uncōs rectangulos deſinunt, quorum unusquisque dimidium pollicem introrſum extat. Iſti unci corpus Cylindri AA, BB figuræ VI arcte ſubter projectura ſeu fascia prominente BB conſtringunt. Denique per duas cochleas O, I, ſtylo ferreo figuræ IX in cochliidiis fasciæ ferreæ CE vertendas, operculum aa, AA figuræ VII conſtringitur, & arctiſſime orificio BB Cylindri BB, DD conjungitur; ſicut id omne ex Figura XI apparet.

Duplex illa regula angularis RCES ſibulam parvam M continet, qua, Figura XI indice, vectis ſeu planum illud repagulum MTX innuncatur, quod per gravitatem ſuam & pondus P infervit premendæ chartæ, quæ ori canalis T bene occludendo imponitur cum in finem, ne dum machina carbonibus ardentibus impoſita eſt, evadere quicquam aut exhalare poſſit.

Duplex illa regula angularis uncinata ubique ſesquipollicem lata, ac dimidium pollicem craffa eſt, ejusque unci R S dimidium pollicem ad minimum introrſum projiciuntur. Latitudo ſeu diſtantia inter latera CR, ES, æqualis eſt diametro coronarum ſeu projecturarum AA, BB, quas complectitur: At diſtantia RS inter extremitates ſeu cuſpides uncorum, præciſe reſpondet diametro Cylindri BB, DD.

Q q 2

quem

quem subter coronam seu projecturam BB dimidium pollicem ex omni parte extentam complecti debet. Altitudo duplicis hujus regulæ angularis quatuor circiter pollicum est, ut complecti possit projecturam BB, totum item operculum aa, AA, & bracteam Y, in quam incidunt cuspidēs cochlearum OI, in cochliidiis partis horizontalis CE, duplicis regulæ angularis RC, O MI, ES, vertendarum.

Deprehendi postea, *(ita pergit Interpres Gallus)* posse machinam hanc adhuc facili ori & minus sumptuosa ratione fieri; sequenti scilicet. Posito quod Cylindrus cavus ex ære fusus figuræ VI, literis BB: DD notatus, profundus satis sit ad recipiendam omnino totam machinam figuræ V, literis KVK, GG, KFFK signatam: non habebis opus operculo cylindraceo cavo figuræ VII. Sufficiet enim laminam habere æream tres aut quatuor lineolas crassam, cujus diameter sit æqualis diametro BB Cylindri cavi ex ære fusi, inclusa illius projectura. Illa enim lamina pro operculo futura est Cylindro cavo AA, BB figuræ VI & XI, per quam canalīs ex ære fusus T agitur, ille de conferruminatur. Ita simul semelque machina AA, BB aqua impletur & lamina sua operitur: cui cum imposita fuerit lamina altera incisa YZ figuræ VIII, duplex illa regulæ angularis RC, OMI, ES, applicanda est &c.

INSIGNIS ET CURIOSA LUTETIÆ
Parisiſorum nuper reperta Antiquitas, exposita a
Claudio Molineto Canon. Sanctæ Genoveſæ:

E. Gallico in Latinum idioma translata.

TAB. XVI.

DUm in ædibus prope S. Eustachium extruendis operas exercet Dn. Berrier, prope hortum reperta sunt fundamenta mœniorum quibus sine dubio superstructum olim fuerat vetustissimum & magnificum ædificium, Templum forte vel palatium quoddam. Nam cum terra effoderetur, mutilum in ea inventum est caput mulieris, cujus hic effigiem exhibemus, quod ex metallo conflatum & affabre factum speciem referebat humana paulo majorem, gestans super caput turrim, & oculis defectum, forte quod ex argento hi conflati fuissent, ccu

ceu in veteribus statuis plerisque deprehendere licet. Hoccum in Bibliotheca Abbatis Berrerii vidissem, rei nummaria arte edoctus caput isthoc existimaui fuisse Deæ, quam Lutetiarum tutelarem olim habuerint Gentiles: multi quippe Græci inveniuntur nummi veteres, qui signatum habent caput foemini cum turribus & adjectum nomen urbis, v. g. ΑΥΤΙΟΧΕΩΝ, ΑΛΟΔΙΚΑΙΩΝ. Cumque attentius cogitasset, quænam ex Dearum numero olim a Gentilibus qui hæc loca habitarunt, culta fuerit, *Isidem* deprehendisse mihi visus sum: tum quod hæc imago turrim in capite referat, tum quod constet eam hic locorum priscis temporibus fuisse cultam. E multis quidem auctoribus manifestum est, Deam, quæ apud Græcos Jo dicta est, & Ægyptiis Isis nomine venit, a Romanis sub Cybeles nomine cultam fuisse, quæ nil aliud quam Terra est & Natura ipsa: quam Ægyptii conjugem commenti sunt Osiridis, qui erat Sol, a quo sæcunda ista redderetur & Mater omnium quæ e largo ipsius sinu prodeunt. Hæc mens est Plutarchi & Apuleji, quorum hic Lib. VI. Metamorph. Isidem sic loquentem introduxit: *Rerum Natura parens sum, elementorum Domina; & Macrobius: Neque aliud esse Osirim quam Solem, & Isim quam Terram diximus, naturamque rerum.* Sane tanta similitudo est imaginum, qua Veteres geminas Deas has retulerunt, Isidem Ægyptii, Romani Cybelem, ut utramque esse eandem facile intelligi possit: & fatetur ipse Apulejus, *ejus nomen circum, multiformi specie, ritu vario, nomine multijugo, totum venerari Orbem.* Isidem autem Ægyptiorum fuisse reginam, quæ cum marito Osiride regnaverit sub tempora Israelitarum Veterum, navium & velorum invenerit usum, in longissime remota & barbara regna penetrarit, quorum populos Deorum religionem & agriculturam docuerit, e Tacito clarum est, qui simul docet, *signum hujus Deæ in modum liburnæ figuratum fuisse*, procul dubio in memoriam repertæ & traditæ ab ea navigandi artis. Habemus certe nummos Ægyptios Juliani Cæsaris, in quibus ipsa navi insidens cernitur; & apud Kircherum ac alibi reperiuntur ejus imagines, quibus ipsa manu navim gestare refertur. Quocirca cum quidam rationem insignium urbis Parisiorum, quæ navim exhibent, invenire non possent, ea æque ac nomen Parisiorum ab Iside petiere. Crediderunt enim nomen urbis Græcum esse, & *Ἰσις* Isis quasi juxta Isis templum late celebratum extructam eam notare. Statuendum igitur, quod & vulgo

creditum est, templum fuisse dicatum isti Deæ in isthac regione, quæ hodie ad Abbatiam S. Germani de Pratis pertinet. Duravit sane istud usque dum Christiana religio in Gallia reciperetur: & cum destrueretur fanum, servata tamen fuit imago Isidis adorata Gentilibus, repositaque in angulum quendam ædis S. Germani de Pratis, cum ea extrueretur a Childeberto dedicata S. Vincentio, ut tropæi loco esset devictæ idololatriæ & per Christianam religionem everisæ. Superfuit autem ad annum usque MDXIV, quo cum Cardinalis Brissonettus iustius Ecclesiæ Abbas rescivisset, a muliere quadam simplici per temerariam superstitionem idolo isti candelas dedicatas & oblatas fuisse, loco istud dejicere & confringere iussit, ceu narrat Brevilius in Antiquitatibus Parisiis: qui se a Fratribus id audivisse memorat, imaginem eam jussu Cardinalis confringi sibi visam narrantibus. Titulus etiam Foundationis Abbatiz S. Germani in honorem S. Vincentii a Childeberto factæ indicat, exædificatum fuisse istud templum *in urbe Parisiaca prope muros civitatis in terra, quæ adspicit ad Fiscum Ifiacensem*. Ut adeo dubitandi nullus relinquatur locus, Isidis Parisiorum tutelaris Deæ imaginem esse, quæ terra effossa in Bibliotheca S. Genovesæ nunc asservatur.

MOYENS SEURS ET HONNESTES
pour la Conversion de tous les Heretiques, & Avis

& Expediens salutaires pour la Reformation de

l'Eglise.

en deux Tomes.

A Cologne Anno M DC LXXXI.

Media certa & honesta pro conversione omnium Hæreticorum, nec non Monita & consilia salutaria pro Reformatione Ecclesiæ. Tomi duo.

Coloniz 1681. in 12.

Alter hujus libelli, qui nomen suum celat, & Romano-Catholicæ Religioni videri vult addictus, ante triginta & quod excurrit annos, si præfationi fides habenda, Romam venit; ubi cum in Aula Papali, cujus major ex longinquo reverentia fuerat, multa
a Christi

a Christi & Apostolorū regulis & exemplis aliena animadvertisset; infallibilem illam, quam hactenus imaginatus fuerat, Romani Pontificis auctoritatem suspectam habuit, & de religione sua, cujus illa centrum & præcipuum fundamentum est, dubitare cœpit. Hunc autem animi fluctuantis æstus ut sedaret, in Religionis Christianæ principia paulo diligentius inquirere decrevit, eoque consilio Novi Testamenti libros duabus vicibus attentissime perlegit, in quibus tantū abfuit, ut de Papa ejusq; supremo dominio vel unicum verbum deprehenderet, ut potius Mysticum Ecclesiæ corpus a solo Christo tanquam unico capite dependere, omniaque Christi & Apostolorum dicta & facta ad pietatem, charitatem, castitatem, humilitatem ac mundi contemptum composita, a Romanæ Curie instituto atque moribus maxime dissentire, e Sacris illis paginis cognosceret. Quamobrem contubernalem suum Abbatem quendam Gallicum, a quo Novum Testamentum mutuum acceperat, de perplexis animi sui dubiis consuluit, qui ipsi Bellarminum celeberrimum Monarchiæ Papalis promachum legendum commendavit. At ne hic quidem assilientes animum scrupulos legenti eximere suffecit. Nihil enim præter contorta quædam Scripturæ loca & rationes nonnullas humanas, quæ perito rerum affirmatori fucum facere minime possent, in vasso illo opere invenit. Postea in Germaniam profectus ad Patrum lectionem animum intendit, & eorum scripta diligenter perlustravit, ut primam Papatus originem investigaret, quem tandem a Religione Catholica separandum & plane abolendum esse, animo suo firmiter persuasit, spe non incerta fretus, hac ratione Græcos & Protestantes, qui non aliam ob causam, quam ob Romani Pontificis tyrannidem ab Ecclesia secesserint, cum aliis hæreticis & infidelibus ad Ecclesiæ commutationem redituros esse. Quamvis autem potentiam Papatus per S. Scripturæ ignorantiam, & Clericorum multitudinem, & beneficiorum temporalium respectum firmiores radices egisse intelligeret, quam ut desperata seculi sui miseriæ se profuturum sperare posset; animum tamen suum non sine gravi indignatione & acerbis querelis bipartito hoc libello edito exonerare voluit. Cujus prior pars tribus capitibus absoluta, Papatum nec in S. Literis fundari, c. 1; nec in Ecclesia primitiva viguisse, c. 2; nec Ecclesiæ quicquam conducere, sed potius malorum omnium fontem esse, c. 3. demonstrare instituit, & simul ad ea, quæ vel e Sacro Codice, vel e Patrum

patrum scriptis, vel e Ratione Status, pro stabilienda Papali Monarchia depromuntur argumenta, in singulis capitibus respondet. Altera autem pars, quam Autor imperfectam & minus consummatam reliquit, a Cardinalibus ad Episcopos & reliquos Clericos progrediens, viam ac rationem Ecclesiam reformandi subministrat, varios abusus per longam consuetudinem inveteratos perstringit, & postremo loco de diversis punctis religionis negotium attinentibus suam sententiam & judicium subnectit.

*PRODROMUS CORPORIS THEOLOGICÆ,
quotota fidei ac morum doctrina, historia item &
Prophetia, metodo pariter ac verbis sanis, secundum rerum Vet. Test.
illisque respondentium Novi seriem multifariam asseruntur, atque
sic veritates Divina omnes in luce integraque SS.
litera in arce collocantur.*

Hagæ Comitum apud Arnoldum Leers, A. 1682. in 4.

Postquam Coccejanismus ortus fuit in Belgio, Theologi ejus in duas abierunt factiones, quarum altera illum propagavit, altera oppugnavit. Neutri vero Autor hujus Scripti Anonymus ex toto videtur addictus esse, sed novam potius sectam, sicuti novum Theologicæ Corpus, cui hunc præmittit prodromum, condere velle. Tamen namque per majorem Libri partem totus in eo est, ut ad Scripturam doctrinas fidei referat unice aut videatur referre, imitatus in hoc Nobilis Exegetæ Cocceji studium Biblicum; quem magni etiam æstimat, sæpiusque expresso, suppresso vero nomine sub titulo Magni Commentatoris Novi allegat; quanquam etiam V. & N. T. in certa intervalla distinguit, quod & Coccejus fecerat ante eum; aperre tamen ab hoc in eo abit, quod intervalla illa statim in creatione præfigurata esse dicit. Coccejus in V. T. sex agnoscit periodos, in N. septem. Illas primum Bileamo Numer. XXIII & XXIV revelatas & a Mose Deut. XXX. 1. observatas esse; ad has e scriptis V. T. duo Cantica, alterum Mosis Deuter. XXXII, alterum Salomonis ex toto, reliquas Prophetias ex parte referri debere putat. Noster vero V. pariter atque N. T. in sex distribuit periodos, quas cum sex diebus creationis a cap. 18. usque ad 25. confert:

fert; creationem hinc a Mose descriptam vocans creationem propriam: duo vero tempora V. & N. T. duas creationes Mysticas; quibus etiam geminam mysticam quietem, quæ propriæ in Sabbatho primo non sit absimilis, cap. 25. subjungit. Unde conicere licet, totum Theologię Corpus, quod promittit, futurum esse Mysticum, tale scilicet, qualis hic est ejus Prodromus, si ad ultimam ejus analysin aut scopum, ceu par est, respiciatur.

*PETRI ALLINGÆ VIS VERITATI IL-
lata repulsa: seu Exercitationes Pacificæ ad non-
nullas quæstiones problematicas quæ hodie moventur, de testamentis &
œconomia fœderum Dei. Accedit Responsum ad nuperum
D. Leydekkeri Apologeticum.*

Amstelodami ap. Henricum Wetstenium, A. 1682. 4.

TORUS est hic Autor præsentis anno in edendis Exercitationibus pacificis; quarum primæ sub titulo *Faciis dissidii extincta* nuper prodierunt, relatæ a nobis Mense Majo p. 160: jam sequuntur alteræ, *Vis veritati illata repulsa* dictæ. Illæ partim Cartesii, partim Cocceji; hæc solius Cocceji sententias nonnullas de testamentis & œconomia fœderum Dei defendunt; & quidem adversus Melchiorum Leydekkerum, Professore Ultrajectinum. Unde, tametsi Exercitationes Pacificæ dicantur, revera tamen sunt Polemicæ, quibus lites illæ, nisi pugnando, non componentur. Quo observato, non opus est citare, Libri plenius delineare. Dedit eam, quoad fieri potest de hujusmodi scripto, Autor ipse in præfatione sequentibus verbis: *Non est, quod multa dicam de hoc meo opere. Examino omnia, quæ Professor (Leydekkerus, cum Allinga sit Pastor paganus; hinc titulus officii, loco nominis sæpius positus), veritati opposuit, fraudes Viri detego, sententiam nostram plurimis rationibus munio, ac objectiones Professoris solvo. Pro veritate thesaurum nostrarum pugno, alio loco acturus de antiquitate.* Hæc autem omnia pertractata sunt 24. capitibus: quibus adjicitur *Responsum ad nuperum D. Leydekkeri Apologeticum*, quod hic pro Facie Veritatis in lucem publicam emiserat. In illo vero brevissimus est Allinga, ratus se una plagula totam rem conficere posse; in primis

Rr

cum

cum Leydekkerus etiam brevitati, non absque saltu, quem ipsi impu-
tat, studuerit.

*MYSTERIUM ARTIS STEGANOGRAPHICÆ NOVISIMUM, MODUM OMNES EPISTOLAS, ALIÆQUE
SCRIPTA INCOGNITA, CHARACTERIBUS FURTIVIS EXARATA, IN OMNIBUS LINGUIS,
PRÆSEPTIM LATINA, GERMANICA, GALICA, ITALICA EXPEDITO SOL-
VENDI PANDENS: ex Museo*

M. Ludovici Henrici Hilleri, Diaconi Eslingenſis.
Ulmae A. 1682. in 8.

ARtem Steganographicam perfecturus Auctor, initio præfationis
profiteatur, se illam tradere, in quantum ejusdem beneficio omnes
epistolæ & scripturæ, quibuscunque characteribus incognitis, notis A-
rithmeticis, Chymicis, Astronomicis exarata solvi possint. Ad quam
definitionem annotat; 1. Se aliter tradere, quam Trithemium,
Schottum aliosque, qui magis occupati sunt in concinnandis Alpha-
betis variis modisque occulte scribendi, quam solvendi. 2. aliter quo-
que se agere, ac illi, qui per sententias scribunt, vel, qui sumunt unum
tantum vel duo vel tria vocabula, exque iis sententiis occultas for-
mant scripturas. 3. explicare se non omnium scripturarum solutio-
nem, etiam illarum, quæ ex pluribus alphabetis compositæ sunt, sed
quæ ex uno eodemque alphabeto sunt contextæ. 4. sub characteribus
comprehendi non solum Ciphras, Medicas, Chymicas notas, quales-
cunque fingi possint ab ingenio humano, sed etiam integra vocabu-
la sive Arabica, sive Latina, sive Germanica loco literarum alphabeti-
carum usurpata, etiam signa, picturas, res ipsas pro vocabulis adhibitas.
Deinde de origine & progressu Steganographiæ differens commemo-
rat Ciceronem, Cæsarem, Augustum occulte scripsisse, non tamen
quæ scripserant solvere potuisse, nisi prius inter se convenissent: Judæ-
orum Temuram, quæ inter species tredecim Cabalæ in nonnullis Scri-
pturæ locis reperiri creditur, ad Steganographicam pertinere: Re-
centiori ævo Trithemium Abbatem Sponheimensem Steganographi-
am scripsisse, illustratam nostro seculo augusto Gustavi Seleni Com-
mentario. Post Trithemium Portam Neapolitanum Medicum col-
locat, cujus quinque libri de occultis Literarum Notis Argentorati an-

1606.

1606. ſatis vitioſe excuſi ſunt. Poſt illum Steganologia & Steganographia edita eſt a Reſene Gibronte Runecluſ Haneſi, id eſt, per anagramma Daniel Schwenſter Noribergeſe. Hunc ſecutum eſſe Haſdorfferum Myſterio Steganographico clarum, ait: Agmen claudere Caſpari Schotti Jeſuitæ Scholæ Steganographicæ.

Ipſe Liber continet XII. capita. (1) Diſcernere docet idioma, quo occulte ſcriptum conſtat. (2) Proprietates ſingularum Literarum Linguae Latine ducentis Regulis exemplis applicatas complectitur. (3) Reſutat Joh. Baptiſtæ Portæ lib. 3. (4) Danieliſ Schwenſteri methodum Scripturas Latinas ſolvendi reſellit. (5) Haſdorfferi Myſterium Steganographicum explicat. (6) Caſpari Schotti Jeſuitæ Scholæ Steganographicæ examinat. (7) Germanicæ Linguae Regulas tractat. (8) Eemplum Germanicum proponit. (9) Schwenſterum in Germanica lingua reſellit. (10) Gallicæ linguae Regulas cum exemplis exhibet. (11) Regulas Linguae Italicæ cum exemplo continet. (12) Reciproca ſeu cancrina vocabula, quæ retroſum lecta ſeipſa generant, Latina, Germanica, Gallica, Italica enumerat; ex quorum recenſione obſervat, Latinam Linguam plurimas habere ejusmodi voces, & non aliam magis idoneam componendis verſibus reciprociſ ſeu cancriniſ, quia conſonantes & vocales ejusdem linguae ut plurimum alternant.

PAN-SOPHIA ENCHIRETICA

ſeu

Philosophia Universalis Experimentalis in Academia

Moyſis primum per ſex prima capita Libri primi Geneſeos tradita, demum

per ignem examinata & probata, ſtante poſt tabulam Arnoldo Bachimio Denſtonio Coſmoſopho Auctore.

Norimbergæ Anno 1682. in 12.

Quisquis eſt Auctor Libelli titulo valde anguſto, Helmentiana dogmata præcipue ſequitur, eademque magis perſpicuis & aptis notionibus Philoſophicis exprimit & ornat. In Chemia non mediocrem præ ſe fert experientiam, ex qua naturam mineralium inprimis explicat, atq; paſſim aliorum in illa arte errores caſtigat. Mode-

Rr 2

ſtiam

stiam recentiorum Philosophorum æmulatur, cum non pro decretis sed hypothesibus sua venditat. Cæterum quæ de hominis integri statu, lapsu, formatione Corporis Christi, excitatque ex mortuis natura & qualitatibus, nostrorumque post universalem resurrectionem corporum conditione tradidit, nec Theologis Fidei Romanæ, quam profitetur se nullis dictis suis velle læsam, placebunt.


OBSERVATIO MEDICA I.

De

Crinonibus seu Comedonibus Infantum.

Incognitus & indictus Antiquioribus fuit Morbus, cujus passim superiori ac hodierno seculo a Medicis non minus, quam medicastris mulierculis fit mentio, & ab istis quidem Morbus Piliis Infantum communiter appellatur, speciatim autem *Crinonum*, item *Comedonum* nomine venit; Germanis *Miteffer* audit. Contabescunt infantes paulatim, insomnes redduntur, & inquieti, & insignem simul pruritus corporis pati videntur: quod si in balneo rite tractentur, corpuscula pilorum crassiorum instar densa & spissa (unde similitudinis ratione, *Crinonum* nomen) e poris corporis prominent, quæ pro animalculis intereutanea loca inhabitantibus (unde *Comedonum* nomen, quasi vermium alimentum infantum depascentium) ab aliis habitæ fuerunt, quibus una alterave vice ablatis, melius habere infantes observantur. Utrum itaque consui excrementorum spissiorum tertiz coctionis, an vero animantium generi adscribendum sit istud extra cutim prominens, diutius controversum fuit, prout scilicet fieri in naturalibus amat, ubi solis rationibus, citra experientiz armaturam pugna instituitur. Hæc tandem rerum magistra litem diremit, ostendendo Microscopio. rum ope manifeste, esse severa animalcula viva, quicquid spissorum istorum capillorum facie subinde compareat. Coloris observantur subcinericei & plus minus nigricantis, cornubus seu potius antennis binis longe prominentibus instructi, oculis rotundis grandiusculis cum cauda oblonga in fine villosa; paucis, aspectu satis horridi, prout ex *TAB. XVI.* conspici potest: in qua Fig. A magnitudinem nativam, prout nudo oculo se exhibet, repræsentat: Fig. B. vero *Crinonem* integrum

TAB. XVII.



grum, accurate observatum, resupinato situ collocatum : Fig. CC. eosdem crinones, prono corpore delineatos, sed sub separatione a cute, cauda truncatos. Nam non tantum propter morositatem puerorum, difficulter separari possunt, sed ob exilitatem etiam tac teneritudinem vix integri obtineri, quin facillimo attritu vitientur: id quod in Fig. D. contigit. Pueri sunt, & infantes in quibus frequentius nasci solent, quorum, brachia, & inprimis dorsum, sive totum, sive inter scapillum tantum crura, maxime tamen ipsam scapularum regionem solent occupare. Sed quæ huc spectant alia, curioso lectore digna, prolixius, pro usu inprimis Medico, exposuit Erud. *Georgius Hieronymus Velschius*, in Exercitatione de *Vermiculis Capillaribus Infantum*, in qua omne id, quicquid pro usu tam theoretico quam practico desiderari potest, ex quibusvis Scriptoribus in unum fasciculum concinne collectum exhibetur, adeo ut unus hic autor quorumvis aliorum vices commode supplere queat. Annexa est dicta Exercitatio isti de *Vena Medinensi* laboriose & accurate conscripta, & anno 1674. Augustæ Vindel. in quarto primitus, sub auspiciis *Claudæ Felicis Imperatricis*, luci publicæ expolitæ.

OBSERVATIO MEDICA II.

De
Sironibus.

Alii longe a *Crinonibus* sunt *Sirones* seu *Cirones*, vermiculi scilicet minuti, quasi pediculares, in pustulis serosis prurientibus, sub cuticula manuum inprimis & pedum, subsistentes. Germanis *Seurenstern* vocari solent. Minus de his disceptatum fuit, animalculorum classi an associandi, siquidem hoc jam olim subtili *Scaligero Exerc. 194. de Subtil. num. 7.* extra dubitationis aleam positum fuit: qui tamen ipsis formam nullam expressam esse asserit, quæ Microscopiorum ope distincte satis & accurate conspici potest, secundum eam faciem, quam Tabul. XVI fig. EEE repræsentat. Colore sunt albicante, & pedibus exceptis, qui propius intuenti nigricare videntur: pedibus sex instructi sunt, binis utrinque; mox juxta caput positis, quibus talpæ ritu cuniculos sub cuticula agere, & oblongos non raro quasi sulcos trahere, simulque molestissimum pruritum excitare videntur. Num

Rr 3

dorsum

dorsum sit squamosum, seu squamis coopertum, prout quidem affirmat *Dn. Robaulus Tract. Physic. part. 1. c. 21.* definire nolumus, illo præstantiore dubio procul microscopio instructo. Mirum de cætero est, quantas molestias tam pusillum animal homini excitare queat, quas stupenda historia pluribus explicat *Moufseus in Theatr. Insect. lib. 2. cap. 24. &c.*

LETTRE à M. L. A. D. C. DOCTEUR DE Sorbonne; ou il est prouvé par plusieurs raisons tirées de la Philosophie & de la Théologie, que les Comètes ne sont point le présage d'aucun malheur: avec plusieurs Reflexions Morales & Politiques, & plusieurs Observations Historiques; & la Réfutation de quelques erreurs populaires.

a Cologne Anno 1682. in 12.

Epistola ad Doctorem Sorbonicum; in qua multis rationibus e Philosophia & Theologia depromtis probatur, Cometæ nequaquam ullius calamitatis esse prænuncios: pluribus adjectis Observationibus ethicis & politicis, annotationibus item historicis; & Confutatione errorum quorundam vulgarium.

Coloniæ (verius Amstelodami) 1681. in 12.

Magna in varietate & dissensione sunt Philosophorū sententiæ de Cometarum natura, origine & significatione, inque tanta opinionum diversitate invidiosum non minus quam difficile est sententiā dicere, distractis in partes doctis hominibꝫ. Passim quidē ad visum Cometam trepidatur, nec vulgus modo & simpliciores, sed etiā docti prudentesq; subinde sciscitantur ex aliis, quid mali ostentum hoc & quibꝫ Principibus, populis ac civitatibus portendat? Quod si quis non levibꝫ rationibus, experientia etiā in hujusmodi rebus quæ sensu atque observatione constant rationes superante, adductus, a communi populariq; opinione, malorum anteaambulones Cometæ statuente, sibi discedendum

dum cenſet, iſ ab aliis, plus æquo ob cauſarum ignoratiõem meticuloſis, in horrendum graviſſimumque impietatis crimen vocatur. Qui vero Cometæ propterea accendi in cœlo dicunt, ut ſint magnarum calamitatum quæ impendeant prænuncii, & in hanc rem varios eventus & veterum Poetarum Hiſtoriarumque teſtimonia afferunt, ſacras etiã veteres in partes trahunt, ſuperſtitionis damnantur ab iis, qui lubrico aut nullo niti fundamento, cum terrores illos ac metus, tum quæ paſſim circumferuntur Cometomanticorum hariolationes ac vaticinia oſtendunt. Et extant clariffimorum Virorum de Cometarum natura & ſignificatione multi libelli, juſta etiã Volumina, quorum quiſq; peculiarem & ſeparatam ab aliis rationem inire ſtudit, ut orbi ſuam opinionem perſuadeat. Hujus Epistolæ autor, qui cum Sorbonæ Theologo ſibi rem eſſe præ ſe fert, vanam & incertam eſſe omnem illam ex aſtris divinationem exiſtimans, nunquam adeo vel argumentis, vel experientia, nedum ſacrarum literarum teſtimonio comprobatum cenſet, Cometis aliquam præſagiendi vim in eſſe, ac cum Gaſſendo non poſtremum imbecillitatis humanæ argumentum habet, ad iſta expaveſcere, quibus eum res noſtræ commercii nihil habent. Mirum putans, cur ne Deo quidem credatur, dum a ſignis cœli nihil metuendum jubet; qui ſi Cometam non conſtituat ſignum cladis venturæ, nulla in eo aut futurorum noticia aut affectus ſignificandi eſſe poſſit: quippe qui viam ſuam pergat, ut naturalia cætera, cujuſq; parum interſit quid humanæ gentes inter ſe moliantur. Sed cum plerorumque animos aſia longe occupaverit opinio, Cometam nimirum certiffimum iræ divinæ imminentiſq; pœnæ indicium eſſe: inveteratas autem opinionones, & ab his profectos horrores, quos mentibus hominũ autoritas veterum & communis incuſſit rumor, erroresque quos longinquitas temporis confirmavit, evellere res magni laboris ſit & invidiæ plena: id potiſſimum ſtudet, ut præconceptis ab opinionibus hominum animos liberet, quibus non ſublatis fruſtra de metu minuendo aliquem ſollicitum fore cenſet. Quoniam autẽ philoſophia & ex ea depromta argumenta ſuſpecta admodum ſunt, quod in utramq; partem, etiã a veritate, deſcedere animos vi rationum ſubtiliter & argute allatarum valeant, relictis hiſ, ex Theologia, a ſapientia & bonitate Dei peritis rationibus, præſagiendi vim Cometis adimere, & populares rationes evertere laboravit: exiſtimans, haud meliori modo jugulũ cauſæ incidi poſſe, quam

quam si ex eodem fundo, cui errores vulgi inniuntur, depromtis machinis isti subruantur, & falsa persuasione occupatæ hominum mentes rectiora doceantur. Quod ut obtineat, in hunc modum disserit: Si Cometa calamitates venturas præfagiunt, vel eas efficiunt ut causæ, vel denotant saltem ut signa Causæ vero earum esse non possunt; *primum* quia rerum a libero arbitrio hominis dependentium, & fortunæ ludibrio expositarum, ut sunt bella, mutationes Rerum publicarum & religionis, conspirationes & humanæ societatis everisiones alix, causæ sidera esse nequeunt; & statuere hoc velle impium est: *secundo* nec a priori ratio dari potest, quæ Cometas naturalem causam belli, famis pestisve probeat; quæcunque enim afferuntur futilia sunt, nec virtutem, qua influant sidera in mundanas res, satis ostendunt: *tertio* a posteriori autem quæ datur & ab experientia ducitur ratio falsa est; nam ab adversa parte magis ea stat, & felicia tempora post cometam evenisse, tristica fuisse cum nullus præluceret cometa, manifestum est. Calamitatibus autem semper premuntur miseri mortales, modo in hoc modo in alio terrarum angulo gravioribus: igitur quandoque ortæ sunt hæ stellæ crinitæ, afflicta fuit quædam, nec fortasse una saltem, orbis regio: quando & in posterum orientur, incident in calamitosa tempora, quibus nulla ætas, licet cometa destituatur, caret: ideo nec assignanda sunt comets qui non faciunt, sed inveniunt hæc mala: *quarto* quia omnes orbis partes, quas sidus hoc afflat, eandem experientur fortunam, si efficaciam quandam istud haberet & calamitatis causa existeret in hac vel illa provincia. Porro signa tristium temporum non sunt; *primum* quia nullam a natura connexionem cum fortunis regnorum acceperunt, unde homines has istorum ortu denotari intelligere possint: *secundo* nec Deus nobis revelavit, se voluisse hanc significandi vim ipsis indere, peculiarem autem characterem tributum eis esse, nobis non licet fingere: *tertio*, miracula autem Deus non edit quibus confirmetur Idololatria & astrorum cultus, neque enim peccata mortalium ut aboleantur, alia eaq; majora longe crimina permittit. Hæc omnia Autor prolixè & copiose deduxit, adversariis argumentis respondit, jucundisque Digressionibus ex civili doctrina & Historia petitis, v.g. de studio quo Gentiles veteres & recentiores, dein Christiani quoque Astrologiam coluerint, hodieque in eandem ferantur & de ejus vanitate; de fatalibus diebus, nominib; & temporibus

bus; de Lunæ ejusque mutationis effectibus; de Eclipsium natura & circa eas variis hominum opinionibus, Opusculum hoc distinxit: in eo tamen argumento, quod de Miraculis tractat, amplissime se diffundit, & de prodigiis, quæque ex iis oriatur Idololatria; hominum in eam impetu; superstitione tam Gentilium quam Christianorum veterum, & hodiernum recepta; cum primis autem de Atheismo multa haud proleptaria disseruit, istum cum Idololatria contulit, & utrum horum majus crimen ac facilius eluendum expendit, nec ad morum vitæque corruptelam illum magis quam hanc ducere probavit; Hinc alia attulit, quibus Domum Austriacam & Hispanos ad universalem Monarchiam, cui Galliarum Imperium destinatum aptumque ipsi videtur, minus idoneos fuisse doceat, ac plures amœnas Digressiones inseruit, ut ipse miscellaneas opiniones se concessisse profiteatur. Sub finem Breviarium integri Opusculi exhibet, & argumenta quibus cometas præfagia elevarit, enumerat, concluditque Cometas eos non esse pro quibus habentur vulgo, sed corpora esse mundo cœva, & juxta motum, quo Deus universi machinam versat, moveri, nobis autem conspiciendos præbere quando determinati sunt, ut oculis nostris se sistant, & tū pro vario Solis motu radios reflectere, perque refractionem radiorum solarium secundum naturæ leges caudarum speciem præbere. Proscribendos igitur animis timores, & liberandas superstitionis tormento mentes, quas sollicitas metu futurorum perversa de Cometis opinio vulgo cruciet.

OBSERVATIONES MICROSCOPICÆ

Antonii Leuwenhoek, circa particulas liquorum globosas & animalia in semine insectorum masculino. Ex Collectionibus Philosophicis Anglicanis num. 3. Decembr. 10. Anno

1681. p. 51. sqq. excerptæ.

Post Observationes circa globulos spumæ, & sanguinis nuperrime communicatas, feces Vini Germanici examinavi, diluendo eas pro feliciori indagine cum aqua, & observavi eas globulis admodum irregularibus, alios globulos minores, nunc 2, nunc 3, 4, 5, & 6, complexis, consistere. Suspiciabar itaque ex hac compositione, perfectam globulorum horum texturam ex simplicioribus globulis coalituram, quod etiam repetebam ita in Vino lagenæ incluso fermentante. Hujus

Si

enim

TAB. XVIII.

enim feces maximam partem ex talibus globulis constabant, qui ex aliis 6 minoribus, ac illis etiam qui in sanguine aut spuma deprehendi solent magis exiguis, componebantur. In Musto fermentante infinita parvarum bullulatum copia, (non absque intuentis tædio) ex vitri locis inæqualibus exurgebat, quæ certatim velut ascendentes amplitudine crescebant, earumque nonnullæ dissilientes in unam largiorem aream bullam coibant. Perturbabant ascensu suo insigniter Vinum, & levando secum simul globulos, partim perfectos, ut supra ex 6. minoribus, partim imperfectos ex 3, 4, vel 5 tantum compositos, qui tamen a bulla aerea relictæ fundum versus recidebant, ita ut interdum globulos istos sextuplices in suas partes divisos cerneret liceret. Eadem globulorum divisio in spuma cerevisiæ etiam institui potest: sed globuli sanguinei ex digito meo extracti, cum sint teneriores, promptius coalescendo unicum saltem globulum constituere videbantur. In syrupis fermentantibus, globulos ex 3 aut 4 aliis, sed non ex sex compositos observabam, id quod a densitate liquoris & languido ejus motu procedere videtur. Pro inveniendis hujusmodi globulis in aqua, celerior motus in Phialis angustioribus huic conciliandus. Adeoque in Vitro (Fig. I) ad A aperto, a C ad B aqua pluviali repleto, in D vero aere pleno, quod in conclavi meo tam Solis radiis quam vento pervio seposueram, post 14 dies nudo oculo aliquot particulas, circiter 6 observabam; quæ sub microscopio communi exhibebant rotundas pilas, easque si densius erant conglomeratæ, virides; sed accuratius a me examinatæ, globulos ex aliis 6 minoribus, illis in sanguine similibus, compositos representabant. Quidam horum in alio Vitro observati, præter dictos 6 triplices, alios oviformes ex 12 minoribus concretos exhibebant, una cum parvis pluribus animalculis; inter eosdem natantibus.

Cum examinare vellem liquorem Venarum lactearum in animalibus, vacca 24 horas jejuna frustrabatur conatum. In Chylo vero agni, largiter pastæ, deprehendebam insignem numerum globulorum compressorum ac invicem coagulatorum, ex 2, 3, 4, 5, 6, minoribus globulis compositorum: altera vero pars non concretescens, tenuis perquam & fluida erat, prioribus compositis globulis intermixta: quin & globulorum, plusquam sexies globulis sanguineis minorum, innumerabilis aderat copia, tanquam nil aliud esset chylus, quam hi globuli in tenui glutinosa materia natantes. Eadem phaenomena in Vituli chylo, ex

VENA

TAB XVIII. ad A.

fig 2.





fig 4



FAB. XI

vena prope pancreas elicitæ pariter occurrebant. In lacte calido vacino reperiebam tantum globulos magnitudine sua sextam globulorum sanguineorum partem æquantés, ut & alios, numero 2, 3, 4, & 5. invicem coherentes, qui fundum petebant, aliis in summitate narrantibus, quos cremorem seu butyrum esse existimo. In Urina ægotantis propria observabam plures globulos sanguineos copiosis subtilissimis vasculis adherentes, quasi filia bombycina invicem contexta essent, a quorum extremitatibus fecalina grana dependerent: residuum Urinæ repletum erat globulis, magnitudinis sextæ tantum partis globulorum sanguineorum.

Cum examinarem sæpius particulas istas, quæ in nebula particulis aquosis in aere intermixtæ sunt, easdem sextam tantum partem globulorum sanguineorum æquare deprehendebam. Descendunt hæ particulæ noctu ex aere, nec confundendæ sunt cum istis, quas vel nudo oculo in radiis solaribus videmus, figuræ perquam irregularis, ut vix binas similes videre liceat, grani arenarii interdum magnitudinis.

Observavi ulterius, sub candelarum deflagratione maculari res quasdam, quatenus scilicet quodvis corpus, dum comburitur, in particulas minutas invisibiles, & ita etiam candela in fluidum per universum aerem dispersum abit, cujus particulæ sextæ tantum parti globulorum sanguineorum respondentes, figuris perquam irregularibus coherentes, in descensu condensatæ nigras istas maculas exhibent.

Cum existimarem, cor machinam tantum sanguinis circulatoriam esse, hæsitavi diu circa modum, quo ex arteriis sanguis venas subintraret; num scilicet id per inosculationem vasorum capillarum fiat. Vaporum itaque horum vestigia eo usque investigabam, donec major sanguinis globulus (compositus scilicet) per arteriam transire recusaret, sed simplex tantum angustias loci penetrare posset; ita ut sub cordis imperu pulsatorio, globulus compositus, antequam per arteriolam trajiceretur, in sex minores alios divideretur, qui in vena denuo in compositum istum coibant. Alii horum, parte aquosa magis diluti, ad corporis circumferentiam deferrebantur pro sudoris & lacrymarum materia. Detexisse me hæc anastomosi in muscarum visceribus perquam candidis, sanguine vero admodum nigro, existimabam: nihilominus tamen, licet vasa bis centies millies minora barbæ meæ pilo observarem, nullam tamen unionem perspicere poteram. Proportionem vero modo dictam

eliciebam, comparando diametros, & inde supputando ipsas areas. Vana erat pariter inquisitio hujus Anastomoseos in magno scarabæo cum mercibus ex Indiis allato, siquidem tantum unionem vasculorum ex communi ramo oriundorum inveniebam. Ut in Fig. 2. CE & D Futraque a B oriuntur, & per canaliculos CD & EF junguntur.

Observabam porro in semine masculino Scarabæi rutilantis, sub copula, (secundum Fig. 3. in qua ABCD mas, D genitalia, E F G fœmella,) plura viventia animalcula, anteriori corporis sui parte subrotunda, posteriùs in longam caudam desinentia.

Tentanti idem circa semen masculinum Muscæ majalis, plures parvi quidem vermiculi, sed non viventes, occurrebant. Ast in iisdem congregientibus (secundum Fig. 4. ubi anterior est mas) observabam aperturam in dorso fœmellæ & plura ovula circa locum B, simulque exacte videbam in maris semine animalcula viventia, quæ vermium instar, in sex vel octo arcus se flectebant, quorum, & quidem mortuorum faciem Fig. 5. lit. AB repræsentat. In semine Grylli maris mortuos vermiculos mense Julio reperiēbam, declinante vero Augusto perfecte viventes iidem occurrebant, & multi quidem, nonnunquam 25, quoad superiores partes concinno ordine juxta se invicem locati, caudas tantum latius explicantes, & serpentino celeri motu agentes, aliis partibus quiescentibus. Semen Muscæ Maris, juxta Fig. 6. exhibebat ingentem turbam parvorum vermiculorum: aperto vero ventriculo ejus, egrediebatur materia clara, ingenti numero corpusculorum quadratorum, tam cubicorum, quam parallelepipedorum, rectorum omnium, diversæ tamen crassitie referta. In Muscæ Equisugæ fœminæ intestinis plures viventes observabam vermiculos, crassiores & breviores, sed celerioris motionis, claro liquori innatantes.

Præter tædiosa scrutinia generationis insectorum ex ovulis, texturæ involucri ut in bombycibus, & mutationis eorum in muscas, nunc impensius principio vitæ insectorum in semine masculino pervestigando occupatus fui. Ac sane non absque delectatione inveniri insignem quantitatem animalium, serpentinæ, sed proportionaliter tenuioris & longioris figuræ, exiguis vesiculis, parvi arenæ grani magnitudinis, & quas pro testiculis muscarum harum habeo, inclusorum: quarum quoque binas reperire licet, interdum etiam unam tantum, altera sub sectione forsân laesa. Demiror de cætero in semine tam exiguarum muscarum, animalcula adeo crassa proportionaliter repe-

riri

riri: quæ si vel mortua, vel pauciora interdum inveniuntur, suspicor, quod vel per generationem jam excreta fuerint, vel ad debitam maturitatem nondum pervenerint, vel sub dissectione enecati fuerint.

Exactissime etiam inquisivi, in semen, ventriculorum, renes, vasa &c. huiusmodi insectorum: sed inter varios vasorum species, videre contigit aliam, camque plane extraordinariæ conformationis, arteriæ trachæ instar, constructam ex annulis & ramulis, ut fig. 7. ABC ostendit: ac licet vascula A & B millecuplo minora sint pilo barbæ meæ, commode tamen in iis annuli distingui possunt, qui an sanguinem an aerem pro respiratione contineant, nondum constat. In pediculo, in eorundem vasorum subtilioribus, post plures ramificationes, ramusculis annulos invenire non licebat, ob nimiam eorum parvitatem.

Crebrius examinavi midarum intestina, ut invenirem in eorum semine eadem animalia, sed ob perspicuitatem & fluiditatem ejus hactenus frustra. Quin etiam in iisdem quoque reperiantur, nullam dubitandi video rationem; siquidem in omnibus cujusvis speciei & magnitudinis animalibus, ab equo ad equisugam usque eadem invenirim, & nisi summa exilitas & perspicuitas impedimento fuisset, forsitan in minoribus bestiolis pariter observare, concessum fuisset. Nec sine ratione concludere possumus, Naturam eandem methodum in visibili-um ac invisibilium formatione observare, & minima pariter ac maxima ex semine suam habere originem, nec muscam æquisugam magis quam equum ex corruptione generari. Sæpius ingentem exercitum animalculorum in culicum genitura observavi, minorum tamen, quam erant in muscis, & in formellis insignem ovorum copiam crassioribus ob id & magis pellucidis.

Nuperrime aquam infusionis piperis pulverisati perferunt, binas ratione conformationis differentes animalium species videre contigit: & utriusque speciei majora alia, alia minora, ita ut hæc juniora, seniores illa judicarem. Arbitror me vidisse, juniorum horum quædam in ventre majorum contenta fuisse, & bina sub natatu invicem coherrentia, congressum celebrasse.

Cum vero Nobiles quidam Galli dubitent de animalculorum talium existentia, asserendo easdem particulas, iisdem motibus agitas in aqua fervescit pariter observari posse, quas aliis in aquis demonstraverim; iisdem hoc tantum regeo, quamplurimis Eruditissimisque viris, & qui non tam facile imponi sibi patiuntur, de sententia

meæ veritate abunde constare. Me ipsum quod attinet, sincere & aperte affirmo, me etiam minimam illarum, quarum hæcenus mentio facta, speciem, æque distincte viventem, ac alias nudo oculo culicem in aere se moventem, observasse (licet quædam earum millies millies minores sint grano arenario) & non solum celeritatis & tarditatis motionum gradus, sed etiam varias contorsiones & convolutiones, quia & sursum deorsumque luforios quasi motus, item easdem morientes, mortuas, motuque omni destitutas vidisse: Crassiores vero hinc inde ante oculos cursitantes ad instar murium, quin & quasdam oris internas partes exferentes, & retrahentes iterum ludendo quasi, non secus ac veros pilos in oris ambitu notasse. Quoad modum computandi adeo magnas differentias corporum, quorum unum alterum aliquot millionibus excedat, dico longe minorem differentiam istam futuram, si diametri aut singulæ dimensiones comparentur. Videlicet corpus, quod mole sua millies millies majus est altero, eodem hoc tantum centuplo majus erit, sua Diametro: & sive sumatur longitudo, sive latitudo, sive profunditas, corporis ad corpus proportio erit triplicata proportionis singularum dimensionum. Adeoque si unum horum animalculorum latitudine, profunditate, ambitu aut longitudine centesimam partem æquet grani arenarii similis figuræ, moles illius tantum erit pars millies millelima dicti grani.

Ac licet perquam difficile sit, simplici intuitu iudicium ferre de corporibus, quorum unum centuplo majus sit altero: facile tamen a quolibet æstimari poterit, unius corporis diametrum quadruplo majorem esse alterius secundi; & hujus secundi quintuplo majorem tertii; & tertii quintuplo majorem quarti alterius corporis; atque adeo per iteratas vices promptè licere consequi, quod unica sit difficillimum. Hoc supposito, Diametrum unius ex crassissimis animalculis duodecimam circiter partem Diametri grani arenarii esse reperio: & inde, utrinque cubice multiplicando, animalculum 1728mam partem ipsius grani. Hinc comparatis secundæ speciei animalculis cum prioribus, illa priorum quintam; & ratione molis 125tam partem deprehendo, grani vero 216000mam. Porro comparando cum secunda adhuc tertiam speciem animalculorum, horum unum invenio decimam solum partem secundi: & consequenter moles hujus est 1000ma secundæ; 125000ma primæ speciei; & denique 216000000ma pars ipsius grani arenarii. Adeo differentias, quas ob magnitudinem suam sigillatim

com-

computare impossibile videtur, per gradus eundo facile consequimur.

OPUSCULA PETRI DE MARCA ARCHIEPI-

ſcopi Pariſienſis, nunc primum in lucem edita, ſtudio Steph.

Baluzii. Pariſiis 1681. 8.


Immortalis memoriz Vir PETRUS DE MARCA Archiepiſcopus Pariſienſis, antequam diem ſuum clauderet, quod contigit III. Kal Jul. MDCLXII, cum ſexageſimum nonum ætatis ageret annum, ſupremis veluti teſtamenti tabulis ſcriptorum ſuorum opportuno tempore publicandorum curam commiſit doctiſſimo viro STEPHANO BALUZIO, quo ſtudioſorum ſocio & adjutore ac aſſiduo comite fuerat uſus, & cui librorum ſuorum ac ſchedarum cuſtodiam multis ante annis commendaverat. Illud vero in primis mandavit, ut curam ſuſciperet lucubrationum ſuarum cum earum, quæ nondum editæ in publicum eſſent, tum earum etiam, quæ in lucem jam prodiſſent. Quod mandatum qua religione ac diligentia, qua felicitate item ac laudabili ſucceſſu iſ fuerit executus, ingens ac vere incomparabile ob doctrinam & eruditionem Opus DE CONCORDIA SACERDOTII ET IMPERII ſeu LIBERTATIBUS ECCLESIÆ GALLICANÆ demonſtrat: quod ab illuſtriſſimo Auctore anno M DC XLI evulgatum, altero ab ipſius obitu anno, auguſtiori habitu adornatum, iterum emiſit in lucem Baluzius, & non ſolum priores quatuor libros re cenſuit, additionibus ab Auctore compoſitis auxit, ac ſuis notis, ubi occaſio tulit, illuſtravit; ſed & integrum Tomum alterum nunquam antea editum ex autographo ſummi Viri deſcriptum addidit, nonnulla: Antiquitatis Eccleſiaſtica: illuſtria monumenta adjecit, integroſque in eo Libros, quod Gallice eſſent ſcripti, in Latinam linguam vertit. Cumque Opus hoc tanto favore eruditorum fuerit exceptum & communi approbatione commendatum, ut intra breve tempus diſtracta exempla fuerint, illud anno M DC LXIX recognitum emendatius copioſiusque literato iterum orbi dedit: *Vitam* etiam Doctoris & Mæcenatis ſui peculiari libello anno M DC LXIII edicam & primæ Operis de Concordia Sacerdotii cum Imperio præfixam editioni, novæ auctiorem præmiſit. Utque ſupremæ Patroni voluntati fidem & diligentiam porro probaret, nonnullas Illuſtriſſimi Viri *Diſſertationes*, anno M DC LXIX publici juris fecit. In quibus de auctoritate Romani Pontificis & cæterorum Patriarcharum ac Primatum, tum de veteſtiſſima Canonis Arauſicani explicatione, quæ vitos erudiſſimos inter ſe commiſerat, denique de initiis ſuſcepæ Chriſtianæ apud Gallos religionis erudite tractatum eſt. Sed cum plures adhuc lucubrationes in ſchedis morte doctiſſimi Archiepiſcopi ad Baluzium, ſcriptorum gloria & eruditionis laude ipſi jam patem, devolutis laterent, earum quasdam ſuperiori anno M DC LXXXI publicam in lucem emiſit, & moderato Pariſienſi Archiepiſcopo Illuſtr. Franciſco Harlezo nuncupavit. Quæ quoniam in egregiis argumentis occupantur, ac variæ eruditione reſertæ ſunt, a doctis hominibus hæc exigua gratia referetur de bonis literis optime merito Editori. In Præfatione, quam conſuetæ more elegantem præmiſit, occaſionem & tempora designat, quibus quod-

quodque ab Autore scriptum fuerit opusculum, quibusdam etiam a Christiano Lupo & Joanne Gerbasio sibi objectis solide & eleganter respondet. Opuscula autem sive Dissertationes, quas jam exhibet, hac collocavit serie.

I. De Stemmate sive Genealogia Christi, scriptum Anno MDC XLIX. II. De Adventu Magorum ad Christum, & an hi Reges fuerint, Anno MDC LIV. III. De singulari Primatu Petri, Anno MDC XLVII. IV. De discrimine Clericorum & Laicorum ex jure divino, & de forma regiminis a Christo instituta in Ecclesia, Anno MDC LVI. V. De Synodo Sirmienti plenaria, & de Valentis & Ursacii venia, Anno MDCLI. VI. De Synodica epistola Illyricianæ Synodi, habitæ decreto Valentiniani senioris A. C. 365, Anno MDCLV. VII. Explicatio canonis quinti Synodi Constantinopolitanæ Anno Christi CCCLXXI habitæ. VIII. De veteribus Canonum collectionibus, Anno MDCLX. IX. Interpretatio capituli 3. qu. 4. Anno MDCL. X. De patria Vigilantii, Anno MDCLII. XI. De origine & progressu cultus B. Mariæ Virginii in Monteferrato exhibitus, Anno MDCLII. XII. De origine Monasterii Scalæ Dei apud Bigerros in diocesi Tacienfis, Anno MDCLIX. XIII. De theca reliquiarum S. Johannis Baptistæ, quæ servatur in Ecclesia Dominicanorum Perpinianensium Anno MDCLX. XIV. Oratio ad Provinciales & alios Superiores Ordinum Religiosorum Barcinonensium, habita in ea urbe die XV. Julii Anno MDC XLIV. XV. Fragmenta quædam libellorum, quos imperfectos in schedis reliquit Petrus de Marca. Exhibentur autem hic: Adversus Satyras in se scriptas, Anno MDC LVIII: De advocacy Comitum: Explicatio canonis XVII. Ancyrani: Quis sit proprius sacerdos: De Presbyteris, ubi ordinandi sinr. XVI. Bina Carmina, quorum alterum Petri de Marca iter Lutetia in Galliam Narbonensem elegiaco carmine Anno MDC LIV descriptum, alterum epigramma de Frontinacensi vino generoso exhibet. Sub finem horum Opusculorum Marce, doctissimorum Societatis Jesu Theologorum JACOBI SIRMONDI & DIONYSII PETAVII Opuscula gemina subjecta sunt; quod eorum cognitio admodum utilis videretur ad libellum de Synodo Sirmienti recte intelligendum, Et Petavii quidem Dissertatio de Photino Hæretico ejusque damnatione in quinque Synodus facta. ac de duplici Sirmienti contra illum Synodo & formulis in posteriore editis, jam Anno MDC XXXVI, cum is Rationarium tertio ederet, ei adnexa prodierat: Sirmondi vero duas diatribas, quarum prima de anni Synodi Sirmientis & fidei formulis in ea editis agit, altera examen Dissertationum Petavianarum continet, & singulis capitibus ad singula istius capita respondet, nunc primum edidit Baluzius: illam ex autographo Sirmondi a Jo. Garnerio, hanc a Emérico Bigotio nactus. Nullum horum omnium Opusculorum Marce, Petavii & Sirmondi utilitate sua & laude caret, & a doctissimo Editore ea elegantia doctrinæ instructa sunt omnia atque exornata. ut non possint non prodesse & oblectare eum, qui cultiorem eruditionem amat. Cujus studiosi avide expectabant promissam alteram AGOBARDI Operum editionem; gaudentes ejusdem doctissimi Viri cura & studio emendatas & excultas binis Voluminibus collectas, quæ dispersæ fuerant jam prodixisse INNOCENTII III. PONTIFICIS ROMANI

EPISTOLAS, quæ in sequentis mensis

Acta referentur.



ACTA ERUDITORUM

publicata Lipsia

Calendis Novembris Anno M DC LXXXII.

BEDÆ PRESBYTERI & FREDEGARII

*Scholastici concordia ad senioris Dagoberti definien-
dam Monarchia periodum, atque ad prima totius Regum Francorum
stirpis Chronologiam stabiliendam &c. Auctore Petro Franc.*

Chiffletio, Societatis Jesu Presbytero.

Parisiis, 1681. in 4.

Controversia quædam Chronologica de annis Dagoberti I Fran-
corum Regis, inter eruditos non ita pridem agitari cœpta, opus
hoc edendi occasionem doctissimo Auctori præbuit. Etsi enim ex
Fredegario, *Aimoino*, atque aliis certo constat, anno regni sui decimo
sexto Dagobertum illum profluvio ventris extinctum: non tamen,
quo post orbem redemptum anno obierit, æque liquet; aliis in annum
644, aliis in 638 mortem ejus referentibus. Nempe cum Dagober-
tus vivo adhuc patre Clotario, Austrasiæ regnum jam anno 622 ad-
ierit, dubium est, num sedecim illi Regni Dagobertini anni, quos
Fredegarius & ex eo alii memorant, a morte patris Clotarii, quæ in
annum 628 incidit, numerandi sint, an ab exordio potius regni Au-
strasiensis superstite adhuc patre suscepti. Nam ex priori hypothesi
sequitur, ineunte demum anno 644: ex posteriori, jam anno 638 Da-
gobertum e vivis excessisse. Et prior quidem sententia communis
fuit, omniumque recentioris ævi scriptorum comprobata calculo,
donec primus in eam *Hadrianus Valesius Libro XLIX Rerum Franci-
carum* insurrexit, eandemque post illum *Carolus le Cointe in Annalibus
Ecclesiasticis Francorum, tomo II, III, & IV*, nec non *Job. Mabillonius in
Præfatione tomis secundi Sanctorum Ordinis S. Benedicti, & in Præfatio-
ne Seculi quarti Benedictini*, oppugnarunt, ac in primis *Hermannus
Contractus in Chronico auctiore*, quod *Henr. Canisius tomo 1. Antiq. Le-*

T:

tion,

Bion. edidit, auctoritate subnixi, rejecta priori, posteriorem hypothesin adstruere sustinuerunt. Ea itaque res tanti visa Auctori nostro fuit, ut sententiam communem excutiendam accuratius, & adversus clarissimos hosce Triumviros peculiari Dissertatione propugnandam censuerit: qua ipsa *Fredegarium* primum, quo male intellecto *Hermanum Contractum* in errorem olim lapsum, nuperque memoratos supra viros precipites secum egisse contendit, sic explicat, ut vulgarem hypothesein firmare potius, quam labefactare videatur; eandemque porro & aliorum auctoritate, & argumentis quam plurimis, tum ex gestis contemporaneis, tum ex secutorum temporum contextu depromtis comprobare nititur; cometa etiam qui anno Christi 677 per tres menses orbe toto spectatus est, in subsidium vocato. Qua occasione, inserta etiam Dissertationi *Vita S. Baboleni Auctore Anonymo*, quam mutilam *primo Historia Francica Tomo Andreas du Chesne* ediderat, ac notis illustrata, id agit Auctor, ut totius prope septimi a Christo nato seculi Chronologiam, impeditiissimam utique in *Francica Historia* ac difficillimam, expediat stabiliatque, ac lectori adeo non tam Disputatiunculam de sex vitæ annis Dagoberto seu detrahendis, seu vindicandis, exhibeat, quam restitutæ seculi integri Chronologia, lucisque Francorum Annalibus tam ecclesiasticis, quam civilibus passim affusæ gloriam reporter. Denique Dissertationi huic Appendicem de *S. Dionysio Areopagita & S. Genovesa Parisiorum patronis*, subjunxit Chiffetius, ac in ea *vitam S. Genovesæ Auctore Anonymo*, sed qui texten ab ejus obitu annis scripisse dicitur, ex pervetusto codice, notis suis illustratam, non alio instituto, quam ut *S. Genovesæ* testimonio suum *Parisienfis Arcopagitæ* assereret: tenax nimirum sententiæ, quam de uno *Dionysio, primum Arcopagita & Episcopo Atheniensi, tum deinde Parisiensium Apostolo & Martyre*, jam ante cum *Germano Milleso, Joanne Samblacato, Hugone Menardo, Petro Halloix, Natali Alexandro*, aliisque, adversus *Jacobum Sirmondum & Joannem Lannoium*, qui *Dionysium Arcopagitam Atheniensium Episcopum*, a *Dionysio Parisiensium Episcopo* longe diversum fuisse eruditis scriptis docuerunt, defendendam peculiari Dissertatione, sed cui a *Lannoio* pridem responsum est, succiperat.

Cæterum cum in hac Disquisitione *Bede Presbyteri*, quem *Venerabilem* vocant, appellanda subinde auctoritas esset, ejusque cum

Fre-

Fredegario concordia circa hoc negotium demonstranda: in *Chiffletii* vero manus *Historia* illius *Ecclesiastica gentis Anglorum*, tum codices manuscripti alii, tum vetustissimus S. Maximini Trevirensis pervenissent; novam *Historia* illius editionem adornandam sibi, & *Dissertationi* de annis *Dagoberti* præmittendam censuit. Atque ea una cum *præliminari Dissertatione de Bedæque ætate, ac vero obitus anno*, nec non *Cuthberti ad Cuthbrvinum Epistola*, ex qua anno 761 eum obiisse constat, ac *Chiffletii in Bedam notæ*, primam hujus operis partem constituit; estque nova hæc *Ecclesiastica* illius gentis *Anglorum Historia* editio, ut *Auctor* ipse prædicat, tum aliis omnibus, tum *Heidelbergensi* quoque anni 1587, & *Cantabrigiensi* anni 1644, quas accuratissimas hactenus habuimus, emendatior, nuncque demum primævo nitore suo restituta,

DISQUISITIO THEOLOGICA DE SANGUINE Corporis Christi post resurrectionem, ad

Epistolam 146. S. Augustini.

Autore Theologo Parisiensi, Metropolitana

Senonensis Ecclesiæ Decano.

Parisiis, 1681. in 8.

Disquisitio hæc *Jacobum Boileau*, Facultatis Theologicæ Parisiensis Doctorem & Socium Sorbonicum, nec non Metropolitanæ Senonensis Ecclesiæ Decanum, autorem habens, opponitur *Petro Allixio* Reformata, quæ vulgo sic dicitur, Religionis apud Charentonios Ministros, qui A. 1680 ejusdem argumenti disquisitionem eo consilio ediderat, ut doctrinam de reali Corporis & Sanguinis Christi in Sacramento Cœnæ præsentia Ecclesiæ primitivæ ignotam fuisse, ex ista Augustini epistola Lectoribus suis persuadere posset. Enim vero inter varias quæstiones, quas Consentius quidam Augustino diluendas per epistolam proposuit, primo loco hæc occurrit: *Utrum nunc corpus Domini ossa & sanguinem habeat?* Quam quæstionem *Augustinus* in epistola 146, qua Consentio respondet, discutere delectat, his inter alia verbis utens: *fides adstet, & nulla quæstio remanebit, nisi forte de sanguine requirendum est, quia cum (Christus) dixisset: palpare & videte, quia Spiritus carnem*

T t 2

& ossa

& ossa non habet, non addidit sanguinem. Non ergo & nos addamus inquirere, quod ille non addidit dicere, & de compendio, si placet, finita sit quaestio &c. Ex quo praedictus Autor infert, incredibile videri, quod Hipponensis ille Praesul & Consentius, quem itidem Episcopali dignitate praeditum fuisse suspicatur, realem sanguinis Christi in Coena praesentiam crediderint, cum, si illam firmiter credidissent, neque Consentius quaestionem hanc tam dubitanter proponere, nec Augustinus tam trepide ad eam respondere potuisset. Cui argumento ut pondus addat, non modo Augustinum de sanguine Christi redivivi dubitasse, aut aliis saltem liberum dubitandi locum reliquisse, sed plures etiam Ecclesiae Doctores, quorum testimonia longo agmine adducit, *Athenagoram, Clementem Alexandrinum, Origenem, Hilarium Pictaviensem, Gregorium Nazianzenum, & Nyssenum, Palladium, Basilium Magnum, Athanasium, Theodoretum, Chrysostomum, Synesium, Maximum, Damascenum, & integra Concilia, Constantinopolitana scilicet A. 754 celebratum, & Nicenum II, Christi corpus post resurrectionem aereum & exangue statuisse, probare nititur. Hanc vero disquisitionem Metropolitanæ Senonensis Ecclesiae Decanus ex professo confutandam sibi sumit; ac primum quæ Augustini de Christi sanguine sententia fuerit, & cur in Epistola ad Consentium, quam Benedictini Monachi Congregationis S. Mauri in nova Augustini editione A. 420 scriptam esse censuerunt, & ad numerum CCV retulerunt, decisionem quaestionis a Consensio propositæ declinaverit, ostendit. Deinde Athenagoræ & reliquorum modo memoratorum Patrum testimonia ad examen revocat, eosque a sententia corporis aerei & sanguine vacui alienos fuisse demonstrat. Tum ideam futuræ resurrectionis, quam S. Scriptura efformat, cum opinione ista, quæ glorificatis corporibus sanguinem adimit, minime convenire animadvertit, & subjectis *Ignatii, Hippolyti, Minutii Felicis* & aliorum quorundam Patrum sententiis concludit, Ecclesiae Doctores nunquam corpora nostra post resurrectionem aerea & exanguia fore censuisse, & si Doctores quidam in contrariam sententiam ivisse demonstrantur, dubitandi locum non relinqui, quin opinio eorum insolens, Scripturae contraria & in Ecclesia intolerabilis visa fuerit. Tandem vero opinionis ejus, quæ Christo corpus sanguine destitutum & in aerem diffusum tribuit, originem & progressum recenset, infantiam & prima ejus incunabula ad *Osiandrum**

drum & *Calvinum* referens, cum *Osiander* sanguinem a Christo effusum non in venas rediisse, sed computruisse sibi persuaserit, & *Calvinus*, quamvis *Osiandrum* satyrico sale defricet, ab ea tamen sententia haud fuerit alienus, ejus rei testem *Vossium in thesibus Theologicis & Historicis* allegat. Et *Vossius* quidem inter patronos ejus opinionis etiam *Dominicum Dominicanum* Episcopum *Torcellanum* & *Brixianum* retulit, ut qui ante sesquiseculum quaestionem illam de Christi sanguine ancipiti lance librari posse, libro de sanguine Christi dedita opera scripto ostenderit. Verum hoc Autor disquisitionis hujus negat, cum *Dominicus* ille de *Dominicis*, Scholastica quadam contentione circa articulum de sanguinis Christi unione cum Deitate inter *Franciscanos* & *Dominicanos* oborta, lucubrationem quidem de ea quaestione *Aeneas Sylvius* seu *Pio II* inscripserit, at de vero Christi sanguine, quod ex ista lucubratione haud difficulter pateat, minime dubitaverit. Igitur ab *Osiandro* & *Calvino* ad *Edmundum Albertinum* progreditur, in cujus libris de Eucharistia opinionem de exanguis Christi corpore ad pubertatem pervenisse censet; ubi simul ea, quae circa controversiam de concomitantia sanguinis Christi, cum *Fr. Amante Brixiano* in Concilio Tridentino gesta sunt, & *Paulo Servino*, qui sub *Petri Suavis* nomine latet, & *Pallavicino* obiter memorat. Postremo adolescentiam ejus opinionis Historiae Eucharisticae Gallico sermone conscriptae Auctori, cui nomen est *Larrogus*, virilem vero aetatem & fortasse senium *Petro Allixio* tribuit, quem disquisitionis a se impugnatae Autorem esse sibi firmiter persuadet, & quem cum sociis ex penuria argumentorum, contra realem corporis & sanguinis Christi in Coena praesentiam quaestorum, ad extrema haec, sed infirma laborantis causa praesidia adactum judicat.

CASPARI KNITTEL Æ SOCIETATE JESU

Via Regia ad omnes Scientias & Artes.

Pragae, Anno 1682 in 8.

Ipsa quidem scientiarum & artium genera unius in compendii formam redigere non propositum hic est Auctori; regiam modo viam monstrare hoc scripto voluit, ad arcana singularium facilius perveniendi; seu universalem methodum potius in cujusvis disciplinae probe

observandam studio. Decem vero partibus veluti quibusdam intervallis Via universa distinguitur.

Postquam enim possibilem ejusmodi artis existentiam ex *Praedicamentis* Pythagoræ, ex Aristotelis *Logica*, ex *Arte Mirabili* Raymundi Lullii, ex *Syntaxi Artis Mirabilis* Gregorii Tolosani, ex *Typo Omnium Scientiarum* Ægidii Moncurtii, ex *Arte Cyclognomica* Cornelii Gemmæ, ex *Methodo Mirifica* Petri Sanchez, ex *Digesto Sapientia* Ivonis Parisini, ex *Instauratione nova novoque Organo* Francisci de Verulamio, ex *Pharo Scientiarum* Sebastiani Izquierdi, ex *Arte Magna Sciendi* Athanasii Kircheri, & similibus suafisset in parte prima;

In *secunda* proponit artificium combinandi res quocunque: quemadmodum in *tertia*, easdem comparandi, seu analogias rerum, similitudines & dissimilitudines inveniendi. Hisce duabus enim alis instructum, in ardua quarumvis facile arrium evolare posse persuasus est. Et Combinatoriam quidem istam in Anagrammaticam discescit, Algebraicam, Elementarem, & aliam quæ edoceat, quoties artis, aut scientiæ cujuslibet principia, terminos, propositiones, syllogismos combinare fas sit. Hinc quot inter se modis permutari, quocunque numeri res possint ex multiplicandi ostendit lege; a rerum interim permutatione, combinationem earundem discernens, fructusque varios enumerans, quos in locis Dialecticis, in modis figurisque syllogisticis, in corporum primis qualitatibus constituendis Aristoteli; in extruendis vocabulorum anagrammatis, Poetis: Kircheri in Musarithmica, in Polygraphia Universalis, in Arca Mathematica, in Artificio mirifico linguarum, in Physiognomico, Medico, Chymico, aliisque arcanis inveniendis, præstitisset hæc ipsa *Combinatoria*.

Analogicam deinde exemplis illustrat, universali maxime, a tribus petito mundis, nexu continuo copulatis. *Majoris* enim cognitioni intentum contemplari *minorem* jubet, & vice commutata: *medii* vero, id est, Politici orbis notitiam anhelantem, alterutrum, aut utrumque percurrere, & in cunctis singula per analogiam applicare singulis: Ita fore, ut omnia in omnibus, & in singulis singula reperiantur proportionaliter. Jam quantum hoc genus artis scientiis commodet, cum addiscendis tum inveniendis, quibusve de causis id præ-

id præstet, edisserit: nec non quomodo unius Scientiæ principia ad aliam trahi possint & applicari; Medica v. g. ad Politicam, Metaphysica ad Physicam, proprietates puncti ad DEUM, qualitates Solis ad cuncta divinæ humanæque Sapientiæ semina.

Quarta parte Universalem sciendi artem persequitur, Hebræorum, ex alphabero; & Pythagoricorum, e numeris Scientiarum omnium secreta indagantium. Ubi de vanitate hujus artis, de Cabala Hebræorum falsa, ut & genuina; de abusu divinorum nominum apud Hebræos; de Cabala Pythagoricorum, de Prædicamentis Pythagoræ, eorumque origine & obscuritate, plura afferuntur.

Quinta sistit Aristotelicam, e Logicis Philosophi libris sic deductam, ut quantum doctrina unaquæque Organo comprehensa in universalis hujus artis usum conferre possit, nervose ostendatur. Lullianam examinat parte *sexta*, ejusdemque non synopsis modo tradit & praxin, sed defectus quoque varios, inutilem eam efficientes: *Septima*, Lulliano-Kircherianam cum fundamentis suis & principiis, universalibus subjectis, usu, & addiscendi eam ratione.

Octava delineat Autor tironi propriam. Analytico-Syntheticam dixit, seu Resolutorio-Compositoriam, quod Analysis & Synthesis, hoc est, resolutio quaesiti in aliqua principia, & probatio ejusdem ex principiis, nec non deductio ejus ad impossibile aliquod, utramque paginam hic faciant, sive in probanda thesi versetur, sive in oppugnanda. Deducere autem dicto jam modo consequentias ex re oblata cum difficile tironi videatur, perlustrare eundem propositi prædicatum jubet & subjectum, nec definire modo utrumque, sed etiam dividere: qua occasione adminicula ad utrumque præstandum varia, nec contemnenda, eidem subjicit, nullumve causæ genus ostendit esse, cujus ope rem explicare, nec ullum dari prædicamentum, cujus beneficio rem dividere non liceat.

Præcepta artis hunc in modum tradita, *Nona* parte magno illustrantur, ne de universali praxi quis dubitet, exemplorum cumulo, de promotorum & Scriptura Sacra, Theologia Scholastica, Polemica, & Morali; ex Jure Canonico, & Civili; ex arte Medica, & Chymica; ex Metaphysica, Physica & Logica; ex Ethica, Oeconomica, & Politica, nec non Mathematicis; ex Rhetorica, ac Poetica; ex Agricultura deniq; & arte molitoria.

Extremum Regia hujus viæ praxes exhibet non parum curiosas, viginti septem numero, expeditè diffuseque discurrendi, disputandi, quæ-

quærendi, respondendi, scribendi, argumentandi &c. de quocunque themate, juxta artium hucusque propositarum, Analogicæ cumprimis, ductum institutas. Quas inter loco non postremo habendus est partus ille artis analogicæ satis ingenii habens & festivitatis plurimum, qui modum non unum nobis præbet de quocunque themate concionandi perorandique ex tempore, & pro eodem ex omni prorsus verbo, etiam minimo, non inveniendi tantum argumenta, sed memoriæ quoque imprimendi. Septem quippe argumenta dicendi de *Humilitate* v. g. quam sit accepta DEO, derivat, nec invita adeo Minerva, ex Virgiliani versus vocibus: *Ille ego, qui quondam gracili modulatus avena*, pag. 376. seqq. Rursus diversa de *immaculata Conceptione* discendi argumenta ex illo Grammaticorum, *Que maribus solum tribuuntur, mascula sunt*, & quidem e singulis ordine verbis, arripit, p. 392. Sic de *laude Principis* acturo, materiam vculæ sex, in Orationis Dominicæ præfatione contentæ suggerunt: de *Charitate*, octo argumenta illud Psalmi, *Dixit Dominus Domino meo: sede a dexteris meis*, supeditat. Postremo *Viri Sapientis laudes* ex analogia, h. e. similitudine & dissimilitudine, quæ illi cum re prorsus disparata, v. g. cum fornace est, non absurde deducit, quo scil. probatum det, nullum sibi thema proponi posse, de quo aptam dicendi materiam capere non queat, ex verbulo quolibet, & ex re quacunque, utur diversissima.

Quæ sub finem adjecta huic Viæ legitur Mantissa, theses aliquot Philosophicas cum curiosis incidentibus continet, in *Disputatione* quadam pro suprema Philosophiæ laurea a perillustri Juvene, Præside Autore, propugnatas & defensas.

**Samuelis Pufendorff Einleitung zu der Historia
der vornehmsten Reiche und Staaten / so ieziger Zeit
in Europa sich finden.**

**SAMUELIS PUFENDORFII INTRODUCTIO
in Historiam præcipuorum Imperiorum ac Rerum publicarum,
qua in Europa hoc tempore existunt.**

Francofurti ad Mœnum, apud J. F. Knochium, anno 1682. in 8.

In scha-

IN scholis quidem hactenus opinio invaluit, studiosæ Juventuti veteris historiæ Scriptores potissimum proponendos esse, ut quæ olim post Chaldaeos & Persas, a Græcis & Romanis gesta leguntur, cognoscant, neglecto fere recentis historiæ studio. Sed errorem hunc confutavit nuper *Vir præclarus ingenii monumentis celeberrimus, Dn. Samuel Pufendorfius, S.R. Majestatis Suecicae Conjugis Serenissimæ Secretarius & Historiogomphus Regius*, qui in gratiam privatorum discipulorum, quos in Academiis olim habuerat illustres, hanc *Introductionem in historiâ recentem* composuit, quam cum alii Scriptoris nobilissimi fama allecti, passim describerent, & eam inconsulto Autore typis exscribere publicis molirentur, ipse prius eandem jam in Suecicâ linguam translatam revidens, eo idiomate, quo conceperat primum, hoc est, Germanico, in patria sua publicari voluit. Quo ut præclare de historiæ & prudentiæ civilis studio meritus est; ita ipsi gratiam haut minorem debent historiæ Ecclesiasticæ ac S. Theologiæ cultores. Nam ultimo capite, quod est *duodecimum*, Pontificis R. ac Monarchiæ Ecclesiasticæ statum in compendio solertissime delineat; totam scilicet ejus ætatem percensens, ut cœperit, utque adoleverit, ut quasi ad quandam robustam maturitatem pervenerit, & ut postea ævo superiori velut consenuerit, ac D. Luthero divinum reformationis opus aggresso, iterum decreverit. Status rationem, ac interesse quod vocant Cleri Pontificii, accurate similiter annotavit, dum arcanas doctrinæ Pontificiæ rationes indagavit atque exposuit. Utilissimam hanc libri partem ante paucos annos non-nemo infcio autore, Lipsiæ & Hamburgi, sub *Rasili Hyperetæ* nomine imprimi curaverat, quam nunc autor doctissimus operi suo, unde quasi resecta fuerat, mutatis quibusdam locis, asseruit. *Status civiles Europæ* eo ordine, quo a quibusdam Geographis sistuntur, describit; præmissa in I. *Cap.* dissertatione erudita de originibus regnorum ac fatiis diversis Monarchiarum quatuor, imprimis Romanæ. Inde digressus *Cap. II.* Regnum Hispaniæ, *C. III.* Portugalliæ, *C. IV.* Angliæ, *C. V.* Galliæ, *C. VI.* Statum fœderati Belgii, *VII.* Remp. Helveticorum, *VIII.* Imperium Germanicum, *IX.* Daniæ, *X.* Poloniæ, *XI.* Moscoviæ & *XII.* Statum R. Papæ recenset. Quod dum optima autorum fide nixus, procul habito partium studio præstat, cujusque simul nationis indolem ac characteres, formam regiminis, vires & interesse, quod vocant, politicum, juxta communis prudentiæ re-

Uu

gulas

gulas observat atque declarat. Majus posthac opus, quo historiam belli & pacis Germanica complectitur, ab ipso orbis eruditus expectat, quod ut absolvat feliciter, optamus.

*EXCERPTUM EX EPISTOLA DN. SIGISMUN-
DI KONIG M. D. & Inclytæ Reipublicæ Bernensis
in Helvetia Physici, ad Dn. Robertum Hooek, Regia Societati Anglicæ &
Secretiæ, 2. Cal. Octobr. a. 1681 data, monstri cujusdam morbi, admi-
randorumq; symptomatum Historiam à Vice Collegii Medici Ber-
nensis, aliorumque, nec non auctoritate & directione
Magistratus certissimam complexa.*

Ex Collectionibus Philosophicis Anglicanis no. 2.
anni 1681^r p. 68. seqq.

Margareta Lauvonn, secus iuxta, Filia circiter ætatis annorum viginti quinque, honestis parentibus legitimo toro nata, Orthodoxia in sinu Ecclesiæ hujus enutrita, nostra concivis, modeste vivens, anno periodi suæ vigesimo primo, qui seculi fuit septuagesimus octavus, tempore verno mensruis deficientibus incidit in varios cruciatus acerbissimosque dolores, hinc inde jam supernas, jam infernas, jam dexteras, jam sinistras corporis partes infestantes, variis subito sæpius ad palmæ latitudinem erumpentibus vesicis, limpida plenis, ardentissimæque flagrantibus, ut ignem sacrum subesse putares; & cito nisi dissecarentur, evasit dolor intolerabilis, mentemque deturbans; moxque sedatis ex una, fit eruptio ex altera parte. In his mitigandis & curandis cum detenti in Nosocomio Clementissimi Magistratus (Insula dicto) omnem operam cuncti navaremus, causam tanti mali ad acrimoniam lymphatici humoris singularem, & vim illi inglandulis subcutaneis stypticam impressam, ideoque coagulatum reflucere non potentem referentes, quæcunque ars & methodus docent in demulcendo, dissolvendo, avertendo & vacuando isto humore; adhibebamus, pleraque frustra; dum tandem ratione & analogia ducti ad pyralissimum mercurialem confugimus, cujus effectus respondit: sicque post octimessem curam mense Martio anno septuagesimo nono e Nosocomio viribus restitutis dimissa ad usum feri lactis caprilli chalybeati relegabatur.

Abhinc

Abhinc integre valuit ad tertiam *Januarii* anni octuagesimi, omnibus functionibus suis incumbens, qua ipsa vesicarum eruptione iterum vexari, auxiliatricesque ac beneficas manus summi Magistratus in Nosocomio expetere cœpit, qua ejusdem quinta porrecta, omnis cardo in eo versabatur, ut præcedenti methodo de pyralismo inniteretur; sed omnibus ante opus esse voluit ad ejusmodi majorum & arduorum remediorum usum corpus disponere, in quod intentis non tamen mota catharsi, sit momentanea a circumferentia in centrum, ab exterioribus in ima penetralia decima quinta dicti mensis humorum reductio, subito omnes evanescent vesicæ, adeo arte curi se infigit cuticula, ne vestigia præcedentium permanerint, ex qua veloci revulsione cum nihil boni ominatus, etsi ægrota Deo hymnum cantaret pro divina subitanea e summis cruciatibus liberatione, sed decubitum acrium humorum in viscus aliquod nobile veritus, licet quinque dies *ἰσχυρὰ* summam ægra percipiebat, nusquam tamen destitit discutientia & diaphoretica temperata propinare, recidivæ vel majoris mali metu.

Evenit vigesima hujus lerna malorum & omnis judicii illusio, querebatur dolorem lumborum, vesicæ, perinæ & inguinum, cum virium prostratione, inappetentia, nausea, notabili inflammatione, & sanguinis *ἰσχυρὰ*, retentione urinæ, pulsu celeri & intercepto, unde nephritidem concludere erat necesse: quapropter secta vena præparatur ex nephriticis & frigidis seminibus blanda emulsio, injicitur clisma ex emollientibus frigidis paregoricis, mox injectum, omnium stupore, horæ intra quadrantem rejicitur per os; repetitur idem & superne rejicitur idem cum quantitate instar topi lapillorum ad unciam semis, nullis unquam excrementis permixtis. Fiunt infessus, semicupia, applicantur vesicatoria artubus ad humoris noxii revulsionem, anodyna & resolventia lumbis & pubi; repetitur ob æstuantia viscera venæ sectio, sanguis apparet rubicundus, inspidus, cum paucis sero subflavo, cito concretus; remittit febris; propinquantur ex pulpis decocta solutiva, quæ tamen cuncta cum jusculis, aut aliis assumptis vomendo quantitatem lapidum, mox duriorum instar silicis, & frustra corticum marmori albo simillima durissima rejectit. Iterum transitur ad clismata, pari ut dictum successu per superiora, nisi quod quantitas lapidum excretorum augetur, & ut priores exigui pisorum instar, hi

avellanas minores nuces, quas tamen mox excedebant, magnitudine æquabant. Vesica summo dolore mejendique desiderio premebatur, applicato cathetere ne gutta fluxit, inhærebat ipse velut glutini infusus, ut vi retrahi debuerit, nobisque tangentibus vesicam mucore repletam declaravit. Susplicabamur non immerito, in renibus & vesica glandulisque mesenterii generari calculos, prout in ventriculo & intestinis *auso* *scia* docuit. Venter in aliquam, non tamen nimiam molem, cum oppressione præcordiorum & spirandi difficultate intumuerat, acutissimum dolorem pungentem & lancinantem in regione dextri renis & sinistri hypochondrii ferens; fragor invicem allidentium lapidum vel admota manu vel citato vomitu audiebatur, in hunc usque diem durans; ac in enixu sæpius observatum, lapillos contractos ab aliis intus restantibus avulsos esse; sed quod maximum est, toto durante morbo, ægra *εὐσπυκη*, bene colorata, facie florida mansit. Nitebamur itaque omni nervo humorum concretionem impedire, & concretos dissolvere, varia menstrua quærentes in volatilibus martiatis & urinosis, sed extra spiritum nitri in usum vocatum nullum dissolutione efficax esse potuit; & his juxta alia auxilia adhibitis, ut interjectione in vesicam ex variis decoctis tam de mineralibus, quam expressis plantarum succis, persicariæ, &c. ad mucosæ illius substantiæ in vesica dissolutionem, nil tamen obtinere; sed mox anodynis ob exquisitissimum sensum, mirum in isto muco, concurrere necesse habuimus. Tandem secunda & duodecima *Februarii* extrahebantur Cathetere circiter urina viridis & crassæ uncia quatuor; cibus abhinc paucus, nullaque sitis urgebat. Interim cum unum alterumve cochlear juris carniæ vel hordeati, aut alterius sordilis medicamenti vi caperet, repente revomit de die bis, ter, lapillorum circiter unciam semis ad drachmas sex, plus minus, ad decimam quartam usque. A qua ad sextam decimam *Junii* elapsos quatuor menses, nec edit, nec bibit, sed quamprimum solum cochlear brodii propinaretur, statim vomitu cruento expuit lapillorum majorem quam antea copiam, ut cruciatus contra ipsius voluntatem irritando, omni offerendo cibo potuque abstinere hoc tempore debuerimus. Mansit itaque ægra totum quadrimestre abstemia, non edens, non bibens, non sumens remedii quicquam, quam quinto sextove die cochlear exiguum olei amygdalarum dulcium spiritu nitri imprægnatum, quod optimum solvens in hoc affectu repertum, ægræque supra alia, remedii genus acceptum erat, ut uncias novem ad decem

cem hoc integro tempore adsumferit. Alvus hæcenus constricta manens, quum varie clismatibus tentaretur, semper singula sursum rejiciebantur, lapillis varii generis, albicantibus, rufis, griseis, asperis, lavioribus, mollioribus, durioribus magna mole comitantibus; mox homogeneis uniusque substantiæ, rophis, silicibus, crustis marmoreis; mox heterogeneis, compositis ex cemento cum silicibus; horum alii cruore; alii muco chyloso obducti, alii omni aliena admisione immunes excernebantur; dysuria premebat, sed non nisi de decima ad duodecimam mane, licet tertia quavis die cathetere injecto, ad uncias duas vel tres pro vice ad summum & mucosæ viridis urinæ elici possit, cum alius liquor, quam qui per clismata, suppeditatus non fuerit. Attamen his intermediis nullo immutato neque in victu, cum nullum sumpsisset, neque in remedio, cum aliud tolerare non posset, & urina sexto *Aprilis* solveretur, uncia tres fluxerunt cæruleæ translucida & tenues, saturate coloratæ, nec verò ultra durarunt; siquidem 17. urina iterum subviridis & media parte dissoluta sabulo griseo impleta matula apparuit, unde dissolutio tartari argumentum mox evanescens, cum symptomata doloresque adeo ingravescerent, ut mentem sede moverent, hinc deliria, mox stupor, risus & cantilenæ, febris absque sensu, mox atrocissimus lumborum dolor, ut de punctione conquerenti si cultellus ægræ admissus fuisset, ipsa intrudisset. Tandem his symptomatibus perversis capti, rati sumus quocunque modo illud corpus movere, quapropter gr. 2. Mercurii vitæ in aqua frigida fontana soluti 29. *Aprilis*, ut & gr. 3. 2. *Maji* propinavi, non alio successu, quam quod drachmas septem lapillorum duobus motibus evomuerit. Inde octava *Mercurii* vivi in tanta alvi constipatione uncias quatuor, & ad solutionem tartareæ materiæ, & excitandum ptyalisimum, ut & 10. ejusdem, uncias sex propinavi, sed præterlapsus *Mercurius* anumque excidens, partim in lecto, partim in hypocausto recolligebatur, cujus quantitatem per intestina circulati mecum refervo. Quid ultra? Sic vita agebatur abstemia ad sextam decimam *Junii*, qua intestina aqua frigida eluere magna quantitate, in qua sal polycrestum solutum, statui, duas horas lecto me applicui, de quadrante in quadrantem uncias sex propinando, sic ut libras tres fontanæ biberit, os ipsi comprimens, vomitumque cohibens effeci, ut sub vesperam subsequa sit crassissimorum juxta & durissimorum alvi excrementorum.

dejectio, ad metum ruptionis tantopere anum distendentium, sic quod integris 4 mensibus varie & incassum remediis tentatum, una Aqua omnia fontana solvit: hic deliria remiserunt & appetitus refuscitatus: Ergo ad aquæ simplicis acidularumque usum balneaque transgressum, tertia die omnino reluctante iterum natura abstinuimus. Interim in *Novembrem* alvi dejectio quinta sextaque die pauca sed libera erat, intercidente vomitu, adeo ut calculi jam superne & inferne deicerentur, tantæ magnitudinis sæpius unus alterque drachmas duas non modo ponderabat, sed excedebat, quorum copia penes me; & facile conjicere est non absque cruore, asperos illos & acuminatos lapillos, summoque dolore dejici potuisse. Hoc intermedio tempore, *Septembri* quippe mense, cum ab eo quo rursus cibum licet paucum caperet, remediis aperitiis, diureticis, emmenagogis, ac diaphoreticis non destitissim, menses, ardentesque vesicæ quales prius, erupere: Unde spes λύσεως & μεταστροφῆς affulsit, ni cito omnia evanuisent, hæc tunc irreconciliabilia. Cumque abhinc ad quintam *Novembri* natura in sua μεταμορφώσῃ nihil immutasset, alvus iterum constipari, cordis vires opprimi, omniaque inversa viderentur; & ipsa prius in intestinis recondita excrementa sursum rejicerentur, spes omnis convalescentiæ cessit, sed divina gratia motus hic non nisi quinta, nona & quinta decima *Novembri* contigit, dum decocto solutivo ex pulpis natura immutasset; reducta in priorem statum alvo, urina semper suppressa, cum summa necessitas urgeret, quarta *Februarii* anni currentis injectus catheter nihil eduxit, sed mox expetita matula ægra urinæ subviridis & fæculentæ nixu parturientis omnium admiratione capta lib. 8. absque ullo tamen calculo eminxit; a quo vesica plane reclusa, loco descensus altero tertiove die urinæ graveolentis quantitatem unciarum iij. vel iiij. ad 16. *Mai* ore dejecit. A qua cum balneis fontanæque largo potu nitri spiritu permixto hac æstate uteretur, res eo devenit, ut facie florida incidere queat, modice comedat, urinam singulis claram subflavam cum tenui hypostasi, aliquando mucosam & cruentam ad *drachm. iij.* vel *drachm. v.* alvum vero quarta die sed paucam duramque deponat, subinde vomat, sed minorem longe quam antea lapidum quantitatem. Interim quod onus natura æsophago excreverat, nunc quoque vesica sæpius acutissimum lapillum excernendo reddit; Abdomen aliquantum, duritie in sinistro hypochondrio, dextraque lumborum regione

one dolente, remanente, tumens, contrectatum, obtusum strepitum allidentium lapidum edit.

Et ut calamitas nulla sola, sic fors contigit miseræ, ut gradus descendendo aliquot ceciderit, non humerum modo, sed & cubitum dextrum eum carpo quarta hujus dislocarit. At convalescens, singulare divinæ potentæ argumentum, vivit superstes, subjectum humanæ tragediæ & campus amplissimus exercendi ingenii.

Quam enim mirum est, hominem bene valentem in tarrarum subitō commutari?

Tartarum non unius, sed diversi generis, in imis penetralibus nasci?

Tanto pondere e corpore durum ejici, ut quinque libras lapilli, si omnes coacervassem nullique hinc inde distracti fuissent, ipseque communicassem, excessissent?

Tam diversæ a tophis podagricorum substantiæ? Cum hi e mucosa aeri exposita materia incrassentur, nostri vero resolvantur, quod de primis nolens observavi, cum scatulam e ventriculo excretorum aeri relinquendo expositam, in pollinem redacti sint: e contra in spiritum vini aliumve liquorem extra subtilem acidum immissi inducentur.

Quæ vesicarum protinus emergentium sub epidermide flagrantium & redeuntium causa?

Quæ ratio inversi peristaltici motus valvulæque intestinalis?

Quæ via ab ano ad œsophagum clismatibus excernendis data sit? cum diutissimis & crassissimis excrementis Colon cum Recto infarctum fuerit, ut enixus demonstrabat.

Quis iste mucus in vesica?

Quæ causæ colorum viridis & cærulei urinarum perspicui?

Quis locus retentæ urinæ dandus, cum antea cathetere nihil, dein naturæ imperiū summa & excedens quantitas fluxerit, mox cohibita?

Quæ via urinosi laticis per fauces regurgitandi?

Tandem quæ abstinentiæ causa, & unde corpus sine cibo & potu enutriatur?

Sed quomodo mysteria inter sua viscera natura sagax plurima recondat, Anatome si faxit Deus, nobis non pauca cum tempore patefaciet.

Obser-

*OBSERVATIONES QUÆDAM DE CALCULO
in Equo quodam reperto habitæ, & Regali So-
cietati exhibitæ, ab H. P. M. D. & R. S. S.*

Ex Collectionibus Philosophicis Anglicanis no. 7.

a. 1682. p. 191. sqq.

CUM non ita pridem honoratissimæ huic Societati, rerum rario-
rum studiosissimæ, immensæ molis calculum in villa *Lambertha-*
na, ex equi visceribus exemptum obtuleram, in mandatis tunc habui,
ejus & equi pleniorẽ historiam indagare, & exponere. Sunt qui
magno conamine & fastu rationes expediunt, quare res sit, cum ta-
men ea, si strictiori examine probetur, minime sit. Omnia quæ tunc
fuerunt acutiora torsit ingenia pueri dens aureus, cum non esset nisi
deauratus. E contra etiam Cl. Salmasius, vir in re literaria primi
nominis, sedulo causas quærit, quibus *Aristotelici Problematis* fidem
firmet, nullum animalium calculosum esse, præter hominem. Quip-
pe in cæteris animalibus majoribus præsertim vesicæ meatus laxiores
sunt, per quos terrenus, & crassior humor facilius & liberior exiret,
& inde ait mulieribus & puellis Calculos rarius nasci, quam in viris
& pueris. Atque inde insuper pueros frequentius Calculo laborare,
quam senes. Calculo autem Renum quadrupedes non esse obnoxios
argumento probat, ab ipso eorum statu, & positura ducto, qua sem-
per in terram prona sunt; unde humor ille corporis saccatus, qui per
Renes eorum transitum habet, non ibi moratur, nec desidet, sed qua-
si suspensus vix ibidem potest inhærescere. Tam versatile autem in-
genium est hominis, ut alii, cum jam constet Calculos etiam in qua-
drupedibus gigni, non solum has rationes nihil hic valere probent,
sed etiam ex altera parte stare, & in eam sententiam, quam firmare
videntur, e diametro prorsus pugnare. Patientiores enim qui sunt
in majoribus animalibus, quam in homine meatus, crassius admittunt
sabulum, & acinis confertim confluentibus liberiores aditum fa-
ciunt, quæ sese in itinere arripiunt &prehendunt, & in eam tandem
in vesica accrescunt molem, utpote cui per meatus urinarios mini-
me pateat exitus. Quod alteram partem spectat, humor iste in cor-
pore lixivialis in animalibus, quæ prono incessu pergunt, aptior
est

est conefcere, quia mora & otio torpescit, & inde viscosus evadit: in homine autem erecto serum sanguinis citatiori itinere quasi ex alto in renes defluit, nec inde in arenas coalescit. Sed hæc obiter: redeo ad id, quod in me suscepi. Erat Calculus pondere quatuor librarum, & totidem unciarum, magnitudine quasi capitis humani, & figura non multum abssimili, oblonga quidem, non tamen tam rotunda quam sima. Ea quæ quotidie & constanti lege fiunt, negligimus prorsus; in quibus aut errat, aut ludit Natura hæremus, & plane cæcutimus. Ut autem huic rei, in tenebris licet peractæ, aliqualis saltem lux affulgeat, rogo de calculi situ, de equi conditione, ætate, & an aliquo indicio constaret de sanguinis mictione, de urinæ difficultate, stillicidio, aut omnimoda suppressione. Vulgus autem hominum semper fere in his rebus incuriosum est; jumenta si in eo opere, quod severe exigunt, fideliter persistant, nihil ultra quærunt, nec aliud quicquam pensi habent. Ille qui Calculum exemerat, partium opinor earumque situs ignarus, asserit illum inventum esse inter vesicam & intestinum. Et tamen fortasse non totus a scopo & rei veritate aberravit. Calculus quippe ex una parte planus erat & lævigatus, utpote per quam urina continuo cursu non sine lucta & nixu, propter angustum illi relictum locum colata pertransierat; ex altera parte, quæ vesicæ incumbere & adhærere, asper & rugosus, lapidem bibulum referens, qui cum mole & pondere quotidie cresceret, instar lapidis molaris totam tandem corruperat teneram vesicæ tunicam, ut ejus nullum prorsus maneret vestigium. Et forte, si quis attente adverteret, ipsum fimum propter pondus intestino recto incumbens in aliam, quam qua solet, figuram compressam etiam cum difficultate excerni notaret. De equo dominus, sub quo per duodecim annos fido obsequio & labore meruerat, hæc retulit. Erat statura quindecim palmarum, destinatus pannis vehendis & revehendis, nunc sinceris, nunc coloribus infectis. In iis, quorum nulla certa constat ratio, omnia suspensa habentur. In pannis tingendis plurima petuntur ex mineralium familia, calcanthum, alumen, varique sales, & alia etiam cognatæ sortis ex animalium & vegetabilium classe, quorum etiam hic frequens usus est.

Panni his rebus infecti, & calentes ex puteis extracti in equum coacervantur, qui sub hoc onere gemit & fatiscit. Hic fortasse non

Xx

inepte

inepte quæri potest, an non ex his tam arcte pressis & coherentibus subtiliora exeant effluvia, quæ furtiva inspiratione attracta, aliquid saltem faciant ad calculi concretionem, & particulas salinas glutine quodam congregent, & uniant? Non parum momenti habet in fide huic conjecturæ faciendæ, quod liquor iste, quo tinctores sæpius utuntur, Spiritu vitriolico foetus concretionem maxime promovet. Quod videre est in pluribus Angliæ locis, ubi Spiritus iste obtinet, qui quicquid illi obviam fit arripit, ligna, testas, paleas, crusta lapidea involvit. Magna sæpe sunt ex minimis, diuturna præsertim consuetudine repetitis. Nisi hodie exolesceret prorsus opinio, quæ diu apud antiquos immota stetit, Renum scilicet calorem easdem in Calculo faciendo partes habere, quas ignis habet in lateribus coquendis, hic inprimis valeret, cum equus sub monte quidem pannoso, etiam dorso regioni imposito, quotidie laboraret, & anhelaret.

Tam religiose olim cavebant Veteres, ne intensus calor renes adureret, ut lumborum regionem laxo solummodo linteo defenderent, ita ut dorsum non pectus fenestratum gererent. Affirmat Salmasius, se pleurosqve vidisse, qui Calculum in Renibus solummodo contraxerant, quod mensa adsiderent obverso ad ignem tergo. Alio quidem respectu renibus inprimis nocet fervidior æstus, qui tamen Calculo, nisi materiam inveniat, quæ apta sit concrelescere, suum haut confert symbolum. Ab itineribus per aliquot annos Equus desueverat, ita ut nec ephippium nec sessorem sine summa lucta & protervia admitteret, quasi rectius & levius sederet solitum & quotidianum onus, novum autem maxime irritaret: aut provido sensu præfagiit, si ad iter se accingeret, onus, quod jam quasi in pulvinar, dum pedetentim pergit, quietum reclinabat, citatoris cursus exagitatione graviores cruciatus, & molestias daturum. Id quod sæpe videre est in hominibus Calculum filamentis quibusdam in æquilibrio suspensum diu sine magno incommodo gèlari, illis autem vehementi aliqua lucta & contentione ruptis in collum vesicæ prolapsum, unde acerrimus in tam tenera & sensibili parte dolor, quem misera mors excipit. Erat insuper Equo pro pabulo quotidiano fœnum aridum; herbosis & liberioribus pascuis per aliquot annos raro aut nunquam gaudebat, in quibus aut commune remedium inveniret, aut fortasse singulare aliquod seligeret, cujus vim & virtutem sensus & experientia comprobassent. Quidni enim eandem

eandem cum aliis animalibus demus solertiam? Canis cibis distentus & gravatus sedulo discurrit, & inter mille alia peculiare suum quaerit & eligit gramen, quo vomitu provocato ventriculum onere suo liberet & relevet. Cervus sagitta sauciatus ad suum statim festinat probatissimum in hoc casu dictamnum. Felis, sive male, sive bene se habeat, nepeta sua se relevat & recreat, quæ ideo de suo nomine catartaria, & mentha felina nuncupatur. Equus etiam hic bis quotannis, verno scilicet & autumnali tempore, macrescere, & in partibus posterioribus præcipue ita hebes & languidus fieri solebat, ut agre & vix pedes expediret, & post se traheret. Gravi scilicet onere oppressi fatiscunt spiritus. Ita sæpe videre est membrum aliquod graviore istu contusum, & spiritibus destitutum atrophia tabescere, & inutile fieri pondus. Octo autem aut decem ante mortem dies urinam minime reddidit, Calculo scilicet ita omnem capacitatem opplente, ut nullus daretur urinæ transitus. In solum jam se projicit, se verberat, volvit revolvitque, terram pedibus proscindit, & omni, qua potest vehementia, acutissimi doloris exprimit sensum. Sed quod magis adhuc mirum est, per totum illud tempus, quo urina non profluxit, etiam oblaram aquam pertinaciter averfatus est. Quasi ex ipso Naturæ instinctu sentiret, aquas, si non transeant, altiores assurgere, & longe graviora creare tormina. Cum miram hanc calculi historiam pro unica propemodum haberem, omnibus fere numeris occurrat eadem in libro cui titulus, *Le Journal de Scavans*, Gallico idioma te scripto. Hæc si raritatem minuat, talem tamen Calculum dari posse firmat fidem.

DEL CHIACCIO, è DELLA COAGULA-

tione Trattati, del P. Daniello Bartoli, della Compagnia di

Giesu. Roma. 1681. in 4.

hoc est:

Danielis Bartoli, Soc. Jes. Tractatus de Glacie
& Coagulatione. Romæ 1861. in 4.

Inclaruit jam Autoris præsentis notitia Physica, edito non solum *Venetis in 12. anno 1678.* eleganti Dialogo, in quo Tensio & Pressio differunt inter se, cujus potentia argentum vivum in phialis vacuis

Xx 2

fusilinea-

sustineatur, sed & anno 1680 Bononiæ in quarto, integro volumine de *sono & tremoribus harmonicis, & de auditu*. Sequitur jam præsens Scriptum binos in tractatus distributum, quorum prior circa modum glaciationis, circa modos coagulationis posterior occupatus est. Sectatur equidem Autor in suis principiis ubique *Peripatistum*; simul tamen haud obscure colligi potest, modernorum scriptorum, præsertim qui experimentalis Philosophiæ laude cluent, diligentem admodum & lectorem & examinatore laboriosum illum ipsum existere.

Præmissa ergo proluxa Introductione, in qua Deum operibus naturæ etiam minimis, ingeniorum nostrorum arrogantiam deprimere ostendit; Cap. 7. nervum totius Tractatus primi tangit, duas quæstiones, quasi cardinales, in eodem principaliter tractandas, præmonendo: 1. *An congelatio aquæ fiat per condensationem secundum Aristotelem, an vero per rarefactionem?* 2. *An sola potentia frigidi & sicci glaciem efficiat, an vero præterea tertium quoddam, sive vapores, sive spiritus, sive atomi, a quibus quasi coaguletur aqua in glaciem, requiratur?* Pro harum itaque decisione probabiliore, mox sub libri frontispicio duo insignia quasi impedimenta, binas scilicet opiniones doctas & ingeniosas, de modo congelationis, removet, *Francisci* nempe *Vallesii*, Med. & Philos. & *Rob. Boylei*, Nob. Angli, quorum uterque, ex oppositis licet penitus principiis, tandem concludat, glaciem ex aqua a se ipsa oriri, sive per naturalem quandam consequentiam, h. e. necessarium causarum subordinatarum fluxum. *Vallesii* quod attinet sententiam in *Philos. Sacra*, aquam ceu summum in Natura frigidum, natura congelationem appetere, seu ad eam inclinare, cum frigus congelans summo isto seu primo frigido intensius esse nequeat, eandem cap. 1. propositam, 3. refutat, postquam c. 2. male ac non sufficienter argumentis *Cartesii* impugnari illam, docuisset. *Boylei* vero hypothesein, aquam ex parvis particulis corpus non tam continuum quam contiguum constituere, ita ut particulæ istæ in continuo sint motu & agitatione, qua undecunque cessante, glacies per quietem immediate generetur, quoad tria hæc præsupposita & examinat, & pariter c. 4. 5. 6. 7. rejicit.

His ita excussis, ad ipsa congelationis phænomena propius accedit, recensendo 22 experientias sive observationes principales, totidem capitibus comprehensas, circa glaciei proprietates & congelandi modos, ab aliis, ut plurimum modernis, iisque fide dignis & experimenterum

mentorū fulcro innixis scriptoribus, annotatas partim, partim & communicatas, quas accurate semper ventilat & examinat: quo eo melius inoffenso pede ad quæstiones istas decidendas pergere queat.

Capite ergo 31, pro prima ista cardinali quæstione, ex Peripato concludit, *condensari aquam sub sui congelatione, non vero rareferi*. Cum enim rarefactio sit, dum eadem materia, citra alterius materie superventum, dilatatur, & in majorem quantitatem distrahitur, sub aquæ vero glaciatione, copiose admodum aer eam subintret, & glaciem repleat, qui in specie sit levior aqua, conciliabitur ab hoc ipso aquæ major dilatatio & levitas, ast non rarefactio: nec ob stare, quod glacies & aqua, ex qua coalescit, vel in quam resolvitur, sint ejusdem ponderis; siquidem ex diversitate medii aerei & aquei, in quo sit ponderis examen, hoc dependeat.

Cap. vero 34, ad alteram quæstionem cardinalem accedit, postquam *c. 32*. varias opiniones de modo glaciationis recensuisset, & *c. 33*. quædam præsupposita, velut, nec solum frigidum, nec solum siccum esse glaciei causam, elementa quævis mista & confusa esse quamplurimis aliis particulis & corporibus, & aquam speciatim spiritibus salinonitrosis diversis esse imprægnatam, exactius trutinasset, concluditque tandem, *glaciem fieri a frigido & sicco, cum causis adequatis*, nec alia opus esse qualitate aut substantia, quæ aquam tanquam coagulum lac constringat; spiritus vero salino-nitrosos in aqua promoveri quidem utcumque congelationem, sed hoc saltem, quatenus & ipsi frigidi & sicci sint. Subjungit his denique *c. 35*. ac ultimo phenomena ac accidentia varia, sub aquæ congelatione notabilia, quæ ex sua hypothese explicare nititur.

Tractatus II. saltem appendix videtur, priori isti adjecta, idque ex occasione oppositorum, cum congelatio sit accidentaria, violenta & naturæ injuriosa; coagulatio vero adeo essentialis eidem, ut sine illa paucissima componantur & producantur: unde & speciales tantum modi quidam coagulationum regni animalis & vegetabilis ab Autore considerantur. Præmissis ergo *c. 1*. aliquot observationibus coagulationum fluidorum levi quodam & simplici artificio, *c. 2*. circa animalia observat, humores quosdam corporis illorum non esse coagulabiles, salivam, lacrymas, sudorem, urinas: quosdam vero esse coagulabiles, serum sanguinis, lympham quamlibet, etiam pericardii & pan-

creatis. Sanguinem, quousque intra venas fluctuat, fluidum esse, qui simul ac extravasatus sit, de seipso coaguletur. Causam hujus Phænomeni, quoad prius membrum, negat *c. 3.* esse motum circulatorium illius, negat pariter, quoad posterius membrum, *c. 4.* ope fibrarum sanguinis illud fieri, cum potius fibræ istæ sint novum productum, in sanguine exhausto & refrigerato genitum ex partibus terrestrioribus, quæ in coagulum crassius subsideant, & caleosæ lactis portioni respondeant: quin potius in *Thomæ Cornelii Censentini* castra transit, dum affirmat, *presentiam balisæ tenuissimi vitalis sanguineas aromas incitare continuo, ut solutæ fluant, & nunquam inter se cohereant, cujus expiratione sanguis concreseat.* Attingit denique *c. 5.* coagulationem ossium, quam ex prædisposita nonnihil materia per vim seminalem oriri asserit: miratur simul potentiam canum in resolvendis iisdem in subtilissimum pulverem, quam ex *Helmontii* aliquot locis potissimum illustrat.

Quoad Vegetabilia, horum ex semine generationem, ex nutrimento coagulationem perpendit, & *c. 7. ac 8.* recte declarat, quamvis arborem ac plantam non tantum virtute sive potentia, sed potius mole minima in suo semine delitescere, nec esse hoc solam plantæ inchoationem, nec cadaveris modo se habere, sed potius embryonis instar anima propria jam informatum esse: quod semen *c. 9.* generetur ex subtiliori, spirituosiori & vivaciori totius plantæ substantia, cum humido oleoso permixta, & in eodem concentrata, quæ omnia ex medulla, seu parte plantæ vivaciori deriventur: exinde enim esse, quod citrus aurantio insita pomum perfectum citrium, semine tamen aurantii proferat. Aggreditur postmodum specialius coagulationem plantæ, sub sui ex semine formatione, considerare, ita quidem, ut *c. 10.* in semine hoc, terræ seu matrici suæ commisso, spiritus antea sopitos, calore vernali excitari asserat, a quibus blanda cum cæteris particulis fermentatione aperiantur pori pro humidi nutritivi meliori susceptione; idque cum sit aqua, prout scilicet existit, eaque ad quasvis plantas indifferenter se habeat, vi plantæ propria ac seminali transmutari in succum appropriatum, ut coagulata in augmentum totius abeat. Excitatos vero ita spiritus magis magisque per humidi penetrationem, fere instar particularum ignearum in Calce viva, blandam fermentationem cum sale dulci vegetabili, seu principio vegetationis, & acido sulphu-

sulphuris innati,ceu principio coagulationis concitare, ita ut ex aqua ceu principio communi, ac sale & sulphure plantæ propriis, liquor nutriendo cuius paryæ plantulæ membro aptus emergat. Jam vero in plantula ex semine propullulante, cor quasi esse juncturam istam inter binas plantulæ medietates, in quam semina se explicant (utut anima plantæ sit tota in toto, & tota in qualibet ejus parte) & ex qua partim descensus radice in terram, partim ascensus supra terram in truncum fiat, in quo corde prima humorum contingat alteratio & coagulatio, quorum quod sit præstantius, in medullam abeat, ex qua melior portio in semen denuo colligatur. Pergit denique c. 12. specialiter texturam plantarum mirabilem, juxta vasa & nervos exponere, partim secundum experimenta *Malpighii* in *Anat. Plant.* partim secundum proprias, in quibusdam vegetabilibus, in specie, Scolymo sive Cinara observationes, una cum reflexione, c. 13. in modum, quo succus nutritius per totam plantam diffundatur, num attractione, an pressione fiat: in quo negotio secundum *Casalpini* allegatam explicationem, priori sententiæ adheret.

DE MOTU ANIMALIUM JOHANNIS

Alphonſi Borelli, Neapolitani, Matheſeos Profeſ-

ſoris, Opus poſthumum. Pars prima.

Romæ, 1680. in 4.

SI ex ungue leonem dignoscimus, ex Scripti præsentis posthumi Auctore statim quoque de præstantia illius, quantumque hoc ab aliorum hujus seculi scriptitantium partibus distet, augurari licebit; utpote quem alia jamdum edita præclara opera, scilicet *Tractatus de febriū malignarum causis*, *Euclides restitutus*, *Commentarius in Apollonii Pergæi Comicarū libros 5, 6, & 7. Theorica Medicorum planetarū, de vi percussionis, de incendio montis Etnæ a. 1669. ac de motionibus naturalibus a gravitate pendentibus*, posteritati seræ non minus, ac Eruditis nostri temporis, comendabunt. Post tot itaque Borelli nostri doctissima scripta consummatum tandem præsens hoc de motu animalium opus, post Autoris fata, auspiciis CHRISTINÆ SVECIE REGINÆ, curante vero *Carolo Jo. a Jesu, Clericorum Regularium pauperum Mariæ Dei Scholarum piarum Præposito generali*, publicam in lucem prodiit, cui simile, in hoc quidem argumenti genere, visum hæcenus non est.

Quam-

Quamvis enim plurimi ex antiquis æque ac recentioribus Scriptoribus quam perspicacissimi de motibus animalium egerint, nemo tamen eorum hac ratione rem aggressus est, prout Borellus felici satis successu fecit, totam animale[m] oeconomiam sub tractatione hac complexus, ac propositis innumeris problematibus, egregiis scituque jucundis, iisdemque per mechanicas demonstrationes declaratis, quæ tetigit hactenus nemo, aut tractare certe ea ratione nemo seu curavit, seu potuit; ita ut in posterum hæc etiam Physices pars Mathematicis demonstrationibus ornata, non minus quam Astronomia, inter Physico-Mathematicas disciplinas recenseri queat.

Divisit Auctor opus in partes duas, quarum prima anno 1680 edita, de conspicuis animalium motionibus, i. e. de externarum partium & artuum flexionibus ac extensionibus, ac tandem de totius corporis molis ab uno ad alium locum translatione triplici, scilicet gressu, volatu, & natatu, agit: altera demum anno 1681 lucem publicam vidit, & causas motus musculorum, ac motionum internarum, nempe humorum per vasa & viscera, rationes explicat.

Quoad primum ergo volumen, in hoc ante omnia musculorum fabricam & figuram declarat, horum species recenset, actionemque explicat, ac simul *Stenonis* de illorum structura & operandi ratione dogma examinat atque redarguit. Quo facto musculos duplicem vim præstare supponit, unam quæ ab ipsa fibrarum illorum structura dependeat, & quam contra suos antagonistas exerant, fibris propriam dicendam: alteram, quæ a causa extrinsecus impellente, seu ab imperio voluntatis emanet, & in contractione validissima ac voluntaria consistat, vitalem ideo appellandam.

Quamvis autem prioris virtutis motivæ quasdam reliquias paulo post mortem quoque animalis restitare, evidens sit, exiguum tamen satis illarum gradum esse, inde colligit, quod a pondere paucarum librarum illa vis superari valeat. Econtra ratione posterioris seu vitalis virtutis, quam vulgo quidem cum priore confundunt, gradus, veteres errasse censet Noster, dum ope machinæ muscularis, debili vi motiva totum animalis corpus notabiliter grave sustineri ac impelli, imo ingentia pondera sublevari, docuerant: contrarium potius asserens, magna nimirum virtute parva pondera elevari ac sustineri, ita ut multoties virtus motiva centies & millies pondus ossium & articularum moven-

movendorum superet, nunquam vero illo minor existat, quod per potissimum primæ hujus partis tractum variis theorematibus ac lemmatibus mathematicis prolixè confirmat.

Atque hoc dum præstat, inter alia phænomeni illius Anatomici, cur tendines musculorum non in capitibus aut extremitatibus ossium articulandorum, sed in eorum productionibus, prope articulum, & quidem directione ad ejusdem ossis longitudinem obliqua, alligantur? Hinc, in specie, potentiæ motivæ musculorum nonnullorum, v. g. cubitum ac tibiam flectentium, femur extendentium, deltoidis, ac maxillam flectentium atque manfiorum structuram ac vires mirandas determinat, posteriorum quidem potentiam motivam in homine ferè librarum 534 vim, in brutis autem, v. g. canibus, leonibus &c. propter rostrum horum oblongius, potentiam librarum 1350 superare (stupidam sane) evincit. Pariter vim motivam musculorum intercostalium, postquam thoracis maxillarum conformitatem atque difformitatem exposuerat, indagare contendit, & fibrarum omnium musculorum intercostalium multitudinè duplo fibras musculorum temporalium & masseterum superare, illarumque inclinationem anguli semirecti, qui vires in proportionè sesquialtera auget, attendens, vim musculorum intercostalium humanorum resistentiæ ponderis 1068 librarum superare infert: in parenthesi quasi allegans experimentum in Angliâ superioribus annis factum, quo pondere librarum 100 super vesicam suillam ac re semiplenam imposito, nihilominus hanc ab aere, e thorace hominis gracilis insufflato, distentam, simulque grande illud pondus elevatum fuisse observarunt. Imo postmodum sese corrigit, & vim motivam absolutam musculorum temporalium ac manfiorum in homine non minorem esse vi ponderis librarum 16020, intercostalium vero potentiam proxime accedere asserit ad potentiam ponderis 32040 librarum. Atque his peractis progreditur Autor ad operationes ipsas partium & totius animalis, sc. motus artuum varios atque hinc resultantes corporis agitationes, præprimis vero gressum, volatum & natatum, horumque modos & rationes exponit iis præmittendo doctrinam de statione, cum gressus quoque animalium stando peragatur. Qua occasione diversa, ab aliis intacta, aut certe minus adæquate resoluta proponit atque exponit problemata, inter quæ observantur: Cur stando alternis pedibus

Y y

minus

minus defatigemur, quam quando ab ambobus simul fulcimur? Quare aves uno pede innixæ commodius stent, quam homines? Quare aves stando, ramis arborum comprehensis, absque ruina quiescant ac dormiant? Cur sexipedes & multipedes majore labore, quam quadrupedes, stent?

De gressu animalium dum disserit, rationes reddit, cur incessus per locum acclivem laboriosus & molestus magis, quam per planum horizontale, & descensus per declivia paulo laboriosior, quam per idem planum, pariterque modum explicat, quomodo incessus hominum calopodiis ferratis instructorum per glaciem fiat? Porro, vim motivam, in homine saltum producentem, ter millies fere ejus pondus superare, demonstrat: & qua ratione muscæ, formicæ, similiave insecta pronis superficiebus vitreis lævigatis adhæreant, & per eas absque delapsu procedant? inquit.

Volatilium motus ubi tractat, docet, quomodo aer impulsui alarum illorum resistat? Potentiam musculorum alas flectentium plusquam decies millies pondere avis volantis majorem existere: & impossibile esse hominem propriis viribus artificiose volare posse.

Natatum explicans inter alia disquirat, quomodo pisces in medio profunditatis aquarum æquilibrati quiescere queant? Eosdem non vi pinnarum, sed caudæ saltem, natate, pinnis vero, præprimis duplicatis illis, quæ in duobus locis infimi eorum ventris extant, immobiles inniti & stare docet. Item, quare aves & animalia quadrupedia naturæ instinctu natent, homines vero naturali instinctu natate nequeant? Tandem vero machinam novam, cujus ope homines aquæ diu immersi respirare & vivere, imo ad sui libitum sub hac ad instar piscium moveri & quiescere possint: nec non navis urinatoriae fabricam novam & usum delineat.

R. P. CLAUDII FRASSENII PERONENSIS
Doctoris Theologi Parisiensis & Professoris emeriti,
atque Conventus & Collegii Generalis FF. Minorum Parisiensium
Guardiani DISQUISITIONES BIBLICÆ QUATUOR LIBRIS COMPREHENSÆ.

Lutetiæ Parisiorum Anno 1682. in 4.

Cum

Cum præter Celsum, Porphyrium, Simplicium, Julianum apostatam, aliosque plurimos olim Christiani nominis juratos hostes, non desint etiamnum maleferiati ac nimis infelices homines, qui Cæcodæmonis votis operam & studium navantes, in Divinos Scripturæ libros bellum redintegrant, atque eorum sinceritatem impugnantes, illos e medio exturbare nituntur (qualis fuit non ita multis abhinc annis larvati *Præ-Adamitarum Parentis* infestus conatus, qualis *Hobbesii*, *Spinosa*, aliorumque hujus ætatis Criticorum in simili argumento non condonanda vesania) his omnibus occurrendum esse duxit P. FRASSENIUS (ex editis antehac Philosophicis & Theologicis aliquot operibus non ignotus Autor) *Disquisitionibus istius Biblicis*. Quamvis autem innumeri propemodum Tractatus ad Sacrorum Codicum sinceritatem asserendam, demonstrandam divinam autoritatem, & latentia sub rudioribus literæ involucris mysteria manifestanda, summo studio concinnati prostant, & jam actum agere videatur, quisquis nova hac de re Opuscula edere tentaverit; ipse tamen FRASSENIUS ad tabernaculi spiritalis pulchritudinem consummandam, suum quoque *ἐπιβαλὼν μέγ* afferre, nec talentum a Deo conceditum defodere voluit. Sed, quæ ipsum vehementius ad hoc opus auspiciandum urisit ratio, ea fuit, ut juniores Theologos, præsertim Franciscanos, ad Sacrorum Biblicorum lectionem & studium, remotis jam offendiculis & via complanata provocaret. Allexit etiam spes alterius non levioris utilitatis; fortassis inde futurum, ut inter Catholicos, Doctrinarum Studiosi ad manum habentes arte concinnata in Sacros Codices Præludia, & graviorum in iis occurrentium controversiarum & difficultatum luculentas explanationes, non minorem in divinis Libris evolvendis operam impenderent, quam Scholasticis, Historicis, aliisque id genus studiis hæcenus navaverant, ne in posterum *οἱ ἐξ Ἐκκλησιæ* haberent, unde Romano-Catholicis neglectum adeo Biblicorum studium objicerent, seque solos in divinis Scripturis versatissimos gloriaentur. Ut igitur (quos huic perutili negotio totos præ cæteris allaborasse scribit) Partibus Viennensibus & Tridentinis, ut aliis, hoc studium suis seminariis excolendum inprimis commendantibus, Ecclesiæ præsulibus qualescunque suppetias ferret, in hoc Disquisitionum suarum Biblicarum priori Volumine quatuor Libris comprehenso, necessaria veluti præludia ad S. Biblicorum

intelligentiam necessaria Autor subministrare voluit, alias hujusce divini Libri cœlestes divitias & opes atque divina mysteria insequuturo Volumine altero nondum edito referaturus. Elenchus Capitulorum in Libris prioris Voluminis hic est. Liber *Primus* exponit varia nomina Cap. I. originem & antiquitatem Scripturæ, Cap. II. quonam tempore Moses floruerit, Cap. III. a quibus literas & scribendi artem sapientes Ethnici hauserint, cap. IV. quod Sapientiæ Græcæ pars maxima a Mosis & Prophetarum Libris profluxerit, Cap. V. quod Moses revera Pentateuchum scripserit, Cap. VI. quonam sermone quæve lingua ille S. Scripturam auspiciatus, quonam charactere, qua arte, quove scribendi modo usus fuerit Cap. VII. VIII. & IX. utrum Moses sicut Scripturæ Hebræicæ, sic & Vocalium punctorum autor sit, Cap. X. *Secundus* in variis Scripturæ S. Editionibus & Versionibus occupatus de Editione Hebræica hodierna Cap. I. de Commentariis & Interpretationibus Hebræicæ Editionis, maxime vero Legis Mosaicæ, Cap. II. de Versione Græca LXX Interpretum, Cap. III. de reliquis Editionibus Græcis, Cap. IV. de cæteris Orientalibus Scripturæ Versionibus, Cap. V. de Editione Vulgata Cap. VI. de præcipuis vulgatæ Latine Editionis Textibus, qui ab Hebræis dissentire videntur Cap. VII. de aliis posterioribus editionibus Latinis ex Hebræico Textu Cap. II. IX, de Vernaculis Bibliorum Editionibus, & inter has Germanica Lutheri Cap. IX. agit. *Tertius* de V. & N. Testamenti Librorum Canonibus cum antiquis tum recentioribus: Eorundem Librorum distributione, integritate, obscuritate, & variis sensibus Cap. I. II. III. IV. Et de cujusque Inscriptione, Autore, Scopo, Divisione, & Controversiis, Cap. V. & VI. sub octo & quinquaginta Titulis tractat. Tandem in Libro *Quarto* præcipui Textus Biblici specietenus pugnantes conciliantur, nullamque in Libris Sacris dissonantiam esse probatur.

LES INSTITUTES DU DROIT CONSU-

laire, ou la Jurisprudence des Marchands, par

JEAN TOUBEAU.

*Institutiones Juris Consularis, sive Jurisprudentiæ
Mercatorum, Auctore Johanne Toubæo.*

• Parisiis 1681 in 4.

Auctor

Auctor est Typographus & Bibliopola Avarici Biturigū, in qua civitate aliquoties functus est annuo Mercatorum Præfecti & Consulis officio: Consulum enim nomine in Gallia Judices Mercatorum appellantur, quos primum induxit publice proposito edicto Rex Carolus IX. anno superioris seculi sexagesimo quarto. Tubæus Typographus & Bibliopola doctus, laudem Manutiorum, Stephanorum, Morellorum, Frobeniorum, Turneborum & similium suæ professionis hominū æmulatus, non solum in alienis scriptis excudendis & divulgandis occupari voluit, sed etiam ipse litteris aliquid mandare, dignum, quod typis exscriberetur, ac in publicum prodiret. Scilicet cum in functione sua Consulari animadverteret, quam difficile ac periculosum foret, etiam sine aliqua Juris, quo cōmērcia reguntur, scientia obire, neque tamen systema illius Juris, unde ejus notitia hauriri posset, saltem apud Gallos prostraret, consilium suscepit, Jus, quod ad Jurisdictionem Consulare pertinet, in artem redigere, ut Mercatores in patria sua, cum adepti essent a Jacobo Savario artem negotiandi traditam in libro, quem sub Titulo Præfecti Mercatoris edidit, item ab aliis Collectiones Edictorum, Declarationum, & Rerum Judicarum de rebus & negotiis suis, haberent etiam a se præcepta Juris, quo utuntur, eaque non adeo magno volumine composita. Non enim, ut in Præfatione ait, Digesta scribere intendit, sed tantummodo Instituta seu Institutiones Juris Consularis, quibus non integra Edicta, Declarationes, Res Judicatas referret, verum summam eorum, nec non ea, quæ ex diversis Juris Auctoribus tum gentis suæ, tum exteris excerptis, breviter, hoc est, elementa Juris, diligenter tamen & eleganti ordine complecteretur. Totum autem opus in duos libros partitus est. Priori nihil aliud promodum agit, quam ut justo commentario illustret Edictum supra memoratum Caroli Regis, ita ut insinuet, quicquid de ipso officio Consulum sive de ipsa consulari Jurisdictione dici debuit, nempe de origine Consulum, & cur placuerit Mercatorum litibus dirimendis singulares Magistratus dare; de Consulum Electione, Munere, Jurejuramento, Duratione, Titulis, Honoribus, Prærogativa, Privilegiis & Immunitatibus; de requisitis, ut aliquis ad Consulatam aspirare possit; quibus moribus, quæve scientia eum instructum esse oporteat; quomodo se gerere debeat in administranda justitia & in reddendo jure; de numero Consulum judicantium; quousque jurisdictio eorum se

extendat, num etiam ad loca extra civitates suas sita porrigatur; de modo procedendi in hoc iudicio, tum quem ipsi Iudices, tum quem litigantes servare debent; maxime ut litigantes in primo statim termino compareant, & nullo adhibito advocato vel procuratore ipsi agant, & se defendant. Id quod ut optimum inventum abbreviandæ litis laudatur, etsi prius, ut in primo statim termino se sistant, usu pariter, & novo Rescripto mitigatum sit. Porro Personas, quibus; & Res, de quibus Consules jus dicunt, fuscè tradit, item an, & quando, & quatenus Appellatio concedatur a Consulibus sententiis; nempe non aliter, quam si reus in maiorem 500 libris summam condemnatus fuerit, sed tamen ut nec tum quidam executio sententiæ suspendatur, præstita ab adversario cautione. Pergit de executione sententiarum, de iudicii personis accessoriis, non minus tamen necessariis, veluti de Actuarius, & Apparitoribus, denique de locis & ædificiis, ubi Mercatores & Consules convenire solent, differere. Posteriori libro res illas Auctor persequitur, super quibus in exercenda Mercatura litigatur, id est, objectum, circa quod Jurisdictio Consulibus occupata est. Quo pertinent pacta & epistolæ Mercatorum, Probationes quæ ab iis exiguntur, Jus prioritatis in venditis mercibus, Cautiones Mercatorum, Correi, Fideiussores, Cessiones, Exceptio non numeratæ pecuniæ, Libri Mercatorum, Societates, Mandata, Factores, Proxenetæ, Cambia & Recambia, Literæ Cambiales, nec non schedulæ istæ, quibus mercatores cavent, pecuniam, quam ex mutuo vel alio quam cambii contractu debent, se soluturos esse, neque tamen causam debiti exprimunt, cæterum nomen literarum cambialium indunt; a quibus schedulas illas maxime differre docet usitatas etiam inter non Mercatores, sed tunc ad Consularem Jurisdictionem non pertinentes. Addit deinde commercia maritima, (quorum cognitio tamen novissima Regis constitutione Consulibus ademta est, & Præfectis rei navalis seu classicæ demandata), Communionem bonorum inter vivum Mercatorem & ejus feminam, vi cujus uxor nullam prærogativam ante creditores mariti habet, nisi separationem bonorum impetraverit, quæ tamen ex certis tantummodo causis, certoque modo permittitur. Sequuntur indicia moratoria, Cessiones bonorum; & denique tractatu de Falcis & Decretoribus librum finit. Ubi optimum institutum Regum suorum refert, quod fraudulentos Decretores, eorumque Receptatores & Adjuutores severissimis pœnis persequantur.

PETRI

PETRI FRANCII POEMAT A ad Celsissimum Principem FERDINANDUM Paderbornensem ac Monasteriensem Episcopum.

Amstelodami, Anno M DC LXXXII. in 12.

Postquam superiori anno mortalium rebus exempto esset, elegantiorum literarum summo cum detrimento, omni doctrinae genere clarissimus & carminum gloria nulli secundus NICOLAUS HEINSIUS, istius funere extincta simul videbatur poeticae facundiae in Belgio vis, & deleta omnis, quae a Scaligero, Grotio, Baudio ac patre Daniele in Nicolaum filium derivata fuerat carminis venustas & dignitas, oppressaque poetici spiritus majestas, quae tot auctoribus omni eruditionis ac studiorum genere exultat isti genti olim constabat. Neque enim in Criticis saltem studiis, omnium recte aestimantium judicio principatum apud Belgas tenuerat exactissimi judicii Vir, cujus praecleara in hoc literarum genere extant monumenta, quae cum usu publico communicavit, nec minora censenda ea, quae intra Vestae penetralia liberali asservabat custodia: sed ab ipso etiam condita Poemata captu seculi nostri superiora sunt & ad eruditissimae antiquitatis gloriam adspirant, quodque argumentum est absolutissimae scriptiois, Reverendissimo & Celsissimo Paderbornensem ac Monasteriensem Episcopo FERDINANDO L.B. DEFURSTENBERG, principi studiorum ac omnis eruditionis sine controversia, praeter omnibus aliis recentium Poetarum scriptis se probarunt. Cumque nihil omnino mortalium per orbem literarum famae commendatorum, aut praestantis eruditionis ac cum primis poeticae facundiae laude florentium inveniatur usquam, quod ad hujus summi Principis, ceu veri Apollinis ac tutelaris studiorum Numinis, favorem non decurrat: ac in Gallia paucos intra annos praestantissimi ex ordine Societatis Jesu Poetae, Joannes Commirius, Carolus Ruzus, Albertus Daugieres alique qui ex Heliconis unda caput extulerunt, in Maecenatis hujus sinum confugerint: eidem communi Musarum Patrono sua quoque sistere & carmina consecrare voluit cultissimus inter Batavos hodie Poeta PETRUS FRANCIIUS. Nam qui antea scripto ad Heroem hunc in literis maximum Panegyrico, facile cum ac munificum esset expertus (quod is suos alumnos non Caballino solum fonte velut Appollo proluir, sed e peregrini beneficentiae scaturigine inun-

inundat, quoties aureo imbre instar Jovis ad hos descendit;) principali munere ab Epō donatus egregium etiam Eucharisticum carmen condidisset, idque summo favore exceptum intellexisset; id sumsit consilii, ut in fascem collecta præstantissima sua Poemata Maximo Principi inscriberet & consecraret: quo egregio libello eximium documentū superstitis poeticæ in Batavis facundiae dedit. Complexus enim est isto Carmina, quæ diversis temporibus vario genere in laudes obitusque clarorum Virorum consecerat, quæ item de argumentis aliis ad præstantes Viros scripserat, eo sermonis nitore cultuque dictionis condita, ut ad dignitatem Majorum suorum, eruditissimorum cum aliis omnibus tum eo præsertim eruditionis genere, quæ sermonem in numeros apte disponit, proxime eum accedere quisvis hujus artis peritus agnoscat. In *Heroico* carmine δεινότητι ac majestatem servat argumento convenientem: nam in Panegyrico & Eucharistico Principem omni laude majorem eruditionisque gloria omnibus aliis superiorem decantat; In *Epicedio* Belgarum Archithalassum Ruitærum fortiter in Siculo mari adversus Gallos pugnantem, inque ipsa victoria occumbentem describit, vere ἀσθμα πρᾶξι, propositam sibi habens & ἡρώδης τοῦ ἡγερέσιον, quam graviter & ad Veteres poetarum leges numerosque (quos in pronuntiatione etiam, quoties poema in conventibus doctorum Virorum recitat, eum exacte & decenter servare a juni) exactam absolvit. In *Elegiis* facilitatem venustatemque mireris, tam iis quas in sacris rebus de nativitate, passione, morte, resurrectione Servatoris, ac Spiritus Sancti missione occupari voluit, quam illis quas de aliis argumentis ad eruditissimos viros Nic. Heinsium, Joh. Georg. Graevium, Jac. Gronovium, Jac. Wallium, Renatum Rapinum, Jan. Broeckhusium scripsit; quæ e Castalio promanare videntur fonte, nec fūco aut lenociniis, sed in affectato cultu & naturali pulchritudine assurgunt. *Eclogarum* venusta simplicitas, & *Epigrammatum* non longe quæsitæ sed ex ipsa repetitæ, elegantes argutiæ & innocentes lusus Lectoris mentem demulcent: cum primis autem ista, quæ e veteribus Græcis epigrammatibus, collectis in Volumen, Nectaræum illud Apollinis, Musarum, Venerum, Gratiarumque mellificum, sub *Anthologia* nomine proditum, Latinis versibus expressit, horum studiorum amatorem ad se rapiunt: rotunditatem enim venustatemque Atticam Romano lepore feliciter æmulatus est, exemplo Erasmi, Scaligeri, Casauboni, Grotii, Hein-

Heinsii, Vulcanii, majorum suorum, quos adeo æquis passibus secutus est, ut Jo. Georgio Graevio, in Græcis, ut aliis omnibus, eruditissimo viro & studiorum horum exactissimo censori, suum isthoc studium valde approbaverit. Cujus doctissimi Viri judicium, si nil aliud esset, vel solum summam Auctori laudem conciliaret: nos sane moyet, ut quod Richardus Thomsonus olim de Paulo Stephano, cum ex Epigrammatum Græcorum volumine, omnis Græcicæ pariter sapientiae & festivitatis thesauro, quædam in Latinum sermonem vertisset, prædicavit, ad Francium transferamus:

Cum tua compono Græcis epigrammata, Petre,
 Dispeream ni te surripuisse putem
 Et genium ingeniumque illis, laudemque rotundi
 Oris, & hanc penitus, quæ placuit, Venerem.
 Scilicet hoc quod Roma sibi nec Bilbilis illi
 Docta dedit, tu das: Græcia victa jacet.

Christian Weisens Reiffe Gedanken/ das ist/ allerhand Ehren- Lust- Trauer- und Lehr- Gedichte/ zur Verbesserung der überflüssigen Gedanken heraus gegeben.

Leipzig 1682. in 8.

CHRISTIANI VVEISII *Meditationes Poeticæ maturiores*, id est, varia gratulatoria, festiva, funebria & moralia carmina Germanica, ad diluendas *superfluas Meditationes*, sub quo titulo antehac jocosa Poemata prodierant, editæ.

Lipsiæ 1682 in 8.

Elegantiarum quas aliæ linguæ proprias habere vulgo creduntur, Germanicam minime expertem esse, sed ab horrore prisco ad cultum, quo hodie gaudet, erectam, Græcam rotunditatem, Romanam majestatem, Hispanicam gravitatem, Gallicam venustatem, Hetruscas Veneres, Anglicam volubilitatem, & Belgicam dignitatem referre, multis insignibus argumentis hoc seculo comprobantur quinque pe-

Zz

culia.

cùliares de linguæ hujus præstantia & nobilitate commentarios scripserunt; & documenta haud contemnenda dederunt, qui vel in soluta numeris vel iisdem alligata oratione scripta posteritati reliquerunt, quæ cæterarum gentium Scriptoribus Germanos sua lingua utentes nullo in genere inferiores esse ostendunt. Inter hos verum ac nativum Germanicæ linguæ decus & usum in utroque scribendi genere

vorlis seu prolis solveret ora modis

præstantissimis etiam documentis asseruit *Christianus Weisius*; cujus dictio pura, tersa, nec affectata, aut anxie quæsitæ longeq; accersita est, sed verbis propriis, ac eorû structuris perspicuis, sententiis item apertis & per universam Germaniam receptis composita, cuius linguæ hujus vel modice perito facilem ac obvium sensum præbet. Non disjectæ sunt, non novæ adhibita, non inusitata & ex præpostera æmulatione aliarum linguarum dura compositione contorta voces, non ex peregrinis linguis transumptæ phrasæ, non obscuræ sententiæ longe accersitis allegoriis involuta fabulise implicitæ, sed æquor illud castigatum leniterque decurrens per numeros limpidi ac sponte nati obviique sermonis, facilitatem ac perspicuitatem, elegantiam ac rotunditatem linguæ hujus aliis nil concedere ostendit: adeo ut Germanicæ linguæ ignarus faciliori longe negotio & leviori opera ejus usum ex auctoris hujus monumentis sibi comparare queat, quam ex aliorum libris, qui eam in artem redegerunt. Cumque is plures hæcenus ediderit libros, in quibus exquisitis potius exemplis quàm solícite & ambitiose conquisitis præceptis, linguæ hujus oratione soluta non magis quam ligata decurrentis verum & genuinum usum, in civili potissimum doctrina & communi vita quem obtineat, tradidit; quemadmodum *Oratorem politicum* Germanicum, & utiles *Meditationes Juventuti necessariae* hoc fine antea emisit in publicum: jam sub elogio *Meditationum maturiorum* eos exhibuit a felici ingenio (quod natura ad poesim & elegantiores artes finxisse videtur) natos, & longa exercitatione adultos factus, quos maturior ætas exclusit; cum priores, quos publico dederat, felicissimi cultissimi ingenii fructus, juvenilem magis ætatem decere censeat. Omne autem studium eo confert, ut juvenum sermones formet, ac inventionum fontes demonstrat, eloquendi que artem doceat, propositis exemplis clarissimis ad quosvis humanæ vitæ actus conducentibus. Votiva enim carmina, & sermones gratulatorios variis

riis

riis occasionibus convenientes, epicedia & epithalamia in diversa sortis homines, varios ad casus deducta, epitaphia quoque nonnulla, moralia autem plurima poemata exhibet, orationesque hujus generis soluto sermone scriptas complures admiscet, ea verborum elegantia ac facilitate, stili venustate, argumenti varietate, & doctrinæ non affectatæ copia adhibita, ut exempla præclara quibusvis in quosvis vitæ humanæ casus suppeditare possint, ac ostendere, qua ratione eos sermone commodo prosequi & orationem in varios habitus fingere apteque componere deceat. Cujus artis uberiores & absolutam tractationem, viginti annorum studio collectam, & crebris confirmatam experimentis, se aliquando editurum esse, pag. 539. pollicetur.

Sub finem libri appendicis loco festivum *Drama satyricum* adjecit, ejusdem ferme argumenti cum alio ludo scenico, quem hoc ipso anno sub titulo *Absurdorum Comicarum* dedit; isti similem, qui Gryphii Poematibus innexus Petri Squentii nomine insignis canticorum, quos vocant, magistros eorumque inconditam poesim perstringit, ac Danielem Swenterum autorem habere fertur. Nam ut in isto ineptam & absurdâ condendorum Dramatum scenicorum rationem facietis eludit jocus: sic in hoc turbam infelicium poëastrorum, Germanicæ linguæ restauratorum, quos se jactant, exagitat: qui ineptas novas literarum mutationes, ac monstrosas vocum, phrasium & constructionum in Germanica lingua rationes commenti, in cætum coeuntes magnifica se de lingua Teutonum Heroica conferre consilia, laborantique Germaniæ subvenire stulta persuasione credunt, si extritis e quibusdam vocabulis longo usu receptis literis alias inferant, novaque nec audita antea afferant vocabula, & in syllabis litteras, syllabas in vocibus corrumpant, ac exturbatis omnibus vocibus, quæ alienigenæ sunt & externæ, aut accersitarum ex alia lingua speciem saltem præ se ferunt, licet longo usu firmam acquisiverint possessionem, hac tamen eas ejiciant, & horridas incompositasq; substituant, orbique obtrudere gestiant: nulla interim dignitatis ac venustatis in carmine, cujus gloriam sola laurea ostentant, habita ratione, quod misere & invitis ac nolentibus Musis consuunt. Hanc scabiem facietis jocus defricat, & vesaniæ horum fungorum lepide illudit in hoc dramate festivus Auctor: qui in gravioribus argumentis artem condendorum ludorum scenicorum, qua non minus ac in aliis præstat, hactenus exercuit. De *Jacobi* enim *Patriarcha* biga-

nia, Abrahami fide, qua in mandandum obsequiose filium unicum valuit, septuaginta ex eo secuta filia immolatione, Marcionis Ancei ruina, & insigni isto Neapolitano rebeli Pseudo-Regulo Masaniello, ac rusticano Macchiavello, aliaque, quæ vel in theatrum produxit, vel typis exscripta in publicam lucem emisit dramata, ea affectuum vi, morumque convenientium apta dispositione, partium connexione, rerum varietate, ac dictionis venustate condita sunt, & ad leges dramaticas exacta, ut Germani ad veterum Græcorum & Romanorum, hodiernorumque Gallorum, Italorum & Anglorum gloriam & perfectionem hac quoque in arte accedere intelligantur.

INVENTA NOVA, EXHIBITA PARISIIS

Societati Regiæ Scientiarum

a D. T.

OMnibus jam notum est, reflexionem radiorum Solis in corpore concavo punctum efficere, quod *focus* appellatur, quia in eo ipso radii uniuntur & comburuntur. In hunc autem usque diem solum hoc punctum unice ab omnibus consideratum fuit; hic Autor vero longius multo progreditur his suis speculationibus. Monstrat enim, qua ratione non solum hoc ipsum punctum foci considerandum sit; sed etiam qua ratione integra aliqua Curva debeat concipi, qualis scilicet formatur per intersectiones radiorum reflexorum.

Tab. XIX.


Ut conceptus ejus magis exprimatur, per radios MW, NW, OW, PW, &c. repræsentat radios Solis incidentes in corpus aliquod concavum. (Vid. Fig. I.) NB, OC, PD, QE, RF &c. exhibent radios reflexos; qui efficiunt infinitas intersectiones in punctis A, B, C, D, E, F, &c. adeo ut hinc formetur Polygonum constans ex lineolis AB, BC, CD, DE &c.

Verum si distantia illa MN, NO, OP, PQ &c. concipiantur infinite exigua, polygonum A, B, C, D, E, F &c. exhibebit lineam curvam, cujus Tangentes erunt radii reflexi; & punctum A erit focus in quo radii reflexi in corpore concavo comburuntur.

Interim quia non sufficit, si quis observaverit saltem hinc lineas curvas sic formati, nisi & scientifice determinetur, cujus sint naturæ: Methodum exhibet Generalem, ope cujus curvæ tales formatæ ex intersectionibus radiorum reflexorum Geometrice possint determinari.

TAB. XIX.

Fig. I.



ad a. 1682
pag. 364.

Fig. II.





Fig. III.





minari; & ut exemplum exhibeat Methodi hujus Generalis, in specie ostendit descriptionem Curvæ illius, quæ formatur a radiis solaribus in speculo ordinario spherico, hac ratione:

Sit data quarta pars Quadrantis CDE (Fig. 21) describatur Semicirculus AGE; hoc facto, ducatur linea quæcunque, veluti FD, parallela ad AC: tunc pars DG, intercepta intra quadrantem CDE & semicirculum AGE, secetur bifariam in puncto H; & sic prætendit Autor quod punctum hoc H sit aliquod ex infinitis, quæ constituunt curvam BHE a radiis reflexis formatam; ex quo sequitur, quod focus B debeat esse in loco medio radii AC.

Hicce adjungit aliud quid non minus curiosum: Methodum nimirum mensurandi infinitas numero curvas; reducendo eas ad rectas ipsis æquales; id quod efficit sequenti Theoremate:

Si radius DF & similes quicunque incidant in curvam quamcunque (Fig. 3) AFE (sive sit Geometrica, prout eas Dn. Des Cartes sic vocat; sive sit Mechanica, veluti est Cyclois, Quadratrix &c. sive quoque libera manu sit formata: *modo semper convexa ad eandem partes exiit*;) & ea ratione ut radii reflexi per intersectiones suas, prout supra explicatum, hinc forment curvam aliquam BGE; dicit Autor, quod radius incidens DF & reflexus GF simul sumti semper sint æquales portioni curvæ GE, quæ intercipitur intra punctum Tangentis GF in G & punctum E, ubi sit contactus duarum curvarum AFE & BGE; hinc quoque sequitur quod CA & AB, ubi radius incidens & reflexus coincidunt, debeant esse æquales integræ curvæ BGE. Præterea Regulam quoque exhibet, ope cujus Tangentes, curvarum non solum Geometricarum, sed etiam infinitarum ex Mechanicis determinantur, verum tanta facilitate ac generalitate, ut existimet, hæcenus similem non exhibitam quæ ad eandem accedat.

Tandem monstrat Methodum universalem, auferendi omnes terminos intermedios ex data æquatione, id quod hæcenus adhuc desideratum fuit in arte Analytica.

CONJUNCTIO MAGNA JOVIS ET SATURNI, d. 14. Octobr. st. vet. Anno 1682.

Lipsia observata.

Quantis, cum inter se, tum a cælo dissidiis, Cōjunctiones Magnas Tabulæ signent Astronomicæ, illustri exemplo ea quæ superiori mensi.

Z z 3

Octob.

Octob. contigit, testatum fecit. Hanc enim *Argoli Epbemerides* & *Tabula Riccioli* Octob. die 20; *Bullialdica* 21; *Wingbii* 22; *Rudolfina* 24; & *Lanibergiana* 29 futuram voluerunt: 14to vero contigisse, Observationibus tum temporis institutis palam fuit. Juncti autem sunt ambo Planetæ prope stellam Leonis, in *Uranometria Bayeri* Lit. ψ notatam, cui *Rudolfina* 19 gr. 4. min. Leonis Longitudinem, cum Latitudine 16 min. Borea assignant: ita ut Hora tertia matutina, Jupiter rectam a Saturno ad Fixam ψ productam pauxillo supergressus videretur, Saturnusque 14 min. Jove borealior existeret. Constituebat tum Jupiter cum Satellitibus rectam, ad quam perpendicularis e centro Joviseducta orientalem Saturni marginem tangebatur. Quod si ergo Saturni, Jovis & Fixæ ψ conjunctio simul incidisse statuatur, supposita ex *Rudolfina* Fixæ Longitudine & Latitudine superscripta, *Rudolfina* Riccioli que Tabulæ ad observationem, juxta appositam Tabellam, ita se habent:

	Observata	Rudolfin.	Differ.	Riccioli,	Differ.
	0. /	0 /	/	0 /	/
♂	Long. 19. 4. Ω .	19. 30. Ω .	26. +	19. 23. Ω .	19. +
	Lat. 0. 51. B.	0. 52. B.	1. +	1. 0. B.	9. +
♂	Long. 19. 4. Ω .	18. 56. Ω .	8. --	19. 3. Ω .	1. --
	Lat. 0. 37. B.	0. 42. B.	5. +	0. 43. B.	6. +

CONRADI SINCERI, Civis Germani, de Germanicarum Legum Veterum, ac Romani Juris in Republica nostra origine, auctoritateque præsentis Dissertatio Epistolica.

Prostat Lipsiæ apud Mauriti. Georg. Weidmannum. A. 1682. in 12.

Tres sunt sententiæ de hoc argumento; *Vulgari* & *scholasticorum* Juris Civilis interpretum, Legistarumve, uti vocantur, est: Jus solum civile sive Romanum in foro Germanico esse receptum, sive jam tum a Lotharii Imp. temporibus, sive jussu saltem Maximiliani I. Altera sententia est huic e diametro contraria, quam Sincerus propugnat: Jus Romanum nec solum, nec principaliter esse receptum, sed veteres leges Germanicas adhuc in vigore esse, & fundatam allegantibus dare intentionem, Jus vero Civile secundario duntaxat & velut instrumentum adhiberi, nec suppeditare intentionem fundatam allegantibus, nisi probent, peculiari constitutione, consuetudine, ac re judicata hac in parte receptum id esse. Tertia & media sententia denique est: præter Jus

pa-

patrium & veteres Leges Germanicas Francorum, Saxonum, Aleman-
norum, receptum superioribus seculis fuisse etiam Jus Romanum, non
peculiari constitutione, sed usu & consuetudine fori, ita ut fundatam
intentionem habeat allegans legem Romanam Juris Justinianei, nec o-
porreat observantiam ejus probare, sed reo incumbat probare, illam
propter contrarium Jus Germanicum non potuisse recipi. Hanc
sententiam in primis defendit celeberrimus Jureconsultus Jo. Schilte-
rus in *Commentariis ad Pandectas in Juris Praxi Rom. in foro Germa-
nico*, per totum, præsertim vero in *epistola dedicatoria ad Illustrem Seckendorffium, & Exerc. I. §. 11. sq.* atque in responso *Exerc. XXX. §. 138.*
Prior sententia cum ex abusu Doctorum Italicorum, Juris Germanici
imperitorum, fuerit orta, suo merito exploditur a Sincero, & contra
eam Juris Germanici vigor erudite solideque demonstratur, atque ad
contrarias rationes respondetur. Quod ad mediam illam attinet,
quam a pag. 101. sqq. sibi impugnandam suscepit Sincerus, doctissimus
Auctor, cum quo illi est negotium, hæc nobis communicavit:

Scernenda est in hac tractatione ante omnia Llatoria prudentia ejus-
que ratio, qua disputatur aut suadetur, ut esse quid debeat aut possit, a
prudentia Judiciali, ejusq; docendi ratione, qua quod est, &
ex certa hypothesis aliter pro re nata esse vix possit. Sinceri scopus prior est;
posterior ejus, contra quem disputat: unde hic inconsultum merito arbitra-
tus, ulcus illud tangere, quod ad Llatoriam potestatem pertinebat, cujusq;
hic tractatio totam rem invidiosam odiosamque pragmaticis hominibus
fecisset, auctoremque omni spe optima intentionis suæ penitus fraudasset.
Prudenter enim atque per gradus *Augia* istud stabulum purgandum est
nobis, impetu non admittitur. Porro quum usus fori Germanici semel
repperit hoc principium: Jure Civili fundatam intentionem haberi;
certe privata auctoritate fieri non potest, ut hoc ex animis pragmatico-
rum eximatur, & ex foro eliminetur. Ut veriora tamen principia
illis ipsis eo facilius insinuentur, cautius agi videtur, si, prout res est, jun-
gantur compatible, quatenus talia sunt, ac doceatur: Utroque & Ro-
mano & Germanico jure fundari intentionem in foro posse, quatenus
hoc illi non contrariatur. De Romano jure res certe dubio caret, quia
usus fori hic magister est, arguens intentionem Llatoria potestatis hac ad-
mittentis, nec fori tantum, hoc est, judicum & causidicorum vulga-
rium, sed & summorum tribunalium & Scabinatum Collegiorumq; Ju-
ridi-

ridicorum consensus, qui utique hactenus jus facit. Longe alia itaque est ratio
 allegandi leges civiles in foro, quam loca Poetarum & Oratorum, aut Juris Attici
 vel aliterius in foro nostro nunquam recepti, quorum allegatio vim obligandi non
 habet; Juris Civilis habet, ex usu & fori observantia, de qua disputare Legis-
 latoria, non Judicialia prudentia est. Quare etsi nulla expressa constitutione
 vis obligandi Juri Romano concessa sit, consuetudine tamen atque observantia taci-
 toque populi consensu eam obtinuisse, in aperto est omnibus qui in foro versati.
 Prudens vero interpretes & hic attemperat peregrini juris introductionem, ut se-
 greganda ea doceat, quae principis juris patrii, moribus populi, & statui publico,
 aut expressis sanctionibus adversantur. Neque certos designare interpretes opus
 hic fuit; omnibus enim haec provincia ipso jure demandata est, asplerique omnes de
 Jure Romano in eo consensunt, quod fundatam praebeat intentionem; igitur haec
 prudentium interpretatio a summa potestate Llatoria, quae provinciam interpre-
 tandi concedit, confirmata censetur, ipsaque Llatoria potestas voluisse intelligitur,
 ut Jus Romanum non tantum lex fiat, sed etiam ut sit in foro Germanica. Et sal-
 titur omnino, quisquis putat, sola expressa promulgatione jus fieri, & non etiam
 tacita receptione longoque usu, forique observantia: quae cum in legibus Gracianis
 in leges XII. Tabularum non relatu, haud appareat, frustra illa huc trahuntur.
 Plane illud incommodi utique habet haec res, quod duplici jure communi in foro uti-
 mur, ut quae lex Romana non sit recepta, aut quae principis juris patrii repugnet,
 non satis conveniat interpretibus, adeoque vagum jus aliquo modo habere nos in
 foro nostro, inficias ire vix queamus. Unde & saltum, quod superiori seculo plu-
 rimi Status jura Provincialia atque Ordinationes certas sibi fieri fecerint; idque
 praecipue ad normam Juris Romani. Ex alio Comitiorum Moguntinorum Anni
 1441. hoc recte arguitur: Si Ordines voluerunt, ut totum jus Justinianicum abroga-
 retur per Imperium, exceptis legibus jamtum usu expresse receptis; igitur prae-
 ter haec totum, si non usu aut actu secundo, saltem intentione & actu primo fuisse re-
 ceptum intelligitur, alias non opus fuisset, ut abrogatio desideraretur. Tale quid
 autem, ut jam antea dictum, neque de jure Attico, neque alio dici potest, quod usus
 fori non ut Jus Romanum agnovit. Ex his itaque satis apparet, Jus Romanum usu
 fori nostri receptum esse, idque magis adhuc speciatim constat in iis Juri parti-
 bus, de quibus Jus patrium vetus nihil sancivit; veluti res testamentaria est,
 quae semel recepta in forum nostrum, non potest esse dubium, quin qui allegat textum
 istius juris, fundatam habeat intentionem, etsi observantiam non habeat probare.
 Similiter certa aliorum genera a Prudentibus Romanorum adinventae & inter sese
 discretae, quoniam in foro nostro admittuntur, dubitare non potest, nisi qui usum & stylum
 ejus ignorat. Caterum cum multa sint & in Romano & in Patrio jure, ut nihil de
 Canonico dicam, quae usui fori respuunt, optandum esset utique cum Sincero, ut juris
 Germanici prudentia a summa Llatoria potestate rectius constitueretur. Inter
 quo minus vagum jus doceamus, utriusque juris principia ac fundamenta penitus sunt
 erenda & solidius ponenda, mores utriusque populi & status diversa Reipublicae rite
 discernendi, & quae secundum has normas receptibilia sint, accuratius dijudican-
 dum; cujus rei glaciem in Commentariis ad Pand. fregisse sufficit, gloria per-
 sciendi felicioribus ingenii merito relinquitur.

ACTA ERUDITORUM

publicata Lipsia

Calendis Decembris Anno MDC LXXXII.

EPISTOLARUM INNOCENTII III

Romani Pontificis Libri XI,

collecti a Stephano Baluzio.

Parisii apud Franciscum Muguet, An. 1682. fol.

Innocentius III Pontifex Romanus pro more antecessorum suorum Epistolas, tum suas tum ad se scriptas, ac præterea graviora negotia, quæ sua auctoritate passim gerebantur, colligendo in Regesta retulit. Quæ si integra & imperturbata ad nos pervenissent, longe plura gesti per XII annos Pontificatus monumenta haberemus. Enim vero qui illos libros collegerunt Scribæ diversi, nullum fere ordinem in eo opere digerendo servaverunt, plerasque majoris momenti epistolas omiserunt, unam eandemque bis in eodem libro reposuerunt, sæpe neglexerunt annotare diem & locum datarum epistolarum; de quibus defectibus doctissimus Baluzius Præfationis initio conqueritur. Nec exemplaria regestorum vetera uno eodemque omnia extant loco. Priores novem libri asservantur Romæ in armariis Pontificum; tres sequentes habuit Franciscus Bosquetus Episcopus Monspeliensis; quatuor qui deinceps sequuntur, diu conservavit bibliotheca Collegii Fuxensis; tres ultimi aut perierunt, aut adhuc latent in angulis Bibliothecarum. Prima Epistolarum Innocentii editio, duos tantum priores libros complexa, prodiit Romæ anno 1543, opera Gulielmi Sirleti tum Bibliothecarii Vaticani, postea Cardinalis. Secundam editionem emisit Maternus Cholinus typographus Colonienfis anno 1575. Tertiam triennio post Societas typographorum Venetorum. Bosquetus cum libros quatuor antea ineditos reperisset Tolosæ in Bibliotheca Collegii Fuxensis, eosdem edidit anno 1635. Baluzio animadvertens, quantam personam sustineat hic Innocentius in libris Decretaliū, quamque jucundum

A.aa

dum

dum foret epistolas ejus dari integras, quæ in Decretalium libris tantum habentur per partes, statuit secum nova editione donare sex libros a Sirleto & Bosqueto publicatos, tum cæteros quoque conquirere. Sæpius ergo Romam scripsit, ut tertium & cæteros hinc habere posset. Sed id rotum frustra fuit. Partem tamen libri quinti, qui hactenus desiderabatur, habuit beneficio Jacobi Augusti Chevanei Advocati Divionensis. Tertiū defectum supplevit ope vetustæ collectionis, quam ex tribus primis Epistolarum Innocentii libris confecit. Rainerius Diaconus & Monachus Pomposianus, reperit autem Baluzius in Bibliotheca monasterii Sancti Theodorici Remensis. Præter libros igitur dictos, edidit etiam decimum, undecimum, & duodecimum, nunquam antea editos, quos ipsi subministravit ante laudatus Franciscus Bosquetus. Addidit etiam regestum de negotio imperii acceptum e codice Bibliothecæ Vaticanæ, eo ipso quousque scriptores annalium ecclesiasticorum, Abrahamus Bzovius & Odoricus Raynaldus. Quod tamen non habuit ex Codice Vaticano, sed ex Bibliotheca Reverendissimi & Celsissimi Principis, Ferdinandi Fürstenbergii, Episcopi Paderbornensis & Monasteriensis, qui cum ex literis Hermannii Conringii intellexisset, incumbere Baluzium novæ editioni epistolarum Innocentii III, ac valde optare eos libros, qui extabant in Bibliotheca Vaticana, regestum illud, quod Romæ degens in usum suum describi fecerat, ad eum misit. Ne quid vero novæ editioni deesset, adjecit Baluzius Gesta Innocentii III, scripta ab auctore illorum temporum, eadem quæ Bosquetus olim ediderat ex Codice MSS. Collegii Fuxensis, sed ex collatis antiquis exemplaribus multo emendatiora. Præterea in gratiam studioforum Juris Canonici adnotavit in margine epistolas, quæ sunt in Corpore Juris, & ut facilius inveniri quæque possit, earum elenchum alphabeticum posuit post Præfationem. Constituerat olim Notas edere ad loca quædam epistolarum illustriora aut difficiliora, sed penuria otii mutavit consilium. In fine præfationis Editor veniam tarditatis deprecatur, quod opus ante quindecim annos inceptum tam sero exierit in lucem. Multa sæpe revocasse impedimenta a labore hoc, præcipuo diutinam expectationem exemplaria librorum Bibliothecæ Vaticanæ nanciscendi.

In ipso Epistolarum Opere quamplurima occurrunt & quæ lucem afferunt historiæ illorum temporum, & quæ Jus Canonicum non
parum

parum illustrant, integrant & perficiunt. Pauca indicasse hic sufficit. Constantinopolitanum Imperatorem Alexium exhortatur, ut studeat & efficiat Græcorum Ecclesiam reducere ad Sedis Apostolicæ unitatem, tanquam filiam ad matrem, *lib. I. ep. 353*. Romanam Ecclesiam esse matrem omnium Ecclesiarum, a qua Græci nullo jure discedere possint, *ep. 354*. patriarchæ Constantinopolitano persuadere nititur. *Conf. lib. XV. ep. 156*. Eidem primatum & prærogativam illam impugnanti *I. II. ep. 208*. prolixa epistola sequente respondet. Contenti autem & se submittentis Catholico Armeniorum *ibid. ep. 217. & lib. V. ep. 44*. literas duas statim subnexas amoris favorisque plenissimas reddit. Homobonum vita & miraculis clarum prædicat & catalogo Sanctorum adscribit *lib. I. ep. 530*. Episcopis ait ad aliam Ecclesiam transire infcio Papa non licere, quod spirituale inter Episcopum & Ecclesiam conjugium nemo nisi DEUS & Vicarius Jesu Christi solvere possit *I. I. ep. 326*. adeoque tam eos qui Episcopos in aliam Ecclesiam transtulerant, quam qui se transferri passi fuerant, ab officio suspendit & cedere nolentes anathemate eiecit, *lib. I. ep. 50. 51. 117. 335. 447. 490. 574. lib. II. ep. 54. 201. 204. 278. &c.* Prussis ac Livonis nuper conversis de Pastoribus prospicit *I. XIII. ep. 128. I. XVI. ep. 120. 124. 126. 127*. Clerici majorum ordinum uxores dimittere, commissumque peccatum debite expiare jubentur, nisi velint redivitis ecclesiasticis spoliari, *lib. I. ep. 469*. *Conf. lib. X. ep. 147*. Eosdem aliquos vagos, scortatores, adulteros, dilapidatores bonorum ecclesiasticorum, in torneamenti frequentes, aliisque flagitiis infames coercet *lib. I. ep. 202. 209. 255. I. V. pag. 666. lib. XII. ep. 63. lib. XI. ep. 291. I. X. ep. 89. I. XIV. pag. 591. lib. XVI. ep. 6. &c.* Quare necesse ducebat monere Laicos, iniquitate Sacerdotis virtutem Sacramenti non evacuari, sicut infirmitas medici vim medicinæ non impedit, *lib. X. ep. 54*. Plena tam in temporalibus quam in spiritualibus potestate Ecclesiæ Romanæ matri Ecclesiarum omnium & magistræ, opus esse, ut tanto fortius subjectos suæ temporali Jurisdictioni populos ab ecclesiarum & ecclesiasticorum injuriis cohibere possit, *I. I. ep. 27*. Se divina providentia inter Principes, imo supra Principes sedere, & de Principibus judicare, dicit *lib. II. ep. 197*. Sacerdotium majus esse regno, pluribus argumentis adstruit in *Registro de negotio Imperii, Epist. 18. & in prima Collectione Decretalium Rainerii Tit. 2*. Clericos a Jurisdictione Magistratus civili passim eximit *I. I. ep. 150. I. II. ep. 162. & 178*. Per

potentiam Laicalem constitutos a dignitatibus ecclesiasticis removeret *l. I. ep. 16. 18. 31.* Sanctium Regem regnumque Portugallense censuale Romanæ Ecclesiæ, in Petri & suam protectionem recipit *l. I. ep. 441.* eui se commendant Rex Dalmatiæ & Magnus Jupamus Serviæ *l. II. ep. 176. seq.* Siciliæ Regnum ut feudum Romanæ Ecclesiæ concedit Constantiæ Imperatrici & Filio ejus minorenni Friderico, censumque annum imperat in *l. I. ep. 410.* Defuncta Constantia se tutorem Friderici gerit *l. I. ep. 136.* Exarchatum Ravennæ, Marchiam & Tusciam, Ducatum Spoletanum patrimonio Petri vendicat *l. I. ep. 27. 356. l. II. ep. 4.* Quibus in damnum Imperii Germanorum factis se opponentem Marcovardum Marchionem Anconensem, Ducem Ravennensem, Procuratorem Regni Siciliæ, Imperialis aulæ Senescallum iterum iterumque excommunicat, subditos a sacramento ipsi dato absolvit, perhibens fidelitatem, quam aliqui Christiano Principi juraverunt, non servandam, DEO ejusque Sanctis adversanti & eorum præcepta calcanti; insuper adversus eundem Comites, Barones, Nobiles, Civitates Italiæ, Siciliæque excitat, pecunia data & remissione peccatorum largissime oblata *l. I. ep. 557. & sequentibus*; imò & Saracenos ab ejus partibus, ipsorum fidem erga dominos suos laudando, advocat *l. II. ep. 226.* Registrum super negotio imperii CXCV. epistolas complectitur, partim ab Innocentio, partim ab aliis ad ipsum scriptas, cum alii Proceres Philippum Suevum, alii Ottonem Saxonem sibi Regem Romanorum elegerissent & coronassent. Pontifex compositionem schismatis ad se pertinere dictitans, Philippum utpote excommunicatum rejicit, Ottonem confirmat. Proceres quidem Philippo faventes, tum Ecclesiastici tum seculares, turbationem istam liberrimi juris eligendi, quod haberent, esse conquerendo, exprobrant Papæ & Cardinalibus *ep. 61.* sed nihilominus Innocentius Ottonem tueretur, ab eo alienos ad obsequium & subjectionem censura ecclesiastica compellit, eundem modis omnibus juvat & ornat, juramento, quod *ep. 77.* extat, sibi & Romanæ Ecclesiæ devincit. Enim vero cum postea Otto Mathildis principatum Imperii bonum repeteret, Imperator excommunicatus & maledictus *l. XII. ep. 139.* reprobus, ingratus, promissionum suarum oblitus *ep. 210.* Deo hominibusque exosus *l. V. ep. 189.* tyrannus *l. XIV. ep. 20. & 126.* non jam nominandus Imperator, sed impius persecutor *l. XV. ep. 31.* pronuntiatur. Johannem Regem Angliæ bona monachis & libertatem permittere,

mittere, vassallum Papæ se fateri, annumque censum mille marcas promittere cogit *l. X. ep. 219. l. XI. ep. 87. 211. l. XV. ep. 234. 236. seq. lib. XVI. ep. 76. sequentibus, ep. 130. & deinceps*. Divortium Regis Franciæ Philippi, quæ Ingeburge Regina, maleficium obtendens propter quod debitum conjugale sibi mutuo præstare non possent, repudiata Agnetem filiam Ducis Meraniæ superinduxerat, pluribus epistolis improbat admodum, adhibitoque rigore ecclesiastico, Regem, ad recipiendum dimissam conjugem urget; obtinet etiam, ut defuncta Agnete prior conjux rursus admitteretur, susceptos nihilominus ex superinducta liberos legitimos facit. Ad bellum sacrum pro recuperatione Terræ Sanctæ tam Clericos quam Laicos cruce signatos milites excirat, promittendo plenam remissionem peccatorum, recipiendo in protectionem B. Petri bona in Terra sancta militaturorum, eademque ab exactionibus usurariorum liberando, pecunias etiam grandes tam ex suis quam monachorum redditibus collectas ad alendum exercitum transmittendo. Concilium generale indicit ad deliberandum de Terræ sanctæ recuperatione & reformatione universalis Ecclesiæ *l. XVI. ep. 30. & sequentibus*. Manichæos & Valdenses, quos communi *hereticorum* nomine comprehendit, pari poena damnat, ad nullas dignitates civiles admittendos, bonis omnibus privandos, necandos. Eosdem igitur dogmatibus longe diversos, habitationibus tamen cumprimis in Comitatu Tolosano permixtos, per milites cruce signatos provinciales convocato magno numero trucidat, ceteros expellit, *l. I. ep. 81. 94. 165. 298. l. II. ep. 1. l. X. ep. 54. l. XII. ep. 86. seqq. ep. 108. & pluribus eodem libro aliis*. Judæos in protectionem suam exemplo prædecessorum recipit *l. II. ep. 302*. Meretricem e lupanari extrahere & in uxorem ducere, pium & meritorium statuit *l. I. ep. 112*. Cælestinum antecessorem suum sententiam aliquam veritate cognita revocasse scribit *l. I. ep. 50*. ejus indulgentiam in præjudicium alterius Ecclesiæ concessam irritam declarat *ep. 61*. Literas Apostolicas subreptitie impetratas quamplures cognoscit & nullas pronunciat *l. I. ep. 219. 224. 245. l. II. ep. 23. 40*. Processisse se in decretis sicut divinitus sibi fuit revelatum, scribit *lib. I. ep. 435. &c.*

*LYCEUM PATAVINUM: sive ICONES
& Vitæ Professorum Patavii Anno M DC LXXXII
publice docentium. Pars prior Theologos, Philosophos & Medicos
complectens, per CAROLUM PATINUM, Equitem Divi Marci,
Doctorem Medicum Parisiensem, & Præmum Chirurgia
Professorem Patavinum.*

Patavii 1682 in 4.

Pervetustus mos est imaginum, quas majores olim bene meritis ac sapientibus hominibus, tam publice in theatris & porticibus, quam in atriis domi & privatim, ut simulacra essent virtutis & monumenta gloriæ ad omnem posteritatem, posuerunt. Quæ ambitio, Plinio humanissima dicta, eo valuit, ut dispositis per armaria his imaginibus memoria clarorum Virorum prorogetur, quam sicut alia omnia vetustas obrueret, atque ab oblivione vindicati ii colantur perpetuo, quasi in vivis essent, quorum vultus expressi posterorum oculis animisque subjiciuntur, qui avitæ gloriæ ac virtutum æmuli in has vitas & imagines tanquam in speculum possint inspicere atque ex iis sumere exemplum sibi. Studium hoc propagandæ clarorum Virorum per imagines memoriæ multo autem magis suscipiendum ob eos, qui dum mortalem hanc vitam incolunt, quum sapientia atque doctrina ceteros præstent, sive inertia tamen quod scribendi laborem effugiant, sive animi demissione ac modestia, quod sui apud posteritatem curam non magnam habent, nihil omnino scribunt; vel si maxime ad consignanda litteris præclara ingenii monumenta se contulerunt, ea relicta post ipsorum mortem pulvere situque marcescunt & blattis ac muribus cibum præbent. Bene igitur atque præclare apud posteros merentur, qui & egregia hominum ingenia, quæ sua ætate floruerunt, descriptione eorum, omnium seculorum posteritati commendant; & corporum ab egregiis animis habitatorum simulacra velut spirantia oculis posterorum intuenda relinquunt. Qua in re suæ genti præ aliis consulere studuerunt Itali: inter quos jam pridem *Paulus Jovius* elogiis scriptis & iconibus adjectis effecit, ut, dicente Bonaventura Vulcanio, Doctorum æternum vultusque animusque super sint: postea *Jo. Imperialis* in Museo Historico, Anno 1640 Venetiis evulgato, &

& hunc secutus doctissimus Aemoniensis Episcopus Jac. Phil. Tomasius duobus libris Anno 1630 & 1644. editis clarorum Italia Virorum imagines, ut alios jam taceamus, apte disposuerunt & elogia vitasque descripserunt. Jamque omnium elegantiarum promus condus Carolus Patinus, scriptorum praestantissimorum gloria inclytus, e Gallia ad Euganeos delatus, idem urget propositum, eorum qui hodie literis clari in Academia Patavina, eruditionis cultu longe celeberrima, vivunt Professorum Vitas, Elogia, & edita ab ipsis praeclara ingenii monumenta exponens; ubi ea affert, quae a probatis viris testibusque fide dignis suppeditata, vel ab ipsis, quos repraesentat, communicata accepit; icones etiam praecipua cura ad veritatem vultus compositas adjicit. Primam jam dedit Partem, in qua eos sistit, qui Artistarum nomine veniunt, Legisti in alteram partem sepositis; Professores nimirum oculis exponens, qui Theologica studia jam in Patavina Academia tractant; & Philosophiam docent, cum primis autem qui Medicam artem faciunt, & ad eam quae pertinent studia exercent: eo servato ordine, quem tempus designat, quo quisque a Serenissima Venetorum Republica in numerum Professorum coopertus est. Is autem hac serie eos collocat:

Natus. Professor.

Hieronymus Frigimelica, <i>Medicus.</i>	1611	1633
Octavius Ferrarius, <i>Polyhistor, Eloquentia &</i>	1607	1634

Politica, Graecaeque Linguae Professor; vivis excessit hoc ipso, quo *Lyceum* hoc *Patavinum* prodit, MDC LXXXII. anno, Nonis Mart. ingenti cum jactura bonarum litterarum elegantiorumque studiorum.

Angelus Montagnana, <i>Medicus.</i>	1606	1635
Sebastianus Scarabicius, <i>Medicus.</i>	1609	1644
Jo. Pompilius Scorus, <i>Medicus.</i>	1620	1644
Georgius a Turre, <i>Medicus.</i>	1607	1649
Hadrianus a S. Juliana, <i>Ord. Praed. Philosophus.</i>	1626	1650
Hilarius Spinellus, <i>Medicus.</i>	1626	1654
Alexander Borromeus, <i>Medicus.</i>	1625	1656
Hermenegildus Pera, <i>Medicus.</i>	1608	1657
Dominicus de Marchetis, <i>Medicus.</i>	1626	1662
Stephanus de Angelis, <i>Mathematicus.</i>	1623	1662

Albanus

	Natus.	Professor.
Albanus Albanicus, <i>Philosophus.</i>	1640	1664.
Felix Rotundus a Monte Leone, <i>Ord. Minor.</i>	1630	1665
<i>Theologus.</i>		
Carolus Renaldinus, <i>Philosophus.</i>	1615	1665
Joannes Cigala, <i>Philosophus.</i>	1623	1666
Antonius de Marchetis, <i>Medicus.</i>	1640	1679
Antonius Maria de Blanchis, <i>Ord. Minor.</i>	1630	1672
<i>Philosophus.</i>		
Jordanus Jordani, <i>Ord. Minor. Philosophus.</i>	1644	1674
Jacobus Pighius, <i>Medicus.</i>	1647	1675
Carolus Patinus, <i>Polyhistor. Medicus.</i>	1633	1676
Jo. Hieronymus Textorius, <i>Ord. Bened. Theolog.</i>	1629	1677
Nicolaus Calliachus, <i>Philosophus.</i>	1645	1677
Geminianus Montanarius, <i>Mathematicus.</i>	1633	1678
Octavius Saviolus, <i>Medicus.</i>	1653	1678
Vitalis Terra Rubea, <i>Ord. Bened. Philosophus.</i>	1623	1678
Nicolaus Arnu, <i>Ord. Præd. Philosophus.</i>	1629	1679
Georgius Calafatti, <i>Medicus.</i>	1652	1679
Seraphinus Piccinardus, <i>Ord. Præd. Theologus.</i>	1634	1681
Josephus Carlottus, <i>Philosophus.</i>	1634	1681
Michael Angelus Molinettus, <i>Medicus.</i>	1652	1681
Ludovicus de Saxonia, <i>Medicus.</i>	1657	1682
Augustinus Pivati, <i>Medicus.</i>	1644	1682

LYSIÆ ORATIONES XXXIV. antebac

a Jodoco Vanderheidio Græce & Latine simul editæ,
nunc recusa.

Marpurgi Cattorum Anno 1682 in 8.

ETIſi Orationes forenſes in Græcia & Romæ olim uſitatæ, noſtri
fori uſu jamdudum exulenti; earum tamen uſus longe maximus
eſt, ad Antiquitates non ſolum veteris fori cognoscendas, ſed & ad co-
piam apparatusque dicendi inſtruendum, cauſarum ambigua ho-
dienum occurrentia fata dirimenda, inque civili vita actiones inſtitu-
endas. Quapropter de ſtudiis non ſolum humanioribus ſed & civili-
bus

bus præclare merentur, qui, veterum Græciæ Oratorum eloquentiæ quæ supersunt monumenta ab interitu conservare & commodò studio-
sè Juventutis in publicum edere student. Ac Demosthenis, Isocratis, Æschinis, Libanii, Dionis Chrysostomi, Themistii & quorundam aliorum Orationes peculiaribus voluminibus a Dion. Lambino, Joach. Perionio, Hieronymo Wolfio, Gulielmo & Federico Morellis, ac Dion. Petavio extant editæ, in Latinum etiam sermonem eorundem doctorum virorum studio conversæ: ut vero reliquorum, quæ supererant, Græciæ Oratorum reliquiæ servarentur ac Latine legerentur, post *Henricum Stephanum*, qui anno 1575 *Oratorum veterum Orationes Græcas* cum nonnullarum interpretatione Latina typis suis excudit, cum primis *Andreas Schottus* studuit: excitato *Alphonso Miniato*, qui septuagenario major Antiphontis, Andocidis, & Isæi Orationes ex Græcis Latinas fecit Antverpiæ 1618: auctor etiam extitit, ut *Janus Gruterus* Dinarchi, Lycurgi, Lesbonactis, Herodii & Demadis politicas orationes e Græcis Latinas anno sequenti daret: *Jodocum Vanderbeidum* quoque exstimulavit, ut Orationes XXXIV, de LYSIÆ amplius quadringentis superstites, in Latinam linguam converteret; quod vadam ante ipsum tentaverat nemo. Nam etsi illæ, quas *pro eade Eratosthenis*, item *in Eratosthenem tyrannum*; nec non *in Alcibiadem*; & negotiatores frumentarios: funebres etiam quam *in laudem eorum*, qui *in acie perierunt*, dum *Athenienses Corinthiis auxilium tulerunt*, scripserat (paucas enim habuisse & recitasse Lysiam, plerasque aliis recitandas reliquisse, auctor est M. Tullius) conversæ in Latinum sermonem jam extitissent: majori tamen diligentia & accuratiori studio hæc æque ac omnes reliquas Lysii Orationes Vanderheidio interprete Latina civitate donatas, e conjectura etiam aliquando in textu quædam ingeniose mutata esse, deprehender, qui ejus studium cum aliorum industria, quam Oratori huic impendere, contulerit. Eum igitur in habitum compositum Græcum Oratorem, quem Cicero Latini eloquii parens tanti habuit, ut venustissimum eum & politissimum egregieque subtilem Scriptorem ac elegantem prædicaret, imitandumque ejus submissum, sed purum dicendi genus proponeret, quod se ipsum consulto ad minutarum genera causarum limaverit; Fabio etiam optimo dicendi magistro adeo laudatum, ut nihil eo perfectius quæriri posset, censet, ut amplissimum Dionysii Halicarnassensis & Plutarchi gravissimorum

simorum Auctorum de eo iudicium taceamus: præceteris idoneum existimavit Lud. Bourgeatius Moguntinensis Academiæ Bibliopola, quem studiosæ Juventutis bono recuderet: rem admodum gratam Græcæ eloquentiæ cultoribus se facturum sperans, si Orationes has a Vanderheidio Latina interpretatione & politicis Notis adornatas, in tabernis vix obtinendas amplius, publico usui redderet. Quod institutum in Præfatione a Jo. Burchardo Maji laudatum quivis literarum Græcarum studiosus sibi utile deprehendat; quum ex hoc auctore istius linguæ usus omnium rectissime & facillime comparari possit, quem propterea Dionysius Halicarnassæus καθαρὸν τὴν ἑρμηνείαν πάντων, καὶ τῆς Ἀττικῆς γλώττης ἀεὶ σοὶ κανὼνα pronunciat, & ob puritatem sermonis, τοῖς καθαρῶς γράφειν ἢ καὶ λέγειν ἐχλομένοις, ἐκείνοι τὸν ἀνδρα ποιεῖσθαι ὡς δείγμα ταύτης τῆς ἀρετῆς jubet.

THEOLOGIA POSITIVA, per definitiones, causas, affectiones & distinctiones, Locos Theologicos universos succincte justoque ordine proponens: seu Compendium Systematis Theologici. Opera D. Abrahami Calovii, P. P. Primarii, Facult.

Theol. & Consist. Ecclesiast. Senioris. Pastoris & Superintend. Circul. Electoral. Saxonici &c.

Wittebergæ, Anno M DC LXXXII. in 8.

PRæterquam, quod titulus hujus libri optima fide agit, sacrasque, quas continet, doctrinas modumque, quo pertractatæ sunt universæ, designat aperte ac perspicue, Auctor etiam tantæ est celebritatis, ut nos, quod absque nausea Lectoris adjiciamus, habeamus prorsus nihil. Gratias potius ipsi agimus decentes, quod, postquam tot exegeticis, tot didacticis & polemicis scriptis Theologiam ad vivum expressit omnem, eandem *ὡς ἐν τῷ πω* hoc in libello exhibeat nobis, tam exquisitè ac plene, ut, quod ipse haut frustra pollicetur in præfatione, *si quis hancce Theologiam Positivam, qua thesin & doctrinam probantia, sibi familiarem reddiderit, solidum fundamentum jacturus sit universæ Theologiae.*

DIS

MENSIS DECEMBR. A. M DC LXXXII. 379

DISSERTATIO ECCLESIASTICA

Apologetica & Anticritica adversus F. Claudium Frassen.

Seu

Dissertationis Alexandrinae de Vulgata Scriptura

Sacra Versione Vindiciae.

Parisiis, Anno MDCLXXXII. in 8.

Quadriennium circiter elapsum est, cum *Natalis Alexander*, Theologus Parisiensis & in Majori Conventu & Collegio Ord. FF. Prædicatorum Regens, una cum aliis duabus dissertationibus ecclesiasticis, dissertationem de Vulgata S. Scripturae Versione in lucem publicam emisit, cujus sexta & ultima quaestio circa *sphalmata* occupatur, *qua*, ut verba ejus habent, *in Vulgata Versione Bibliorum jussu Clementis VIII. emendata etiamnum supersunt, & Ecclesia auctoritate corrigi possent.*

Hanc dissertationem pro inveterata Ordinis sui erga Dominicanos & Thomistas æmulatione, haud ita pridem impugnavit *Claudius Frassenius*, item Theologus Parisiensis & Conventus atque Collegii F. F. Minorum Guardianus. Is enim in Disquisitionum suarum Biblicarum hoc ipso anno editarum, & in actis nostris Mense Novembri p. 354. recensitarum cap. 6. quod de Editione Vulgata Latina inscriptum est, Natalem Alexandrum tanquam hodiernum Historiæ Ecclesiasticæ compilatorem & Hæreticorum plagiarium suggillat, eaque Scripturae loca, quæ prædictus Alexander post *Lucam Brugensem* & alios eruditos corrigenda monuit, nullis omnino mendis laborare maxime contendit.

Exinde ergo nata est hæc disquisitio apologetica & anticritica, in qua *Natalis Alexander* dissertationis suæ de Vulgata Versione vindicias adornat. Ac primum quidem Historiam suam Ecclesiasticam in Actis nostris Mens. Jul. p. 209. memoratam, in qua *Blondelli pro Hieronymi sententia Apologiam*, & pleraque *Johannis Dallai* opera primus confutaverit, & disceptatas ab aliis quaestiones novo ordine expendere, aut novis argumentis illustraverit, ex aliorum scriptis direptam & compilatam esse negat. Deinde haud minus inficiatus, se dissertationem suam de Vulgata Versione ex *Grotio*, *Waltono* & aliis Hæreticis

Bbb 2

exscri-

exscripsisse, objectum plagii crimen in Frassenium retorquet, quippe qui disquisitiones suas biblicas ex *Waltono*, *Morino*, *Buxtorfio*, *Huetio* & aliis, æque ac olim ordinis sui Frater *Galatinus* Arcana sua ex *Raymundi* Dominicani pugione, corraserit & compilarit. Tum ad ipsam Vulgatam Versionem accedit, & se *Tridentina Synodi* decretum sancte revereri protestatur, quæ Vulgatam Versionem ut authenticam recipi decernat, non quod eam Hebraicis & Græcis Fontibus, sed tantum reliquis Versionibus Latinis anteferendam arbitretur; quam sententiam *Tridentina Synodi* decretis consentaneam esse, *Alphonfi Salmeronis*, qui *Tridentino Concilio* interfuit, nec non *Andree Vega* & aliorum Theologorum testimoniis confirmare nititur; eorum zelum, qui post *Sixti V.* & *Clementis VIII.* emendationes Vulgatam Versionem alicujus mendii arguere nefas existimant, intempestivum asserens, cum *Innocentio XI.* post *Clementem VIII.* idem liceat, quod post *Sixtum V.*, *Clementis VIII.* licere sibi statuit. Addit etiam, quam falsum & ridiculum sit Frassenii principium, Fontes Hebraicos & Græcos tam corruptos, & Versionem Vulgatam tam correctam pronunciantis, ut Fontes potius ex Versione, quam hanc ex Fontibus emendari debere censeat.

Porro his generalibus præmissis ad specialem singulorum locorum, quæ in dissertatione sua mendosa & correctionis indiga animadvertenterat, enumerationem progreditur, & observationes suas contra censoriam Frassenii virgulam tueri satagit. Postremo etiam doctissimi Abbatis *Petri Danielis Huetii*, passim in Frassenianis disquisitionibus traducti causam agit, & simul ad ea, quæ in fine disquisitionis de Vulgata Versione contra ejusdem Censores durius dicta sunt, breviter respondet.

CARNIOLA ANTIQUA & NOVA,

sive incluyti Ducatus Carniola Annales Sacro-prophani, ab orbe condito ad nostrum usque ætatem, per annorum seriem Chronographice digesti in duos tomos, Autore Joanne Ludovico Schanleben, Carniolo

Labacensi SS. Theolog. Doctore, Protonotario

Apostolico.

Labaci Anno M DC LXXXI. in fol.

DE patria sua bene mereri, qui illius famam temporum injuria obscuratam illustrare satagunt, suo exemplo nuper docere voluit.

Dr.

Dn. D. Joannes Ludovicus Schanleben. Etenim videns ipse, nullam fere in cultiori Europa regionem inveniri, quæ non suum nacta scriptorem, nominis aliquam celebritatem consecuta sit, animum appulit ad CARNIOLÆ, patriæ suæ historiam hæcenus orbi fere ignotam, e tenebris eruendam; itaque evolutis & collatis IX MSC. Chronicis & plus centum scriptoribus aliis in margine operis allegatis, passimque notatis Megiseri, Aventini & aliorum erroribus, qui partem historię hujus attigerant, eandem componere aggressus est. Præmissis Carniolæ antiquæ, sive partis Norici & Carniæ, Japudiæ & Histriæ antiquæ tabulis Chorographicis, totum *opus in tres partes* divisit. In PRIMA Carniolæ antiquæ statum delineat, inquirens in varia ejus nomina, incolas, limites, situm, urbes, oppida, vicos, colonias, montes, fluvios & lacus. Inter urbes antiquitate eminet *Æmona*, quæ hodie Labacum dicitur & Carniolæ metropolis. Dum montes *Cap IV.* attingit, Alpium varia nomina & divisiones exponit, notans *Cluverium*, qui Carusadium & Carvancam, imo & Ocram, unum eundemque Alpium tractum esse statuerat, errasse. Inde pergens, singulare naturæ miraculum describit, *Lacum Circknicensem* putæ, veteribus *Lugea palus* dictum, in quo quotannis, & quidem eodem in loco, agricola scærum & messem expectat, venator lepores indagat & capit, piscator pisces extrahit varios, inprimis lucios sæpe duos & ultra cubitos longos, librarum quindecim, viginti & amplius; non vano argumento lacus subterranei, extremo autumnii tempore & subinde etiam veris initio erumpentis ac vallem hanc inundantis. Non procul ab lacu *Lugea specus* observatur, quam inter montis cavernas existentem, si quis subierit, murmur illico fluvii ingentis audit, & quod magis mirere, ultra milliare Germanicum eam protendi, juxtaque fluvium, qui navigabilis esse dicitur, latam satis viam parere scribit, qua cum stupore tandem emensa, ad saxa prærupta perveniatur, quæ gradum sistere longius progredi volentem jubeant. *Autor* historię hujus, tellurem terræ motu concussam, montesque duos fluvium ambientes concidisse, ac admirandam hanc effecisse specum existimat. In *V. Cap.* antiqua nomina locorum Carniolæ vicinorum recenset, quæ veteris Geographiæ partem illustrant. Hinc *Cap. VI.* de antiquæ Carniolæ populis, inquilinis & eorum migratione agit: ut sunt Aborigenes, Japides, Hyperborei, Celtæ, Pannonæ, Taurisci, Norici, Romani, Vandali, Gothi, Longobardi,

Sclavi, Avarcs, Hunni & denique Franci. *Cap. VII.* antiquas Inscriptiones Latinas, tam quæ Labaci, quam quæ extra urbem in locis vicinis leguntur, annotat. *Lazius* quidem ante jam aliquot earum descripserat: verum *Autor* hic non solum quædam in illis perperam descriptis notavit, sed & novas ipsi communicatas adjecit.

Pars II. continet rerum inde ab orbe condito usque ad nativitatem Christi gestarum compendium, in morem Chronici vulgaris digestum, adscriptis in margine autoribus, quorum testimoniis uti voluit.

Pars III. annexa, quæ a nato mundi Salvatore, per mille annos ad Ottonis III Imperatoris ætatem acciderunt, in compendio memorat, adpersis quæ ad Carniolæ & vicinarum gentium historiam faciunt.

MEMOIRES DU CHEVALIER DE TERLON

pour rendre conte au Roy de ses Negotiations, depuis l'année 1656. jusqu'en 1661.

A Paris. A. M DC LXXXI. in 12.

Equitis Terlonii Commentarii, quibus rationem Regi negotiationum suarum ab anno 1656 ad annum usque 1661 reddit. Parisiis, 1681,

Quantam id generis Commentarii, quibus legationis a se administratæ narrationem complecti Oratores consueverunt, utilitatem & illis afferant, qui ad Civilem prudentiam aspirantes, negotiorum publicorum rationem ac momenta, ipsarumque Rerumpublicarum, statum præsentem, nosse intimius desiderant: & iis etiam, qui justos Annales componere, ac rerum gestarum Historiam non ex vulgi sermonibus, sed authenticis fideque dignissimis monumentis posteritati tradere moliantur, ignorat nemo. Nec quisquam inficiabitur, in ejusmodi Legatorum de rebus a se in curando munere gestis Relationibus, quæ apud plerasque gentes publico usui subductæ in scriniis inter secretissima recondi solent, publici juris faciendis, Gallos imprimis faciles esse: ut, quemadmodum consulta sua ac destinationes clausas tenent summoque studio occultant, ita rerum jam peractarum exactam noticiam invidere nemini velle videantur. Utique non Acta tantum

tantum publica sua in volumina diligenti studio collecta, ut usui esse, justam Historiam condituro possint, (*Recueils de diverses pieces pour servir a l' Historie*) sed & Oratorum Regis Galliae commentarii Historiam peractae legationis continentes magno in Gallia numero prostant; ut tot subsidii publice jam paratis, quae alibi ex archivis magni labore conquirenda sunt, & ægre admodum e latebris extrahuntur, nullius gentis Historiam, quam Gallicæ, sincerius, exactius, & faciliori negotio componi posse palam sit. Aliorum itaque exemplum secutus Eques *Terlonius*, cum Nuntii primum Extraordinarii, post Legati Ordinarii ad Daniæ, Sueciæ, Poloniæ Reges munere, ab a. 1656 ad a. 1661, eo nempe tempore, quo Septentrio atrocissimis bellis flagravit, functus esset, ac non hostilium tantum actionum spectator ac observator industrius fuisset, sed & in pace inter belligerantes componenda præcipuas partes egisset, commentarios hosce edendi consilium cepit, eadem opera & Regi Christianissimo rationem redditurus gesti muneris, & Historiarum civilisque prudentiæ cupidus consulturus.

Auspicatur opus hoc ab itinere in Poloniam a. 1656 a se suscepto, ut ad Carolum Gustavum Sueciæ Regem Polonico tunc bello occupatum munera a Rege suo deferret; cumque illa tempestate Sueci ac Transylvani socias adversus Polonos vires junxerint, foederis illius ortum ac momenta, exercitus utriusque robur, Caroli Gustavi Sueciæ Regis & Ragozii Transylvaniæ Principis congressum, eorundemque post armorum conjunctionem gesta, Sueciæ denique Regis felicem eventum in Germaniam, ut novo hosti Dano mature occurreret, Ragozii infelicissimum in Transylvaniam regressum, uberius recenset. Inde quæ in Electoris Brandenburgici Aula sibi obtigerint, quibusque causis impulsus Elector pacem cum Polonis, desertis Suecorum partibus, admiserit, enarrat; quæque ipse, postquam defuncto Lubecæ *Comiti d'Avangon* in ordinarii ad Septentrionis Reges legati munere susceptus, ac pacis inter partes bellantes componendæ incumbere jussus esset, in pacis promovendæ negotio dixerit, scripserit, egerit, sic commemorat, ut utriusque belli Sueco-Danici Historiam passim intertexat; adeoque auspiciatissimam Sueciæ Regis in Danicæ provincias irruptionem, pacem Danis tantum non imperatam, bellum a Carolo Gustavo Sueciæ Rege adversus Dancs redintegratum, Hafniam obsessam, suppetias afflictis Danorum rebus

rebus a Cæsare, Brandenburgico Electore, Batavisque latas, verbo, bellitotius cursum ac fata describat. Redit inde ad pacis multo tandem labore stabilitæ Historiam, ac qua eam ratione in Poloniam profectus inter Suecos primum ac Polonos eorumque Fœderatos promoverit, insertis literis quamplurimis eam ob causam ultro citroque datis; quomodo item redux in Daniam factus Tractatus pacis inter Danos ac Suecos una cum Anglicis ac Belgicis Legatis instauraverit, ac ad felicem tandem exitum, etsi post Caroli Gustavi demum fata perduxerit, commemorat. Denique cum & Regni Suecici comitiis post excessum Caroli Gustavi celebratis *Terlonius* amplissimo, ut ante, Legati Gallici munere insignis interfuerit, quæ istis in comitiis tum de regimine, donec Rex minorennis adolesceret, constituendo, tum de Regina Christina, quæ in Regnum nuper redierat, actitata fuerint, explicat, subiecto defuncti Regis Caroli Gustavi elogio ac characteribus: indeque Friderici quoque III Danicæ Regis, Regiæque Domus adornata delineatione, mutatam Regni formam, quod ex electio hæreditarium factum est, recenset, finemque libro Historia reditus sui ex Dania in Galliam, ubi a Christianissimo Rege gratiose exceptus est, imponit.

DISSERTATIO EPISTOLARIS, DE OBSERVATIONIBUS CIRCA CURATIONEM Variolarum confluentium, nec non de Affectione Hysterica.

Per Thom. Sydenham M. D. Londini, 1682. in 8.

Egerat jam pluribus *Autor in Observat. circa Morb. acut. Hist. & Curat.* de Variolis, quas *Confluentes* vocant, eæque in quantum & essentia & periculo a *Discretis* differant, p. I. f. 3. c. 2. p. 166. & f. 4. c. 6. p. 282. docuerat: quæ tamen novis quibusdam observationibus illustrare, quin & de Passione Hysterica quædam adjicere, a *Guil. Cole*, M. D. per Epistolam invitatus, præsentī in dissertatione satagit.

De Variolis Confluentibus duo principaliter monet. 1. Regimen calidum ægrorum, eorumque ante sextum morbidicem, & ante quam variolarum examen omne in conspectum se dederit, decubitus, (nisi interdum symptomata vehementiora ad id cogant) omnino rejicit. 2. Syrupi de meconio, seu diacodii & crebriorem & copiosiorum usum sub variolarum suppuratione persuadet. Quoad prius punctum

etum, supponit materię Variolosę (ab ipso sic dictę) cum sanguine assimilationem, adeoque hujus infectionem, illius multiplicationem omni ope prohibendam esse. Assimilationem vero hanc nulla re magis prognoveri, quam si æger intempestive, ante sextum diem lecto se addicat: Siquidem hoc modo, non secus ac ab ægri naturę spirituosiore, vel a medicamentis cardiacis & spirituosiss, fermentum plus debito exaltetur, sanguis vero ad excipiendas profundius morbi impressiones disponatur. Adeoque curationis fundamentum a primorum dierum regimine dependere; si vero talidorum, & præsertim letuli usu spirituosę particulę acuantur, necesse esse, assimilandi earum facultatem hoc ipso roborari, variolę copiosiores hinc efflorescere, & ægrum in majori vitę periculo versari. Quoad posterius punctum notat, post sextum morbi diem pustulas augeri, corpus, præsertim caput, ab iisdem caleferi, & maturando suppurari, & ita febrem secundariam tali occasione incendi, ex qua subinde ingens ægro periculum circa XI præsertim morbi diem immineat. Cum vero quo sedatior sanguis & spiritus, eo melius procedere omnia soleant, ob id remedia anodyna, & hæc inter syrupum de meconio ad ʒjusque ad ʒx sapius reiteratum esse omnium optimum, idque in primis ultimis & periculosissimis morbi diebus. Quę omnia rationibus & observationibus, ut & objectionum resolutionibus confirmare nititur.

Pergit postmodum ad *affectus Hystericos*, chronicorum omnium ipsi frequentissimos, & quos eisdem cum affectionibus hypochondriacis marium esse asserit: in qua sententia, cum *Fr. de le Boe Sylvio* celebri Medico, amice conspirat, ut passim ex libris hujus Practicis constet, & qui ob id *suffocationem hypochondriacam*, quam *Hystericam*, istud malum complicatum appellare maluit. Præmittit affectuum dictorum Historiam, secundum insignem symptomatum varietatem notabilem, quę omnia, tanquam a causa proxima, a spirituum animalium ataxia seu vitiosa dispositione, cujus ratione ex impetu illorum inordinato in hanc vel illam partem spasmi & dolores excitentur, & organi tam illius, in quod se ingerunt, quam istius, a quo abscedunt functiones pervertantur, pendere statuit, id quod speciali symptomatum sciendi modo, pluribus declarat. Propius accedit hic *Willisio*, qui pariter in *Pathol. Cerebri, & Nervos. generis Specim. c. X.* pathemata hystERICA ad affectus convulsivos, & in quibus cerebrum & nervosum ge-

nus inprimis afficiantur refert, causam vero proximam non tam spiritibus ipsis, quam potius copulæ explosivæ heterogeneæ a sanguine, suffusæ, cum spiritibus per processus nerveos derivatæ, attribuit. Præmissa ista theoria, Curam Practicam ponit in sanguinis corroboratio-
ne, ut spiritus ex illo geniti, invigorati, correctæ eorum ataxia, tenorem totius corporis, & singularum partium æconomix competentem, denuo acquirant. In quem finem martialia, præsertim martem crudum, & syrupum de Marte, ceu expertissima, non neglectis cæteris hysteri-
cicis & foeridis commendat: utut agris quibusdam, aliis irritis, curam lacteam, aliis diuturniorem equitationem proficuum observavit. Generali huic, specialem paroxysmorum atrocium, & symptomatum graviorum per opiata præsertim instituendam curam subjungit, ut & quomodo tractandæ sint puerperæ, passionibus hysteri-
cicis correptæ, ut quod ipsis immineret, vitæ periculum effugiant.

G. G. L. MEDITATIO DE SEPARATIO-

*ne Salis & aquæ dulcis, novoque Separationum Chymica-
rum genere.*

Separatio aquæ dulcis, salisque in ea contenti duplicem scopum habere potest: vel enim quærimus aquam dulcem, neglecto sale, ut
navigantibus succurramus, vel contra quærimus salem neglecta aqua
dulci, ut sumptus minuamus, qui in ignem sunt impendendi, cujus vi
aqua evaporat, quod non exiguum in illis regionibus usum haberet,
quibus Sol hoc ministerium non satis præstat.

Quod primum attinet, aquam dulcem potui satis aptam ex ma-
rina obrineri posse distillatione, non Linschotani tantum, sed & alio-
rum multorum relatione constar. Et putem eum in usum furnos
inveniri posse admodum compendiosos, & exiguæ materiæ combu-
stilis indigos, quales nondum adhibentur. Præcipitari salem posse
scio Zinco, lapide calaminari & similibus, quin etiam Saturnus hic ali-
quid præstat. Sed simplicissimam obtinendæ aquæ dulcis rationem
esse puto percolationem. Experimentis enim constat, etiam vino &
urinæ aliisque liquoribus repetita per simplex sabulum transmissione
adimi non tantum colorem, sed & saporem. Et cum in Galliis essem,
vidi genus lapidis, qui prima statim vice, liquores inspidos transmi-
tebat; credoque adhuc vivere, qui locum indicare possit. Et ut aqua
salva

falsa facilius per majorem fabuli copiam percolaretur, & perinde statim prima vel ad summum altera vice purificaretur, posset adhiberi machina comprimens vel sugens. Quod si cui placeret loco simplicis fabuli adhibere Lithargyrium, vel aliam Saturni calcem, res forte adhuc melius succederet. Ceterum ex his occasio mihi nata est cogitandi *de novo quodam Separationis Chymica genere*. Ponamus liquorem per fabulum vel commune vel peculiare, aliudve corpus saepe transmitti, donec vim amiserit: dubium nullum est, quin fabulum aliquo sale, si ita dicere licet, essentiali ipsius liquoris futurum sit imprægnatum. Eliciat Sal iste rursus ex fabulo, superfusa aqua communi, & aquæ defusæ parte deinde evaporante, congeletur in crystallos, aliave ratione ad siccitatem revocetur. Ne vero putet aliquis frustra aquam salî, ex fabulo elicendo, reddi, quam percolatione prius ab eo separavimus; sciendum est, hac ratione magnam salis copiam antea in multo liquore dispersam, nunc concentrari in tam exiguum, quantus ad eum solvendum sufficit; deinde multum interesse inter aquam priorem ipsi vino vel alii liquori ingentiam, quæ salem hunc sibi cognatum non ita facile dimississet, & inter aquam communem, nunc affusam, quæ salem hunc essentialem ut nunc primum attraxit, ita mox libenter derelinquit. Si quis etiam omisâ elixatione experiri volet, quid distillando salem ex fabulo, aut fabulum vitricando esset prodicendum, multa haud dubie nova deprehenderet, quasdam etiam forte peculiares terras produceret. Ita ope hujus subtilis percolationis, novam multorum corporum analysin habebimus, ingentemque materiam utilium experimentorum.

Superest ut de secundo capite dicam, separatione scilicet salis ex aqua, ipsa aqua neglecta. Hæc separatio pluribus modis reddi potest facilior, quorum partem jam attulimus, nam illi ipsi furni compendiosi minore sumtu aquam in vaporem verrent; deinde si percolatione, sal in fabulo relictus habeatur, elixatione concentrabitur in aquam multo priore ditiolem, adeoque facilius incoquendam. Sed ut nunc mittam Solis aerisque auxilium non satis adhibitum, suffecerit dici, quomodo aqua sequestrari possit simplici motu, sine ullo igne. Fundamentum hujus meditationis mihi præbuere illæ salinæ, quas vocant LECK-WERCKE, ubi magna aquæ sylvestris sive heterogeneæ pars, Sulciæ sive Solæ quam vocant mixta, motu lapsuque dissipatur.

Sed perfici operationem posse cogitavi, cum considerarem folles illos notos, qui a vento ex aqua per lapsum generato, statum habent. Inde enim manifeste sequitur, si aqua salsa semel delapsa & per machinam iterum elevata, denuo decideret, denique omni aqua in vaporem versa, solum salem in fundo remansurum. Has meditationes, quas alii forte secretas haberent, ex multis aliis excerptas, publico impertiri volui, ne forte casu aliquo intereiant.

EXCERPTA EX EPISTOLA D. N. JOANNIS

HEVELII, *Gedano Lipsiam missa*

d. 17. Nov. s. n. a. 1682.

I. De Variatione Acus Magneticae.

Confer Acta Anglicana Mens. Oct. Anno 1670. & Actorum horum mens. Aug. p. 258.

GRatias autem omnium primo Tibi habeo, quod inter alia etiam illam Epistolam invitatoriam ad observationes Magneticae Variationis institueudas mihi transmitters. Lator ex animo, quod & alii mecum statuunt, plurimum conducere & Rei Literariae & Nauticae, ut hocce negotium conjunctis viribus funditus perveſtigetur. Ego quidem antequam hanc Epistolam accepissem, sponte tamen mea, die sc. 20 Junii st. n. circa ipsum Solstitium æstivum, cum intra aliquot annos debite declinationem magneticam haud investigassem, observationem istam rursus summa diligentia institui, non solum illa acu magnetica, quam ante quadraginta jam annos istis observationibus adhibui, sed plurimis diversissimis. Inventi autem declinationem hoc anno esse 8 gr. 45 vel 52 min. occasum versus, quæ anno 1670 d. 22 Junii deprehensa est 7 gr. 20 min. hic Gedani: uti ex Epistola ad Cl. Oldenburgium Ill. Reg. Societatis Secretarium, quæ in *Alth Anglicæ* Anno 1670 m. Oct. invenitur, liquet. Cum autem inter alia ibi professus sim: *Unde mihi subolet, motum hunc annum hoc tempore quasi decreſcere: præſertim cum ex meis observationibus annorum 42, & Anno 1670 habitis, liquidum sit, hunc motum tantummodo nunc esse 9 min. 6 ſec.* In hac opinione nunc magis magisque confirmor, ex hujus anni 1682 observatione, motum sc. hunc annum plus plusque

de-

decreſcere. Nam 12 annorum ſpatio 1 gr. 25 min. declinatio hic Gedani tantum diminuta nunc eſt. Quouſque autem decreſcet, an ſuo tempore futura ſit circa limites plane ſtationaria: an vero continuo motu, & ubique plane uniformi ſit progreſſura, ſubſequentium annorum obſervationes docebunt. Quare & meo nomine omnes harum rerum obſtruſarum cultores obnixè rogatos volo, ut quilibet ſuo loco ad ea omnia accurate attendat, inprimis ut limites hujus progreſſionis rectè ubique deregì poſſint. Nam motum hunc Magnetis ſuo tempore rurfus orientem verſus progreſſurum, nullum apud me eſt dubium.

II. De Cometa Anno 1682 menſe Auguſto & Septembri viſo.

Nupèrus Cometa etiam à me pro viribus, quoties temperies tantum aeris induliſit, hic Gedani ex nova mea Specula, novisque meis Organis obſervatus eſt; plurimas etiam tam diſtantias a plurimis Fixis, quam Cometæ Altitudines Meridianas notavi; quas autem omnes hic recensere, nimis longum foret, nec vacat eas rigidiori calculo ſubjicere; tota hiſtoria rejicienda erit eoſque, donec *Annum Climæ Hericum*, atque *appendicem Obſervationum mearum poſt Part. II. Mach. meæ Cœleſtis* impetratarum ſum editurus. Sufficiat hac vice dixiſſe, Cometam hunc Gedani die 25 Auguſt. ſt. n. primum detectum, atque a die 26 Aug. ad 17 Septembr. quoties tantum ſerenitas permiliſit, debite ſummaque cura a me obſervatum eſſe, tam mane quam vespèrè imò etiam per aliquot continuas noctes, cum exiſteret pernox: qua via autem, qua velocitate, ſub quo angulo Orbitæ ac Eclipticæ progreſſus fuerit, ex adjecta Tabella patet; quam tamen non ex accurato calculo, ſed ex Globo tantummodo laxiori modo concinnavi, cum ſublimiora ſtudia in edendo novos Globos cœleſtes meos, cum Catalogo Fixarum, & quæ eo pertinent, id minime permittant.

Anno 1682	Menf. D	Hor. /	Longitud. Cometz. S. o. /	Latitud. Cometz. o. /	Motus in prop. Or. o. /	Notanda.
Aug. 26.	3.	o. M.	3. 23. 30.	21. o. B.		Nodus Boreus in 24
27.	11.	o. V.	4. 5. o.	23. 30.	10. o. fer.	gr. Tauri, & Nodus
30.	3.	30. M.	4. 12. o.	25. 20.	13. 20.	Austrinus in 24 gr.
30.	9.	o. V.	4. 22. o.	25. 40.	3. 30.	Scorpii; Limites vero
31.	3.	30. M.	4. 24. 30.	26. o.	2. 20.	in 24 gr. Leonis &
Sept. 1.	3.	30. M.	5. 1. o.	26. o. fer.	5. 45.	Aquarii extiterunt.
1.	9.	o. V.	5. 6. o. f.	25. 40.	4. 45.	Angulus Orbitæ & Ec-
3.	8.	30. V.	5. 20. o. f.	24. 30.	11. 30.	liptica fuit 26 gr. fe-
6.	9.	o. V.	6. 5. o.	20. 30.	15. o.	re. Utrum autem
8.	8.	o. V.	6. 12. o.	18. 15.	8. o. fer.	toto durationis tem-
9.	8.	30. V.	6. 15. 30.	17. 15.	3. 30.	pore omnino constans
10.	8.	o. V.	6. 18. 30.	15. 45.	3. o. fer.	cum Nodis extiterit,
12.	8.	o. V.	6. 23. o.	14. o.	5. o.	an vero & quousque
13.	7.	30. V.	6. 25. o.	13. 30.	2. o.	variaverit, ut ſepius
						fieri ſolet, ex calculo
						patebit.


En motum diurnum aliquanto accuratorem ad aliquot dies:

Menf. dies	Mot. Com. diurnus.	Menf. dies	Mot. Com. diurnus.	
Vesp.	o. /	Vesp.	o. /	
Aug. 26.	5. 28.	Sept. 5.	5. 24.	Sic ut motu ſuo proprio in orbita ſua confe-
27.	5. 35.	5.	5. 0.	rit a die 26 Aug. ad 13. Sept.
28.	5. 41.	6.	4. 30.	veſp. 83 gr. 27 min. & in E-
29.	5. 46.	7.	4. 0.	cliptica 91 gr. 30 min. Lati-
30.	5. 50.	8.	13. 30.	tudo vero Borealis creve-
31.	5. 46.	9.	3. 0.	rit ad 6. gr. ruruſus decreve-
Sept. 1.	5. 43.	10.	2. 40.	rit 12 gr. 30 min.
2.	5. 40.	11.	2. 20.	
3.	5. 31.	12.	2. 0.	
4.		13.		



62

TAB. XXI. ad A. 1682. pag 329.



TAB. XX ad A. 1682. pag 391.



De Capite & Cauda hæc referenda habeo : quod nimirum caput toto durationis tempore lucidius , quam iste Anno 1681, ac aliquanto etiam majus , e contrario multo breviorē caudam exhibuerit. In ipso capite, beneficio longioris Telescopii, non nisi unicuique nucleum, figuræ ovalis, & a superiori parte gibbosæ constantē notavimus ; nisi quod die præsertim 8 Sept. ex dicto nucleo clarissimus simul radius ex parte etiam incurvatus in caudam exiret ; quod ut notari meretur, (cum ejus generis faciem in nullo adhuc Cometa , quantum memini, observaverim) sic lubens hic faciem Capitis & Caudæ delineatam dare volui. Præterea sciendum, quod nonnunquam, ut d. 30. August. manē factum , caudam satis præcisē in oppositum Solis direxerit ; sed sæpius etiam notabilem deviationem (prout in plurimis Cometis fieri solet) exhibuerit. Longitudinem quoque Comæ non semper eandem conservavit : initio Cauda 12 fere grad. videbatur, deinde nonnunquam brevior, etiam interdum longior ad 15 & 16 gr. extitit ; circa finem vero quotidie diminuta est.

TAB. XX

III. De Phænomeno quodam circa Auroram deprehensio.

Die Mercurii, 28 Oct. Hora 9 vespertina, Aurora Borea Notozephyrum versus hic Gedani apparuit, diversissimos, longissimos, fulgentissimosque radios sursum projiciens, ac si caudæ essent trium vel quatuor diversorum eximiorum Cometarum. An phænomenum hocce & simul alibi, uti nonnunquam fieri solet, visum fuerit, haud absre esset cognoscere. Nam interdum plurimis in locis simul ejusmodi phænomenum conspicitur : prout anno 1621, d. 12 Sept. obtigit. Quod non solum *Clariss. Petrus Gassendus Peynerii* in Provincia, circa Aquas-Sextias, deprehendit ; sed in tota fere Gallia, tam ad Austrum, quam Aquilonem, Orientem & Occidentem 20 ipso tempore fuit observatum ; ut legere est in *Philosophia Epicur.* p. 117, 118.

NOVA METHODUS TANGENTES CURVARUM expedite determinandi, per D. T.

Quantus sit Tangentium usus, iis constat, quibus perspectum, quod dum Tangentes curvarum determinantur, eo ipso etiam quadraturæ spatiorum curvilinæ exhibeantur : quapropter Methodi

thodi universales Tangentes determinandi, a Præstantissimis Mathematicis inventæ. Sed quia ut plurimum prolixum admodum requirunt calculum, optime Geometriam promovent, qui in re tanti usus singularem facilitatem suppeditant, quod inprimis *Dn. Slusius* generali ac admodum simplici regula effectum dedit.

Unde cum in Regulam, quæ multo adhuc universalis ac simplicius, ac ulla hætenus exhibita, Tangentes determinat, inciderim, rerum harum peritis eam non denegandam esse credidi.

TAB. XXI
Fig.

Sit *In Schemate I*, curva quæcunque Geometrica BDE, prout eas *Cartesius* vocat; BC abscissa, æqualis x; ordinatim applicata CD, æqualis y; linea determinans Tangentem AB sit æqualis t: detur porro hujus curvæ natura quæ sit ex.gr. talis, ut $y^3 \pm x^3 \pm xxy$ sit æqualis $xyy - a^3 \pm aay - aax \pm axx - ayy$. His ita positis, ordinentur termini hujus æquationis hac ratione, ut maxima potestas ordinatim applicatæ CD, seu y sit ab altera parte æquationis: hinc jam erit $y^3 - x^3 - xxy \pm xyy - a^3 \pm aay - aax \pm axx - ayy$. Transposita vero y³ cum signo — omnes termini ponantur æquales nihilo, seu 0.

II. Fiat fractio, ejusque Numerator hac ratione. Termini, quibus cognita quantitas adhæret, omnes assumantur cum suis signis, & si eadem sit unius dimensionis, præfigatur illi termino unitas; si duarum, binarius; si trium, ternarius, & sic porro: eritque in præsentis exemplo Numerator $-3a^3 \pm 2aay - 2aax \pm axx - ayy$.

III. Denominator constituatur hac methodo: Assumptis iis Terminis, in quibus abscissa x occurrit, retentisque signis, si quantitas x sit unius dimensionis, præfigatur, ut supra, unitas, sin duarum, binarius; & erit $-3x^3 - 2xxy \pm xyy - aax \pm 2axx$: his vero singulis unica x diminutis denominator erit $-3xx - 2xy \pm yy - aa \pm 2ax$.

Dico, hanc Fractionem æqualem esse quantitati AB, atque adeo

in præsentis exemplo $t = \frac{-3a^3 \pm 2aay - 2aax \pm axx - ayy}{-3xx^2 - 2xy \pm yy - aa \pm 2ax}$ Atque sic

facili & universali via omnium curvarum geometricarum Tangentes exhibentur.

Fig. 2.

Ulterius autem ostendam, eadem methodo infinitarum curvarum ex mechanicis Tangentes determinari. Sit enim, *in Schem. II*, quæcunque curva BDE, ac ponatur portio ejus BD æqualis x; DF vero sit

fit æqualis y; formeturque quæcunque curva BF, ex.gr. juxta priorem æquationem $y^3 + x^3 + xxy = xyy - a^3 + aay - aax + axx - ayy$: ad determinandam ergo Tangentem AF, curvæ BFG sic progredior. Assumatur Fractio juxta antecedentia, eique addatur quantitas x; eritque productum hoc æquale AD portioni Tangentis curvæ BDE, ac proinde

In præsentī casu, si ducatur AD curvam BDE tangens in D, ac

$$-3a^3 + 2aay - 2aax + axx - ayy.$$

assumatur æqualis

$$-3a^3 + 2aay - 2aax + axx - ayy.$$

$$-3xx - 2xy + yy - aa + 2ax$$

AF tanger curvam BFG in puncto F. Eadem Methodo cycloidis ac infinitarum curvarum mechanicarum Tangentes admodum expedite determinantur, viaque adeo universali, ut ubi hætenus, per quamcunque Methodū analyticam, saltem unius curvæ exhibetur Tangens, hic semper una eademq; opera infinitarum curvarum Tangentes determinentur: infinitæ enim curvæ loco curvæ BDE possunt supponi, ut tn. Tan-

$$-3a^3 + 2aay - 2aax + axx - ayy$$

gens semper determinetur per AD =

$$-3xx - 2xy + yy - aa + 2ax$$

posita natura curvæ BFG tali, ut sit $y^3 + x^3 + xxy = xyy - a^3 + aay - aax + axx = ayy$; & curva BD = x; recta DF = y.

Demonstrationem horum omnium suo loco exhibebo, quam tamen unusquisque vel leviter in Analyticis versatus ex hætenus exhibitis Methodis *Cartesii*, *Fermatii*, *Slusii* &c. facile poterit elicere.

CHYMIA EXPERIMENTALIS CURIOSA ex Principiis Mathematicis demonstrata, Auctore Job. Helfrico Juncken.

Francofurti apud Herm. a Sande, 1681. in 8.

Chymiam, præstantissimam fere Medicinæ partem, Auctor hic hætenus sub densa nube delituisse observans, nulloque autore publicè existente, (prout in præfatione ad Lectorem edisserit) qui ipsius desiderio satisfaceret, & quasi nucleum nobilissimorum remedium in compendio traderet, eo se adductum sensit, ut proprias ingenii vires excuteret, manum ipse operi admooveret, hincq; Chymiam Experimentalem adornaret. Ne autem hæc, instar gemmarum aut metallorum

D d d

intra

intra viscera magnæ matris reconditorum, privatis saltem usibus servata, inutilis nulliusque commodi existeret, Experimenta sibi congesta sub nomine *Chymia Experimentalis curiosa*, in salutem Reipublicæ Chymicæ promovendam, Posteritati nuncupare voluit.

Totum scriptum *Sectiōibus septem* complectitur, quarum *Prior* Artis hujus Fundamenta, i.e. principia, instrumenta & operationes, subjectum & exin parabilia, describit ac recenset: *Altera* animalium horumque partium, *Tertia* vegetabilium, *Quarta* mineralium examen, atque analysin & ex his producta exponit, ita quidem ut hujus capiti ultimo de Auro, panacæarum nonnullarum præparationem subnectat. In *Sexta* Medicamentorum singulariorum, sc. Digestivorum, Purgantium, Diureticorum, Cephalicorum, Odontalgicorum, Pectoralium &c. formulas varias recenset Noster: *Septima* remedia generosiora morborum externorum, & inter hæc Chirurgicas quasdam Operationes, v.g. Repositionem herniarum, Labii leporini sectionem, concedens, simulque modum balsamandi cadavera cum Cosmetiis variisque miscellaneis, Medicinam æque ac Mechanicas artes spectantibus, it. de usu Acidularum, & observationibus Astrologico-Medicis ex Abd. Trevv, loco Appendicis adjiciens.

NEVV EXPERIMENTS AND OBSERVATIONS, made upon the icy Noctiluca, to which is annexed a Chymical Paradox, by the Honour.

Rob. Boyle.

h. e.

ROBERTI BOYLII OBSERVATIONES & Experimenta nova, circa Noctilucam Glacialem, quibus annectitur Paradoxon quoddam Chymicum.

Londini 1681. in 8.

PRæmissa appendicæ observationum nonnullarum ad Noctilucam Aeræam, de qua Cal. Febr. pag. Act. 53. egimus, pertinentium, pergit Nobilissimus Autor ad Noctilucam solidam, (cujus præparatio, ut in
aeræa

aerea, non æque addita est) quam *glacialem* vocat, idque ex eo, quod subinde frustulorum ejus quædam perspicua & sine colore, adeoque, instar tenuium glaciei fragmentorum appareant. Hujus primum, considerat *proprietates*, primario quidem, quod in aere libero lucendo, insignem fumorum copiam spargat, qui cum luce evanescant, simul ac aquæ submergatur. Ne itaque continua illius fieret jactura, sub aqua illam conservavit. Aqua hæc, ut ut vix sensibilibiter a contenta Noctiluca alteretur, evaporando tamen residuum gelatinosum suggerit, quod intensiori igni admotum, crepitando insigniter, explosiones crebras cum fulgurationibus igneis & lucidis emittit. Tentavit postmodum Noctilucæ hujus *solutiones*, observando, quod nec aqua simplex, nec spiritus urinosi, nec spiritus minerales acidi eam dissolvant, bene autem olea quædam, calore cinerum adjuta, illud præstent, ut oleum therebinthinæ, sed sine lucis participatione, oleum cinamomi, caryophyllorum, cum lucis susceptione, oleum vero macis & anisillam haud attingant. Nec spiritus vini solvere eam valet, nisi tandem admodum & calore adjutus: imprægnatur tamen insensibiliter particulis luciferis, adeo ut si ejusdem guttæ quædam aquæ vel frigida vel calida instillentur, mox sub contactu mutuo, conuscationes lucidæ, perquam vividæ, ast brevi evanescentes, appareant, ut ita subito in aqua communi lux produci queat, ab alio quamvis non lucido liquore. Cujus Phænomeni occasione Autor *subilitatem* particularum Noctilucæ scrutari conatur, dum ex S. V. ita imprægnati cum aqua simplici copiosiore mistura, & totius compositi clara effulgente luce, concludit, gr. i. Noctilucæ aptum natum esse ita se diffundere, ut imprægnare valeat liquorem 100000 imo 400000 granorum, cumque lucidum redere. Considerat hinc Noctilucæ *inflammabilitatem*, quatenus non solum chartæ inspersa, hujus sub incensione simul incenditur, cum fulguratione & strepitu instar nitri: sed etiam spiritui Vini commista, post hujus consumptionem & ipsa deflagrat. Agitatione in mortario vitreo sponte flammam concipit, ut & fortitritu ac agitatione cum aliis subjectis facile inflammabilibus, charta, sulphure, pulv. pyrio &c. adeo ut *literæ* chartæ inscriptæ, & lucentes & ardentes simul aliquando appareant. Phiolæ parvæ hermetice sigillatæ inclusa, igni admotæ, intensam lucem & actualem flammam concipit. Quoad naturam denique, hujus Noctilucæ annotat, ad *acidarum* crasin & proprietates eam ac-

cedere, siquidem per deliquium soluta, præter saporis testimonium, & coralia cum impetu arrodar, & cum Sale Tartari effervescat.

Paradoxon Chymicum istis annexum, jam cum Edit. secunda Chym. Sceptic. anno 1680, cum alio tractatu, de *Producibilitate Principiorum Chymicorum* edi debuit: sed quia versio Latina tunc temporis impedita fuit, Anglice conscriptum annectere hic placuit. Estque nil aliud, quam experimentalis confirmatio eorum, quæ in Chymista sceptico fufius excutiuntur, ignem non esse genuinum analyftam concretorum, nec Chymicorum principia esse talia, sed ex aliis concreta, & ex iisdem alias substantias diversas posse produci, quæ in præfenti paradoxo per oleorum essentialium, primario anifi, hinc therebinthinæ, cornu cervi & succini, cohobationes illustrat, præter piceam remanentiam copiosum & phlegma & spiritum acidum ex iisdem eliciendo.

EXCERPTUM EX LITERIS AVENIONE
die 12. Oct. ad Autorem Ephemeridum Gallicarum
scriptis, a Dn. Gallet, Præposito Ecclesiæ S. Simphoriani
Avenione, continens ejus Theoriam Cometa-
rum.

Translatum ex Ephemeride XXVII. d. 16. Nov. 1682.

MEam, quam Tibi mitto, Cometarum Theoriam, duæ tresve, sive Cometæ, sive Maculæ Solaris, apparitiones comprobarunt. Contendo enim me ostensurum, ab una eademque Stella duo differentia ista Phænomena produci, & ipsam perpetuo eandem esse, quæ ab omnium, quas habemus, observationum, præteritorumque etiam seculorum tempore ut Cometa apparuit. Concepi hanc ideam, quinque aut sex abhinc annis, rationemque ejus Academiæ Regiæ reddidi, post observatam Maculam Solarem, quæ M. Aprili anno 1677 visa, aliquot dierum lapsu Cometa fulsit. In hac sententia postremi annorum 1680 & 1681 Cometæ me confirmarunt, nec ego de rei hujus veritate porro ambigo.

Si per Te mature adhuc, de observando sub initium proximi mensis Sole admoneantur Astronomi, notabilem visuri sunt Maculam. Ea-

Eadem hæc illa Stella est, quæ Cometas efficit, quæ solem eclipsabit. Constitui posthæc aliquando Ephemerides super hac mea Theoria condere: interim Tabulas dabo motuum mediorum, cum omnibus ad calculum Equationum necessariis proportionibus ad legem Planetarum, qui, perinde atque Stella ista, super quadam Ellipsi circa Solem moventur.

Videbitur hæc novitas mira, omniumque maxime Scientissimo Astronomo *Dn. Kavina*, qui in *Opere super Cometam anni 1680 & 1681* impossibilia pronuntiavit isthæc mea promissa; quorum non exigua esset utilitas, etiamsi non nisi ad liberandum a terroribus publicum serviret, quos talia Phænomena ciere mundo consueverunt.

OTTONIS PHILIPPI ZAUNSCHLIFFERI

J. U. L. Advocati Hanovici Ordinarii Judex supplens, seu Discussio de Officio Judicis suppletorio.

Marpurgi 1682 in 4.

Sicuti latissimum jus dicentis officium est: ita spatiosissimum quoque; Scribendi campum nunquam non præbuit magnis quibusdam ingeniis, in quo feliciter emetiendo, tanquam in stadio virtute ac eruditione sua digno, certatim desudarent. Ut enim alios nunc omittam, qui in hac necessaria perquam & longe utilissima re operam atque industriam posuerunt, vel solius excellentissimi & cum quovis veterum comparandi *Jcti, Casparis Ziegleri*, propitia Themide elaborata *Dicaſſice*, in qua tota Judicis conscientia excutitur, illustri ejus potest esse documento. Horum igitur vestigia laudabili conatu pressurus Auctor, per trimestre hibernum vix præstantiori studio infumere lucernæ oleum potuisset, quam colligendis iis, quæ in Communi, Camerali, Feudali, Saxonico & Canonico, Juribus, aliisque variorum locorum Statutis ac selectissimis Auctoribus circa officium Judicis *Suppletorium* sparsim tradita sunt; ita ut hic ipse liber jure meritoque eruditi Commentarii vicem in *L. unic. C. Ut, quæ desunt Advocat. partium judex suppleat*, subire possit. Scinditur autem hic Tractatus in duas, *Generalem & Specialem*, partes. IN GENERALI Auctor, præmissis quibusdam *conclusi. 2. & 3.* de necessitate Judiciorum, horum personis principali-

bus pariter & accessoriis, earundemque officio, *concl. 4.* principem Thesin, cuius accuratori evolutioni totus deinde liber consecratus est, proponit, *Judicem* nempe *omissa partium litigantium, earumque Advocati vel Procuratoris, supplere debere ac posse.* Ubi remotis primo *Conclus. 5.* iis, quæ cum hac thesi adversa videntur fronte præliari, in sequentibus docet, quod ea sint vel *Juris*, vel *Facti*. Ratione *Juris* dicit, teneri *Judicem* supplere omissorum ea, quæ (1) sint *Juris Publici, concl. 6.* quæque (2) ad substantiandum, ceu vocant, *judicium, justamque procedendi viam* pertineant, *concl. 7.* (3) ea, quæ sint *Juris* tam *Communis, ejusque vel Romani, vel Canonici, vel Feudalis, vel Recessuum Imperialium; quam Statutarii ac Municipalis, concl. 8.* itemque (4) *Juris* non scripti, consuetudinis nempe cum notoria, tum *Judici* bene cognita. *concl. 9.* Ad *Facta* officio *Judicis* supplenda refert exceptiones a *Partibus* non quidem propositas, ex actione tamen instituta, productis instrumentis, confessione alterutrius litigantis, vel alias ex *Actis* apparentes, de quarum veritate *Judici*, ut tali, constet. *concl. 10.* quæ omnia locum habeant, sive præjudicium *Partibus* inde fiat, sive, non, *concl. 11.* Tandem *concl. 12.* affirmat, esse quædam, quæ quidem *Judex* supplere possit, non tamen præcise teneatur, itemque alia, quæ *Partes* agere nequeant, hincque a *Judice* sint supplenda, quorum exempla in subjectis §§. non parca manu spargit. In *SPECIALI* parte examinatur, quid *Judex* supplendo possit in singulis partibus *Processus*, & quidem (1) circa supplicationem pro impetrando *Processu, concl. 1.* (2) in citatione, *concl. 2.* (3) in *Advocatis*, ac (4) *Procuratoribus* ut & *Curatoribus* cum dandis, tum repellendis, ac puniendis, *concl. 3. & 4.* (5) in transactione inter *Partes* tentanda, *concl. 5.* (6) in formando *Processu concl. 6.* (7) libellis actionum, *concl. 7.* (8) satisfactionibus *concl. 8.* (9) Reconventionem contra *Actorem* a *Reo* instituenda *concl. 9.* (10) Contestatione litis & positionibus, juramento respondendorum dandorumque dandis, *concl. 10.* (11) Exceptionibus dilatoriis æque ac peremptoriis, *concl. 11.* (12) Probationibus, *concl. 12.* (13) in Conclusionem causæ & *Actorum* transmissione, *concl. 13.* (14) Sententia, *concl. 14.* ac denique (15) in hujus executione, *concl. 15.* Postremo *concl. 16.* officium *Judicis* Suppletorium circa varia in quavis *Judicii* parte emergentia considerat, adductisque iis, quæ in actibus voluntariæ Jurisdictionis hisque similibus isti quoque subjacent, ultimam manum eum coro-

nide

nide duplicis Conclusionum & materiarum indicis opusculo imponit.

*VINCENTII PLACCII J.U.L. ET PROFES-
soris Hamburgenſis, Juſtiniani Imperatoris In-
ſtitutiones reconcinnatae.*

Francofurti 1682. in 8.

DE methodo & ordine Juris Romani, quod quidem Juſtiniani juſſu compoſitum in quatuor volumina ſuccrevit, diverſa diverſorum circumferuntur judicia. Sunt, qui Cujacium ſecuti, omnia arte mirabili in eo cohaerere, nec tam ingenio Triboniani, quam Juliani & Hermogeniani aliorumque veterum Juris Sacerdotum, quorum veſtigia ille ſecutus ſit, digeſtum contendunt. Sunt e contrario alii, *2 meſo-ſias* librorum Juris, titulorumque inter ſe connexionem non ſatis accuratam aperte accuſantes, inter quos præ cæteris eſt non infimi ſubſellii Jctus, *Antonius Matthæi*, qui ſæpius concinnatori Elementorum Jurisprudentiæ Romanæ *αλξίας* nævos exprobrat, quos tamen abſtergere conatur CL. Argentoratenuſium Jctus *Job. Otto Tabor in Partitionibus Jurisprudentiæ Methodicæ elementaris*, ſatius eſſe dicens (*vid. cit. libelli dedicati prior & concluſo*) ad levigandas difficultates, teſtis & excuſatis, ſi qui vel maxime ſubeſſent, erroribus, reverentiam potius ac amorem erga Juſtiniani methodum, quam tædium ac veterum cupidæ legum juventuti inſtillari. In hac ergo poſteriorum claſſe ſuum quoque videtur profiteri nomen Auctor præſentis libri, qui ſe, non modo ob compaginem partium conſuſam, ſed etiam obſcuritatem rerum, defectumque bonarum definitionum, multarum deinde ac præcipuarum Juris materiarum quarum nec nomina quidem hæc Juſtiniani Elementa nota faciant, præteritionem, ac denique abrogata, quæ ibi contineantur, quamplurima, ad reconcinnandas has Conſtitutiones Impériales, novamque iis faciem adaptandam, compulſum aſſerit. Sex vero poſſimum recenſet, quæ in hoc enchiridio præſtiterit. (I) Pauca ſe ac perbreves ſenſuum declarationes paſſim textibus interſeruiſſe. (II) Sola illa, quæ ad Compendii Juris neceſſariam Inſtitutionem requirantur, a ſuperfluis, aut repetitis potius, ſecreviſſe. (III) Definitiones rerum plane omiſſas ſuppleviſſe, vel etiam in textu occurrentes in-
terpo-

terpolatione levissima accuratiores effecisse. (IV) retinuisse quidem partium seriem & connexionem, Imperatoris auctoritate comprobata, nec omnino pessimam, quandoque tamen titulum alteri aut ejus parti præmittendum, qui postpositus erat, notasse, vel ubi ejus paragraphus aut ejus membrum intempestivius anticipatum esset, monuisse. (V) ea, quæ certo aut legibus recentioribus aut usu indubitato Imperii abrogata constet, typorum varietate ab adhuc vigentibus distinxisse; ac (VI) denique varia supplementa ad perfectum Juris privati compendium adjecisse, omisis tamen iis, quæ ex Philosophia Practica cuivis ante, quam Jurisprudentiæ limina saluter, addiscenda sint, aliisque spinosis quæstionibus & distinctionibus subtilioribus non tam a Legibus, quam Interpretibus sæpenumero excogitatis; & quidem hæc omnia eo studio, ut non puter, hujus brevii aliud brevium denuo requiri, nisi apud eos, qui ætatis aut præcognoscendæ Philosophiæ maturitate destituti, præpostera festinatione ad altiora hæc studia impares adhuc nimis animos attollant.

*MISCELLANEA HISTORICA REGNI
Bohemie. Decadis I, Liber IV. Hagiographicus, seu
BOHEMIA SANCTA, continens Sanctos & Beatos Bohemia, Mo-
ravia, Silesia, Lusaria &c. Autore Bohuslao Balbino,
e S. J.*

Pragæ, 1682 in fol.

Quorum memoriæ hunc librum destinavit Autor, quatuor illi potissimum, imo coronidem operis si addas, quinque classibusprehenduntur distincti. In prima etenim collocavit, quos e Bohemis in Divorum suorum numerum Romana Sedes retulit: quin & alios, pro Sanctis & Beatis inter suos quidem cultos, sed nuda forte Sedis illius permissione. Alteri eos commemorat, qui tamen si nulla Sedis auctoritate in Sanctorum unquam censum venerint, pro Sanctis tamen Beatisque habeantur ab immemorabili tempore, ornatique istis titulis apud alios Scriptores inveniantur. Tertiæ eorum vitas complectitur, qui, licet nec Sancti sint a Pontifice declarati, nec uspiam Sanctorum vice culti, religionis Romanæ tamen causa fuerint interemti. Quo Edmun-

mundum etiam Campianum, natione quidem & loco mortis Anglum, vitæ tamen institutione & doctrina Bohemum, refert. A cujus institutione postea se, doctrinamque suam recta quasi linea descendere inde probat, quod Edmundus hic Rhetorices Professor Pragæ, Jacobum Pontanum, Pontanus, Matthæum Raderum in Bavaria: Raderus ibidem Jacobum Bidermannum: Bidermannus Johannem Lupium, & hic, Balbinum inter alios Pragæ Brunæque suæ habuerit alumnum disciplinæ. *Quartam* classem, ex secundi libri parte, faciunt, qui in Bohemia, Moravia, Silesia, & Lusatia cum publica sanctimonix vixerunt fama, vitæque innocentia in antiquitate claruerunt; aut a Scriptoribus idoneis virtutum & sanctimonix merito, in isto religionis genere commendantur. Quorum Catalogo & res gestæ Caroli IV, ac Ferdinandi II Imperatorum Augustorum, Bohemixque Regum inferuntur. *Postremam* classem, & totius Libri coronidem illis Societatis suæ Patribus tribuit atque Fratribus, qui integri fere abhinc seculi decursu, cum ultro Peste conflictantium obsequiis sese devovissent, eodem illo contagiosæ luis torrente sunt abrepti.

**CASTELLUS RENOVATUS, hoc est, LEXI-
CON MEDICUM, cum & studio Jacobi Pancratii Bruno-
nis, Ph. & Med. D. & P. P.**

Norimbergæ 1682 in 4.

Duturnum sane est exilium, quod Medicina vel ab incunabulis suis per plures incerto admodum gressu oberrans gentes, perpeffa est. In Ægypto enim post Cataclysmum renata, Græciam petiit, & Asclepiorum familiæ (ex qua & *Hippocrates*) imprimis adhæsit: deinde ab Arabibus, Mauris & Saracenis, per 500 fere annos, undique quasi captiva circumducta, tandem ab Europæ cultioribus populis, suaviori amplexu suscepta fuit. Sub his migrationibus, non potuit non, propter gentium linguarumque diversitatem, vocabulorum multiplicium & terminorum technicorum, origine nunc Græcorum, nunc Arabicorum, nunc plane barbarorum, varietas insignis succrescere; ut taceam ista, quæ Chymicorum turba, ad *Paracelsi* potissimum imitationem, adjevit pariter & inseruit. Ast horum denegata cognitio tyroni,

Ecc

Medi-

Medico maximas difficultates, ne dicam impedimenta, sub ipsis artis addiscendæ auspiciis necessario adfert: quibus ut occurratur mature, plures jam olim eruditi Dogmatici æque ac Spagyrici defudarunt Medici, Lexica, Dictionaria, Onomastica Medico-Chymica conscribendo. Inter Dogmaticos quidem, *Anutius Fafius*, & *Guil. Corneus*, Paris. *Bartolomeus Castellus Messanens.* cujus Lexicon Medicum Græco Latinum jant anno 1657 *Adrianus Ravensteinus* auctius edidit; *Stephan. Blanckardus Med. D.* edito anno 1679 Lexico Medico Græco-Latino, insigni vocabulorum peniu referto, eminent. Ex Spagyricis vero *Leon. Thurneiferus*, *Gerb. Dorneus*, *Job. Garlandius*, *Mart. Rulandus*, *Mich. Toxites*, *Guil. Johnsonus*, hoc in negotio præ aliis occupati fuerunt. Sed cum horum conatus, utut laudandi, imperfecti non nihilesent, nec una ex causa subinde defectuosi, necessarium hunc laborem in se suscepit Autor, ut omnia vocabula, quæcunque in arte Medica occurrunt, cujuscunque idiotismi fuerint, sive Dogmatica sive Hermetica in schola nata, in unum perfectum Lexicon Medicum, sub nomine *Castelli Renovati*, (quia ab hoc inchoatum) congereret, clare & perspicue eadem explicaret, Scriptorum probatorum allegationibus illustraret, & quod a pluribus tentatum, tyronum in gratiam ita magis perficeret. Quo in conatu Autorem, & antecessoribus suis palmam præripuisse, & de Re Medica optime meritum esse omnino fatendum est.

INDEX AUCTORUM ACRERUM.

I. Theologica & ad Ecclesiasticam Historiam spectantia.

A ndreas Acoluthus <i>de aquis amaris Num. V. v. 11.</i>	p. 104
<i>Valentini Alberti Interesse Religionem Christianarum</i>	47
<i>Natalis Alexandri Selecta Historia Ecclesiastica capita</i>	209
<i>Dissertationis Alexandrinae de vulgata Script. S. versione vindicia</i>	379
	Petri

INDEX AUCTORUM AC RERUM.

<i>Petri Allingæ Fax diffidii extincta</i>	160
<i>Via veritati idata repulsa</i>	313
<i>Anonymi Prædromus Corporis Theologia</i>	312
<i>Anonymi Media certa pro conversione hæreticorum</i>	310
<i>Balt. Bebellii Anti-Wagnereccius</i>	249
<i>Beda Presbyteri Historia Ecclesiastica gentis Anglorum</i>	329
<i>Jac. Boileau Disquisitio de sanguine Corporis Christi post resurrectionem</i>	331
<i>Thoma Burneti Telluris Theoria sacra</i>	70
<i>Abrab. Calovii Theologia Positiva</i>	378
<i>Christoph. Cellarii Excerpta V. & N. Testam. Syriaca</i>	206
<i>Job. Bapt. Cotelærii Ecclesiæ Græcæ Monumenta</i>	135
<i>Epiphaniæ Opera Græco-Latina</i>	93
<i>Oslandii Frassenii Disquisitiones Biblicæ</i>	354
<i>Fulgentii Fossei (rectius fortasse Henr. de Noris) Somnia quinquaginta</i>	86
<i>Fr. Macedo</i>	86
<i>Sam. Gardineri Responsioaledictoria ad secundam Sandii Epistolam</i>	280
<i>Wolfgangi Gundlingii Delineatio Ecclesiæ Orientalis Græcæ</i>	6
<i>Caroli Libertini Gennadius de Prædestinatione Gr. Lat.</i>	184
<i>Petri de Marca Opuscula a Steph. Baluzio edita</i>	327
<i>Job. Olearii Annotationes ad Scripturam S.</i>	47
<i>Job. Ad. Oslandi Theologia Casualis</i>	282
<i>Job. Christoph. Rumetsch de Conjecturis ultimi temporis</i>	168
<i>Eman. a Schellstraten sacrum Antiochenum Concilium</i>	4
<i>Job. Ad. Scherzeri Anti-Bellarminus</i>	19
<i>Richardii Simonis Historia Critica Vet. Testamenti</i>	94
<i>Frid. Spanhemii Stritura ad libellum Episcopi Condomiensis</i>	119
<i>Balth. Stolbergius de Solacismo & Barbarismo Nov. Test. falso tributus</i>	69
<i>Job. Casp. Suiceri Thesaurus Ecclesiasticus</i>	171
<i>Francisci Turretini Institutiones Theologia Elenctica</i>	207
<i>Job. Christoph. Wagenheilii Tela ignea Satanae</i>	61
<i>Herm. Witsii Exercit. sacra in Symbolum Apostol.</i>	199
<i>Christoph. Wittichii Exercitationes Theologicae</i>	247
<i>Job. Wulferi Theriaca Judaica ad Examen revocata</i>	205
<i>Matthias Zimmermann de Presbyteriis Veteris Ecclesiæ</i>	176

INDEX

II. Juridica.

<i>Job. Brunnemannus de Jure Ecclesiastico</i>	254
<i>Job. Deckeri Relationes, Vota, & Decisiones Judicii Cameralis</i>	300
<i>Christoph. Langii Isagoge ad Processum Juris Civilis & Saxonici</i>	253
<i>Fr. de Launay de jure venandi</i>	9
<i>Vinc. Placcii Institutiones Justiniani reconcinnata</i>	399
<i>Sam. Rachelii Institutiones jurisprudentia</i>	123
<i>Franc. de Roye Canonici juris institutiones</i>	156
<i>Sebast. Schelckens Elementa jurisprudentia</i>	50
<i>Job. Schilteri Institutiones Juris Canonici</i>	158
<i>Justi Sin. Schützens Colleg. publicum de Statu Rei Romana cum notis</i>	
<i>Car. Scharfchmidii</i>	299
<i>Conr. Sincerus de Juris Romani in Republ. Germ. origine</i>	166
<i>Georg. Adam. Struvius de Invocatione Nominis Divini</i>	
<i>Gabr. Suederi Jus Publicum Imperii Rom. Germ.</i>	255
<i>Job. Toubæi Institutiones juris consularis</i>	366
<i>O.P. Zaunschliffer de officio judicis suppletorio</i>	397
<i>Casß. Zieglerus de Juribus Majestatis</i>	49

III. Medica & Physica.

<i>Anonymi observationes de calculo in Equo quodam reperto</i>	344
<i>Observatio Medica in cadavere Epileptici</i>	287
<i>De nutritione infantum sine ministerio nutricis</i>	197
<i>Lud. Maria Barberii Spiritus nitro-aerei operationes in microcosmo</i>	304
<i>Dan. Bartolus de glacie & coagulatione</i>	347
<i>Gerb. Bläffii Anatome animalium</i>	10
<i>Nic. de Blegny Zodiacus Medico-Gallicus</i>	220
<i>Job. Bohnii Observationes Anatomicae de motu bilis</i>	20
<i>Obsero circa proportionem partis purpureae ac substantiae serofo-gelatinosae sanguinis</i>	126
<i>Tb. Boneti Mercurius compitalitius seu Index Medico-Practicus</i>	217
<i>Job. Alph. Borellus de motu animalium</i>	351
<i>Olaus Borrichius de somno & somniferis</i>	153
<i>Roberti Boyle Noctiluca aerea</i>	55
<i>glacialis</i>	354
<i>Novum genus lampadis</i>	192
	141.

AUCTORUM AC RERUM.

<i>Jac. Pancratii Brunonis Castellus renovatus</i>	401
<i>Dni de Catelan Observationes de oculis insectorum</i>	161
<i>Andrea Cleyeri Specimen Medicina Sinica</i>	301
<i>D. Crone hypophesis de structura Musculi</i>	194
<i>Arn. Bachimii Denstonii Pan-Sophia Enchiretica</i>	315
<i>Mich. Etmülleri Observatio Medica de Crinonibus seu Comedonibus infantium</i>	316
<i>De Sironibus</i>	317
<i>Petri Givrii Arcanum Acidularum</i>	393
<i>Job. Georg. Greifselius de cura lachry in arthritide</i>	81
<i>Nebemia Grevv Musaeum Regalis Societatis</i>	1. 33
<i>Anatome ventriculorum & intestinorum animalium</i>	57
<i>Herm. Nic. Grim compendium Medico-Chymicum</i>	38
<i>Ehrenfried Hagedorns Cynosbatologia</i>	81
<i>Job. Jac. Harderi & J. C. Peyer Exercitationes Anatomica & Medica</i>	218
<i>Job. Helfr. Juncken Chymia Experimentalis curiosa</i>	393
<i>Sigismundi Konig Historia monstri cujusdam morbi</i>	338
<i>Guilb. Lamy de principiis rerum</i>	154
<i>G. G. Leibnützii meditatio de separatione salis & aquae dulcis, novoque separationum Chymicarum genere</i>	386
<i>Ant. Levvenhoek Observ. Microsc. de particulis liquorum globosis, & animalibus in semine insectorum masculino</i>	321
<i>Moutaffer Elen Mubammedel Hasseni Pharmacopœa Persica</i>	181
<i>Christiani Menzelii Index nominum plantarum universalis</i>	124
<i>Abrab. Muntingii de herba Britannica</i>	15
<i>Dion. Papini novus Digestor pro emolliendis ossibus</i>	105. 306
<i>Job. Conr. Peyer Parerga Anatomica & Medica</i>	218
<i>& J. Harderi Exercitationes Anatomica & Medica</i>	218
<i>A. Q. Rivini Dissert. de Lipsiensipeste anni 1680</i>	206
<i>D. Schreyeri Descriptio monstri vitulino-humani</i>	251
<i>Wolf. Senguerdi Philosophia naturalis</i>	83
<i>Frid. Slare Experimenta Phosphori liquidi ac solidi</i>	282. 285
<i>Job. Christoph. Sturmii Epistola invitatoria ad observationes Magneticæ variationis instituendas</i>	258
<i>Thomas Sydenham de morbis Epidemicis & Lue venerea</i>	79
<i>de curatione variolorum confluentium</i>	384
<i>Ecc 3</i>	<i>Eduuar-</i>

INDEX

<i>Edvardi Tyson Anatomie Phocena</i>	9
<i>Burkerus de Volder de rerum naturalium principijs</i>	147
<i>Georg. Hieron. Welschii Curationes propriae & Consilia Medica</i>	151

IV. Mathematica.

<i>Anonymi Duplatio Trianguli Isagoni</i>	23
<i>Dissertatio de Cometis calamitatis nullius praeiudicij</i>	318
<i>Eclipsis Luna anno 1681. 25. Aug. st. n. observata Parisiis in Observatorio Regio</i>	262
<i>Eclipsis Luna anno 1682 d. 21. & 22. Febr. st. n. observata Lipsia</i>	109
<i>Novus Cometa Lipsia d. 16. Aug. st. v. anno 1682. videri captus</i>	295
<i>Coniunctio magna Jovis & Saturni Lipsia d. 14 Oct. st. v. anno 1682. observata</i>	365
<i>Jac. Bernoulli conamen novi systematis Cometarum</i>	178
<i>Dn. Cassini Observationes Cometae anni 1680 & 1681</i>	288
<i>Dn. de Catelan Nova constructio Equationum completarum</i>	86
<i>Petri Cavinæ in Cometam anni 1680 & 1681. Astronomici conatus</i>	163
<i>Job. Flamstedii Loca Cometae anni 1680 & 81 deducta</i>	167
<i>Observatio Eclipses Lunaris 1681. 29. Aug. st. n. 1682. 11. Febr.</i>	263
<i>Dominicus Gulielmus de Cometarum natura & ortu</i>	292
<i>Job. Hevelii Eclipsis Luna anno 1681. d. 29. Aug. st. n. observata</i>	28
<i>Eclipsis Luna anno 1682. d. 21. & 22. Febr. observata</i>	108
<i>Occultatio Palilicii anno 1681. d. 1. Jan. observata</i>	191
<i>Observatio phaenomeni cuiusdam aerei</i>	262
<i>De variatione acus Magneticae</i>	388
<i>De Cometa anno 1682 mense Aug. & Sept. viso</i>	389
<i>Gottfr. Kirchii Occultatio Palilicii 1681. 1. Jan. st. n. observata</i>	192
<i>Adami Adamandi Kochanskii solutio Problematum pag. Astorum 28 propositorum</i>	230
<i>Guilb. Launaji Cosmographia facilis</i>	56
<i>Godfr. Guilb. Leibnitii vera proportio circuli ad Quadratum</i>	41
<i>Unicum Optica, Catoptrica, & Dioptrica principium</i>	185
<i>Petri Megerlini Systema mundi Copernicanum</i>	257
<i>Dn. Gallet Theoria Cometarum</i>	396
<i>Dn.</i>	

AUCTORUM AC RERUM.

<i>Dn. Montrei Falsitas Systematis Cometarum Bernoulliani demonstrata</i>	238
<i>Jona Moore Novum Systema Mathematicum</i>	145
<i>Job. Christoph. Sturmii Cometarum natura, ortus & origo</i>	116
<i>D.T. Inventa nova exhibita Parisiâ Societati Regiâ Scientiarum</i>	364
<i>Nova methodus Tangentes curvarum expedite determinandi</i>	391

V. Historica & Geographica.


<i>Ambrosii Abbatis Camaldulensis Hodeporicon</i>	159
<i>Andreas Abbas Bambergensis, de vita S. Ottonis</i>	279
<i>Bobuslai Balbini Miscellanea Historica Regni Bohemæ</i>	240.265.400
<i>Mich. Ant. Baudrand Geographia</i>	223
<i>Jac. Benigni Bossuet Dissertationes super Historia universali</i>	214
<i>Petri Franc. Chiffetii concordia Bedæ & Fredegarii ad Dagoberti definiendam Monarchiæ periodum.</i>	329
<i>Greloti Itinerarium Constantinopolitanum</i>	17
<i>Jac. Gronovii Exercitationes in Fragmentum Stephani de Dodone</i>	224
<i>Huguetani Itinerarium Italiæ</i>	85
<i>Jobi Ludolphi Historia Æthiopica</i>	64
<i>Ludov. Maji peregrinator prudens</i>	7
<i>Ammianus Marcellinus, cum Notis Henr. Valesii</i>	13
<i>Ludovici Moreri Magnum Dictionarium Historicum</i>	68
<i>Thoma Munckeri Mythographi Latini</i>	52
<i>Ulr. Obrechtii Rerum Alsaticarum prodromus</i>	140
<i>Caroli Patini Lyceum Patavinum</i>	374
<i>Ben. Paulini Petrocorii de vita S. Martini carmina curante Chr. Daumio</i>	127
<i>Samuelis Pufendorffii Historia Rerumpublicarum Europæ</i>	336
<i>Job. Ludov. Schönleben Carniola vetus & nova</i>	380
<i>Stephani Fragmentum de Dodone cum notis I. Gronovii</i>	224
<i>Terlonii Equitis Commentarii de Negotiationibus suis ab anno 1656. ad 1661.</i>	382
<i>I. Foy Vailantii Seleucidarum Imperium ad fidem Numismatum</i>	121
<i>Marci Vellerei opera, curante Christoph. Arnoldi</i>	169
<i>Job. Georg. Wilckii Nepos Saxonicus.</i>	84

VI. Phi-

INDEX AUCTORUM AC RERUM.

VI. Philosophica & Philologica Miscellanea.

<i>Olai Borrichii Analēta de lingua latina</i>	256
<i>Andreae Dacerii Sextus Pompejus Festus & M. V. Flaccus de verborum significatione</i>	174
<i>Joach. Felleri nota in Eclogam Petri Lotichii Secundi</i>	35
<i>Petri Francii Poemata ad Ferdinandum Episc. Paderbor. & Mon.</i>	359
<i>Lud. Henr. Hilleri mysterium Artis Steganographica</i>	314
<i>Innocentii III. Epistola a Steph. Baluzio edita</i>	369
<i>Rud. Godfr. Knichen Opus Politicum</i>	252
<i>Enspari Knittel Via Regia ad omnes scientias</i>	331
<i>Job. Lomeier de veterum gentilium lustrationibus</i>	253
<i>Lysiae Orationes XXXIV</i>	376
<i>Agidii Menagii Poemata</i>	359
<i>Menestherius de Dramatibus Musicis veterum & hodiernis</i>	226
<i>Job. Pici Mirandulae Epistola edita a Christoph. Cellario</i>	184
<i>Job. Mabillonii de Re Diplomatica libri</i>	129
<i>CL. Molineti Isidis simulacrum Parisiis repertum</i>	308
<i>Dan. Georg. Morhof de Germanorum lingua & Poesi</i>	171
<i>Petri Petiti Observationes Miscellanea</i>	297
<i>Thoma Reinesii Syntagma Inscriptionum Roma veteris</i>	89
<i>Car. Renaldini Philosophia Rationalis</i>	272
<i>G. A. de la Roque de origine nominum & cognominum</i>	85
<i>R. Schabtai ben Joseph liber inscriptus Labia dormientium</i>	201
<i>Jac. Thomae Praefationes sub auspiciis Disputationum recitatae</i>	51
<i>Adalberti Tytkovsky Philosophia curiosa</i>	148
<i>Henr. Valesii nota in Harpocratonem</i>	250
<i>Ammianus Marcellinus</i>	13
<i>Christiani Weisii Meditationes Poeticae maturiores</i>	361
<i>Job. Rud. Wetstein de genuina Graeca Linguae pronuntiatione</i>	139
<i>Bern. Zechii Evolutio Insignium Ducis Saxoniae Friderici</i>	200





9400.
60.10.11.

